

314

La science n'est ennemi plus grand
que celui qui dicelle est ignorant.

Rien sans Dieu.

1850

METANEACARPIE,

OV

DES FRVICTS DE LA

PENITENCE:

QVI SONT,

L'ORAISON, L'AVMOSNE,

ET LE IEVSNE.

HOMELIES,

PRESCHEES A PARIS, EN

L'EGLISE DE S. IACQUES

de la boucherie, à l'Aduent.

PAR MESSIRE JEAN PIERRE CAMPS,

Euesque & Seigneur du Bellay.



*Ex libr. P. P. Or.
tax. Camaldul.
Montis Regii
p. p. Varsavian.*

A ROVEN,

Chez **LOVYS DV MESNIL**, deuant le
Portail **S. Iean**, à la **✠** d'Or.

M. DC. XXVIII.

Avec Approbation des Docteurs.

MÉTALLURGIE

OU

DES MÉTALLS

DE FRANCE

PAR

M. LAMARQUE

ET

HOMMEL

PRÉSIDENTS

DE LA SOCIÉTÉ

DE LA MÉTALLURGIE

DE FRANCE

ET



Bien J. T. 4

B7



A MONSEIGNEVR LE
REVERENDISSIME ET
Illustrissime Messire Sebastian
Zamet, Euesque & Duc de Lan-
gres, Pair de France, & grand
Aumosnier de la Royne.

MONSEIGNEVR,
*Voicy des rayons de miel,
d'un essain d'abeilles mysti-
ques qui sont les pieux des-
seings, que i'ay recueilly en vostre presen-
ce sur la tombe venerable du doux saint
Bernard enfant & nourrisson de vostre
Diocese, l'honneur de la France, & le ri-
che thresor de vostre territoire. En ce saint
voyage ou pelerinage deuot que nous fis-
mes cet Esté à Clairnaux, celebrant sur*

EPISTRE.

*L'Autel ou repose ce saint Corps & me
 souvenant de la douceur de ce diuin hom-
 me, ayant en sa langue & en sa plume le
 miel du fils & le lait de la mere, au
 demeurant si excellent Panegyriste de la
 tres-sainte Vierge, son exemple renou-
 uella la ferueur de mon esprit, enuers ce-
 ste Mere de la belle dilection, & en ceste
 émotion sacrée, ie me resolut tout foible
 que ie suis ne le pouuant accomplir en
 ses Vertus, au moins de le suivre aux
 loiianges de ceste vierge Mere non iamais
 assez estimée, animé d'ailleurs de ceste
 diuine voix qui promet la vie eternelle
 à ceux qui l'exalteront. Les oysillons sont
 ils pas excusables, si pour imiter le ra-
 mage de leurs peres ils piaillent au com-
 mencement? Dieu ne laisse pas d'exau-
 cer le cry des petits corbeaux qui l'inuoc-
 quent. Voyla donc les fleurs de ces desirs
 que ce liuret vous presente, Monsei-
 gneur. Paranymphes à la verité indignes*

EPISTRE.

de leur object, mais qui marquent en la pauureté de l'esprit de leur auteur la richesse de son affection. Vostre zele & vostre pieté enuers ceste mere de Dieu, n'a pas peu ayder à esveiller ma froideur, i'en fay icy la recognoissance. Si ces pensées conçeuës en vostre presence, recourent à l'ombre de vostre protection elles recherchent leur centre. Protegez-les en terre, Monseigneur, & la sainte Vierge nostre chere Patronne & Maistresse vous protegera du haut des Cieux. Car ce sont icy les loüanges de cette Royne des Cieux, que louent les Roynes de la terre, & de laquelle bien que grand Aumosnier d'une puissante Royne, & Duc & Pair de France, & qui plus est Euesque exemplaire en l'Eglise de Dieu, vous n'estes qu'humble seruiteur. Vous voulez bien que ceste affection sacrée dont i'honore ces belles vertus qui vous rendent recommandable vous parle ainsi; la

EPISTRE.

confiance fille aînée de la dilection porta
l'excuse de sa liberté en sa naïveté &
franchise. Je supplie vostre cœur de conti-
nuer au mien ceste chere bien-veillance
qu'en Dieu & en sa sainte Mere il vous
a plu de luy tesmoigner, & de recevoir
ces lignes pour marques de la fidele amitié
qui me rend

MONSEIGNEVR,

Vostre tres-humble & tres-affec-
tionné seruiteur & indigne
Confrere.

JEAN PIERRE E. DE BELLEY.



Approbation des Docteurs.

Nous sous-signez Docteurs en la faculté de Theologie de Paris, certifions auoir veu & leu un liure intitulé, Metaneacarpie, ou des fruiçts de la Penitence, qui sont, l'Oraison, l'Aumosne, & le Ieusne. Homelies preschées à Paris en l'Eglise de S. Iacques de la Boucherie, l'Aduent de l'an 1618. Par Messire JEAN PIERRE CAMVS, Euesque & Seigneur de Belley: où nous n'auons trouué aucune chose qui soit contraire à la foy & Religion Catholique, Apostolique & Romaine, ny aux bonnes mœurs. Fait ce dix-neufiesme d'Octobre 1619.

Fr. M. DOLES Doct. & Lect. en Theologie.

E. P. le FRANC Profess. en Theol. }



MET ANEACARPIE,
O V
DES FRVICTS DE LA
PENITENCE:

Qui font,

L'ORAISON, L'AVMOSNE
ET LE IEFSNE.

HOMELIES.

Par Messire JEAN PIERRE CAMVS,
Euesque & Seigneur de Belley.

De l'Arbre de la Penitence.

HOMELIE. I.

Facite fructus dignos Penitentia. Luc. 3.

NOUS fîmes, avec l'assistance du Ciel, pendant l'Aduent de l'an passé, retenir les vouûtes d'une des Eglises de cette grande ville, à l'air de ce premier accent de la voix du desert, le glorieux Precurseur du

A

Hemolies

Matt. 3. 2

Messie, ent'õnant sur le courant des eaux du Iourdain, *Pœnitentiam agite*. Et nos discours de Metanee furent receus avec tant de concours, & entendus avec vn tel succez, que cela m'a donné le courage de continuer ce dessein, faisant, en ce mesme temps, dedié à l'attente de la naissance du Sauueur, resonner dans le sein de ceste chere & tres-honoree Paroisse de saint Iacques, le second accent de cet Archipropheete le grand saint Iean Baptiste, trompétant a tout le monde dans le plus creux du desert, *Facite fructus dignes Pœnitentia*. Vous sçauiez, Auditeurs, que l'Echo bo-cageré autant intelligible qu'elle est inuisible, a quantité de redoublemens: ce qui fit donner le nom d'*Heptaphonon* à ce portique d'Athenes qui rebattoit par sept fois vne mesme parole. C'est pourquoy vous ne trouuerez point estrange, ensuiuant les traces de Saint, le plus grand, selon le iugement de nostre Seigneur & Maistre, d'*entre les enfans des femmes*; de cet Echo du Verbe, de cette voix criant en la solitude, si ie poursuis ma Metanee par vne Metaneacarpie, vous apportant les fruiçts de cette

Inter na-
tos mu-
lierum
non sur-
rexit ma-
ior.

des fruicts de la Penitence.

Penitence, que nous auons preschee ailleurs. Si vous auez entendu ce saint Predicateur du Baptesme de Penitence, desgoisant comme vn Cygne la mort du peché sur les riuages d'vn fleuve, i'ay quelque creâce que vous ne presterez pas moins d'attention en escoutant ce mesme Sainct, nous rendant les oracles du Ciel comme vne autre Debora soubs vne palme fructifiante. Sus donc, Messieurs, disons tous avec l'Espouse, *Ascendam in palmam & apprehendam fructus eius.* La palme est le symbole de victoire, & ne sçauiez vous pas que la Penitence est la gråde domptressse & trióphatrice du peché? Le vin de ses dattes est vn excellent cõtrepoisõ au venin de la cicuë, c'est la Penitëce seule qui nous peut preseruer desmortelles atteintes de

cet ancien serpent homicide dès le commencement.

Mais tout ainsi que les palmiers, comme remarquent les Naturalistes, ne produisent ny fleurs ny fruicts, qu'à l'aspect l'vn de l'autre, en laçans leurs branches quand leur proximité le permet, ou receuans leurs mutuelles transpirations à l'ayde des zephirs: Ainsi sõmes nous incapables de penser rien de nous comme de nous

Ego vox
clamentis
in deserto.

Homicida
da ab insi-
tio.

mesmes, toute nostre suffisance, & tout don par-
 fait venant d'en haut du Pere des lumieres. Si que
 nous ne scaurions ny faire ny reciter les
 fruiçts dignes de Penitence, si nous ne
 sommes regardez d'vn fauorable aspect
 de la grace, & assistez des douces hale-
 nees du saint Esprit. He! venez donc
 Esprit saint, & vous estendez & espandez sur
 les eaux de ce grand Auditoire, animez
 mon ame, & eschauffez les cœurs de
 tous ceux qui par mon organe enten-
 dront ce que vous leur diriez, vous qui
 estes l'amour eternel & infiny, qui v-
 nissez le Pere avec le Fils d'vne vnion
 qui avec vous fait la mesme Vnité.
 Vous qui par vostre aspect auez fait
 conceuoir à cette *Palme de Cades*, la glorieu-
 se Vierge Mere, le Fils de Dieu, l'in-
 carnant dans ses entrailles tres-pures,
 & y faisant cét admirable mariage, & ce
 saint accouplage de la chair au Verbe,
 & de la nature diuine avec l'humaine:
 hé! ie vous supplie de faire que ce Ver-
 be incarné soit en ma langue vne paro-
 le spiritualisée. O Vierge sainte, ren-
 due par cét ineffable mystere fille du
 Pere, Mere du Fils, & Espouse du saint
 Esprit, impetrez nous par vostre tou-

Des fruits de la Penitence. 5

te puissante faueur, la splendeur du Pe-
re, la Parole du Fils, & la chaleur du
sainct Esprit. *Aue Maria.*

SAns doute, tres-chere paroisse de S.
Iacques, l'vne des plus delicieuses &
agreables stations que firent les Israëli-
tes dans les deserts en rendant à la terre
promise, ce fut celle de Helim, où en-
tre des collines gracieuses, ils trouue-
rent l'ombrage des beaux palmiers ar-
rosez de la fraischeur de plusieurs fon-
taines cristalines. C'est, comme ie croy,
le dessein principal de tous les Predica-
teurs, de cōduire, comme d'autres Moy-
ses, le peuple de Dieu, de l'Egypte du
peché à la terre promise de la grace à tra-
uers les deserts de la Penitence: mais
entre les diuerses mansions qui se trou-
uent en cette penitēce solitude, ie croy
que la plus delectable & profitable est
celle qui par les fruits des bonnes ope-
rations nous met à l'ombre des traits
de la diuine Iustice, & dans la iouys-
sance des eaux aussi douces que claires de sa
misericorde. Mais parcé que les plantes
ne produisent rien si elles ne sont arro-
sees de la pluye, si que les arbres de l'Edē

Num. 33.

Homelies

ne germerent point qu'ils n'eussent esté
humectez du Ciel & des douces li-
queurs de cette belle source, qui boiil-
lonnant au milieu de ce Paradis de
delices alloit serpentant par tous les
parterres de ce iardin de volupté, se
faut il estonner si cette Station d'Helim
estoit fructifiante, puisque les palmiers
estoyent plantez auprès des fontaines,
& les sources estoient découlatés auprès
des palmiers. La Penitence, tres-cheres
ames, est vn desert, en apparence, soli-
taire, & affreux, puisqu'elle nous fait
quitter l'Egypte des cōpagnies & cōuer-
satiōs mondaines, desert plein d'espines
d'austeritez, plein de rochers de difficul-
tez, & sterile en delices sensuelles: mais,
bien heureux desert, qui nous tire de l'es-
clavage des passions du siecle, plus tyra-
niques que les maistres des œuures de
Pharao: desert qui cache des roses sous
ses espines, desert où pleurt la Manne des
consolations du Ciel, desert où la pierre

O deser-
tū Chri-
sti flori-
bus ver-
nans.

coule le miel, & où le cai lou découle l'huile, desert,
comme dit ce grand honneur des de-
serts le glorieux saint Hierosme, tapissé
des fleurs de Iesus-Christ, vray fleur des champs, &
vray lys des valees.

des fruits de la Penitence. 7

O Dieu! que ces esprits laschez & de-
generez, que ces ames couïardes se reti-
rent bien loing d'icy, qui comme ces es-
pions espouventez racontoient au peu-
ple d'Israël des faux rapports pour le
destourner de l'entree de la terre promi-
se disans, *qu'ils auoient veu des hommes de la race
des Geants, auprès desquels ils ne paroïssent pas
plus grands que des sauterelles.* Car c'estoit
la peur qui leur auoit ainsi formé des
Fourmis en Elephans, & les collines en
montagnes. Que ie veux de mal à ces
gens, qui pesans la Penitence au poids
prophane, & avec vne balance fausse, & la re-
gardans avec de trompeuse lunettes,
nous la depeignent comme triste, aspre,
fascheuse, difficile: puisqu'au contraire
n'estant point vraye si elle n'est animee
de l'Amour, ce diuin amour change son
amertume naturelle en douceur surna-
turelle, son fiel en miel, sa difficulté en
aisance, son aspreté en suauité, son tra-
uail en facilité, son labeur en vn exerci-
ce aimable & desirable. Acquiesçons
plustost comme fit sagement Israël,
auraport de ces deux vaillans hommes,
Iosué & Caleb, qui représenterent
l'entreprise facile, principalement avec

Flos cã-
pi lilium
conual-
lilium.

Num. 13.

l'assistâce de Dieu: & qui pour conuaincre de faux la relation des pusillanimes, firent monstre au peuple de raisins & de figues enormes en grosseur, & incôparables en suauité: ce qui donna courage à vn chacun de passer le Iourdain, & de poursuiure vn si beau dessein, vne si genereuse conqueste. Que si Israël iugea des arbres & de la terre par la beauté & la bôté des fruiçts, pour quoy ne iugerez vous pas, Messieurs, de l'excellence des fruiçts de Penitence que ie desire vous prescher cette annee, par la grandeur de cét arbre souz l'ombre duquel vous preniez, à mon aduis, tant de côtéemêt de repaistre l'an passé, tandis que ie le plâtois en vos cœurs par mes discours? arbre espineux, mais neantmoins le Roy des autres, selon l'apologue du liure des Iuges, & qui appelle la douceur du figuier la fertilité de la vigne, & la beauté du Cedre, pour reposer soubs son ombrage. Mais que fera-ce si ie vous fay cueillir *de spinis uuas & de tribulis ficus*? C'est cependant mon dessein, car comme ie plantay l'an passé l'arbre de la Penitence, ie desire maintenant vous en produire les fruiçts: si les autres, ont eu

Des fruits de la Penitence. 9

la semence, vous aurez l'entiere moisson; les pepins, & les noyaux de mes conceptions à la faueur de vostre reception, firent des plantes, & comme les plantes ne pouffent leurs fleurs, & en suite leurs fruits que l'an reuolu, aussi est-ce apres ce circuit que nostre Metanee vous ptesentera nostre Metaneacarpie. *Venez donc, cheres ames, au iardin de la sainte parole avec frequence, pour y manger les fruits de ce pommier: car certes ie vous ay reserué pour ce temps des pommes anciennes & nouvelles, resolu de vous produire du tresor de mon cœur, les antiquitez que i'auray peu remarquer, & les nouveautez que ie pourray inuenter. Si d'autres ont eu le fonds, ie vous ay gardé le rapport: si le principal, vous en aurez l'accessoire. Les rogneurs de l'or sont or, & si elles sont plus pesantes que la piece elles valent mieux: la parole de Dieu est meilleure que l'or & le topase, c'est vn argent examiné par le feu, espuré ou creuset, mais espuré au septuple. Les reliques en sont bien si precieuses, que saint Augustin ose bien en faire quelque conference avec les restes de l'Eucharistie. N'estimez d'oc pas, chers. Paroissiens de saint Jacques, estre trait-*

Pomâ
noua, &
vetera.
De the-
sauro suo
noua &
vetera.

e-
di.

tez moins legitimement, si ie vous fers vne suite : car si on n'ayme l'arbre que pour les fruiçts: c'est vn signe manifeste que les fruits valent bien l'arbre.

Or ayant donc à vous entretenir & nourrir spirituellement *des fruiçts de la Penitence*, vous iugez assez combien il est à propos que ie vous face voir en ce discours preambulaire, 1. que la Penitence est vn bel arbre. 2. quels sont les fruiçts qu'elle produit en nous & pat nous.

I.

Gen. 2.

Tout ainsi que dans le delicieux iardin d'Eden il y auoit deux arbres bien differens, l'vn de vie, l'autre de mort, l'vn recommandé, l'autre deffendu, aussi dans l'Eglise, vray Paradis celestement terrestre, rencontrons-nous deux plâtes bien diuerses, celle du peché, & celle de la Penitence: celle-là produit *vn sel de dragon, de grappes ameres* de mort, ou *vin d'aspic*: mais cette autre a des fruiçts qui redonnent la vie de la grace. Et tout de mesme qu'il y a vne grotte en Italie où les animaux iettez meurtēt, si soudain ils ne sōt plongez dans vne source voisine qui les resucille de leur assoupissement lethar-

des fruits de la Penitence. II

gique; ainsi toute ame qui commet le peché meurt à la grace, la mort estant la solde de l'offence commise contre la diuine Maiesté, si elle ne se iette dans la fontaine de la Penitence, qui est celle des larmes, où soudain elle est guérie de la lethargie de son iniquité. Hé ! serions-nous bien si lâches que de mourir de la mort du peché, ayans en main l'arbre de vie ? Dieu apres l'offence d'Adam le chassa du Paradis terrestre, & mit a la porte vn Cherubin avec vn glaiue flamboyant, à fin qu'il ne touchast au fruit de vie. O que la faute de ce protoplaste a esté puissamment reparee par le second Adam, puis que les Anges du Testament nouveau, qui sont les Prestres, son ceux-là mesmes qui avec le glaiue flamboyant de l'absolution tranchent les liens de nos pechez : & au lieu de nous fermer du Ciel, nous conuient à manger du fruit de vie, nous offrans le Sacrement de reconciliation. O Penitence, vray arbre de vie planté au milieu de la sainte Eglise, que bien-heureux est celui qui comme l'Espouse *s'asseoit sous ton ombre & gouste la douceur de tes fruits. Iadis nostre premiere mere fut seduite sous vn arbre,

Anima
quæ pec-
cauerit
morietur.
Stipédia
peccati
mors.

*Sub vmbra illius
quandefideraueram sedi.
Sub vmbra alarū
tuarum
sperabo
donec
transeat
iniquitas.

C'est sous tes branches que le grand Sau-
 ueur, nous ressuscite à la vie de la grace. Heu-
 reux qui espere à l'ombre de tes feuillages iusques
 à ce que passe l'iniquité. Tu es cette branche
 d'oliue qui nous presage le deluge de
 la Iustice passé, & le retour de la diui-
 ne Misericorde. Tu es ce cheſne d'Ab-
 ſalon, auquel nous suffoquons nos ini-
 quitez, ce Geneure d'Elie, sous le-
 quel nous receuons le pain & l'eau des
 consolations du Ciel: ce lierre verdo-
 yant de Ionas, qui nous pares des traicts
 ardans de la cholere de Dieu. Bien dif-
 ſemblable à cet arbre feint de Sibille,
 dont les rameaux estoient d'or, mais
 conduisoient aux enfers: Car tes bran-
 ches espineuses en apparence condui-
 ſent à la gloire, selon qu'il est escrit, *Mo-*
mentaneum hoc tribulationis nostre eternum gloriae
pondus operatur in nobis.

La Penitence, Messieurs, est pareille à
 ce bel arbredel'Apocalypse, qui portoit
 ses fructs douze fois l'an: encores est-il
 pl^o fertile: car celuy-cy ne fructifioit que
 tous les mois, mais cet autre tous les
 iours toutes les heures, tous les momēts:
 Car ie vous prie quel instāt laissent pas-
 ser les ames vrayement penitentes, sans

des fruits de la Penitence. 13

tendre des tesmoignages de leur amoureuse actiueté, de leur feruente charité?

— — — *Amor odit inertes,
Qui non vult fieri desidiosus amet.*

Elle est semblable à ce grand arbre que ^{Dan. 4.} vid Nabuchodonor en songe, qui estendoit ses branches par tout l'vniuers, sous lesquelles s'abrioient les animaux de la terre, sur lesquelles se perchoient les oyseaux du Ciel: Car ie vous prie quel est celuy d'entre les mortels qui ne soit pecheur & n'aye besoin de la grace de Dieu? Si nous disons que nous n'auons point de peché, disent les Lettres sainctes, nous nous trompons nous mesmes. *Quetous viennent donc à l'ombre de ce bel arbre, lequel extendit palmites suos vsque ad mare, & vsque ad flumen propagines suas.*

N'est-ce pas par le moyen de la Penitence que Dieu transfere sa vigne, qui est l'ame du croyant, de l'Egypte du peché dans le desert, pour la planter en la terre promise, en chassant les Gents, c'est à dire en luy ostant ses affections desordonnees, ses passions desreiglees?

Que chacun donc d'entre nous s'efforce de s'inferer par la repentance en le

*Vignam
de Egy-
pto tran-
silisti.*

Rom. 11. *bonne oliue, pour se rendre vn oliuier franc & fructifiant en la maison d Dieu : car il est escrit que tout arbre qui ne portera point de fruit sera arraché & ietté au feu.* Et à fin qu'il ne semble pas que cela soit dict simplement des arbres materiels, souuenez-vous que non seulement par Platon les hommes sont appelez des arbres renuersez, mais mesmes en l'Ecriture il est dict, *Video homines quasi arbores ambulantes : & les faineants sont nommez arbores infructuosae, eradicatae, bis mortuae.*

Gen. 1.

Quand Dieu eut créé le monde, il commanda aux arbres qu'ils portassent du fruit selon leur genre : aduertissement à chacun de faire des fruits dignes de Penitence, selon la condition & selon ses pechez : car si les pecheurs ne font que trop de fruits de mort, pourquoy les Penitens & les Iustes qui ont la racine de la grace ne produiront ils pas des fruits de vie, selon qu'il est escrit, *que le mauuais arbre ne peut faire de bon fruit, nyle bon de mauuais.* Et pourquoy pensez-vous que le Sauueur maudit le figuier où il ne trouue point de figues, bien que ce n'en fust pas la saison: si non pour nous conduire à cet-

Mat. 21.

Des fruits de la Penitence. 15

te mystique intelligence, que nous de-
uons fructifier en tout temps, sous pei-
ne d'anatheme, *Quodcumque potest manus tua
instanter operare.* Pour cela Dauid chantoit,
*Nom dabo requiem temporibus meis donec inueniam
locum Domino.*

Ce figuier me fait souuenir de ce que
quelques speculateurs curieux ont re-
marqué, que si vous attachez vn taureau
furieux à cet arbre soudain il perd sa
ferocité. Qu'estoit ie vous prie Adam
apres auoir violé ce grand precepte qui
le menaçoit de mort, sinon vn taureau
sauuage reuolté contre son Seigneur?
cependant voyez le apres ce delict au-
prés d'vn figuier avec son espouse, cou-
urant sa honte avec les fueilles de
cette plante, & respondant en tremblant
à la voix de Dieu, voix qui l'enuoye à
la Penitence, luy ayant fait recognoi-
stre sa faute, & le renuoyant à en pro-
duire les fruits, puis qu'il *deuoit desor-
mais manger son pain en la sueur de sa face.* Et
quelle sueur de visage est plus vtile &
excellente que cette eau des larmes a-
lambiquee par le cerueau, distillant
des yeux, & prouenant du cœur, *en repen-
sant à sa fautes passees en l'amertume de son ame.*

Humieur exquise, pareille à celle qui distille tout emmiellée de cette plante du Brasil, qui fournit de boire & de manger aux habitans de cette contree, David estoit semblable en sa penitence à cet arbre, puis qu'il disoit, *Exitus aquarum deduxerunt oculi mei, quia non custodierunt legem tuam.* Voila pour la liqueur, voicy pour la viande, *Fuerunt mihi lachryma mea panes die ac nocte.*

Il me semble que l'arbre de la Penitence peut encores estre comparé à ce luy de Calchos dont parle Pline, les fueilles duquel tombees en certain lac au riuage duquel il prend croissance, se changent en des oyseaux qui viuent dedans les eaux de ce lac, & se reposent sur les branches de cét arbre d'où ils tirent leur origine. Car les larmes des Penitens tombees dans le sein de la diuine misericorde, se changent en de douces & saintes esperances de pardon, esperances qui donnent des aïles de Colombe, & d'Aigle à ces cœurs contrits & humiliez, pour les porter dans le repos eternal, selon qu'il est escrit, *Qui sperant in Domino mutabunt fortitudinem, volabunt, & non deficient.*

II.

Mais ne iugez-vous pas bien, Audi-
teurs, que cette verité premiere, que la
Penitence est vn arbre, & arbre de vie,
estant bien establie, il est temps que
nous examinions ses fruits, tant ceux
qu'il produit en nous, que ceux qu'il
faict esclorre par nous ? Il y a quantité
d'arbres qui ont assez de beauté, & peu de
bonté, beaucoup de fueilles de verdure
& d'apparence, & nulle vtilité, si vous
n'appellez profit vn ombrage frais &
vain. Il y en a d'autres qui ont peu de
monstre & plus d'effect, dont la che-
uelure n'est pas si touffue & verdoyan-
te, mais dont les branches chargees
de fruits delicieux recompensent le de-
chet de la beauté par vn grand aduanta-
ge de fertilité. L'arbre de Metanee est du
rang de ces dernieres plantes : car souz
vne apparence peu specieuse, elle cache
ces fruits exquis, & desirables, dont
l'Espouse faict tant d'estat aux Canti-
ques, & dont son Espoux est si friand:
O que ces fruits sont doux à mon palais, dit-elle,
& l'Amant les compare *au vin au lait, au*
rayon de miel, & à la suauité des parfums
matiques.

Autrefois les Payens consacroient certains arbres à leurs fausses diuinitez, mais toutes plantes infructueuses, ainsi que leurs Idoles estoient vaines & steriles, comme le Laurier à Apollo, le Myrthe à Cytheree, le Chesne à Iupin, le Cyprez à Pluton : ce qui tesmoigne assez combien les demons adorez souz ces diuers tiltres estoient ennemis de toute sorte de bien. Mais nous qui adorons le vray Dieu, qui apres auoir creé tout l'Vniuers, *V' idit cuncta qua fecerat, & erant valde bona,* & qui ordonna que les plantes germassent selon leur genre, & les animaux produissent selon leurs especes : encores que riche abondamment de ses propres thresors il n'aye que faire de nos biens, si est-ce que se plaisent à couronner en nous ses presens, il ayme à nous voir produire des fruct dignes de Penitence, en cooperant à ses inspirations & à ses graces. De là viennent ces sermons à bien faire, qui sont semees par toutes les Escritures, *Battons aux champs,* dit l'Espouse sacree, *demeurons aux villages,* allons voir si les arbres ont flory, & si ces fleurs donnent des fructs. O! dit-elle, la voix de la tourterelle commence à resonner par les Echos de nos vallees, le temps de tailler & d'emonder est ve-

Egrediamur in agrum, commoremur in villis.

en, les plantes poussent leurs boutons. La Sapien-
 ce s'appelle un plane relevé près des eaux, & David compare l'homme de bien
 à un bel arbre planté sur le courant des eaux, mais
 arbre fertile, & qui donne abondamment du fruit en
 sa saison. La sagesse éternelle se compare
 à la vigne, vigne qui cede autant aux
 autres plantes en beauté comme, les au-
 tres qui quittent la préeminence de la
 beauté, *Ego quasi vitis fructificavi suavitatem
 odoris, & flores mei fructus honoris & honestatis.*
 Et ne fut-ce pas cette mesme Sapien-
 ce diuine, qui voulut que la grande Pre-
 strise tombât entre les mains d'Aaron
 par le signe d'une verge chargée de
 fleurs & de fruits, pour nous enseigner
 que ceux qui veulent entrer au rang
 de la gent esleuë & du sacerdoce Royal, doiuent
 estre aduantagez de l'operation des
 bonnes actions, qui sont les fruits de la
 Penitence.

Pline raconte d'auoir ven à Tiuoli un
 arbre enté de toutes sortes de fruits, cho-
 se agreable de voir sur un mesme tronc
 cette mesme variété qui decore tout un
 verger: celuy qui par la cōpunctiō soli-
 de de ses fautes passées plâte ce bel arbre
 de la Penitence en sō cœur, est cōtinuel-

lement pressé d'un saint desir, non seulement de s'amender, mais de satisfaire à la diuine iustice par des œuures animees de la grace, & par consequent meritoires & satisfactoirs: & c'est de cette racine que sortent tant de diuerses actions de Penitence, qui rendent Metanec semblable a cette Roy ne de la dextre de Dieu, ornee & atournee de tant de riches & agreables varietez.

Ils ont en la Mexique vn arbre prodigieux, qui fournit aux habitans de la contrée où il croist quasi tout ce qui est necessaire à l'usage de la vie humaine tant pour le manger & le boire, que pour le vestir & le bastir, ce qui faisoit chanter à ce Poëte,

*Le Melt arbre fecond sert dedans le Mexique
Desguille, de filet, d'armes, de bois, de brique,
D'antidote, de miel, de liffé parchemin,
De sucre de parfum, de conserue, de vin,
Son Bois nourrit le feu, & ses plus durs fueillages
Par vne artiste main reçoient mille ouurages.*

Croyez-moy, mes chers Auditeurs, si vous plantez dans le terrain de vostre interieur ce bel arbre de la Penitence, vous y trouuerez tout ce qui vous sera besoing en la vie spirituelle, vous y trouuerez l'esguille poignante de la salutai

re crainte de Dieu, & le filet de soye de son saint amour, les armes offensives & defensives contre les puissances tenebreuses du siecle, & les malices spirituelles de nos ennemis inuisibles: vous y trouuerez du bois propre à nourrir le feu de la charité, des materiaux pour esleuer l'edifice de vostre perfection, le vray contrepoison des pechez, le miel des consolations raisonnables & interieures, le succe de la deuotion, le parfum de l'oraison, le parchemin de la vraye mortification, en fin le fonds & le cabal de toutes les vertus Chrestiennes.

Or les fruits que ce bel arbre produit en nous, c'est à dire, les vtilitez qui nous prouiennent de la Penitence sont innombrables, car c'est elle qui nous deliure de la main de Satan, de la gueule de l'enfer, & de l'ombre de la mort, qui est le peché. C'est elle qui nous ressuscite spirituellemēt à la vie de la grace: c'est elle qui nous rend enfans de Dieu, heritiers du Paradis, participans de la gloire: c'est elle qui efface le chirographe malheureux, & le pact infortuné que nous auōs par nos offenses contracté avec la mort & l'enfer: c'est elle qui nous redōne l'estolle

Potestas
tes tene-
brarum
harum &
spiritua-
lia ne-
quitia.

Delens
chiro-
graphum
decreti.

Pepigi-
mus fœ-
dus cum
morte, &
cum in-
ferno fe-
cimus
pactum.

Gaudiū
est in cœ-
lis super
vno pec-
catore
pœnitē-
tiam a-
gente.

premiere de l'innocence , de laquelle nous estions décheus par nostre malice, & qui nous restablit en la maison de l'Eternel Pere , apres auoir par nos desbauches dissipé prodigalement la substance de ses faueurs, non ja en qualité de mercenaires, mais en tiltre d'enfans, & d'enfans bien-aymez, pour lesquels il tuë le veau gras , & faict demener grande ioye au Ciel à ses Anges sur nostre conuersion.

Mais emmy tant d'vtilitez qui nous reuiennent de sainct exercice, ie me suis arresté comme l'abeille au thim, à cette byssope amere du Roy Prophete , qui nous nettoye, & nous rend blancs comme la neige, c'est à dire, à ce changement vniuersel, qui se faict en nous par la Penitence. *Changement admirable, l'œuvre de la dextre du Tres-haut, qui metamorphose les Corbeaux en Colombes, les Loups en Aigieux, & la noirceur du charbon en la candeur de la neige.* Aussi est-ce ce potier excellent qui sçait reformer les vaisseaux d'ignominie, & en faire des vases d'honneur, ce statuaire industrieux, qui d'un tronc grossier, ou d'un vil meral, sçait façonner des statuës exquises. L'on dit qu'Agatocles de fils de potier estant

deuenu Roy, se faisoit seruir en plats d'argent & d'or, ayant neantmoins vn buffet chargé de vaisseaux de terre dressé deuant sa table, tant pour se souuenir tousiours de la bassesse de son extraction, que pour enseigner à ces Courtisans que par la valeur & la vertu la terre se changeoit en or. Certes on ne peut nier sans contraster la verité, que la Penitence ne nous rende d'enfans de la terre, qui *terrena sapiunt*, remplis de l'or de la charité, de laquelle disoit cet Ange à ce miserable Euesque del'Apocalypse, *Suadeo tibi emere aurum purum vt locuples fias*. Si que par elle nous deuons des

vases d'or solide, ornez de toutes pierres precieuses, sans que pource que nous face perdre cette salutaire vertu d'humilité, qui nous ramene tousiours au souuenir de la terre, lieu de nostre origine, & centre de nostre retour.

Vas aurī
solidum
ornatum
omni lapide
pretioso.

Ce mesme Roy Agathocles entendant qu'aucuns de ses vassaux vsoiēt de quelques termes de mespris en parlāt de luy, à cause de la bassesse de son extraction, il s'aduisa de faire fondre vne idole d'argent, & en faire faire vn bassin à lauer les

pieds, & puis la fit remettre en sa premiere façon; pour leur apprendre que le releuemēt ou raualement de cette mesme matiere, ne dependoit que de sa forme. Certes, comme le peché rabat l'hōme au rang des animaux, aussi la vertu le vaille esleuant à la dignité des Anges, eslevation qui se fait par la Penitence. Voyez cela en l'exemple du Prodigue, qui reuenant tout crasseux & drilleux d'emmu l'infame harde des pourceaux, avec la Contrition dans le cœur, la Cōfession en la bouche, & la disposition à satisfaire, se voit incontinent releué de sa cheute, reuestu d'ornement, qu'il n'eust osé esperer en l'estat de son innocence, & traitté avec honneur, ioye & magnificence. Mirez, mais plustost admirez iusques où la Penitence rehausse vn Sainct Paul, vn Zachee, vn Matthieu, vn Dimas, vne Samaritaine, vne Magdelaine. Voyez vous Sainct Pierre par vn triple reniement tresbuché lourdement dans l'apostasie, qui se releue avec ses larmes, mais se rehausse iusques à cette incomparable dignité de Lieutenant de IESVS-CHRIST. Les anciens Peres nous ont representé ce grand chan-

gement que la penitence faict en nous
louz diuers symboles tantost selon la
pensée du Roy prophete par le *raieunif-*
sement de l'Agie, qui se faict en trois façons:
car quand l'Aigle est chargée ou d'an-
nees, ou de vieilles plumes, elle se plon-
ge ou dans quelque claire fontaine, d'où
elle sort toute trempée, & se presente
à la plus forte ardeur du Soleil, ou se-
coüant ses vieilles plumes, elle acquiert
de nouveaux cotons, & par l'humidité
de l'eau qui l'a mouillée, & par la cha-
leur des rayons de ce grand astre, &
cela s'appelle muet. Lepecheur prati-
que cela interieurement, quand se reco-
gnoissant remply de mauuaise & inue-
terees habitudes, cōme celuy qui disoit,
Inueterauerunt ossa mea, putruerunt & corrupta
sunt cicatrices mea à facie insipientia mea: il
se plonge dans la source de la Peni-
tence, qui sont les larmes, ou dans la
mer de l'amertume de son cœur, par-
ce que *amara est sicut mare contritio*, d'où sor-
tant tout trempé, comme celuy qui
chantoit, *lacrimis stratum meum rigabo*, &
secouant ses iniquitez par la recognois-
sance de ses fautes, comme Dauid qui
disoit, *iniquitatem meam ego cognosco*, & s'expo-

fant aux rays du Soleil de Iustice, comme ce mesme Prophete chantant, *Tibi soli peccavi, & malum coram te feci.* En fin, *renouatur spiritu mentis suæ, renouellant vn esprit de droiture en ses entrailles.*

La seconde façon que pratique l'Aigle pour se raieunir, est en mangeant de la tortuë mais parce qu'elle ne peut auoir que malaisément cette viande cachee entre deux coquilles trop dures pour son bec & ses ongles, elle a cette industrie de l'esleuer en haut, & la laisse de là retomber sur quelque rocher, où le dur se brisant donne ouuerture à la curee qu'elle demande. Le peché enfant de la terre, ne peut comme ce Geant fabuleux, estre vaincu qu'esleué en l'air, c'est pour cela que l'Escriture nous conseille, *qua sursum sunt sapere, non qua super terram, qua sursum sunt querere, non qua de deorsum*: le tentateur n'ayant point plus grande ruse que de nous siffler en l'oreille, *mitte te deorsum.* De sorte que le Penitent qui veut despoiller le viel homme, qui est de terre & terrestre, pour reuestir celui qui est du Ciel & celeste, doit porter sa conuersation dans le Ciel, & froisser ses iniquitez contre

le roc de la penitence. O que bien heureux est Ps. 83.
celuy qui escrase contre cette pierre ses pechez en leur
naissance.

La troisieme maniere dõt se fert l'Ai-
gle pour se raieunir, est de casser sō pro-
pre bec contre vn caillou, lors que la
vieillesse le rēd si courbé qu'elle ne peut
plus l'ouurir pour prendre pasture. Hé!
combiē y a. il de pecheurs enuieillis, les-
quels comme cet autre, *obliti sunt comedere
panem suum*, tant le pain de vie & d'entendement
de la saincte parole, comme le pain vif
de la sacree Eucharistie: ô qu'ils seront
heureux, si froissans leurs becs recour-
bez par vn trop long silence, *quoniam tacuī
inueterauerunt ossa mea*, ils se rendent par vne
bonne confession capables de manger
le fruict de vie en la Communion du
corps du Sauueur.

Les saincts nous ont encores represen-
té ce changement qui se fait en l'ame à
l'ayde de la Penitēce par la muē de l'Au-
tour, suiuant ce mot de Iob, *plumescet sicut
accipiter expandens alas suas ad Austrum*. Pru-
dence admirable de cet oyseau, qui sçait
choisir ce vent chaud & humide, pour se
remplumer en se desplumant, Vent Au-
stral qui r'ameine la chaleur & la pluye

que desire l'Amante sainte au Cârrique, pour esprendre les armates de son iardin: en figure dequoy la Royne de Saba, image de l'ame Penitente qui vient faire hommage au vray Salomon, Roy pacifique de son cœur est appelée *Regina Austri*. Et quel cœur, ie vous supplie, ne se renouelleroit avec la rosee des larmes, & la douce chaleur de l'amour diuin.

Le Serpent est encore vne autre peinture du renouvellement interieur qui se fait par la Penitence. Or cet animal vray symbole de Prudence, se renouelle en trois manieres: la premiere despouillant son ancienne peau entre deux cailloux: la seconde en maschant du fenail: la troisieme en se baignant dans vne fontaine, & apres se presentant au soleil. Voyez-vous là les trois parties de la penitence? en la premiere la Contrition, qui est vn escorchement, vn brisement, vne froissure de cœur: en la seconde la Confession, ou les pechez sont escrasez avec la langue par l'accusation, comme le fenail est broyé avec les dets: en la troisieme la Satisfaction, où baignez en nos larmes nous disons à Dieu, *Domine quid me vis facere?* ou

Des fruits de la Penitence. 29

bien, *Doce me facere voluntatem tuam, quia Deus meus es tu: ou bien, Bonitatem & disciplinam & scienciam doce me. Bonus es tu, & in bonitate tua doce me iustificaciones tuas.*

Vn autre tableau de ce changement qui se fait aux ames penitentes, c'est le Cerf qui se purge & r'aieunit attirât par son haleine & son cry les serpens hors de leur tafniere, & les escrasant avec ses dents: ce qui le fait escumer d'eschauffaison, & rechercher les claires sources, ou ayant beu il se trouue tout frais & reuigoté. Ne voyez-vous pas là le procedé du Penitêt tirât du profond de son cœur ses iniquitez plus occultes, pour les aneantir en les decelant par vne bõne Confession, comme faisoit ce grand Prophete, qui chantoit, *Dixi confitebor aduersum me iniustitiam meam, & tu remisisti iniquitatem peccati mei.* Ce Prophete, dis ie, qui apres auoir proferé son vray *Peccati*, entendit de la bouche d'un autre, que le Seigneur auoit transferé son peché. La Confession est en la bouche ce que l'escume à l'emboucheure du tonneau: si elle remplit le visage de honte, elle purifie & clarifie le cœur, au demeurant elle excite en nous vne puissante chaleur de desir

fante chaleur de desir d'aboucher ce Dieu
qui est vne fontaine viue reuallissante à l'immortalité,
 duquel quiconque boit & mange,
flumina de ventre eius fluunt aqua viua.

Que si la penitence produit en nous
 ce grâd fruit de changement vniuersel,
 lequel embrasse tous les autres fruits,
 quels seront ceux qu'elle poussera par
 nous? O que bien-heureuse est l'ame ou
 ce bel arbre se trouue planté: elle peut
 bien dire au saint Espoux qu'il vienne en
 son iardin pour y goster les fruits de ses pommiers:
 fruits dorez, mais plustost tous d'or,
 comme ceux du iardin des Hesperides,
 & desquels l'Espouse dit, *Videamus si
 floruerint mala punica.* L'Oranger est excel-
 lent en cela, d'auoir tousiours sur soy
 des fleurs, des fruits verds & des meurs,
 si que par vne entresuite agreable il
 est tousiours chargé de plaisir ou de
 profit pour son maistre: telle est l'ame
 vrayement penitente, en laquelle on
 voit tousiours les fleurs de l'Oraison,
 dont l'odeur est agreable à Dieu, & re-
 siouyt les Anges: les fruits apres du
 Ieufne, & les fruits meurs & iaunes
 dorez de l'Aumosne. Etc'est à ces trois
 chefs que se rapportent tous les fruits

Veniat
 dilectus
 in hor-
 tum
 suum.

de la Penitence.

O que de diuers fruiçts pendent à ces trois branches : ceux qui regardent les biens de l'ame dependent de la Priere : ceux qui concernent le corps sont annexez au Ieufne , comme les veilles, les disciplines, les couches dures, les haïres, les trauaux & labeurs: ceux qui conuiennent aux biens temporels accompagnent l'Aumosne. Et tout ainsi que les fruiçts sont de trois façons, à pepin comme les pommes , à noyau comme les cerises, ou à graine comme les figues : ainsi les fruiçts de l'Arbre de Penitence sont d'Oraison, vraye pepiniere de vertus, de Ieufne, qui a son amande dans la dureté d'vne austere obseruance, ou d'Aumosne, quicõme vne graine se va espanchant & communiquât à plusieurs pauures , *Qui seminat in benedictionibus, de benedictionibus & metet.*

Et tous ces fruiçts aboutissent à vn seul, pareil à la Grenade qui enferme des pepins, des noyaux, & des graines dans son escorce : & c'est ce grand & total fruiçt de la venuë du Messie dont parle le Prophete disât, *Hic est omnis fructus eius ut auferatur peccatum, & adducatur iustitia sempiterna.*

Donec
formet
ur in
vobis
Christus.

Plaise à la diuine Bonté, mes très chers, de mettre tant d'energie en sa parole & en ma voix, que ie puisse former en vous Iesus Christ, & enter ce bon greffe sur les troncs sauuages de vos cœurs. O si vne fois vous auiez couché sur les mammelles de vos ames vos entendemens & volonte, ce cher Iesus l'amour & les delices du Ciel & de la terre, *comme vn bouquet de myrrhe*, ou comme vn estendard d'amour: avec combien de promptitu de courriez-vous apres luy *en l'odeur de ses parfums tres-aymables*? Vos pensees, vos paroles & vos actions ne respireroient que le seruice & l'amour de ce diuin Bien ay-mé, & toutes les difficultez de la Penitence se changeroient en facilité.

— *dura quercus sudarent roscida mella.*

Mais ie me doute que vous ferez & ferez tout au rebours de la myrrhe: car elle iette sa premiere liqueur d'elle mesme par forme de sueur libre, & la secõde par l'expressiõ des esgratigneures qui se fõt avec des peignes de fer. Car vous ne voulez commẽcer à faire des fruiçts dignes de Penitence que par les incisions de la crainte; crainte salutaire auant courriere de l'amour franc & volontaire:
de sorte

de sorte que pour vous faire faire du fruit, il faut faire du bruit, à guise des vers à soye qui ne profite que parmy les tintamarres, & les biches qui ne produisent leurs fans qu'à l'ayde des esclats du tonnerre. Et certes comme les tonnerres de l'Automne ne contribuent pas peu à la maturité des fruits: ainsi la crainte des iugemens de Dieu n'est-elle pas vn petit esguillon pour nous induire à pousser des fruits dignes de Penitence. Desia, dit S. Iean, *la coignée est proche de la racine, le royaume des Cieux est proche.* Le Sauueur pour exciter à penitence ne parle de rien si frequemment comme du Iugement dernier: Ionas par la crainte du bouleuersement de leur ville faict venir les Niniuites à resipiscence.

Securis
ad radicē
arboris.

A timore tuo concepimus & parturiuimus spiritum salutis. Feci iudicium & iustitiam: à iudiciis enim tuis timui. A voce tonitruui tui formidabunt. Beatus vir qui timet Dominum, in mandatis eius uolet nimis. Sainct Hierosme, ce celebre habitant des deserts, cet insigne miroir de Penitence, picquoit son ame & la pressoit à bien operer, par le souuenir continuel du Iugement final. Mes freres, pensons-y serieuement: car si les colom-

Psal. 94. nes tremblent, que doivent faire les roseaux du desert? Si en ces iours sacrez vous entendez la voix de Dieu, vous appellant à penitence, ne laissez pas vos cœurs dans leur dureté accoustumee, mais preuenex par la confession le visage courroucé de ce iuste Iuge.

Sus tout ie vous coniuere tant que ie peux de prier Dieu que ces Predications des fruiets de la Penitence ne soient pas sans fruiet en vous & en moy, essayans de faire ce que i'ay à dire: Mais parce que c'est d'enhaut du Pere des lumieres que tout bien deconle, & sans lequel on ne peut ny penser, ny dire, ny faire, n'estant pas celuy qui plante, ny celuy qui arrose, mais Dieu seul qui donne l'accroissement; prions-le que sa grace ne soit point vuide, c'est à dire inutile, & sans effect en nous, ce qui ne sera pas si nous prestons de la condescendance à ses inspirations, & si nous ne resistons point au sainct Esprit.

L'on dit qu'Alexandre le Grand recompensa d'une belle Seigneurie vn homme de village qui luy apporta vne orange de si enorme grosseur, qu'il la falloit mettre en vn van, ce fruiet estant ainsi creu par la diligente culture de ce rustique. Nous seruons en la Loy Chrestienne vn Sauueur & vn Maistre qui

reconnoist & salarie les moindres actions de ses seruiteurs, d'autant plus amplement qu'il est infiniment plus grand que le grand Alexandre, & qui nous promet pour des fruits de Penitence, *domum non manufactam in coelis*, & vn droit de bourgeoisie en la Cité de la Hierusalem celeste, où tous les habitans sont Roys, corregnans avec luy, & participans de sa gloire. Picquons nos ames de ce beau desir, & les excitons à bien operer plustost par ce genereux dessein, que par la crainte de la gesne, selon que Dauid disoit, *inclinavi cor meum ad faciendas iustificationes tuas in aeternum propter retributionem.*

Recueillez de ce discours, mes treschers freres, 1. que la Penitence est vn bel arbre mystique, 2. arbre fructifiant en nous, & par nous. La benediction de nostre Seigneur vous soit donnee au nom du Pere, du Fils, & du Saint Esprit. Ainsi soit-il.

Cij

Des œuvres Satisfatoires.

HOMELIE. II.

Facite fructus dignos Pœnitentiæ.

EST E pareisseuse Aman-
te du Cantique, qu'une
peine legere empescha
d'ouurir à son Amant
chargé de la rosee des
graces celestes, lors qu'il frap-
pouit à sa porte s'estant en fin
leuee du liêt, & ne le trouuant plus, pa-
ya par beaucoup de sueur, & de trauaux,
les intersts de sa negligence: en fin
toute lassée & recreuë de sa queste, elle
le rencontre apres auoir purgé sa faute
dans vne *amoureuse langueur*. L'ame qui par
le peché a perdu la grace ne doit point
faire estat de la retrouver, que dans les
aspretez de la penitence, dans les poi-
gnantes espines de la Contrition, les
hontes de la Confession, & les douleurs
de la Satisfaction, *rendant par bonnes œuvres*
sa vocation aussi assuree qu'elle auoit mis son
salut en dâger par ses iniquitez. O Vier-

Amore
languo.

Per bo-
na opera
cettam
vestram
vocationem
facite.

saincte, qui auez (bien qu'innocente cō-
me l'innocence mesme) pratiqué les
fruits de la Penitence avec tant de per-
fection & d'affiduité, faites que ne pou-
uans comme les Anges trouuer la Peni-
tence dans l'innocence , puisque nous
sommes hommes, & hommes pecheurs,
au moins nous retrouvions l'innocence
dans la pratique de la Penitence.

Aue Maria.

LA Satisfaction, troisieme partie de
la Penitence, estant le fondement des
bonnes œuures , qui pour cela sont ap-
pellees Satisfatoires, auant que i'esleue
deuant vous, mon cher Auditoire, le cō-
ble de mes discours des fruits de la Pe-
nitence, il est necessaire que vous soyez
instruits de cette baze où s'appuye le pi-
uot sur lequel tout mon subiect doit
tourner: car c'est de cette racine que doi-
uent proceder toutes les fleurs, & tous
les fruits de l'arbre de nostre Penitence.
De sorte, chere Paroisse, que si ailleurs
i'ay presché la Penitence, ie n'ay toutes-
fois donné qu'une legere atteinte à cet-
te troisieme Partie, qui est la Satisfa-
ction: mais si ne me flatte en mon ima-

gination ie t'ay reserué la Satisfaction toute entiere, puis qu'elle consiste en ces trois fruits de l'Oraison, du Ieufne, & de l'Aumosne, sur lesquels ie desire m'estendre en cet Aduent.

L'orgueilleuse Agat s'estant renduë insupportable à sa maistresse Sara, sur l'opinion qu'elle auoit d'estre bien auât aux bonnes graces d'Abraham, se vit en fin descheuë de sa prention, quand chassée honteusement avec son fils de la famille de ce Patriarche, elle se vit reduitte dans le desert aux extremitez des portes de la mort: lors renduë plus sage par la remonstrance de l'Ange, elle reuint en la maison de son maitre, où elle r'entra aux bonnes graces de sa Dame, apres beaucoup d'humiliations & de satisfactions. *La racine de tout peché c'est l'orgueil, & tout pecheur est superbe en ce rebellât contre son Seigneur par vn mespris de ses ordonnances: il ne faut donc pas s'estonner s'il se void chassé du Paradis terrestre de sa grace, & réduit en d'extremes agonies, côme le prodigue esloigné de la maison de son Pere: il n'y a point de lieu pour le retour en l'estat premier & heureux de l'innocence perç*

Radix
peccati
superbia.

duë, que par la porte estroite de la Penitence, en passant le guichet de cette prison volontaire, d'où l'on ne sort point qu'apres auoir payé le dernier quattrin, apres vne purgation totale du cœur par la Contrition, de la lague par la Confession, de la main par la Satisfaction. Mais à fin que nous procedions d'ordre en l'examen de cette troisieme branche, où pendent nos trois fruicts, voyons premierement ce que c'est que Satisfaction, selon la doctrine Catholique, & puis apres nous monsturons l'iniustice de l'erreur qui nous querelle cette partie de Penitence.

Nisi sol-
ueris vl-
timum
quadran-
tem.

L

Quant au nom de Satisfaction, il se trouue en l'Escriture, & est frequēt chez les Peres. S. Pierre veut que nous soyons prests à donner satisfaction de nostre creance à quicō-
que nous en enuerrā : non que ce mot de Satisfaction se prenne-là pour cette partie de Penitence que nous allons delcrire, c'est seulement pour tesmoigner que ce n'est point vn nom nouvellement inuenté. Mais chez les Peres il est pris au sens que nous entendons, c'est à dire pour vne partie de la Penitence. Sainct Ambroise, *Grande scelus*, dit-il,

1. Pet. 3.

grandi eget satisfacione. Origene, *La satisfacion doit correspondre à la faute.* Et certes avec raison : car autrement quelle part auroit la iustice?

Quant à la chose, rien ne la peut mieux faire cognoistre que la definition. Voicy donc celle que les Docteurs ont de coustume d'en donner en l'Eschole.

v. Greg.

de Valen-
tia de Pa-
nit. 10. 4.

La satisfacion est vne compensation de peine temporelle deuë pour l'iniure faicte à Dieu par le peché. selon quelque egalité de Iustice. Nous l'appellons *vne composition de peine temporelle*, parce que la

peine eternelle deuë au peché se remet quant & la coulpe par la pure misericorde de Dieu, en faueur de la Contrition, ou de l'absolution sacramentale. Nous

difons que c'est *vne compensation pour l'iniure faicte à Dieu par le peché* : en quoy nous

v. Bellar.
l. 4. de
Pan. c. 1.

distinguons la Satisfacion de la Restitutiō : car celle-cy regarde les choses, cōme, par exemple, de l'argent pris se restituë en mesme espece ou valeur : mais celle-là regarde la personne offencee, laquelle il faut rendre contente. Quand on faict tort à quelqu'vn, l'on viole en mesme temps la Iustice & l'amitié : en restituant l'on peut bien reparer celle-là, mais non pas tousiours celle-cy, il peut

des fruicts de la Penitence. 41

aussi arriuer que par humilité l'on r'entre en l'amitié, l'impossibilité de restituer suspendant la reparation deuë à la Iustice. Quand nous pechons nous violons la Iustice diuine, & perdons l'amitié de Dieu: De reparer le tort fait en égalité de Iustice, il est impossible: suffit si r'entrez en son amitié par sa misericorde, que la contrition & Confession nous obtiennent: nous satisfaisons à son honneur lezé, comme nous nous auons adiousté, en quelque égalité de Iustice, ou les Docteurs remarquent deux sortes d'égalité, l'vne imparfaicte, mais supplée par misericorde, comme le creancier qui remet volôtairement pour vingt escus vne debte de cent escus, l'autre parfaicte & en rigueur de Iustice: à celle-cy nous ne pouuôs arriuer, car l'obiet infiny vaudroit vne reparatiô infinie: l'autre en celle de laquelle nous parlôs supplée benignement par la diuine bonté, entât que celuy fait ce qu'il doit qui fait ce qu'il peut. Certes, comme disent les Iurisconsultes, *vn droict rigoureux est vn extreme iniure.* O Seigneur, dit Dauid, si vous obseruez exactement les iniquitez, qui pourra supporter l'examen de vostre Iustice? Mais vous estes non

Summū /
ius sum-
ma iniu-
ria.

seulement plein de propiciation, mais la propiciation
mesme : vostre misericorde copieuse verse sur nous
vne abondante redemption, qui purge & rachepre
Israël de toute ses iniquitez. Que si la moindre
action faicte en grace merite le Para-
dis, comme le present d'un verre d'eau
froide, les deux pittes de la veufue, la
demy-cappe de Sainct Martin, vn che-
ueu de l'Espouse : pourquoy vne bonne
œeuure faicte en la mesme grace ne
pourra elle pas estre satisfactoire du
peché, puis qu'elle est meritoire de
l'éternité ? Vn acte de valeur fera me-
ritee Michol à Dauid, vn autre d'humili-
té rendra Ruth de seruante Espouse
de Boos, vn autre de priere faict par
Esther reuoque l'arrest d'Assuere, vne
supplicatiō d'Abigail accoisera le cour-
roux de Dauid : & l'extreme bonté de
Dieu seroit-elle implacable : O qu'él-
le est bien plus facile à contenter que
tout cela, escoutez Dauid, *Respice in me &*
miserere mei. Dixi confitebor aduersum me iniusticiã
meã Domino, & tu remisisti iniquitatem peccati mei.

Mais pour entendre clairement cette
doctrine de la Satisfactiō, il est necessai-
re que ie vous expose deux distinctions
fondamentales. La premiere est la diffe-

rence qui iest entre la coulpe & la peine, pour laquelle comprendre vous remarquerez qu'en tout peché il y a deux choses, l'auerfion du Createur & la conuersion à la creature, ausquelles correspondent ces deux autres, sçauoir la coulpe à l'auerfion, & la peine à la conuersion. Or ces deux pieces sont tellement distinctes, que l'vne peut estre sans l'autre, & la peine rester apres la coulpe remise, la misericorde ostant celle-cy, & la Iustice reseruant celle-là. De cela exemples sont frequens en l'Escriture, le peché d'Adam luy fut remis quant à la coulpe, mais il en endura la peine estant banny du Paradis terrestre, & condamné à manger son pain en la sueur de sa face. Celuy de Dauid luy fut pardonné, comme Dieu luy declara par la bouche du Prophete Natham, & neantmoins il en porta la peine en la mort de l'enfant nay de son adultere : c'est ce qui luy fit chanter ce motet, que toutes les voyes du Seigneur estoient misericorde & verité, c'est à dire Iustice. Vous sçauiez que Moyse pour la faute des eaux de contradiction sentit la peine de la priuation de la terre de promesse, faute qui luy fut remise

quand à la coulpe, car il mourut en grace sur la croupe de Nebo : & plusieurs des Israelites qui auoient murmeré se repentirent & rentrerent en grace, incompatible avec la coulpe, nullement avec la peine, car ils moururent dans le desert. Et qui doute que plusieurs de ceux qui sentirent la peine de la mort par la main vengeresse de Moyse, pour l'idolatrie du veau d'or, ne fussent repentans & remis en grace ? Daniel disoit à Nabuchodonozor, *Sire racheptez vos pechez, par aumosnes.* Qui ne sçait que l'œuure satisfactoire ne regarde que la peine, & non la coulpe ? La Magdeleine sçauoit bien que ses pechez luy estoient amis : laissa elle neantmoins d'embrasser les travaux de la Penitence ? & Sainct Pierre de plorer tout le reste de ses iours son apostasie, bien qu'il eust esté non seulement remis, mais confirmé en grace qui ne sçait cette sentence, *que Dieu chastie ceux qu'il ayme* ? ils sont en grace & hors de coulpe, non pas toutesfois exépts de peine. Le Sauueur non seulement plain de grace, mais la plenitude de la grace mesme n'a-il pas souffert iusques à la mort, & la mort de la Croix ? L'Eglise

vsque ad
 mortem,
 autem
 crucis.

Espouse de Dieu *lauée en son sang*, quoy que tres-aimée ne laisse d'estre assaillie de continuelles persecutions & tribulations, ou elle se purifie & ennoblit comme l'or dans le feu. Celuy qui veut venir apres moy, qu'il prenne sa croix, & me suive, dit le Sauueur, Abraham aimoit Isaac plus que soy-mesme, voyez neantmoins comme il estéd le bras pour le sacrifier.

Dieu estant esgalement iuste que misericordieux, comme il remet aux repentans la coulpe & la peine eternelle par pure misericorde, aussi est-il tres-raisonnable que sa iustice s'exerce sur la peine temporelle, meslant ainsi l'huile avec le vinaigre ou plustost l'huile avec le vin, comme le Samaritain pour la guerison de nos playes: ou l'huile avec le sang, comme iadis en la consecration du grand Prestre, & en la purgation du lepreux: le vin avec le lait, comme l'Espouse du Cantique, son nom estant vn *huile espanché*, & selon vn autre version vn *sang respandu*. C'est trop flatter les pecheurs en leur iniquité, de ne leur representer que la diuine misericorde, car ils doiuent sçauoir, qu'il est iuste qu'il ayme la iustice, & que ses yeux regar-

Iustus
Domi-
nus iusti-
tiam dili-
genter
exigit, &
aquitatē
vidit vul-
tus eius.

dent l'equité. L'on ne vient en possession de Rachel, la Misericorde, que par les ennuyeuses nuicts de Lia, qui represente la Iustice : c'est ce qui faisoit dire au Psal-
 miste, *Transuimus per ignem, & aquam, & indu-*
xisti nos in refrigerium.

La seconde distinction, qu'il est be-
 soin de sçauoir, est celle qui separe la
 peine en celle du dam, & celle du sens,
 rant en Purgatoire, comme en enfer:
 celle-là correspondant à l'auerfion de
 Dieu qui se contracte au peché, consiste
 en la priuation de la vision diuine, peine
 incomparablement plus grande que
 toutes les peines sensibles, qui sont ces
 autres appellees du sens, lesquelles se
 rapportent à la conuersion à la creature,
 à laquelle nous sommes recourbez par le
 peché. Or en Purgatoire l'vne & l'autre
 de ces peines y est, avec cette difference
 de l'enfer, que là elles sont temporelles,
 icy eternelles.

O! que par ces peines nous deuous
 conceuoir vne grâde horreur du peché,
 puisqu'il est la cause de ces miserablesef-
 fects. C'est vn serpent à lague fourchue,
 vn amphisbene à deux testes, vn glaiuë
 tranchant des deux parts, & à double

pointe vn hydre qui a plusieurs mau-
uaises testes, vne pierre malencôteuse,
qui d'vn iect frappe deux coups, l'vni
contre l'ame par la peine du dam, l'autre
contre le corps par celle du sens. Ce s'ont
ces deux maux prouenans de cette sour-
ce dont Dieu se plaint quand il dit par
la bouche d'vn Prophete, *populus meus di-
co mala facit, delinquit me fontem aqua viua.*
Voyez vous l'auerfion du Createur,
*et fodit sibi cisternas, cisternas, dissipatas qua conti-
nere non valent aquas.* Voila la conuersion
à la creature. Or c'est pour ces peines,
non pas eternelles, mais temporelles
que la diuine Iustice exige de nous en
ce monde par des Penitères volontaires,
ou en l'autre par le feu de Purgation,
nous employons la troisieme partie de
la Penitence, que nous appellons Satis-
faction.

II.

Mais, ce dira-on, n'est-ce point obscur-
cir & tenir cette copieuse redemption du fils de
Dieu, dont vne goutte de sang estoit ca-
pable de racheter dix mille mondes,
que d'y ioindre la nostre miserable, im-
parfaite, indigne de paroistre deuât la Ju-
stice de Dieu? Mais bien aimez, que cette

fausse ialouſie qui rait a Dieu ſa plus grande gloire, ſoubs pretexte de la luy conſeruer, ne ſe rende point maistrefſe de vos eſprits : car ie vous prie qui ne ſçait que les œuures ne peuuent eſtre ny meritoires ny ſatisfactoires, ſi elles ne ſont faictes non ſeulement en grace, mais par la grace? & d'où procede cette grace qui les rend pleines de merites & de ſatisfaction, ſinon du ſang du Fils de Dieu? quiconque mettra vn autre fondement, qu'il ſoit anatheme. La greſſe ne produit rien ſ'il n'eſt enté ſur vn tronc duquel il tire la ſubſtance, & par lequel il pouſſe & les fleurs & les fruiçts. De la grace prouient tout ce que l'œuure a de bon, c'eſt elle qui fait en nous & par nous les bonnes operations. La vigne & le lierre ſans ſouſtien rampent contre terre : ſans la grace le martyre du corps, la donation de tout ce que l'on poſſede aux pauures, eſt vn beau riē: mais avec cette grace, vn riē, vn verre d'eau, vaut la vie eternelle. Sainct Paul magnifie hautement ſes actions, mais il conclut, *Non ego ſed gratia Dei mecum. Gratia Dei ſum id quod ſum*, & il pourſuit, *Et gratia eius in me vacua non fuit*: car, comme la grace ſimple, ſâs eſtre accom-

com-

compagnie des œuvres, est sans effect pour nostre salut, ainsi les œuvres sans la grace n'ont aucun accez à la vie éternelle; l'œuvre pour estre meritoire ou satisfactoire, depend totalement de la grace, comme la fleur de sa branche, la branche de son tronc, comme les estoiles du Soleil: & tout ainsi que le Soleil pour estre lumineux n'empesche pas que les estoiles ne le soient aussi, encores qu'elles tirent toute leur splendeur de la sienne: ainsi bien que nostre satisfaction tire son essence & son prix de celle du Fils de Dieu, elle ne laisse pas d'estre nostre du costé du franc arbitre, comme elle est de Dieu de la part de la grace, & du prix inestimable du sang du fils de Dieu: & tant s'É faut que la nostre ternisse le lustre de celle-là, qu'elle l'illustre dauantage, le Fils de Dieu n'ayât pas seulement satisfaiët pour nous, mais rédât par só merite & sa satisfactiõ nos œuvres & meritoires & satisfactiores. Nostre satisfaction est cõme vne couleur sombre qui releue l'esclat de celle du Sauueur, c'est comme vne enchasseure qui ne vaut que selon la pierrerie qu'elle a dans son charon, c'est comme l'esmail

Murenu-
le aureæ
vermicu-
latæ ar-
gento.
Purpura
regis iun-
cta cana-
libus.

sur l'or, comme *les lamproyettes d'or conuertes d'argent* de l'Espouse du Cantique, & comme *la pourpre Royale* de la grace celeste qui decoule par le canal de nos operations. Quand Berfabec fut mise a costé du throsne de son fils Salomon, *comme la Royne de sa dextre*, tant s'en faut qu'elle raua-
last, qu'au contraire elle releuoit son au-
thorité, & sa magnificence : tant s'en
faut que nous estimions par nostre sa-
tisfaction penitente deroger à celle du
Fils de Dieu, que nous luy donnons cel-
le cy pour fondement & pour ame, ne
faisans la nostre que comme accessoire
de ce principal, *car tout bien vient d'en haut du
pere des lumieres.*

Mais vous voudrez à l'aduanture sça-
noir quelles sont ces œuures que nous
appellons satisfactoirs, sur lesquelles ie
desire deuider le trame de mes discours.
C'est ce que ie vo' diray en vn mot pour
corollaire, comme il y a trois sortes de
biens, de l'esprit, du corps, & de fortune:
aussy y a-il trois sortes de maux qui se
commettent en l'abus de ces trois sor-
tes de biens, les vanitez, les voluptez, les
conuoitises, les premiers regardent l'in-
terieur, les deux derniers l'exterieur. Il y

à aussi trois sortes de satisfactions qui le rapportent aucunement à la reparation de ces trois sortes de maux, par l'oraison qui humilie le cœur (*respicit Deus orationem humilium*) les vanitez sont amendees par le Ieufne qui matte le corps, les voluptez sont effacees & abolies, par l'Aumosne qui desenfle la bourse, la Conuoitise d'auoir est aneantie.

Ce sont là les fleurs du parterre de nostre Metanee, mais fleurs fructueuses fruits florissans: ce sont les lys où se paist le bien aymé, & d'où il repaist tous ses amās. Il y a des lys de trois couleurs, les vns blancs, symbole de la pureté requise en l'Oraison, car autrement, *peccatores Deus non exaudit*: les autres iaunes dorez, qui representent l'or de la charité, où de l'aumosne, les autres violets, que l'on appelle autrement des flammes, couleur qui signifie la mortification, & denote le Ieufne.

Si que nostre Metaneacarpie est vne espece de bel Oranger, qui en ses fueilles & en ses fleurs represente les prieres, en ses fruits meurs & iaunes l'aumosne, & en ses verdastres & aspres le ieuſne.

Il y a plus, c'est que ces trois fruits

ont quelque sorte de correspondance avec les personnes de la tres-saincte Trinité, car l'Oraison regarde le Pere, auquel nous crions *Abba Pere*, & encores, *Pater noster qui es in cœlis*, le ieufne, la mortification du Fils incarné, *Portez*, dit S. Paul, *la mortification de Iesus Christ en vos membres* & l'aumosne qui est vne charité, & vn don au Saint Esprit, qui est le don, & l'amour eternal & infiny du Pere & du Fils: si qu'en practiquant ces trois fruiçts de Penitence, nous chantons non seulement de parole, mais d'effect, *Gloire soit au Pere, au Fils, & au Saint Esprit*. Ainsi soit-il.

Distinction des œures.

HOMELIE. III.

Facite fructus dignos Pœnitentiæ.



OPERATION des petites abeilles est toute sucree & emmiellee, mais si vous sursemez de poison les fleurs du parterre où elles vont à la picoree, leur miel deuiendra veneneux. Si nos premiers parens

fussent demeurez en l'estat d'innocence auquel ils auoient esté creéz, sans doute toutes leurs actions eussent esté innocètes, & ils n'eussent tiré de l'usage des creatures que toute occasion de louer: mais apres que par l'enuie du diable le peché eust esté introduit au monde, & par le peché la mort, toutes les creatures créées tres-bonnes par la main toute-puissante de l'Architecte de l'Vniuers, sont deuenues comme autât de filets & de pieges où se prennent les mal-aduisez, autât de pierres d'achopemēt aux miserables pecheurs: Si que des mesmes fleurs dont il deuoient tirer vn miel de deuotion & de recognoissance de leur Createur, ils en tirent le poison qui conduit leurs ames dans l'ombre de la mort. Prions celle qui a changé le nom d'Eue, & qui est la mere des viuans, comme l'autre des mourās, qu'elle nous impetre la grace de discerner si clairement le bien du mal, que declinans celuy cy nous embrassions celuy là, cherchans la paix de nos ames & la conseruans: *Aue Maria.*

Que le desir de la science du bien & du mal couste cher aux mortels:

heureux demon , que tu as esté indu-
 strieux à ietter la rebellion par tout l'v-
 niuers par cette pomme de discorde.
 Ouy: car l'homme n'a pas si tost auallé
 ce funeste morceau, qu'il s'excuse sur la
 femme, & la femme sur le serpent : &
 comme ils s'estoient rebellez cõtre leur
 Createur, les creatures soubsmises à leur
 puissance se reuolterent en secoüant le
 ioug de leur domination, selon qu'il est
 escrit, *Pugnabit pro eo orbis terrarum contra insen-*
satos. C'est la ceste zizanie que l'homme
 ennemy a sursemee dans le grãd camp
 de cette ronde machine. O qui nous dô-
 nera le beurre & le miel necessaires pour ap-
 prendre à choisir le bien & reietter le mal : qui
 nous communiquera le rayon demiel de
 Ionathas, qui nous ouure les yeux pour
 distinguer les œuures de tenebres de celles de lumie-
 re. C'est de cette distinctiõ que sera mon
 discours, dont la premiere face vous des-
 couurira les mauuaises, l'autre les bon-
 nes. Mais venons.

I.

Les mauuaises , que les Theologiens
 appellent communément Mortifieres,
 parce qu'elles apportent la mort à l'ame
 qui les exerce, sont celles par lesquelles

se commet le peché. *Anima que peccauerit ipsa morietur: Stipendia peccati mors. Ex qua hora comederis morte morieris.* Telle fut celle de nostre premier Pere quand il mangea le fruit defendu. Ionathas ayât gousté d'un peu de miel contre l'interdict, *Voila*, dit-il en se plaignant, *que ie meurs pour auoir tasté d'un rayon de miel au bout d'une gaule.*

Mais qu'est-ce que ce peché, certes il faudroit vn grand discours pour vous depeindre sa nature desnaturee, si encores elle se peut depeindre: car ie vous prie comme depeindre le neât? & le peché n'est autre chose qu'un neant, vne priuation de vertu, comme l'ombre est vne priuation de lumiere, pour cela est-il appellé ombre de mort, & pour cela mesme que Dauid tombé dans ces œuvres tenebreuses de l'adultere & de l'homicide, va disât de foy, *Ad nihilum redactus sū & nesciui substantia mea tanquam nihilum aute vniuersa vanitas omnis homo viuens.* C'est ce rien dont parle S. Iean, que Dieu n'a point fait, *sine ipso factū est nihil quod factum est;* car pecher est vne action d'impuissance, qui repugne à la toute-puissance qui est en Dieu. Pecher est vne operatiō impar faicte, qui ne peut tōber en Dieu, lequel est la mes-

Ioan. 1.

me perfection, *Dei perfecta sunt opera*. Pecher est vne action de tenebres : Or Dieu est vne lumiere sans ombre, & les tenebres ne le peuvent enueloper. Le peché est vne inexistence, &

Exod. 3.

Dieu est ie mesme estre, *ego sum qui sum*, dit-il à Moÿse. Le peché est vn ceuvre perissable, mais Dieu est *toujours luy-mesme*, il demeure en vne estre permanent, & ses ans ne de-
faillent point.

Mais que dis-ie, le peché estre vn neant, changeons vne lettre, & disons que c'est vn Geant, & vn Geant armé comme Goliath, qui va non seulement brauant l'armee d'Israël, mais le Dieu des armées, & d'Israël : c'est ce Lucifer orgueilleux qui veut mettre son siege sur les nuées, & se rendre semblable au Tres-haut. C'est ce rebelle Absolon, qui fait les efforts pour desthroner l'Eternel Pere, au moins pour luy raurir la Couronne de sa gloire. Les Poëtes ont controuué leur Fable des Geants escadant les Cieux, si nous en croyons les Phisilogues sur l'image des nuées que l'on voit quelquesfois en forme de grands hommes & de montaignes, s'eleuer vers les Cieux, & obscurcir la clarté du Soleil: mais ils furent foudroyez,

parce que c'est ordinairement le foudre qui faict fondre & refondre ces nuages. Le sçay bien neantmoins que cette inuention Poëtique a esté forgee sur la verité de la tour de Babel. Mais tant y a que le peché est vn nuage espais : duquel il est dit, *Opposuiſti nubem ne trãſiret oratio.* C'est vne exhalaiſon terreſtre, car il n'a que la terre, & la creature pour obiet: ce voile obſcurcit la ſplendeur de la grace, & comme l'orgueil eſt ſa racine, vous diriez que ce neant armé par ſa rebelliõ vueille attaquer le Dieu du Ciel, lequel ſçait en fin comme Dieu des vengeanceſ, punit comme il faut cette preſomptueuſe outre cuidance, *Deus omnes peccatores diſperdet.*

Certes, cõme Dieu eſt ſouuerainemēt bõ, il n'y a rien qui luy ſoit plus contraire que le peché, qui eſt le ſouuerain mal, auſſi le hayt il d'vne hayne mortelle, *Odio eſt Domino impius & iniquitas illius: Deus non volens iniquitatem tuas.* Nous pouuons iuger de cette extreme hayne par les effectſ eſpouuẽrables de la cheũte des Anges, du banniſſement d'Adã, du deluge vniuerſel, des 5. Citez foudroyees & abyſmes.

Que ſi nous iettons les yeux ſur la ſan-

glante Passion de son propre Fils, lequel n'ayât point peché a esté faict comme peché pour nous, se reuestant de la semblance de la chair du peché: Comment estimons nous qu'il chastie en nous nos offenses, s'il les a si cruellement punies en luy? *posuit in eo iniquitates omniam nostrum, verè languores nostros ipse tulit, & dolores nostros ipse portauit.*

Le peché est vn poison que Satan figuré par cette paillardede l'Apocalypse, nous presente dans vne coupe dorree, mais poison enchanté, qui, selon que l'on conte des breuuages de cette ancienne sorciere Circé change les hommes en animaux: *L'homme*, dit Dauid *estant en l'honneur de la grace ne l'a pas entendu, c'est pourquoy il est deuenu semblable aux cheuaux, & aux mulets, qui n'ont point d'entendement.*

La metamorphose de Nabuchodonozor peut par vn exemple manifeste confirmer cette verité.

C'est vn fleuve de soulfre qui allume continuellemēt ce torrent de feu qui est en enfer; car *ostez la volonté propre en laquelle reside le peché, il n'y aura plus d'enfer*, dit Sainct Bernard. C'est vne œeuure appelée *ombre de mort*: car comme l'ombre imite & fuit le corps qui la forme, ainsi la mort

fuit le peché, & la peine la mort, *putas quod uiuis, & mortuus es*, dit l'Escriture a vn pecheur. Peine proportionnee au delict, *Quantum in delictis fuit, tantum date illi & tormētū.* C'est cet Herode cruel qui suffoque l'innocēce de nostre ame: c'est ce vêt bruslant qui desseiche toutes les sources & les ruisseaux de la diuine grace: c'est ce fruiçt espineux qui prouient de la vigne ingrate dont Dieu se plainct: c'est l'a-uorton des enfers, l'engeance de l'en-uie du diable, *inuidia diaboli peccatorum introiuit in mundum. & per peccatum mors*: parce que considerant l'estat heureux de la creation de nos premiers parens, il ne le peut supporter, *vidit & inuidit*, dit vn Pere ancien, & ne cessa par ses stratagemes artificieusement malicieux, que du comble d'vn estat florissant il ne l'eust precipité dans vn abyfme de misere, en vn mot de la vie à la mort: ouy, car pour feste de malheur, de quel non plus propre peut-on appeller le peché, que de dire qu'il est la mort de l'ame: *Qui non diligit (& tout pecheur est priué du vray amour, qui consiste en la charité) manet in morte.* Celuy qui peche perd la grace, & qui perd la grace perd Dieu. Or

comme l'ame est la vie du corps, dit S. Augustin, Dieu est la vie de l'ame. O Chrestien, poursuit-il, comment peux tu dire que tu as les entrailles de pieté, puis que tu plores un corps dont l'ame est separee, & tu n'as point de larmes pour vne ame qui a perdu Dieu, & dõt il a retiré sa grace. Concluons donc cette premiere partie, & difons que les mauuaises œuures sont celles de peché, appellees Mortiferes à cause qu'elles apportent la mort.

II.

Il y a d'autres œuures qui de leur nature sont bonnes (bien que non toujours meritoires, comme nous deduirons plus amplement au progres de nos discours) & ce sont celles de Vertu, la Prudence, la Iustice, la Temperance, la Valeur, la Modestie, la Patience, la Cōstance la Bien-veillance, la Fidelité, & quoy, tant d'autres qui brillent dans le cours de la vie humaine mieux que les estoilles dans les Cieux. Ces actions vertueuses (car la Vertu consiste en l'action) sont d'elles-mesmes si belles & si aimables, qu'il faut estre au cyele pour ne point voir leur beauté, & s'as cœur pour ne les aymer pas : car estât ainsi que l'Amour est fondé sur le beau & le bō com-

me le Ciel roule sur ses deux poincts que l'õ appelle Poles, la Vertu estant la mesme beauté & la mesme bonté, elle force necessairement à l'aymer ceux qui se donnent le loisir de la recognoistre telle qu'elle est, c'est à dire, belle & bonne. *Ceux la mesme, dit Seneque, qui ne la suiuent pas, & qui ne sont pas, & de son train, ne laissent pas de l'honorer, & de l'admirer.* O ! disoit l'excellent Platon, qui la pourroit voir toute nue, l'on n'auroit iamais, en l'ame d'autre idee que celle de ses perfections. Ces pauvres Philosophes anciens, qui les yeux bandez d'infidelité, ne l'ont veüe, ou plustost entreueüe que dedans les espoisses ombres du Paganisme, n'õt pas laissé d'en estre si fort embrasez, que souuent leur ardeur faiet honte a la tepidité de ceux qui sont nays dans la lumiere de l'Euangile.

Et ie vous prie, si les fresles beautez d'une Rachel, que nous pouuõs appeller volage, puisque pour des mandragores elle quitte l'acointance d'un si fidelle amant que Iacob : si, dis ie, ces beautez passageres peunët tenir quatorze ans un esprit en eschec : si les Assyriës admirât la beauté de Iudith, dõt les charmes plus

forts que leurs armes perçoient leur armée, & leurs cœurs, disoiēt en ce rauissement, que leurs traux estoient bien employez à la conqueste d'une ville, qui resserroit de si specieuses creatures. Si les Grecs qui assiegeoient la grande Troye, se consoloient en leurs fatigues, de ce qu'ils les enduroient, pour reconquerir la premiere beauté de l'Vniuers. Hé! Dieu, quelle peine deuōs-nous plaindre pour l'acquisition de cette toison d'or, de ce thresor inestimable, que nous appellons Vertu?

Vititem posuere dñ sudore parandum.

Sueur agreable, traual aymable employé pour vn si bō subiect. C'est ce pain duquel nous ne pouuons manger, selon l'arrest de Dieu prononcé à nostre protoplaste, qu'est la sueur de nostre visage. Aussi est-ce vn maxime toute constāte, que *virtus consistit in arduo*. Tout ce qui est beau est malaisé, dit le prouerbe Grec. Et c'est ce qui doit piquer vn grand courage.

Gratius est quoties magno sibi constat honestum.

Le vice est en la pête, la vertu en la mōtee, de là ce feint Parnasse des Poètes. Dauid ne peut auoir Michol qu'après beaucoup de hazards & de peines. Israël

des fruicts de la Penitence. 67

n'entre en possession de la terre de promesse qu'apres plusieurs combats. Celui qui se resoult à la suinte de la vertu, comme au service de Dieu, doit preparer son cœur à la tentation, & à la souffrance.

Multi autem tulit fecitque puer, sudavit & alit.

Mais tout de mesme que les iours sembloient des momens, & les fatigues des delices à Iacob, à cause de l'excez de son amour, de mesme au vray amateur de la vertu rien ne semble difficile: le travail employé autour de la chose desirée & recherchée, est vn travail plus aimable mille fois que le repos: ce seroit vne grande peine de n'auoir point de peine.

Mes freres, ie vous voy resolu à sacrifier à Dieu vn sacrifice de Iustice, c'est à dire, à viure selon Dieu: mais plusieurs d'entre vous disent, qui nous monstrera le bien. Et voila que ie vous le montre, en vous exhortant aux bonnes œuures, qui sont les operations vertueuses. Car outre que,

*La vertu est à soy vn loyer assez beau,
O que la retribution eternelle est bien plus grande
pour ceux qui inclineront leurs cœurs aux iustifications du Seigneur.*

Nous sommes en ce monde, disoit Pythagore, comme en vn chemin fourchu:

Multi dicunt quis ostendet nobis bona.

Psal. 118.

nous pouuôs decliner a droict ou a gauche, selon la libre franchise de nostre uolonté. Il est en nous de choisir le feu ou l'eau, ie dis ou le feu eternel en operant mal, ou l'eau des eternelles consolations qui sont les eaux surcelestes, si nous faisons bien: car voicy l'arrest desia prononcé, *Qui bona egerunt ibunt in uitam aeternam, qui uero mala in ignem aeternum.* C'est pourquoy l'Apostre nous aduise de rendre nostre uocation a salut assuree par bonnes œures. Sus donc, puis que le iour est arriué iettons là les œures de tenebres, & reuestons nous des armes de lumiere, pour cheminer honnestement au iour de la splendeur des Saints: embras-sons les œures de Dieu, qui sont les bonnes: car Dieu est tout bon, & en luy est tout bien: & reiettons celles du malin, qui ne respire que nostre perte: n'estendons point nostre main en l'arbre de mort, qui est le peché, portant des fruiçts de damnation eternelle: mais sur celuy de vie, qui produit des fruiçts d'immortalité: Ouy, car les œures faites en la grace se roulent en la gloire, gloire comble des benedictions du Pere, du Fils, & du saint Esprit.

Dies ap-
propin-
quauit
abiicia-
mus ope-
ra tene-
brarum

Des

Des œuvres vives & mortes.

HOMÉLIE. IV.

Facite fructus dignos Pœnitentiæ.


 ETTRE parole du deuot
 Sainct Hugues Euesque
 de Grenoble meriteroit
 d'estre grauee sur le Dia-
 mant. *Mes biens*, disoit-il,
ne sont pas purement biens, ny purement miens;
mes maux sont purement miens, & purement
maux. Certes quand nous faisons bien
 nous ne sommes que comme les outils
 & cooperateurs de la diuine grace, *Non*
ego, sed gratia Dei mecum. Quid habes quod non
accepisti? De sorte qu'apres auoir tout
 faiçt, nous sommes seruiteurs inutiles. Voila
 comme nos biens ne sont ny purement
 ny proprement nostres, puis que la gra-
 ce y a la principale & plus grande part,
 qui faiçt presque le tout, car c'est elle
 qui opere bien en nous, & par nous, bien
 que non pas sans nous: ils ne sont pas
 aussi purement bien, car comme l'eau

E

pour claire qu'elle soit en sa source, tire
 tousiours quelque imperfection du ca-
 nal, ou du ruisseau où elle coule: ainsi ce
 que nous contribuons du nostre en la
 bonne œuure, n'est point sans quelque
 tare d'imperfection: mais quant aux
 mauuaises œuures, certes elles sont pu-
 rement nostres, car Dieu ne prend au-
 cune part en nostre malice: & simple-
 ment mauuaise, car la malignité les in-
 fecte totalement: ainsi nostre perte vient de
 nous, & nostre malheur de nostre pure
 malice: mais nostre ayde vient de Dieu, qui
 ne nous oste iamais le bien de sa grace,
 que quand nous luy osons nos cœurs.
 Retournons donc nos cœurs vers sa
 bonté, & demandons-luy le bien de sa
 parole, l'entremise de la Mere du Verbe.
Aue Maria.

La commune distinction des œu-
Aures, en bonnes & mauuaises, que
 vous a representé le discours precedent,
 en succede vne autre que les Docteurs
 Scholastiques font de celles-la, avec au-
 tant de subtilité, que de solidité: ils di-
 sent donc que les œuures vertueuses sôt

de quatre sortes, Viues, Mortes, Mortifiees, & Viuifiees. Nous examinerons ces deux premieres façons au deux parties de ce discours, en reseruant pour celuy de demain les deux suiuanes.

I.

Nous appellons donc œuures viues les operations qui sont bonnes de leur nature, & faictes par vn homme deliuré de la seruitude, & du poids du peché, & qui est en estat de grace: elles sont dites viues, parce qu'elles sont coniointes avec la grace, principe viuant, & viuifiant, & qui leur donne la vie, tout ainsi que l'ame donne la vie au corps. Encores elles sont nommees viues, parce qu'elles sont meritoires de la vie eternelle, ou non seulement elles sont acceptables, mais y donnent accez à celuy qui les opere.

En la creation du premier homme comme nous apprend l'Histoire de la Genes. Dieu prit de la bouë, & en forma le corps, puis inspira dedans le soufflé de vie, & cette ame rendit ce corps viuans animé. Qu'est-ce, à vostre aduis, que nostre œuure, sinon vne operatiō grossiere & terrestre, quant à nous, *opus cocti lateris*

Et luti, tel que Pharaon faisoit faire à Israël au seruage de l'Egypte: mais si elle est vne fois accompagnée de ce soufflé de vie, qui est la grace, elle est tellement annoblie, qu'elle se peut rouler dans l'immortalité. Qu'est-ce que le verre si beau si clair, si poly, auant que le feu, & le soufflé du verrier y aye passé, sinon vne terre noire, vne cendre rude & vile? qu'est-ce que ce vase, *opus manuum finguli*, que vous voyez parer vn buffet avec tant d'honneur, sinon vn peu d'argille, mais tellement liffée, que vous n'y voyez point la terre, tant proprement le verny est agencé, & esclattant en sa superficie. L'œuvre de l'homme avec la grace, c'est vn Iacob, qui couuert des habits d'Esau, emporte les benedictions celestes.

C'est vne fille de basse condition, & roturiere, quant à son estre, laquelle mariée à vn grand Seigneur, prend la qualité de son mary; ce qui est clair aux exemples de Ruth, d'Esther, d'Abigail. C'est cette ronce ignoble, nommée Aspalathus, qui contracte vne excellente odeur par l'influence & la rosee de l'Iris. Ne la regardez pas en la noirceur de sa nature,

mais en la beauté que luy communique la grace. Le morceau d'orne reçoit l'estime, & le prix que par l'impression de la marque du Prince qui le faict passer en valeur assuree, *Multi dicunt quis ostendet nobis bona* : en voicy la marque, *Signatum est super nos lumen vultus tui Domine, dedisti letitiam in corde meo* : à fructu frumenti vini & olei multiplicati sunt : & ne voyez-vous pas que la graisse du froment, la ferueur du vin, la douceur de l'huile, sont autant de symboles de la grace celeste ? Ne seroit-ce point pour ce sujet que la sainte Es-pouse prie son Amant au Cantique de se mettre comme un sceau sur son cœur, comme un cachet sur son bras, afin de faire valoir par l'apposition de sa grace, & ses saintes pensees, & ses bonnes operations ? O Seigneur, dit David, vous avez tenu ma main droite, & vous m'avez conduit en vostre verité, c'est à dire, par vostre grace, & m'avez receu en gloire. Et tout ainsi que le peintre conduit de sa main, & les doigts, & le pinceau de son apprentif, en sorte que toute la gloire du traict luy est deuë, bien qu'il l'aye tracé par l'organe d'autrui : ainsi la gloire de la bonne operation est deuë à la grace, puisque c'est elle qui

Pone te
ut signa-
culum su-
per cor
meum.

Tenui-
sti manū
dexteram
meam.

grace, puisque c'est elle qui luy a donné l'estre en nous, & par nous: David pour cette occasion rapporte à Dieu tout l'honneur de sa vaillance militaire, *Benedictus Deus qui docet manus meas ad praelium, & digitos meos ad bellum.*

Isa. 18.

Quid habes quod non accipisti?

Nous ne sommes que les instruments, dont la grace, principal agent, se sert pour opperer le bien. Or pour parler avec vn Prophete, *La scie se glorifiera-elle contre celuy qui se sert de ses dents, & qui luy donne le mouuement, & le branle? O homme, qu'as-tu que tu n'ayes receu, & si tu l'as receu, dequoy est-ce que tu te vantes?* Nous ressemblons à ces colombes de bois d'Archiras, qui v oloient par certain artifice interieur, & à ces Automates des Anciens, qui se mouuoient par des ressorts echez.

Ducimur vt nervis alienis mobile lignum.

Non pas certes que nostre volonté soit violentee par la grace, ou nostre franchise forcee: l'arbitre ne seroit plus arbitre s'il cessoit d'estre libre: & la grace ne destruit pas la nature, ains elle la perfectionne: mais elle excite si gracieusement nostre volonté, & meut si amiablement nostre franchise, que

sans l'accabler elle l'incline par des
chaisnons si doux , que comme il n'y
a rien de si suau que sa force , il n'y
a rien de si fort que sa suauité , suauité
qui sçait mesler ses efforts de tant de
souplesse , que nostre volonré toute
enuiroñee, & pour dire ainsi, non tant
accablee que sur comblee de douceur,
maintient neantmoins sa pleine & en-
tiere liberteé par vn accord & concert
admirable. Dieu, diët Sainct Augustin,
*illumine l'entendement , eschauffe la volon-
té , mais pourtant il ne nous contrainct pas
à bien faire , s'il ne nous plaist.* O que
sa main est douce & benigne au manie-
ment de nostre cœur , mariant l'opera-
tion de sa grace à la cooperation de no-
stre vouloir : cooperation qui est peu de
chose , & neantmoins assez pour nous
faire participer à l'vtilité de l'œuvre,
l'honorable demeurant à la grace : Ouy,
car Dieu *n'ayant que faire de nos biens,*
ne se plaist à nous voir bien faire que
pour nostre bien propre , *couronnant en
nous ses œuvres :* & il est tellement amou-
reux de ce peu que nous contribuons
pour faire ce concours , qu'il aduoüe
que son cœur amoureux est touché

Quid est
homo
quod me-
mor es
eius.

d'un seul traict d'œil, d'un seul cheuen de son Amante. O Dieu, qu'est-ce que l'homme pour tenir rang en vostre memoire ? qu'est-ce que son operation pour en faire tant de cas ? Mais tout ainsi que vous ne desdaignez point de creer vne ame pour informer cet informe embrion, qui est rudement organisé dans les entrailles maternelles : & comme le Soleil ne laisse de respandre ses rays sur la bouë, voire d'en tirer des fleurs ; ainsi vostre grace ne faiet point de difficulté de se ioinde à de petites œuures, & les releuer à tel feste de valeur, que quand elle est meslee à vn verre d'eau elle vaut la vie eternelle, avec l'vsure de cent pour vn.

C'est pourquoy, mes freres, ie vous coniuire par la misericorde de Dieu, que vous offriez à Dieu des hosties viues, plaisantes, receuables de sa diuine Maieité. Or rien ne peut estre offert à Dieu qui luy soit acceptable, sans sa grace: c'est pourquoy il est cōmandé en l'Euangile de se recōcilier avec son frere, pour r'êtrer par cette reconciliation en la grace de Dieu, auât que d'apporter son present à l'Autel. Ah! que peu de gēs aduisent à cecy: plusieurs

font assez enclins à bien faire, qui a la priere en recommandation, qui ayme l'abstinence, qui se plaist à faire l'aumosne: mais on n'aduise ou à se maintenir en grace, ou de la rechercher, quand on l'a perduë, par la frequention du Sacrement de Penitence. Hé! que de biens se perdent par ce defaut: ce n'est pas le tout de faire le bien, mais il faut faire le bien bien, c'est à dire & comme il faut, & quant il faut, c'est à dire avec iugement, *honor regis iudicium diligit*. Les confiances font vne partie de l'œeuure, mais entre toutes l'estat de grace est tellement la base de toute bonne operation, que sans elle c'est bastir sans fondement: Mais quand la grace est vne fois respanduë en nos cœurs par le S. Esprit, lors *ses diuines halenees s'estendans sur les parterres de nostre ame, nos aromates, exhalent leur odeur*: si que nous pouuons dire avec l'Amante sacree, *Veniat dilectus meus in hortum suum & comedat fructus pomorum suorum*. Ouy, car comme le iardin de nostre interieur est sien par creation, les fruiçts qui y croissent sont les operations de la grace.

Perfla
hortum
& fluent
aromata
illius.

II.

O Grace ! Grace ! comme avec toy
 les zeros bondissent dans les milliers,
 la bouë immobile deuiet animee , les
 actions perissables se roulent dans la
 vie immortelle : aussi sans toy les plus
 excellentes & releuees operations ne
 sont que vent & fumee. Le martyre sans
 la charité , qui n'est autre chose que
 la grace , est vn vray neant , dit Sainct
 Paul. Les œuures quoy que bonnes de
 leur nature , faictes hors de l'estat de
 grace , & en peché , certes ne sont pas
 des pechez ny des œuures de mort,
 comme blaspheme malheureusement
 l'impicté de l'erreur : mais ce sont des
 œuures mortes , parce qu'elles sont
 destituees du principe de vie , qui est
 la grace. Dauid accompagné de cette
 grace dit , *qu'il percera les murailles , qu'il ne
 craindra point les armées composées des milliers
 de combattans : mais en est-il destitué par
 sa griesue faute , le voila qui a peur de
 l'ombre d'un homme qu'il a faict trai-
 streusement mourir , apres auoir souillé
 sa couche , donc il s'escrie , Libera me de
 sanguinibus Deus Deus salutis meae , tant la*

Psal. 50.

des fruiets de la Penitence. 57

voix de ce sang innocent & iniustemēt
espanché crioit hautement aux oreilles
de sa conscience. Avec cette grace Sa-
lomon rend son nom venerable aux ex-
tremitez de la terre ; si tost qu'il en est
descheu , le voila qui tresbuche dans
vn tel auuglement , qu'ils nous met en
peine de sçauoir s'il s'en est releué par la
Penitence. Abel avec cette grace offre
des sacrifices agreables , Cain de désa-
greables , parce qu'il en estoit destitué.
Abel par cette grace est si bien viuant
apres sa mort , que son sang crie ven-
geance : & Cain abandonné de Dieu, va
fuyant par tout , trainant le cordeau de
son iniquité avec vn tremblement per-
petuel qui le faisoit mourir en viuant :
Comme il estoit *dans l'ombre de la mort*,
qui est le peché , tousiours ce spectre
estoit deuant ses yeux & la peur luy di- *Genes. 4.*
toit sans cesse, *Quiconque me rencontrera
me tuera*, tant ce mot d'vn ancien est ve-
ritable , *Semper cogitas sana perturbata con-*
scientia. Quand Sainct Pierre est en gra-
ce il est hardy comme vn lyon ; l'a-il per-
duë par son apostesie , si la parole d'vne
femme le faict trëbler, *Je peux tout*, dit S.
Paul, *en celuy qui me soustient de sa grace. Sans*

moÿ, dit le Sauueur, c'est à dire sans ma grace, vous ne pouvez rien faire. Mais sire, d'loit S. Pierre, nous auons trauaillé toute la nuict à la pesche sans rien prendre, mais sur vostre parole nous allons lascher le filé.

O que malheureuse est l'ame qui a perdu la grace de son Dieu: car elle n'est plus cette belle & gracieuse Noemi couronnée de gloire & d'honneur; mais elle est vne Mara, noire comme le charbon & mesconnoissable: Ses œuures que bonnes & specieuses, ressemblent à ce guy verdastre, à ce lierre inutile qui s'attache à vn arbre mort: c'est vn arbre triste qui n'ouure ses fleurs qu'aux tenebres de la nuict: l'hyuer du peché la glace tellement, que ses fueilles s'escoulent, & ses fruiçts ne peuuent venir à la maturité de l'eternelle vie. C'est vn enfant mor nay, qui ne peut auoir d'accez au Royaume du Ciel, pour n'estre renay de l'eau de la grace & du Sainct esprit, qui est la mesme Charité. Tu penses estre viuant, dit l'Ange au mauuais Euesque de Sardes, en l'apocalypse, & que tes œuures soient de quelque valeur, & tu es mort, pauvre, miserable & nud. Dieu dit au pecheur bié-faisant comme iadis il disoit à

des fruits de la Penitence. 77

ces mauuais Prestres, *Vostre encens m'est en horreur* : & comme à Isra. preuaricant en Isa. *Te hay vos victimes, vos holocaustes, vos neomenies, vos sabbats, vos festes, vos calèdes, & vos solemnitez, parce que vos assemblees s'ont iniques, & vos mains remplies de sang, c'est à dire d'iniustice. Que sert de ieusner, & de prier estant en peché,* dict le Sage. Cela s'entend pour la vie eternelle, car encores cela est-il vtile pour la prosperité temporelle, ou l'acheminement à la grace.

Mais cela est d'un autre suiet, suiurons nostre poincte. L'ame a qui le peché a osté la vie de la grace, est semblable à un corps mort, auquel toutes les couuertures, & les fourrures du monde ne donneront pas un grain de chaleur. Elle est semblable à ces terres Septentrionales, toujours hérissées de froid, glaces, & steriles, à cause des Aquilons qui y espandent leurs froides halenees. Vous pensez qu'elle doine produire des raisins, & elle n'engendre que des brossailles & des ronces.

Il faut, il faut presenter à Dieu des holocaustes moëlleux, si nous vou'lôs qu'il les recoiue: & qu'elle est la graisse, & la moëlle des sacrifices, sinon la grace, les

Expecta-
ui vt fa-
ceret
vnas, fe-
cit au-
tem spi-
nas.

graphes d'or ; & les varietez de la robbe de l'Eponse: Ce sont les bonnes actions exterieures : mais sa principale beauté : & toute sa gloire est au dedans , en l'ornement que la grace luy communique.

Quel Seigneur voudroit recevoir de son subiect , quel subiect oseroit presenter à son Seigneur des fruiçts vereux, tarez, & pourries ? seroit-ce pas descouvrir l'amitié par vn present qui en doit faire la cousture ? qui ne prendroit cette offre pour vne insolence, vne mesprins, & vne mocquerie ? Celuy qui ammoncelle beaucoup de bonnes œuures , sans se mettre en deuoir de rechercher la grace , est comme *celuy qui amasse des escus, & les met dans vn sac percé.* La bonne œuure est du naturel de cette pierre qui s'esclarcit par la saliuë d'vn homme viuant , & se ternit dans la bouche d'vn homme mort. Dieu ne voulut point que Dauid bastist son Temple, parce que ses mains estoient sanglantes: l'on ne scauroit edifier le Temple de la gloire de Dieu avec des œuures faictes en peché, denotté par le sang.

Malheureux peché, dont l'infection est si grâde, que sa contagion corrompt les

des fruicts de la Penitence. 78

plus saintes actions, tout ainsi que l'es-
ment des oyteaux Stimphalides em-
puantissoit les viandes de ce Roy desas-
stré. Sainct Gregoire le tranche tout
court. *Nil habet viriditatis ramus boni operis
si non manet in radice charitatis.*

L'ame entachée de peché est pareille
à ce lac Asphaltite, où furent aby smées
ces villes abominables, dont le desbor-
dement violoit les loix de la nature: rien
ne vit dedans les eaux de ce lac maudit,
tout est sterile en ses riuages, les plan-
tes qui y paroissent sont plustost appa-
rences d'arbres que vrais arbres, les
fueilles sont blaffardes, & les fruicts n'ont
que l'escorce, toute cendre au dedans.
Le peché oste la vie à tout ce qui naist
de l'ame qu'il possède, rien ne croist en
son enceinte qui n'en soit infecté rongé:
les œuures bonnes ont quelque appa-
rèce de valeur, mais elles sont destituees
au dedans du vray prix qui regar de l'au-
tre vie, & ce royaume qui n'aura point
de fin. O qui nous fera la grace de sortir
comme la Cananee des confins de ce
pays malencontreux, ou Dieu est offen-
cé, & sa bonté outragée.

Le diable comme vn geollier accort

ayant fermé le guichet de la grace, laisse ses prisonniers s'esgayer si bon leur semble sur le preau en bonnes operations, sçachant bien qu'elles ne les garantiront pas en cet estat de la mott eternelle, ou il les veut trainer pour salaire de son geolage. O qui nous fera la grace de rompre puissamment tous ces liens funestes du peché, pour sacrifier à Dieu des hosties de louuâge qui môtent deuant sa face en odeur de suauité. Cela sera si secoüans avec vn grand courage ces mauuuaies inclinations qui nous panchent vers les creatures, nous nous retournons de tout nostre cœur à Dieu : & c'est en ce retour du cœur que se retrouuent l'estolle premiere de la grace, grace fourriere de la gloire, gloire comble de nos vœux.

Luc. 15.

*Des œuures Mortifiees &
Viuifiees.*

HOMELIE V.

Facite fructus dignos Pœnitentiæ.

En n'est pas sans raison que l'Éternel en ses tiltres est appellé Dieu de la vie & de la mort: car comme dit le Prophete

phete Roy, *Dominus mortificat & viuificat deducit ad inferos & reducit.* Quand il commande à Abraham de sacrifier son fils, ce Patriarche se porte franchement à cette sanglante execution, sçachant que Dieu, ou des cendres de son fils, ou mesmes avec des pierres luy pouuoir susciter de la semence, c'est pourquoy Dieu dit par la bouche du Psalmiste, *Ego occidam, & ego viuere faciam, percutiam, & ego sanabo.* Le Fils paroissant à Saint Iean en son Apocalypse, apres luy auoir dit; *Apo. i. Ne crain point, ie suis, poursuit-il, le premier, & le dernier, i'ay esté viuant, & ay senty la mort, & maintenant ie vy au siecle des siecles, c'est moy qui ay les clefs de la mort & de l'enfer.* Cette puissance mortifiante, & viuifiante paroistra en ce discours des Œures mortifiees & viuifiees, s'il plaist à la Mere du Dieu mourant & viuant, *mortifié en la chair, & viuifié en esprit*, nous impetrer des paroles d'esprit & de vie.

Aue Maria.

Mortificatus carne viuificatus Spiritu.

IL y a des plantes veneneuses qui ne produisent que des fruits de mort, & empoisonnez; il y en a d'autres qui sont bonnes de leur nature, mais qui sont

neantmoins des productions bien di-
 uerses, car aucuns de leurs fruiçts vien-
 nent en fin à profit & maturité, aucuns
 meurent en bouton & en bourre; d'au-
 tres estans fort aduancez, sont frapez de
 lagelee qui les flestrit & fanne; d'autres
 tarez & meurtris reprennent leur pre-
 miere vigueur, par la douce humidité
 des roseez, & l'agreable chaleur des ra-
 yons solaires. L'homme est vne plante
 viue, comme nous vous auons autresfois
 amplement enseigné: s'il prend des ra-
 cines au territoire du peché, en produi-
 sant des pechez il porte des fruiçts mor-
 tiferes, que s'il est dans le terrein de la
 grace, & y perseuere, il produict des œu-
 res viues, & des fruiçts bons en leur saison.
 S'il est hors de la grace, ses œuures sont
 mortes: par le peché suruenant, les œu-
 res viues faictes en grace, sont morti-
 ficees, & puis la grace reuenant elles sont
 viuifiees par vne espece de spirituel-
 le resurrection. Ainsi voyez vous com-
 me de ce peu de bien que nous faisons,
 cette seule part est vtile à la vie eter-
 nelle qui est faicte en grace & en per-
 seuerance: aussi est il escrit, *que celuy qui
 perseuerera iusques à la fin sera sauué.*

Psal. 1.

-111011

-112111

-113111

-114111

.111

En la parabole du semeur Euangelique, il n'y a que cette portion de la semence tombant en la bonne terre, qui vien ne à profit; voila l'oeuvre viue: les autres parts tombēt, qui sur la pierre, & elle seiche pour n'auoir point de racine voila l'oeuvre morte: qui dās les espines, & voila les operatiōs mortifiees: qui sur les grands chemins, & voila la viuifree, car elle peut estre recueillie, ou prendre quelque pied. Or c'est de ces deux dernieres sortes d'œuvres que doit traiter ce discours, lequel auant que de cōmencer, permettez que i'ouure mon esprit, & vostre attētion par cette pēsec. Ceux qui ont voyagé dans l'Espagne, y ont remarqué deux fleuves bien differents, l'vn sortant d'vne grosse & viue source, apres auoir roulé quelques lieues sur la terre, se pert en fin dans vn abyfme, & de la se cache sās estre plus apperceu. Il y en a vn autre qui fait le mesme, mais avec cette difference, qu'apres auoir coulé quelque lōgue espace sous terre, il resfourt & ressort de nouveau coulant sur son liēt, iusques à son emboucheure en la mer. Le premier me represente les œuvres Mortifiees, lesquelles ayans le

principe de vie pour estre nees en grace, deuiennent comme mortes, englouties & enseuelies par la venuë du peché. Le second porte l'image des Viuifiees, parce que le malheureux empire du peché estant destruit par la Penitence, elles sortent des cachots noirs de la mortification, pour reprendre vne nouvelle vie, comme vne Aigle, vn Phoenix, vn Serpent renouvelle. Mais examinons ces deux choses distinctement.

I.

Les œuures Mortifiees ressemblent à ces fleurs allangouries & decolorees par la froideur du ventre, la batteure de la gresle, ou la froideur de la gelee; vous les voyez comme rosties & bruslees, parce que selon le Poëte, *penetrabile frigus adurit*. Hé! Dieu, quel deplorable rauage le peché fait en vne ame qui est si miserable que de l'introduire en sa volonté: non le saccagement d'une ville, où se voit toute la cruauté & la barbarie que le courroux des assaillans & l'orgueil des victorieux peut suggerer à des cœurs picquez de fureur & de rage, n'a rien de conferable à cette spirituelle desolation.

Thren. I.

O que cette cité interieure, auparauant peu-

plee de graces, est de solee, elle demeure veufue par la perte de son espoux que ce voleur luy rait: le feu deuore sa concupifcence, le fer de l'obstination endureit son cœur, le sang des voluptez boüillonne dans ses entrailles: sur le courant de ce torrent impetueux de confusions qui l'environne elle peut bien comme Israël sur les riues d'Euphrate, soupirer apres sa liberté perduë, & l'estat de la grace ecclipsé pour elle.

Quelle deplorable condition de la voir de fille de Dieu deuenüe fille de Lucifer, & du ciel de la grace precipitee dans l'abyfme de la haine de Dieu. Temps heureux dont le souuenir la doit outrer d'un regret incomparable. Helas! faut-il que *qui nutriebantur in croceis ample- xentur stercora.* Faut-il que cette belle Nazareene *plus blanche que la neige fraische- ment tombee, plus nette que le laiët, plus vermeille que l'yoivre teint dans le pourpre, plus brillante que les saphirs, soit deuenüe noire comme le charbon, & mescognoiffable à ceux qui l'auoient admiree en la fleur de sa premiere beauté.*

O si les Dames estoient aussi curieuses de conferuer en leurs cœurs l'estat de la

grace, qu'elles font excessiuement soigneuses de conseruer sur leur front la fraischeur & delicatessè de leur teint. Mais las! *cultus & vultus magna cura, magna virtutis in curia*, dit vn ancien. Quand la lace d'vn miroir est ternie par l'épaisseur d'vne haleine ou quelque matiere grasse & visqueuse, difficilement s'en peut on seruir: quand le peché se respand sur vne ame, ame créée à l'image de Dieu, Dieu ny voit plus cette sienne image, appelée par Dauid le caractere lumineux de la face du Seigneur.

Autresfois quād les filles consacrees à Vesta s'estoient oubliees, elles estoient en terres toutes viues: & qu'est-ce que le peché, sinon vn oubly de Dieu: *Tu verò oblitus es Dei diebus innumeris*. Se faut-il dōc estonner si le pecheur est oublié de Dieu, qu'il a premierement effacé de sa souuenance? C'est ce qu'il declare par la bouche d'Ezechiel, *Si le iuste se destourne de la Iustice, estimez-vous qu'il viue, de la vie de la grace? Non, non, ie ne me souuiendray plus de toutes ses iustices, & il mourra au peché qu'il a commis*. Ezechias se voyant en la fleur de ses ans accablé d'vne maladie funeste, apport de son peché, *Helas,*

difoit-il en soupirant, faut-il qu'au milieu de mes iours j'aille aux portes de l'enfer? *Isa. 38.*

Thamar ayant peché avec son beau pere, se voit sur le poinct d'estre brulee. O Dieu, que le peché est vne chose funeste, puisque non seulement il meurtrit l'ame, mais encores il assassine la progeniture de ses plus viues actions.

En cela Dieu tesmoigne esgalement la feuerité de sa Iustice, comme la douceur de sa Misericorde: car comme la premiere faute qui fait retirer sa grace de nous abat & flestrit toutes les œuures viues que cette mesme grace auoit operées en nous, aussi par le moindre retour de nostre cœur vers luy, pourueu qu'il soit droict, franc & sincere: voila la paix faicte, & toutes nos offenses, pour griefues qu'elles soient, non seulement oubliées, mais abolies. C'est ce que par le mesme Prophete il va declarant, *Si l'impie fait penitence de ses pechez, & opere iustice & iugement, il viura en ma grace, & ie ne me souuiendray plus de toutes ses iniquitez.* C'est ce Dieu à face d'homme, tant il est humain & traittable enuers ceux qui viennent du peché à

Ezech. 18.

la Penitence : mais à front de lyon pour ceux qui quittent sa grace pour se tourner à l'iniquité, il a d'une main des estoilles amiables pour les penitens, de l'autre un glaive tranchant des deux parts pour les peruers. Ceux qui descheent de la grace pour se porter au mal ressemblent à ces mauuaises femmes qui estouffent leur fruit. Mais Dieu misericordieux enuers tous ceux qui le recherchent, fait comme le bon Elie qui ressuscita l'enfant de la vefue en luy rendant la ioye de
Psal. 50. son salutaire, & redonnant la vie à ces œures que le peché suruenant auoir suffoquées.

II.

Et ces œures ainsi reuenues de la mort à la vie (selon qu'il est dict, *Translati sumus de morte ad vitam, quia diligimus*) sont appellees Viuifées. Car tout ainsi que le peché suruenant en vne ame enleue la vie au coeur & à toutes ses plus entieres operations; ainsi la grace reuenant redonne la vie au coeur & reuigore toutes ses œures, non ja celles qui sont mortes, c'est à dire faites en estat de mort, mais à celles qui ayans le principe de la vie ont esté amorties, esteintes,

assoupies, & mortifiees par la venuë du peché, lequel pareil à vn froid & rigoureux hyuer effueille & rauage toute la vigueur des arbres, leur donnant vne image de mort mais la grace, semblable au printemps, r'anime toutes les plantes qui se trouuent auoir vn principe de vie. Si donc cet hyuer spirituel desseiche & morrifie, le printemps reuerdit & viuifie: c'est à quoy visoit l'Espoux quand il disoit, *Iam hyems transiit, imber abiit & recessit, flores apparuerunt in terra nostra.*

Quelle ioye au pauvre laboureur, quād il voit que la saison Printaniere en laquelle la terre riante & gaye, se pare de ses plus riches atours, luy donne l'esperance par la môstre de ses fleurs, de voir sortir des filons qu'il a tracez d'vn long travail, avec vsure, les richesses qu'il y a cachees: quel contentement, quand il voit leuë ce qu'il estimoit estre pourry, & perdu. Quelle ioye à la veufue de Naïm quand son fils luy fut rendu viuant: quelle allegresse à Iayrus quand il vit sa petite Talithe ressuscitee, quel contentement à ces deux saintes sœurs Marthe, & Marie, quand leur frere dit

Lazare sortit du tombeau: mais quel doit estre celuy d'une ame, qui peut dire avec Dauid, *Conuersus uiuificasti me, & de abyssi terra iterum eduxisti me, non dereliquisti animam meam in inferno: & quel enfer plus miserable que l'estat de peché, n'est-ce pas la mort, & l'enfer des viuans?*

Iob remis en sa premiere splendeur, le Prodigue reintegré en la maison paternelle, Tobie guery de son aueuglement, la belle mere de S. Pierre de ses fieures, le Paralytique de sa misere, ou il auoit croupy trente & huit ans, Naaman purgé de sa lepre, ne peuuent représenter l'allegresse d'une ame qui est rendue quitte du faix du peché qui l'environnoit, & l'accabloit.

Admirable flux & reflux de la grace, autant que celuy de l'Océan, car comme le peché emporte ce flux de nos riuies, la repentance l'y r'ameine par son reflux. *O mon ame*, disoit Dauid, selon l'experience qu'il en auoit, *beny le Seigneur, & n'oublie iamais ses retributions, c'est luy qui guerit tes infirmitex, qui r'appelle ta vie de la mort, qui te couronne en misericorde & miserations, c'est luy qui remplit de biens tes desirs, & qui renouuelle ta ieunesse comme celle de l'Aigle.* Sçauiez-vous comme l'Aigle r'appelle

la ieunesse, & sa premiere vigueur: c'est en secoüant ses vieux cotons, & se plôgeant dedans vne fontaine: ainsi l'ame qui reiette ses anciennes habitudes, & ses pechez inueterez, pour se plonger dans l'eau de la Penitence, reprend sans doute la vie de la grace.

Et tout ainsi que le deluge, effect redoutable de la diuine Iustice, estât passé, la blanche Colombe rapporta le rameau de paix: de mesmes, quand le deluge du peché cesse par le retour de la grace, Dieu crée en nous vn cœur net, & renouuelle vn esprit de droicture en nos entrailles, il enuoye son esprit, & nous sommes formez de nouveau, & la face de nostre terre est renouuëe. Genes. 8.

Mais, ô bonté de mon Dieu, qui vous pourroit assez dignement louer, de combien vostre misericorde est elle releuee par dessus vostre Iustice. Il n'en est pas des œuures de mort, comme de celle de vie, car la disgrace reuenant apres la grace, les œuures mortelles qui ont esté vne fois cancellees, effacees, & aneanties par la Penitence & l'absolution, ne retournent pas derechef pour nous estre imputees, car ce qui est vne fois rayé, n'est plus remis en ligne decôpte: mais pour le regard des œuures viues

mortifiees par la disgrace suruenant, la grace faisant son retour, les faict reuiure de nouveau, car elles ne sôt qu'oubliees, & non pas abolie comme les pechez: or ce qui est vne fois aboly ne retourne plus, mais ce qui n'est qu'oublié peut estre r'appellé en memoire. Quand les araignees, ou les chenilles meurent, elles ne reuiuent plus, mais quant les abeilles sont mortes, si on les couure de cendres de figuier, elles prendront aux rayons du Soleil vne nouvelle vie: Le peché pareil à ces animaux veneneux, estant vne fois a boly, ne reuient plus, si bien les œures viues qui peuuent estre rauiees par les cendres de la Penitence, & les rays de la grace. Le verre cassé remis au feu, se refait de nouveau: & le Phenix renaist de sa cendre, & le Pelican reuigore ses petits assassinez avec son propre sans: ce sont autant de tableaux des œures viuifiees: comme aussi ce feu du Temple caché dans vn puits, changé en bouë, qui fut r'allumee par les rayons du Soleil, du temps des Machabees.

Doncques pour recueillir en peu de mots toute la doctrine que nous vous

auon
diso
font
ciue
ou b
en q
Mor
les c
mon
fiec
le p
les
pre
tou
dre
che
n'o
ope
pe
pr
re
C
le
le
in
fé
Q
ce

avons enseignee, en nos trois derniers discours, vous noterez que les œuvres sont distingüees en deux bandes, en vicieuses, ou mortifieres, & vertueuses, ou bonnes: & celles-cy soubs-diuisees en quatre branches, en Viues, Mortes, Mortifiees, & Viuifiees. Les viues sont les œuvres faictes en estat de graces, les mortes en estat de peché, les mortifiees sont les œuvres viues amotties par le peché suruenant les viuifiees sont les mesmes œuvres mortifiees, qui reprennent vne nouvelle vie par le retour de la grace: les viues peuuent perdre la vie, comme Adam pouuoit deschoix de son innocence: les mortes n'ont iamais eu de vie, *de vtero translatae operationes ad tumulum*: les mortifiees l'ont perduë, & sont pareilles à ces veufues priuees de leur espoux: les viuifiees l'ont recourees, semblables à l'Amante du Cârrique, qui disoit, *tenui eum nec dimittam*: les œuvres viues plaisent à Dieu, & il les desire, *Quodcumque potest manus tua instanter operaro*: les mortes ne luy plaisent pas, il ne laisse pourtant de les voir, *Quiescite agere peruersè*, & *discite bene facere*: les mortifiees ne luy agreent pas,

& il ne les veut point ; les viuifiees luy font agreables , mais elles luy seroient encores plus acceptables toutes viues : les viues sont meritoires & satisfactoi- res, les mortes, nullement, les mortifiees ont perdu le merite quand & la vie , les viuifiees quant & la vie ont regaigné la grace de satisfaire & de meriter : les vi- ues sont dignes de la gloire , les mortes nullement , ny les mortifiees : si bien les viuifiees. Pratiquons les premieres le plus que nous pourrons , *tandis que nous auons le temps , car la nuict viendra en la- quelle nous ne pourrons plus ouurer.* Euitons le peché, comme vn esueil, & *empeschons le de regner en nous*, puisqu'il est si domma- geable , que de mortifier nos œuures vi- ues, tant qu'il nous possède , ne nous en laissant produire que de mortes : pareil à ce Pharao , qui faisoit estouffer les pe- tits Israélites en leur naissances cheris- sons la grace qui viuifie nos œuures & nos ames *par la charité de Dieu, & la com- munication du saint Esprit: grace, tresor in- comparable, qui nous rend participant des mys- teres diuins, heritiers de Dieu, & coheritiers de IES. CHR. son Fils unique nostre Seigneur,* lequel soit beny à iamais. Ainsi soit il.

Des Qualitez des bonnes œuures.

HOMELIE VI.

Facite fructus dignos Pœnitentiæ.



Ette pierre esclairee de sept yeux que vid S. Iean en son Apocalypse, & ces animaux qui parurent à Ezechiel, dont les yeux sursemez par tous leurs corps les rendoient clairuoyans de toutes parts, me semblent estre des symboles & hieroglyphes signalez de la circonspection dont nous deuons vsfer en toutes nos actions : car souuentefois sans ce discernement le bien deuient mal, & la vertu se rend vicieuse. Mais pour auoir lumiere en la conduite non seulement de nos operations, mais mesmes de nos paroles, allons au Phare luisant de celle qui est reuestuë du soleil de la grace, & couronnee des estoilles celestes, les splendeurs du S. Esprit. *Aue Maria.*

DEUX choses sont necessaires à celuy qui veut planter vn fleche dans le blanc, la mire ou visee droicte, & la main ferme & assuree. Pour planter comme il faut vne bonne œeuure dans la diuine grace, plusieurs conditions sont requises: mais en ce discours nous n'en deuiderons que deux, la droicte intètion, & le iugement accompagné de discretion & de prudence.

I.

Quant à la droicte intention, elle auine tellement les œeuures, que si elles ne sont parfummees, & pour dire ainsi, aromatisees de sa senteur, difficilement montent elles deuant Dieu en odeur de suauité. C'est pourquoy l'intention sainte qui n'a que Dieu pour object peut estre proprement comparée à cette vergette de fumée du Cantique, composée de toutes les drogues du parfumeur, & à cette fleche eslené dont parle le Prophete, laquelle ne manque iamais d'atteindre, & de blesser le cœur du diuin Espoux, blessure que ce saint Amant dit encores luy estre faicte par vn seul traict d'œil: & l'intention se dresse par vne oeillade, vnre-

des fruicts de la Penitence. 96

vn regard, vn esgard, & par vn seul che-
ueu, comme disant que son Amante a-
yant recueilly toute sa cheuelure esparse
en vne seule tresse, tresse aboutissante à
vn seul cheueu, elle a ramassé toutes les
diuerses intentions qui ont de coustume
d'accompagner les bonnes œuures, en
cette seule, de luy complaire, laquelle
luy est si agreable, qu'elle luy perce le
cœur de part en part. Si l'œil varie en sa
visee, ou si la main tremble, iamais on
n'atteint le but: l'œuure arriue difficile-
ment à bonne issuë quand l'intention
n'est pas bien aiustee. L'Espoux celeste
est tellement ialoux de ce regard arresté
de nos ames vers luy, qu'il proteste de
s'enuoler de son Amante, si elle destour-
ne tant soit peu sa veuë de dessus luy.
Comment peux tu dire que tu m'aymes
si ton cœur n'est pas tourné vers moy,
disoit à l'affollé Samson la desloyale
Dalile. Et Iehu à Ionadab, *Si ton cœur est
aussi droict vers le mien que le mien vers le tien,
monte dans mon chariot, & vien avec moy. O
que le Dieu d'Israël est bon! ouy, mais à ceux
qui sont droits de cœur.* Et comment se dres-
se le cœur, sinon par la rectitude d'in-
tention?

Exech. 18. Ceux qui allegorisent sur ces poinctes d'or qui estoient sur le feste de la couuerture du Temple de Salomon, pour empescher que les oyseaux ne s'y perchassent & falissent le toict de leur esmeur; disent que nostre cœur estant le temple viuant du vray Salomon, rien n'empesche tant que les bonnes oeures qui en prouienent, comme de leur vraye racine, ne soiēt souillees d'imperfections, que de les accompagner tousiours d'vne intention droicte & iuste.

Grand cas, Chrestiens, que le mal est tousiours mal, quelque bonne intention que l'on aye en l'exerçant: desrober, ou prester à vsure est tousiours pecher, quoy que ce fust à intention d'en faire l'aumosne au pauure: porter vn faux tesmoignage ou se pariurer pour deliurer l'innocēt de la mort, ou de l'infamie, ou de sa ruine, est vne chose illicite, selō cette maxime passēe en loy inuiolable, qu'il ne faut point faire vn mal, quel que bē qui s'ē puisse ensuiure. Aussi la genereuse Susanne ne voulut-elle pas conferuer son honneur deuant les hommes en le perdant deuant Dieu, ny se liberer

Non sunt
facienda
mala vt
eueniant
bona.

de l'infamie par vn adultere : & le bon Eleazar pour sauuer sa vie ne voulut pas seulement feindre de mâger de la chair de pour ceau. Et S. Paul ne reprend-il pas hardiment ceux qui condescendoient aux Iuifs en quelques ceremonies pour les attirer au Christianisme? *Galati. 21*

Au contraire, tant nous auons l'attouchement infect, nous pouuons faire l'œuure qui de sa nature & de son estoc est bonne, de telle façon qu'elle en deuiendra vicieuse & mauuaise, tout ainsi que le serpent change les fleurs en poison. Ieufner est bon, mais si pour amasser c'est auarice; si pour paroistre & estre estimé deuot, c'est hypocrisie: donner l'aumosne est chose agreable à Dieu, mais si c'est par vanité, il deteste ces presents là. C'est pourquoy il dit que ceux qui operent le bien pour acquerir la reputation du monde, *ont desia receu leur salaire.* Quel auuglement, de vouloir priser des actions par ce qui les rend mesprisables. Le monde est nostre enemy capital, est-ce de son iugement trauersé que nous deuons mandier la gloire? estant mauuais, il ne sçait louer que ce qui ne vaut rien: *Si ie plaisois*

Reteperrunt mercedem suam.

aux hommes; dit Sainct Paul, ie ne serois pas seruiteur de Iesus-Christ, autrement le disciple seroit plus priuelegié que le Maistre. Les plus excellentes, heroïques & esclattantes actions qui furent & seront iamais faictes, les œuures les plus accomplies, sont celles du Fils de Dieu, & cependant commēt ont-elles esté prises par le mōde maling qui a de coustume de mettre les tenebres pour la lumiere, & appeller le mal bien, & le bien mal. Ne seroit-ce pas vne impertinence à ceux qui courent vne bague de mespriser le iugement des Iuges, auxquels il touche de l'adiuger à celuy qui aura fait la plus belle & iuste course, ne faisant estat que de l'aplaudissement du vulgaire, qui estime ordinairement celuy qui est le plus mal à cheual. Et quel folie est-ce de rechercher dans les bonnes actions la reputation populaire, qui suit coustumierement les plus vains, non les meilleurs. Apelles se mocquoit du peuple, quand il parloit de ses ouurages. Il n'appartient qu'aux lapidaires de iuger de la valeur des pierreries, comme d'en recognoistre la bonté. Il me semble que c'est à Dieu seul, comme cognoissant parfaictement nos cœurs, de

iuger de nos operations , car si Dauid disoit, *Qui est-ce qui cognoist les pechez*, qui est-ce, ie vous prie , qui nous monstrera le *vray bien*: & qui pourra dire asseurement, *mon cœur est net*, puisque le cœur humain est *inscrutable*, sinon à celuy qui *profonde les cœurs & les reins*. Aussi est-ce le propre de Dieu, selon le Psalmitte , *de regarder du haut des Cieux sur les enfans des hommes*, pour veoir si *quelqu'un le recherche avec pureté d'intention*: *L'homme ne veoit que la face*, mais Dieu *regarde l'interieur*: Ses yeux de Linc percent les *murailles des poitrines* : *Son iugement est accompagné de poids & de balance* : *Souvent ce qui pese au poids prophane*, est *leger à celuy du sanctuaire* : & puis on nous dit comme à Balthazar. *Tu as esté pesé à la balance*, & *tu as esté trouvé leger*. Le Pharisien estoit fort pesant selon le poids du monde, mais s'estoit *vne paille legere deuant Dieu* : La pauvre veufue avec ses deux pittes, estoit *mesprisee des hommes*, mais *tres-acceptable deuant Dieu*. Le traict de *Sainct Gregoire est fort vray* : *Il ne faut chercher aucune gloire exterieure de la bonne oeuvre* : mais *illa faut faire en sorte au dehors*, que *l'intention demeure cachee au dedans*.

Pondus
& statera
iudicia
eius.

Qui ne sçait que la vaine gloire, laquelle comme l'araigne faiçt venin de la fleur, est pareille à ce Dragon roux de l'Apocalypse, qui attendoit à gueule beante le part de cette femme enceinte pour l'engloutir: à combien de bonnes operations ce Pharaon, cet Herode cruel, donne t'il la mort en leur naissance, changeant en tombe leur berceau? Helas! quelle pitié de voir reduire en fumees tant de fatigues & de trauaux, employez pour le seruire de ces idoles creuses, la Vanité, l'Honneur, & la Reputacion. Ces gens ressemblent à ces tireurs d'arquebuzes, qui font assez de bruiçt, mais point de coup, parce qu'ils n'ont pas chargé la balle de la droite intention, qui seule rend l'œuure efficace. Assez de bruiçt, & point de fruiçt. *Perit memoria cum sonita, sed Dominus in eternum permanet*, comme aussi demeure eternellement ce qui est faiçt pour son amour & pour sa gloire.

Aussi est-ce à luy seul que l'Amante sacree reserve ses pommes, tant fraisches, que surannees. Ce n'est point dans la caue des terrestres pretensions qu'elle garde son

froment d'elite , mais dans le grenier
des celestes intentions. Ce n'est pour-
tant que la veü des hommes nous doi-
ue empescher de bien faire, car il y a bié
de la difference entre bien faire pour
estre veu, & bie faire, & estre veu : cela
est vicieux, & cecy vertueux, voire si re-
commandable, que le Sauueur *veut bien*
que nostre lumiere luisse deuant les hommes, &
qu'ils voyent nos bonnes oeuvres, mais à la char-
ge que toute la gloire s'en apporte à Dieu. Car
comme tout l'effect d'vne espee confi-
ste en sa poincte, ainsi celuy d'vne bon-
ne oeuvre en la droicte de l'intention,
c'est le timon, c'est la bouzolle qui la di-
rige au havre de la grace, c'est la moël-
le de l'holocauste ; en yn mot, c'est
cela seul qui la rend acceptable à
Dieu, car rien n'a prix deuant Dieu,
que ce qui est faict par sa grace, en sa
grace, & pour son amour : comme sa
grace est le principe des bonnes oe-
ures, son amour en doit estre la fin,
pour arrondir ce cercle parfait, qui
le rend l'Alpha & l'Omega de toutes
choses.

*Luceat
lux vestra
coram
homi-
bus.*

Voyons maintenant la seconde qualité requise en la bonne œuvre, qui est le Jugement & c'est icy où ie peux dire avec le Chantre Roy,

J'ay pour le suiet de mon chant,

La Iustice & le Jugement.

La Iustice & le Jugement sont bes-
 sons, ou plustost comme la cause & l'ef-
 fect, car vn iugement qui n'est accom-
 pagné de iustice, c'est vne tyrannie, vne
 iustice sans iugement, c'est vne iniqui-
 té : vn iugement sans préiugé c'est à
 dire, sans vne enqueste serieuse, est in-
 supportable, dit vn Ancien, comme vn
 préiugé est friuole, qui n'est accompa-
 gné de iugement. C'est pourquoy
 Dauid demandoit le iugement & la iu-
 stice pour soy, & pour son fils, sçachant
 que l'vn est imparfaict sans l'autre, *Deus*
iudicium tuum regida, & iustitiam tuam filio
regis: iudicare populos in iustitia, & pauperes in
indiceo: parce que, Iustus Dominus, & iusti-
riam dilexit, equitatem vidit vultus eius. C'est
 pourquoy sçachant que Dieu ayme la
 iustice accompagnée de iugemēt, il dit,
Feci iudicium, & iustitiam, non tradas me ca-
lumniantibus me. I'entés par la iustice cet-

te vertu vniuerselle qui nous met en la
grace, si qu'un homme iustificié n'est au-
tre chose qu'un homme mis en grace.
Or cette iustification se faict par la foy
& les oeures, comme toute l'Escriture
nous enseigne clairement. Quand donc
le dy qu'il faut pratiquer la iustice avec
le iugement, c'est autant que si ie disois
qu'il faut operer le bien iudicieuse-
ment, O homme, dit le Prophete Michee, *Mich. 6.*
ie te veux monstrer ce qui est bon, & ce que le
Seigneur requiert de toy, c'est que tu operes avec
iugement, & que tu aymes la misericorde, Ouy,
car comme dit Dauid, Honor regis iudi-
cium diligit, Dieu veut estre seruy avec
iugement, Dominus diligit iudicium. Il
vouloit que quand on luy offroit des
Tourterelles en sacrifice, symbole de
simplicité, que iamais on n'en sepa-
raist la teste, marque de la prudence,
car il est ce Dieu qui se plaist à entretenir
les simples, mais aussi qui veut que ses ser-
uiteurs soient prudents & fideles, c'est
luy qui nous desire simples comme des
colombes, & prudents comme des serpents?
qui exclut de son festin, & celuy
à qui defaut la robbe nuptiale de la Iu-
stice, & les vierges folles qui n'ont pas

Cum sim-
plicibus
fermoci-
natio
mea.

la lampe de la prudence, & de iugemēt.
C'est vn precepte de nostre Seigneur,
que la traditon des anciens nous a trāsmis,
Soyez bons monnoyeurs : & comme les
bons monnoyeurs ont vn grand discernement
des metaux pour recognoistre le franc ou
faux alloy, le poix iuste ou illegitime :
ainsi en nos œuures deuous nous vler de
beaucoup de circonspection pour les rendre
les bons deniers du tribut diuin, y grauant
dessus & l'image du diuin Amour & l'inscription
de la bonne intention. Salomon par son
iugement fit paroistre la sagesse celestement
infuse dont il estoit doué. La Nemesis
soubz laquelle les anciens adoroient la
Iustice estoit representee tenant vne
balance d'vne main, & vne bride de
l'autre, pour marque de la circonspection
iudicieuse qu'il faut apporter en l'operation
iuste. Aussi voyez comme Dieu tout iuste
& tout iudicieux ayant creé toutes choses
en nombre, poids, & mesure, il fit reflexion
sur ce qu'il auoit fait, & trouua tout bon,
ains tres-bon. Voyez comme les ouuiers
cōpassent leurs besongnes avec les reigles
de leur art, les architectes ne pro-

cedent qu'avec le plomb & l'esquierre: les peintres regardent leurs tableaux à diuerses reprises.

La bonne ame est comme la bonne lame, celle qui se replie, se recourbe, se reflexit le mieux. Si vous eussiez voulu des sacrifices, dit David, ô Seigneur, ie vous en eusse soudain offert, mais vous ne vous delectez pas aux holocaustes. Vostre hostie bien aymee est vn cœur contrit & abbatu. Voyez-vous comme le retour du cœur est ce qui plaist le plus à Dieu. Aussi adiouste-il pour corollaire, *Tunc acceptabis sacrificium iustitie oblationes & holocausta*: car tout ce qui est bon & offert avec iugement est agreable à la diuine Maiesté. Vous sçauiez avec quel soin les victimes anciennes estoient examinees auant qu'estre immolees à Dieu: avec combien de diligence & de sollicitude estoient preparees les filles qui auoient à se presenter deuant Assuere. Quoy que nous facions, la iudicieuse prudence doit porter le flambeau deuant nous, elle doit estre nostre colonne de feu es tenebres de cette vie, elle doit seruir de verge veillante au pot bouillant de nos plus grandes

ferueurs. Quoy que nous facions-faisons-le prudemment, & regardons la fin : ne mettons iamais le pied qu'ou l'œil aura donné auparauant. Le Iugement est comme l'espion de la terre de promesse, qui nous rapporte des fruiçts si fauoureux, que ce nous sont de grands esguillons pour nous acheminer à la vertu. C'est le maistre d'hostel qui doit gouverner toute nostre maison interieure : c'est l'Eliezer qui scait donner prudemment les presens d'Isaac, nostre cœur, à la belle Rebecca, qui est la grace diuine. Ce qu'il faict est bien faict, ce qu'il ne faict pas n'est pas bien faict. Saül pour auoir sacrifié sans iugement Ozias touché l'Arche sans circonspection, Dauid conté son peuple sans consideration, Sainct Pierre coupé l'oreille de Malchus imprudemment desseruent Dieu en luy pensant rendre seruiçe. Saül pour auoir reserué des despouilles d'Amalech, & Acham de celles de Hiericho, se voyent saisis dans l'atheme. Tout ce qui est bon en l'apparence ne l'est pas en l'effect : tout ce qui esclatte n'est pas or : tel pense auoir faict merueilles qui n'a rien faict qui vaille

Gen. 24.

Te te conseille, disoit l'Ange à cet Euesque miserable en l'Apocalypse, d'achepter de l'or pur, si tu veux estre riche. L'or pur c'est la Charité espuree, examinee par le feu du Iugement. Rachel estoit plus belle que Lia, mais moins fertile, parce que moins iudicieuse: est ce iugement que de donner son espoux à l'appetit d'une mandragore? Les œuvres iudicieuses sont plus sombres & moins esclatantes, mais plus vtiles que celles qui brillent le plus, & qui comme les perles conceuës au bruiet des tonnerres ne sont pleines que du vent de la vanité.

Il y a des secrets que sçauent les lapidaires pour discerner les vrais diamans des faux: les Celtes se seruoient autrefois des eaux du Rhin pour recognoistre si les enfans de leurs femmes estoient legitimes ou adulterins. Si vous voulez bien distinguer les actions valides des inualides, aduisez si en les operant vous y auez porté le iugement requis.

— *Examenque improbum in ista*

Castiga trutinâ. —

On dit que l'on recognoissoit iadis les descendans d'Achilles à la figure d'une hache d'armes qu'ils auoient imprimee

en la cuisse. Vous sçauuez que la lettre
Tau est le signe des esleus: & ie vous
dy que le iugement est la marque plus
assuree des oeures acceptables, parce
qu'elles portent grauee sur le front la lumie-
re de la face de Dieu.

Insani sapiens nomen feret, equis iniqui;

Ultra quam satis est virtutem si petat ipsam;

Voyez vous comme l'excez de la vertu
est vn vray vice. La discretion, fille aî-
nee du iugement, est l'ame de nos a-
ctions. L'aumosne peut estre faicte à tel,
de telle façon, que ce sera perdre, non
donner, ruynar au lieu d'edifier. Les
trop longues oraisons peuuent estre mau-
uaises en ceux qui ont beaucoup d'af-
faires à conduire, sur tout en la deuotiõ
ciuile. Marie doit ceder à Marthe.
Quant aux ieunes immoderez tant
blâmez par S. Hierosme & Sainct Ber-
nard, ce sont plustost des impertinen-
ces que des abstinences. Qui n'impro-
ueroit ces ieunes superstitieux des Le-
uantins, qui passent quelquefois de de-
faillance, sans vouloir rien prendre qui
les soustienne. Certes le corps ne peut
supporter l'esprit quand il est trop abba-
tu, cõme l'esprit ne peut endurer ses re-

bellions quand il est trop refaict:

Volez entre deux airs, le milieu est plus seur,
dit cet ancien Poëte, Il y en a qui presse
d'affections spirituelles mattrent leur
corps qui n'en peut mais, comme Ba-
laam battoit son asne qui ne vouloit ad-
uancer voyant l'Ange avec le glaive
prest de le transpercer: & cependant le
peché esroit en la mauuaise volonté de
ce faux Prophete. Le zele mesme, quoy
que ce soit vn des excellens effects de la
charité, s'il n'est accompagné de iuge-
ment & de science, il est plus nuisible
qu'utile: celuy des Apostres est blasme
par nostre Seigneur, qui vouloient que
le feu descendist sur les Samaritains,
comme du temps d'Elie sur le Cente-
nier & ses satellites.

Mais que dirous-nous du peu de iu-
gement de ceux qui louent si haute-
ment les vertus des Payens, vertus de-
spornueues de iugement? certes elles ne
sôt pas seulement imparfaicte, pour n'a-
uoir pas esté accompagnées de foy & de
charité: mais encores considerees cōme
actions humaines & morales, elles
sont mesprisables. L'on chante la con-
stance de ce furieux meurtrier de foy-

mesme Caton, & cette cruelle homici-
de Lucrece, & qui ne veoit que c'est plu-
stost le desespoir, qu'aucun motif gene-
reux, qui les a portez à cette manie ? Ne
fut-ce pas vne temerité, plustost qu'vne
vaillance, qui fit traicter le Rubicon à
Cesar ? ce qu'il aduoüa luy-mesme, en
disant *le dé en est ietté*, ne pouuant rendre
de raison de ce transport. La valeur qui
n'est point accompagnée de iugement,
ne peut estre appelée ainsi, sans faire vn
outrage à la vraye vertu de vaillance,
autant differente de cette brutalité, que
la sagesse l'est de la rage. Que de gens,
pareils aux satelites de Saül, qui serue-
rent sur la statuë de Dauid pensant que
ce fust luy, se lancent à embrasser, des
idoles creuses & vaines de vertu, au lieu
de son corps solide. Qui fait tout cela, le
defaut de iugement à discerner, le de-
faut iugement à operer.

Qui ne diroit à voir vn Saprice sur
l'eschafaut, pour la confession de la foy
Chrestienne, qu'il va donner sa teste
pour le Sauueur, & acquerir la gloire de
martyr, & cependant il a de la rancune
contre Nicephore, & estant hors de la
charité, le courage luy manque au be-
soin :

soing, il renonce la foy, & Nicephore luy demandant pardon, est mis en sa place, & sa teste tranchee enuoye son ame au Ciel, tandis que le miserable Saprice, pour contenter son caprice, roule vne vie infortunee sur la terre, pire que mille morts. Tant ce mot de l'Apostre est vray, que le martyre n'est rien sans le diuin Amour, amour en cela different du prophane, qu'il n'est pas aueugle, mais clair-voyant, & plein de iugement en ses operations. C'est ce iugement qui nous enseignera d'autres cōditions necessaires aux bonnes œuures, desquelles nous vous parlerons demain. Allez en paix.

*Suite des Qualitez requises aux
bonnes œuures.*

HOMELIE VII.

Facite fructus dignos Pœnitentiæ.

LA Beauté, qui n'est autre chose selon Aristote, fuiuy par Sainct Augustin, qu'une proportion conuenable de plusieurs parties assemblees avec vne

couleur agreable, est si difficile à rendre
 contrer en sa perfection, que plusieurs
 ont tenu la Beauté accomplie estre vne
 chose impossible à trouuer, parce que le
 moindre defaut corrompant tout cet as-
 semblage, ruyne aussi la parfaicte Beau-
 té. Or le Bien comme le Beau, consiste
 en l'integrité ; & le Mal consiste en la
 moindre defectuosité. Je dy le mesme
 de la bonne œuure, il faut plusieurs cir-
 constances pour la rendre accomplie: il
 ne faut que le plus petit manquement
 pour la rendre inualide & defectueuse:
 non que ce defaut s'il n'est essentiel luy
 oste la bonté qui luy est naturelle, mais
 il luy osterá ou le merite ou la qualité sa-
 tisfactoire, ou la consolatoire, ou l'im-
 petratoire. O que cette œuure est heu-
 reuse à qui Dieu dit cela mesme qu'à
 l'Espouse, *qu'elle est toute belle & sans tache.*
Je scay tes œuures, dit l'Ange à cét Euesque
 negligent en l'Apocalypse, *& tes labours,*
& ta patience, & ton zele, *mais tu as beaucoup*
relasché de ta premiere ferueur. Voyez-vous
 comme cette tepidité ternit le lustre de
 ses bonnes operations: si que l'Ange luy
 rechatge, *Aduise d'où tu es descheu, fay peni-*
tence, & *repren ces premieres ferueurs.* Ce

des fruits de la Penitence. II

n'est donc pas assez de faire le bien s'il n'a les qualitez requises, qualitez que nous continuerons en ce discours, si la sainte Mere de nostre Seigneur nous continuë son assistance. *Aue Maria.*

Cette oeuvre me semble accomplie laquelle peut vsurper ce mot que Salomon attribüë à la Sageſſe, *Comme* Ecll: 24³ *vn baume & vn cinamome aromatique i'ay respandu mon odeur, comme vne myrrhe esleuë i'ay exhalé vne odeur de suauité.* Car vous remarquerez que le meilleur du baume est en son fonds, du cinamome au contraire en la poincte de la sommité: quant à la myrrhe, cette gomme qu'elle iette par forme de sueur & de transpiration également bonne par tout, soit qu'elle sorte de tronc, soit des branches. Ainsi l'oeuvre se peut dire vraiment bonne quand elle est accompagnée de l'humilité, vertu qui tend tousiours au bas & au raualement, de la promptitude ou ferueur qui a sa valeur en sa premiere poincte comme les flesches & les dards, & de la perseuerance qui conserue le coeur en cette

constante & perpetuelle volonté de continuer au bien , en quoy consiste la vraye Iustice : Et de ces trois qualitez, humilité, charité, perseuerance, sera nostre discours Voyons les l'une apres l'autre.

I.

L'humilité qui valide la bonne œuvre est celle qui la rapporte entiere-ment à Dieu, non seulement par la droite intention , comme nous auons enseigne au discours precedent, mais qui luy rapporte le total de l'action mesme, car vrayement c'est Dieu qui opere le bien en nous & par nous, quoy que non pas sans nous, puisque le concours de nostre volonté est requis, lequel bien que peu de chose , est neant moins assez pour nous rendre participans du merite, mais non de la gloire de l'action, laquelle appartient toute à Dieu, *auquel seul la gloire & l'honneur se doit rendre.* En figure de quoy Dieu permettoit bien qu'aux sacrifices anciens il y eust quelque portion destinee pour le Prestre , nullement en celuy de l'encens, ou du Thimiamme, lequel deuoit estre entierement consommé & bruslé deuant la diui-

x. Tim. i.

ne Maiesté, pour nous enseigner que Dieu veut bien nous laisser l'vtilité de l'œuvre, parce que n'ayant *que faire de nos biens*, il nous en laisse le profit, mais il se reserve le parfum de l'honorable, parce que tout l'honneur luy appartient, & luy doit estre rendu. L'œuvre qui commence par la grace, doit aboutir en action de graces, benediction, clarté, sagesse, & remerciement, honneur, force, & vertu à nostre Dieu *Apoc. 7.*
aux siecles des siecles. Ainsi la gloire du triomphe, apres vne bataille gaignee, n'est decernee qu'aux Chef, bien qu'à l'advanture il n'aye pas esté à la meslee, ny donné aucun coup de main: combien plus doit-on rendre tout l'honneur à Dieu pour la bonne œuvre, puisque non seulement il l'a conduite à sa fin, *en disposant tous les moyens requis avec suavité*, mais luy a donné l'estre, puisque nous ne sommes pas seulement capables de penser rien de nous, comme de nous, toute nostre suffisance venant de Dieu, & tout nostre bien dérivant d'enhaut du Pere des lumieres: de quoy nous sçaurions-nous glorifier, sinon de ce que nous avons receu. Et quelle folie d'attribuer l'honneur au recevant qui est deub au donnant. Celuy

Mans
nostra
excelsa
& non
Dominus
fecit hæc
omnia.

qui donne l'aumosne par vanité ; vous droit il que l'on l'estimast redeuable au pauvre qui l'a daigné prédre? Que ceux-là sont abominables, qui disent avec ces outrecuidez: *C'est nostre main puissante & releuee, non le Seigneur, qui a fait toutes ces belles choses.* Nabuchodonor pour s'estre vanté d'auoir esleué Babylone au feste de la grandeur où il la voyoit, fut reduit à ce piteux estat, de paistre l'herbe comme vn bœuf, suiuant ce traict du Psalmiste, *L'homme estant en honneur, ne l'a pas recogneu, pour cela a t'il esté rendu semblable aux animaux sans raison.* Que la viande soit si bonne qu'il vous plaira, si en l'apprestant elle contracte l'odeur de la fumee, chacun la reietter. L'œuvre bonne en soy deuiet mauuaise si elle sent la fumee de la vaine gloire. L'exemple en est claire au Pharisien Euangelique, dont l'orgueil comme vn vent Aquilon gela & flestrit toutes les vertueuses operations.

Ecce tu
pulcher
es dilecte
mi & de
cor.

L'Espouse sage & accorte sçait bien éuiter cet escueil, réuoyât cet esteuf à sō Amant, qui l'auoit appelée belle, *C'est vous mon bien aymé, qui estes beau & agreable, cōme luy disant qu'elle n'estoit belle*

ny gracieuse, que par la participation de sa beaulté & de sa grace. Pour cela mesme est elle appelée belle comme la Lune, Lune qui tire toute sa clarté du Soleil, & qui n'est iamais si plaine & si forte, que quand elle reuiet de la conjunction de ce grand Astre: & les pendans d'oreille de cette sainte Bergere, sont à ce dessein couuerts d'argent, bien qu'ils soient d'or, pour monstrier que l'or de la charité doit estre caché sous l'émail argenté de l'humilité, ainsi que le feu sous la cendre.

Ce fut vne sage ruse de l'ancien Capitaine Timorhee, pour obuier à l'enuie de ses esgaux, d'attribuer tous ses exploits militaires au hazard, se faisant peindre dormant, & tenant d'une main vn reth où se prenoient des villes, voulant donner à entendte que les succez dignes de triomphe luy arriuoient en dormant. *Je dors*, dit l'Espouse, *mais mon Espoux qui est mon cœur veille.* Voyez comme elle attribuë toute sa vigilance & diligence à son cher bien aymé. Et Scylla pour ce sujet d'obuier à l'enuie de quelques Seigneurs Romains, ne prit point apres ses triompes & victoires,

des tiltres superbes des Prouinces conquises comme les autres , mais seulement le surnom d'*Heureux*, voulant dire que ces effects & exploicts estoient plustost arriuez par son bon-heur, que par son adresse, ou par sa vaillâce. C'est à cette humilité en nos bonnes operations, que vise ce precepte de l'Euangile, *Quand vous aurez fait tout vostre possible, dittes que vous estes seruiteurs inutiles.*

II.

L'autre qualité est la charité ou la promptitude & allegresse en bien faisant, & c'est icy qu'il faut pratiquer cet aduis d'un Sage ancien , *Avant que de rien faire pren conseil avec iugement, le conseil pris & la resolution faite , despesche toy d'accomplir ton dessein.* Quand l'inspiration de faire vn bien nous suruient, il la faut escouter posément & pondereusement, recogneuë bonne il la faut executer avec ferueur : car la grace du S. Esprit, dit S. Ambroise, hait les retardations. *Aenee* vouloit sortir des embrassemens & embarrassemens de cette folle Royne de Carthage : elle essaye de le retarder en son entreprise d'Italie par des choleres, par des amadoüemens, par

des fruicts de la Penitence. 121

des mesages; elle dit à sa sœur qui estoit sa messagere,

— *causas subnecte morandi,*

Dum pelage desewit hyems & aquosus Orion.

Quassat aque ratas, & non tractabile celum.

Il faut bon voir dans les Confessions de S. Augustin les combats qu'il eut avec les voluptez qu'il vouloit abandonner au commencement de sa conuersion: la grace plus forte que la tentation se laisoit quelquefois esbranler par les delais que la sensualité proposoit pour la ruiner: Il compare ses efforts à ceux qui assoupis de sommeil s'effayent de se reueiller, & plus ils attendent pis c'est. Le diable voyant que l'on est resolu de faire vn bien, ne pouuant le destourner, abuse en amusant à fin deffayer qu'il se face avec plus d'imperfection: torpille industrieuse, qui engourdit la main qui veut bien operer: remore malicieux, qui arreste les voiles de nos desseins enflées des plus fortes bouffées de nos desirs: araigne pestilente, qui ne cesse de tistre des toiles infaustes pour entraper & embarrasser la mesnagerie des abeilles. Le voyageur qui s'arrestetrop à l'hostellerie se trouue surpris de la nuit

auant qu'auoir gaigné le giste. *La nuit viendra en laquelle on ne pourra plus œuurer: cheminons en la lumiere tandis qu'il est iour.*

L'essence de la Deuotio, mere des bonnes œuures, consiste à les faire avec ferueur & actiueté. Voyez l'eschelle de Iacob, tout y va, tout y remüe. *C'est desister que sub-sister, & s'arrester c'est reculer en la voye du Ciel*, dit Sainct Bernard. La Sulamite ne parle que de courir estant tiree par l'Espoux en l'odeur de ses parfums. Les Aigles à cause de la force de leur vol sont incomparablement plus estimees que ces oyseaux qui ont des plumes & ne peuvent quitter la terre: & ces animaux qui trainoiēt avec tāt d'impetuosité le chariot d'Ezechiel alloient sans cesse avec ferueur, parce que l'esprit de vie estoit dans les roues de ce char mysterieux. Le premier mobile est d'autant plus excellent que les orbes interieurs, qu'il a plus de mouuement & de rapidité.

Spiritus
vitæ erat
in totis.

Est il question de quitter les delices du peché pour embrasser les aspretez de la Penitēce, voulez vous vne plus insigne prôptitude que celle des Niniuites des la premiere predicatiō de Ionas, de Dauid au premier mot de Natham, de Za-

chee, de Sainct Math. à la premiere ser-
monce du Sauueur, de S. Pierre, de la
Magdelaine à son premier regard, de S.
Paul à la premiere parole qui tonna du
haut des Cieux à ses oreilles. Les Apo-
stres ne sont pas plustost appelez qu'ils
vont & quittent tout pour suiure nostre
Seigneur: Samuel est il appellé, il respôd
soudain & correspond au conseil d'Ely:
Elisee va au premier mandemēt d'Elie:
Isaac donne librement sa teste au pre-
mier commandement de son pere. *O que
Dieu ayme ceux qui donnent allaiement &
promptement. C'est donner deux fois, dit
l'ancien prouerbe, que de bailler tost.
La veufue qui bailla sans marchander
ce peu qui luy restoit d'huile & de farine
se voit amplement recompensee.
L'huile qui vient sans presser est la plus
delicate, comme la mere goutte qui fort
du vin sans l'ayde du pressoir est la plus
excellēte partie du vin: & cette myrrehe
est la plus odorante qui fort librement
de l'arbre sans incision ou esgratigne-
ment. O Seigneur, dit Dauid, ie vous sa-
crifieray volontairement; & confesseray vo-
stre saint nom, parce que c'est vne bonne chose.*
Or pour nous persuader à operer instam-

Hilarem
datorem
diligit
Deus.

Volunta-
riè sacri-
ficabo ti-
bi & cou-
firebo
nomini
tuo Do-
mine,
quoniam
bonum
est.

ment, c'est à dire avec promptitude & ferueur, tout ce que nostre main peut faire, nous nous deuôs souuenir que le temps de cette vie qui est si court & momentanée, est le seul temps qui nous est donné pour operer nostre salut avec crainte & tremblement. Qu'il ne soit donc pas dict de nous ce que Dauid de quelques maladiuisez, *Tempus faciendi Domine disti-pauerunt legem tuam.* Pensons serieusement que le Royaume des cieux ne se prend que par force & par les violens. Le saint Espoux de nos cœurs se replaist parmi les lys de nos bonnes operations, mais ouy tandis que le iour de cette vie dure: car quand les ombres de la mort sont inclinees, appan-chees, tombees, lors il n'est plus temps d'œurer, car le viuant au siecle des siecles a iuré qu'il n'y auroit plus de temps. Helas! nous ne scauons ny le iour ny l'heure de ce temps qui n'aura plus de temps. L'homme a des iours qui passent comme la fleur, il ne subsiste pas en vn mesme estre: le monde mesme ne fait que passer, & sa conuoitise est passagere. Lenez-vous, dit l'espoux à son Amante, hastez-vous, ma bien-aimée, & venez. Sont ce pas là autant de coups d'esperon dans le flanc du paresseux? Ayez

In timore & tremore uestram salutem operamini.

Surge, propera amica mea, & ueni.

Des fruicts de la Penitence. 125

En soin sans negligence, soyez feruens en esprit pour le seruice du Seigneur, dit l'Apostre. Nous desirons fort auoir des seruiteurs prompts, diligens, & actifs: d'où vient dōc que nous sommes si tiēdes au seruice de Dieu? Nous disons quelquefois à vn valet que nous enuoyons quelque part à grand haste, Va viste, & ne t'amuse pas par les chemins: c'est cela mesme que le Sauueur disoit à ses Apostres, Allez par le monde accomplir l'œuure que ie vous ay commis de la cōuersion des ames, & ne vous arrētes point à tant de salutations par le chemin, à tant de cōplimens inutiles. Le Fils de l'homme en l'Apocalypse, est veu avec des pieds ardens, comme du metal embrasé, symboles des feruētes affections avec lesquelles nous deuons cheminer au train de la vertu. Helas! les pieds des meschans ne sont que trop legers pour espancher le sang, c'est à dire, pour exercer les operations de la chair & du sang. O qui nous donnera des pieds de cerf, pour atteindre legerement les montaignes de la perfectiō, qui nous dōnera des ailles de colombe, animal d'vn voltres prōpt & tres-preste entre tous les oyseaux. Qui no^r fera la grace de pouuoir dire avec le

Sollicitudine non pigri spiritu feruētes Domino seruientes.

Neminem per viam salutauerunt.

Veloces pedes eorum ad effundendum sanguinem.

feruent Apoftré : *J'ay payfourny ma carrière, & gardé ma foy, il ne me refte que la couronne de Iuflice, que me rendra le iufte Iuge*
Pfal. iis. au iour de la retribution : ou avec le Pfalmifte : J'ay couru à toute bride en la voye de vos commandemens, ô mon Dieu, lors que vous avez dilaté mon cœur par la chaleur de voftré faint Amour.

III.

En fin la perfeuerence eft la couronne de la fin, & la totale perfeccion des bonnes œuvres, car ie vous prie, de quoy fert d'operer le bien par boutades, comme ces oyfeaux à aïlle foible, & à corps pefant, qui ne volent qu'à fecouffes & remifes: comme ces arbres qui ne pouffent que des fleurs, & dont les fruits ne viennent iamais à maturité. En toutes chofes il faut du temps pour les conduire à leur perfeccion: principalement les fruits ne fe meurriffent qu'avec le temps: auffi les arbres plantez fur le courant des eaux, font-ils dictz *porter leur fruit en leur faifon*: & les arbres raisonnables, qui font les hommes, ne peuvent produire les fruits de leurs bonnes œuvres, qu'avec le temps, ny le temps les meurir, qu'avec la perfe-

des fruiets de la Penitence. 127

uerence. Ces arbres animez doiuent
porter du fruiet entout temps , de peur
d'encourir la malediction que le Sau-
ueur lascha sur le figuier infructueux.
C'est pour cela que Dauid disoit : *Je be-* *Psal. 33.*
niray le Seigneur en tout temps , sa loüange
sera tousiours en ma bouche ; & n'est-ce pas
le benir & le louër , que de bien operer ,
mais en tout temps , en tout aage , en tou-
te saison , à toute heure : car ie vous prie ,
que faisons nous en oisueté , au iour de cette
vie , quand il faudra rendre compte de nostre
negotiation , & du profit des talents re-
ceus , lors nous recognoistrons com-
bien la perseuerance au bien est vne
chose necessaire. Saül , & les vierges ,
imprudentes , pour n'auoir pas perseue-
ré , se voyent tomber en la reprobation.
Salomon auoit heureusement com-
mencé , mais pour n'auoir pas continué ,
il nous tien en suspēs de son salut , ou de
sa perte. Ce n'est pas le tout de bien
commencer , qui n'acheue , ne faiet rien :
és Chrestiens , dit Sainct Hierosime , on
ne regarde pas tant le commencement ,
comme la fin le salut est en la perseuerance.
C'est la grenade seule couronnee
entre les fruiets le moust de grenade tant

*Mustum
malorum
granato-
rum.*

prisé aux Cantiques, n'est autre chose qu'une perseuerante ferueur. Les fleurs ne sont agreables, que pour l'espeance des fructs, ny les commencemens sont estimez que pour la bonté de la fin: *les fleurs apparoissent en nostre terre*, dit l'Espouse, ouy mais, contre-chante l'Espoux, *i' attends si ces fleurs porteront des fructs*. Il y en a qui commencent mille bons desseins, & n'en acheuent aucun, *ces gens combattent & escriuent en l'air, tousiours courans, & ne paruenans point au but*. Pareils à ces arbrisseaux trop souuent transplantez, assez verdoyans & fueillus, mais infructueux: & à ces ieunes chiens mal ameutis, qui prennent le change à chasque bout de champ, & à la femme d'Ulysse, qui n'acheuoit iamais sa trame, parce qu'elle effiloit la nuit ce qu'elle ourdissoit le iour.

Le mauuais esprit, pareil à Pharaon, ne se soucie pas que les femmes Israëlitesses ayent des masles, pourueu qu'ils meurent soudain apres leur naissance: De mesme il se met peu en peine de no^uvoir faire quelques actiōs de vertu pourueu qu'elles ne durent gueres, & que ce
 soient

soient comme des toiles d'araigne, que le soufflé de la vanité emporte incontinent.

Bien heireux est celuy qui tasche de plâter en son cœur la fermeté de la perieuerâce, œurant bien sans cesse, avec autant de fidelité, que de crainte que la couronne ne luy soit rauie. *Qui court, a dessein d'arriver au but desiré*: qui apprend de bonne heure à prononcer le vray *Schibboleth*, c'est à dire, espy rempli de grain, non pas le *Siboleth*, qui veut dire vn espy vuide & creux, qui n'a aucun fruit, à fin de pouoir au pas & de stroit de la mort estre distingué d'avec ceux qui seront condânez à la mort seconde, estans iettez comme pailles legeres & inutilles au feu eternel, tãdis que le froment esleu sera ramassé au grenier du Pere celeste: lors on verra ces riches gourmands qui auront dormy en repos parmy leurs biens, & leurs ayse, se resueiller les mains vuides, & les pauvres Lazares riches de merites, possedans leurs ames en patience: lors en vn mot: ceux qui auront operé le mal, iront au feu eternel, & entendront cette dure voix: *Retirez-vous de moy, ouvriers d'iniquité*, mais ceux qui auront fait de bonnes œures avec iugement,

Sic currite vt cõprehen-datis.

Indic. 12.

Frumentum autem congregare in horreum meum.

droicte intention, humilité, charité,
& perseuerance, iront à la vie eternelle, où
sans fin ils regnoront avec Iesus-Christ.

De la Necessité des bonnes œures.

HOMELIE VIII.

Facite fructus dignos Pœnitentiæ.

L'HISTOIRE du figuier qui fut maudit par le Sauueur pour auoir esté trouué sans fruiçt, avec cette sentence de mort, *Tout arbre qui ne portera point de bon fruiçt sera arraché & ietté au feu*, est formidable pour les faineants, mais sert d'une peremptoire preuue de la necessité des bonnes œures. C'est de cette necessité que sera nostre discours: mais nous auons necessité de la grace pour bien exposer cette necessité: Demandons-la à celle qui est si remplie de grace qu'elle est exempte de toute necessité. *Aue Maria,*

COMME ce n'est pas assez au Medecin expert de chasser le mal du corps de son malade , & y remettre la santé si encores il ne luy donne les reigles & les regimes necessaires pour reparer ses forces , & se maintenir en plaine vigueur. Ainsi ne suffit-il pas au Medecin spirituel de chasser le peché de l'ame en l'excitant à repentance & contrition, & d'y introduire la grace par le benefice de l'absolution ; si encores par la pratique des œuvres satisfatoires il ne repare ses defauts passez, & ne la met en bon train pour l'aduenir. Si donc la douleur interieure & l'accusation de ses fautes est necessaire pour redonner la saincteté à l'ame , les bonnes œuvres ne sont pas moins necessaires pour la maintenir & entretenir en cet heureux estat. Nous verrons cette necessité selon la creance Catholique, & ferons voir l'iniustice de l'erreur qui mesprise les bônes œuvres.

I.

Les autoritez qui preuent cette necessité, ou les preuues qui l'autorisent, sont si expressees & si frequentes en l'Es-

criture, que ie croy n'y auoir rien de si
souuent inculqué dedans les sainctes
Pages. *Negotiez iusques à ce que ie vienne,*
dit le Sauueur. *Dieu rendra à vn chacun se-*
lon ses œuvres, soit biẽ, soit mal. Celuy qui craint
Dieu fera bien. Faiçtes bien tandis que vous a-
uez le temps. Et qu'est-ce que ie m'amuse
à coudre des passages qui sont inno-
brables? Les paraboles des ouuiers en-
noyez à la vigne, des oyseaux repris, des
telents distribuez, ne sont-ce pas autant
de preuues peremptoires de la necessité
de bien œurer à qui veut auoir de Para-
dis? En faut-il quelque autre apres l'ar-
rest general qui sera prononcé aux der-
nieres assises: *Venez les benits de mon Pere,*
car i'ay eu faim, & vous m'auex donné à man-
ger. Qui ne sçait que cette foy qui œure
par charité est receuable, & que celle qui n'a
point les œuvres est morte. Si vous ne faiçtes Pe-
nitence, Penitence qui regarde l'action,
c'est à dire les fructs, vous perirez tous.
Et nostre texte qui nous aduertit de fai-
re des fructs dignes de Penitence, ne dit-il pas
en son autre face, que si nous n'en fai-
sons, nous sommes perdus? & quels sont
ces fructs: sinon les bonnes œures?
Nous cõfessons bien que si nous con-

si
es
e,
é-
nt
a-
se
a,
n-
es
nt
té
a-
r-
-
e,
n-
re
'a
e-
n,
s.
i-
as
i-
nt

siderons des œuures, comme venües de nous, qui sommes seruiteurs inutiles, elles ne sont pas dignes de grande consideration : mais regardees comme prouenuës du Sainct Esprit, qui en est l'instigateur, inspirateur, promoteur, voire mesme le principal operateur : certes nous ne sçaurions mescroire sans impieté, que Dieu face rien qui ne soit digne de luy. Quand on pesche les huitres où sont les perles : on n'a pas tant esgar à la nacque qu'à l'vnion; mais comme l'vn est annexé à l'autre, on pesche l'vn pour auoir l'autre. l'œuure humaine prise en soy est vne nacque, est vn neât, Toute ma substance. dit Dauid à Dieu, est vn rien deuant vous : tout homme viuant est vne vanité vniuerselle. Mais la marguerite precieuse de la grace vnie à cette action, la releue iusques à tel prix, qu'elle merite le Paradis. En verité ie vous dy, dit la bouche de Verité, que si vous donnez vn verre d'eau froide en mon nom, vous aurez le centuple, & possederez la vie eternelle. L'enchasseure n'est estimee qu'en consequence de la pierrerie qu'elle contient : mieux vaut vn chaton de cuiure qui enclost vn beau & fin diamant, qu'vn d'or

Substantia mea
tanquam
nihilum
ante te:
vniuersa
vanitas
omnis
homo
viuen.

& diamant qui ne resserre qu'une happe lourde. L'œuvre la plus esclatante & en apparence heroïque destituée de la grace n'est rien: mais une simple & petite accompagnée de la grace bondit par de là les Cieux. La terre promise quant à sa situation estoit seiche & aride, mais la fréquence des rosées & des pluyes du Ciel la rendoient si fertile, que par excellence elle est dictée *couler le lait & le miel: en une terre deserte, solitaire, & sans eau, ie te suis apparu comme en un lieu saint*, dit Dieu à Israël par David, *à fin de te manifester ma vertu, c'est à dire ma grace, & ma gloire, c'est à dire les effets de ma puissance.* La bonne œuvre animée de la grace est *un vaisseau admirable, l'operation du Tres-haut.* Et tout ainsi que la sainte Vierge ayant esté remplie de grace par le Saint Esprit, dict en son Cantique, *que Dieu a fait en elle chose grandes*: ainsi ne se faut-il pas estonner si Dieu nous assiste & regardant des rays de sa grace, la bouë de nos actions se change en or de grand prix, *car ce qui est en elles de grand provient du Saint Esprit.*

Vas admirable,
opus excelli.

Certes nos œuvres peuvent estre considérées en deux façons, ou nuës,

ou vestuës, si nuës, c'est à dire en leur pure nature, elles ne meritent rien: mais si reuestuës de la vertu d'en haut, reuestuës de **I E S V S C H R I S T**, reuestuës du nouuel homme, & despoüillees des imperfections de l'ancien, reuestuës de la lumiere de la grace, comme d'un vestement; sans doute elles sont semblables à cette femme habillée & attournee du Soleil, couronnée d'estoilles, qui signifient la guirlande de l'eternelle felicité.

Ouy, mais si la grace est necessaire à la bonne oeuvre, s'ensuit-il que la bonne oeuvre soit necessaire pour la gloire? Ils'ensuit fort bien, mes chers Auditeurs, comme vous allez voir: car si personne ne peut auoir entree au Royaume des Cieux qu'en gardant les Commandemens, ny personne garder les Commandemens que par la grace, qui ne voit que la charité qui nous fait bien operer est fourriere de la gloire? Le dy plus que la bonne oeuvre faite deuant la grace, est vne grande disposition à la grace, non que la grace soit donnee pour la bõne oeuvre, car elle ne seroit plus grace, c'est à dire, gracieuse & gratuite, & ce seroit contredire à l'Escriture: Mais

comme l'ame est infuse au corps entierement organisé, ainsi la grace est-elle infuse en vne ame disposée: cette grace est autant necessaire pour valider la bonne œuure, comme la bonne œuure est requise pour l'acquisition de la gloire. Le feu ne se prend iamais en vne matiere, que premierement il ne l'aye desseichee & osté l'humidité qui luy estoit contraire: pour attirer la grace, il faut par vne sainte, & non seinte douleur, detester le peché, & dire avec cet ancien Penitent: *Seigneur, ie reposeray à mes ans passés en l'amertume de mon ame.* Car comme les amandes ameres sont excellentes contre les fumées du vin, ainsi la contrition est-elle tres propre contre les vapeurs des tentations: le peché dechasse la sainte flamme du diuin Amour, prend possession de nostre cœur, & par la grace respanduë nous donne des arthes de nostre future gloire.

Or comme le feu est actif, aussi est la charité: car elle presse le coeur qu'elle embrase de bien operer, comme Rachel crioit apres Iacob qu'il luy donnast des enfãs. Le vray Amour n'est iamais oysif, & n'est iamais tant en repos, que quād il

travail pour l'objet aymé. David pic-
qué iusques au vif de cette celeste poin-
te: *Que retribueray-ie*, dit-il, *au Seigneur*, *Psal. 116*
pour tant de biens qu'il m'a fait, non, *ie ne*
dormiray iamais de bon sommeil, *que ie n'aye*
basti vn Temple à sa gloire. Iacob estant en
vn double seruage de Laban & de Ra-
chel, trouue toutes ses peines douces,
pour la conqueste de la toison d'or
d'vne si éminente beauté. Sainct Paul
tout enflammé d'vn celeste feu, court
sans cesse & ne pense iamais auoir atteint le
but, s'estendant tousiours en avant. Sainct
François, cet Amant tout Seraphique,
disoit ordinairement à ses freres: Hé!
quand commencerons-nous à bien ser-
uir Dieu.

Que si nous voulons en fin nous re-
mettre deuant les yeux la necessité que
nous auons de bien faire, considerons
ie vous prie, comme tout ce qui a estre
agit tout continuellement. Dieu estre
des estres est vn agent perpetuel: *Mon*
Pere agit tousiours, dit le Sauueur, &
moy mesme d'opere sans cesse. Dieu crée per-
petuellement des ames, & tire mille crea-
tures des cachots de l'inexistence. Les
Ange esprits mouuans, & tout de feu,

font continuellement occupez ; mais d'une occupation non laborieuse, & qui ne contredit point à leur beatitude, ou autour des louanges de Dieu, ou en l'exécution de ses volontez. *Les Cieux œuvres des doigts de Dieu, le Soleil, la Lune, & les Estoilles qu'il a estably pour faire vne ronde infatigable* autour de la terre ne manquent iamais en leur cours, & auons apporter les vicissitudes du iour & de la nuict, & les reuolutions des saisons qui s'entresuiuent. Les animaux, & les plantes sont continuellement occupez apres le seruice de l'homme, les elemens n'ont point de cesse, le feu meut tousiours, ou s'esteint, l'air est en agitation continuë, les fleuues coulent sans discontinuation, la mer roule ses flots & ses mares sans aucune trefue : Adam en sa creation fut mis dans le Paradis de delices, *pour travailler en le gardant*, en estant debouté par sa preuarication, il est condamné à ne manger son pain qu'en la sueur de son visage, & en cette condamnation sont compris tous ses descendants complices de sa premiere faute. Qui ne voit en cet exemple vniuersel des creatures, & en cet arrest donné

Genes. 2.

contre nostre protoplaste vne necessité de bien œurer, qui nous est imposée, si nous ne voulons que l'Escriture renuoye nostre paresse à l'Escole de la fourmy. Valde ad formicā piger.

II.

De là vous pouuez recueillir combien iniuste est l'erreur de ceux qui pour couvrir leur lascheté, dogmatisent que les bonnes œures sont inutiles : N'est ce pas publier la deprauiation par tout l'vniuers, que de corner vne telle creance si repugnante à l'Escriture, à la doctrine des Anciens, à la nature, & à la raison ? L'Escriture parlant du Ieufne & autres mortifications de Penitence: *Vous affligerez*, dit-elle, *vos ames par religion perpetuelle.* Les Montanistes Meletiens, Nouatiens, Audeans, Iacobites, & Albigeois qui reiettoient la Penitence & les œures, de quel front se disoient-ils auoir vne religion ? & de quel air ceux qui reiettent en nos iours le Sacrement de Penitence, & les œures satisfactoi- res, se peuent ils dire simplement de la Religion ? Bon courage, cette Religion qui propose les afflictions & operations penibles est dite perpetuelle, *Leuit. 16.*

signe que celles qui les mesprise ne fera
 pas de longue duree , aussi la voyons
 nous à clair sur le panchant de son de-
 clin. Ils veulent bien la vertu , & non le
 Sacrement , & encor que celuy-cy soit
 aussi exprés en l'Escripture que celle-là,
 comme nous montrons ailleurs: & ce-
 pendant ils n'ont ny l'vn, ny l'autre: non
 celuy-cy, car ils ne le croient pas, non
 celle-la, car ils en reiettent les actions.
 Au demeurant, ceux qui croient de l'E-
 uangile ce qui leur agrée, & reiettent ce
 qui ne leur agrée pas, à vostre aduis,
 croient-ils l'Euangile, & non leur pro-
 pre fantaisie.

Cruels Docteurs, mais plustost sedu-
 cteurs, qui se sont reserué le pouuoir de
 lier, c'est à dire, de damner, d'excommu-
 nier, de donner en proye a Satan, selon
 que dicte l'Escripture, & non celuy d'ab-
 foudre, de deslier, d'ouuir le Ciel, de re-
 concilier, de remettre en grace, comme
 il est couché en la mesme Escripture: Bié
 estoignez de l'humeur de cette Vestale
 qui se disoit constituée sur les choses sa-
 crees, pour benir, non pour maudire: Et
 cela par vn secret iugement de Dieu, a-
 fin qu'ils reconnoissent que voirement

En Meta-
 nce, ou de
 la Peni-
 tence.
 Homelie
 2.

ils peüient perdre les ames qui les sui-
uent, non cooperer avec le Sauueur à
leur saluation.

Mais, ce diront-ils, on nous calomnie
à tort de reiecter les bônes œuures, nous
les estimons, nous en faisons cas, nous
côseillôs de les pratiquer, de les embras-
ser. Hé Dieu! vous voulez que l'on mon-
te sur vn cheual, & qu'on luy face faire
des passades apres luy auoir couppé les
iarrets: vous voulez que l'on enfonce la
porte du Ciel avec vn Canon que vous
enclouiez: vous liez les mains, & dittes
que l'on se batte, que l'on se porte vail-
lamment à la guerre: vous ressemblez à
ce Roy des Ammonites, qui ne vouloit
point receuoir à composition ceux de
Iabes Galaad, qu'en leur arrachant les
yeux droiets; vous voulez que l'on
exerce les bonnes œuures, en leur arra-
chant la valeur & le merite.

— *sed quis virtutem amplectitur ipsam*
Premia si tollis. —

Qui oste le prix a la vertu, oste la vertu
du commerce des hommes. Effacez dôc
toutes les promesses qui sont faiçtes à la
vertu en toutes les pages des sacrez ca-
hiers. *A celuy qui vaincra, ie donneray la*

Imprimé
chez
Chiffre
d'ordonne
Paris
chez
M. de
la

manne cachée, celuy qui combattra legitime-
ment sera couronné, si nous comparissons nous
corregnerons, si nous sommes participants de la
tribulation nous le serons de la Royauté, celuy
qui seme escharsement moissonnera de mesmes.
Et quoy? milles autres.

Vous ressemblez à Pharaon vous faictes
mourir les masles d'Israël, car estant le
merite aux oeuvre, merite qu'elles ti-
rent de la grace de Dieu, vous leur ostez
ce qu'elles ont de viril & de valeur. He-
rodes fascheux, qui estouffez par ce mo-
yen les bonnes operations en leur nais-
sance : car qui voudra bien operer si le
bien operer de soy assez difficile & pe-
nible (car la vertu s'exerce sur ce qui est
ardu) est encore infructueux & inutile?
Tyranniques, comme ce Roy des Egy-
ptiens, vous ostez le bois & la paille, &
vous voulez que l'on face des briques,
O ennemis de la Croix, dont le ventre est le Dieu
& la gloire en la confusion, qui n'avez autre
sagesse que de terre, iusques à quand cherirez-
vous la vanité, cherchez vous le mensonge?
Iusques à quand comme de farouches
Adonibezechs nous tronquerez-vous
les pieds & les mains, empeschant le
monde de bien faire par vne si mauuaise

Inimici
crucis
Christi
quorum
Deus
venter
est.

persuasion? Palestins fascheux, pour-
quoy bouschez vous les puits pour em-
pescher les seruiteurs de l'eternel Isaac
d'y puiser l'eau de la grace, par le traual
de leurs bonnes operations?

Aussi, mes freres, est-il aisé à iuger de
la racine de cette doctrine par les fruiçts
de ceux qui la professēt: où en est l'hos-
pital qu'ils ont fondé depuis que cette
erreur s'est plantee en leurs cerueaux?
mais où est l'hospital qu'ils n'ont pas
fondu, sur lequel ils ayent peu ietret
leurs mains sacrileges?

Que s'ils aduoüent que les bonnes œu-
res seruent seulement a manifester no-
stre foy: & a rendre loüable nostre con-
uersation parmy les hommes, qui ne
voit que de l'impieté ils se relancent
dans l'hypocrisie? bien cōtraires a celuy
qui nous cōseille en l'Escriture de faire
nos bonnes œuures en cachette de peur
d'estre apperceus: à serrer la porte de la
chambre sur nous quand nous prions:
Certes le theatre du monde est trop pe-
tit a celuy qui ne se contente pas de l'as-
pect de Dieu seul, & du tesmoignage de
sa propre conscience. Aquoy tant d'ad-
uertissemens de *cacher l'aumosne au sein du*

pauvre , de lauer le visage & oindre le chef,
 pour celer le Ieufne ? O Dieu , pauvres
 infensez , vous coupez aux bonnes
 oeures l'aureille & le crin , en leur o-
 ftant tout merite , & vous voulez neant-
 moins qu'elles passent à la monstre.
 Certes il est aisé de tromper les hom-
 mes , & non Dieu , deuant qui les passe-
 uolans comme temeraires & effrontez
 ne sont pas sans chastiment , comme il
 paroist en l'exemple horrible d'Ananie
 & Saphire : O enfans d'Ephrem , vous faictes
 des merueilles à tirer de l'art aux buttes , mais
 vous combattez des talons quand se vient au
 point de la guerre. Si vous faictes bien pour
 estre estimez bons deuant les hommes ,
 vous auez desia receu vostre salaire :
 mais aussi apres le trespas vostre part vous
 attend avec les hypocrites si auparauant avec
 vne iuste repentance vous ne restituez
 aux bonnes oeures le merite que la
 grace leur communique , & que vous
 leur rauissez , rentrans dans le sein de
 celle qui nous fait auoir Dieu pour Pere ,
 en la recognoissant pour Mere.

Que le Sauueur ayant operé nostre Redem-
ption, nous y deuous cooperer.

HOMELIE IX.

Facite fructus dignos Poenitentiae.

LE feu cesse d'estre quand il
cesse d'agir : rien ne chasse si-
tost la charité d'une ame que
la nonchalance : ce fut ce qui
fit sortir Agar de la maison d'Abraham ;
mais quand elle se fut soumise selon
l'aduertissement de l'Ange aux com-
mandemens de sa maistresse Sara, elle
fut remise en grace & réstablée en son
premier estat. Certes ie croy bien que le
mauuais amour se nourrit de l'oysueté,
& que la faineantise est l'huile de sa
lampe, comme les histoires fabuleuses
des Grecs content de l'adultere *Ægi-*
stus : mais le bon amour n'est point pa-
resseux, mais prompt & esueillé au ser-
uice de ce qu'il aime.

*amor odii inertes,
Qui non vult fieri desidiosus amet.*

Adhæret
tibi fe-
des ini-
quitatis
qui fin-
guis la-
borem
in præce-
pto.

Qui non
diligit
manet in
morte.

Ceux-là, dit David, qui seignent de la peine à
executer les commandemens diuins sont embour-
bez dans l'iniquité, & par consequent sans
charité : car à celuy qui veut & qui ay-
mé, rien n'est difficile : tout ce qui a vie
meut, tout ce qui meut agit, tout ce qui
agit, agit par amour & par inclination :
celuy qui n'ayme point est en la mort, & ce
qui est mort n'a plus aucune action vi-
tale. Dieu non seulement viuant, mais
lequel, auquel & par lequel est la mesme
vie, agit sans cesse dedans soy, engen-
drant continuellement son Verbe par
son entendement, & le Pere & le Ver-
be produisans tousiours le Sainct Esprit
par la reciproque spiration de leur vni-
que volonté. Nous vous auons mon-
stré au discours precedent comme il a-
git au dehors, quand ce ne seroit que par
la veüe de sa prouidence : car celuy qui
garde Israël ne dort, ny ne sommeille iamais, il
est la verge veillante du Prophete, & le
sceptre oculé des Hyeroglyphes Egy-
ptiens : ceux-là sont estimez impies
chez Iob, qui l'estiment se promener oysif
sur les voutes des Cieux. Que si le Createur
agit pour ses Creatures, que ne doiuent
faire les creatures pour le seruice & l'a-

mour de leur Createur. Qu'inesgal est cet erreur, qui nous veut persuader que nous n'auons plus rien à faire pour nostre salut, le Sauueur ayant tout faict : c'est ce que ie veux r'embarrer aujourd'huy : Mais prenons des armes dans l'arcenal des faueurs de cette Tour d'uyoire, de cette Tour de *David* aux creneaux de laquelle pendent mille pa-uois, & toute l'armure des plus vaillans.

Aue Maria.

E Strange humeur, distillation merueilleuse, que celle qui tomboit sur les yeux du chassieux Heli, il ne pouuoit regarder la lampe du Temple, dit l'Escriture, sinõ quand elle estoit esteinte. Cette fantaisie des Nouateurs est biẽ plus bizarre, qui ne peuuent cõtémpler d'vne prunelle fixe *cette lumiere des bonnes ceures*, que le Sauueur nous commande de faire flamber deuant les hommes, à fin que le Pere celeste en soit glorifié, sinon en luy ostant l'esclat du merite que luy donne la grace. Chauuesouris qui veulent esteindre ceste lampe, pour se gorger de l'huile des delices terrestres, apres auoir

estouffé la vertu: & n'est-ce pas l'estouffer, que de luy oster la grace du merite, ou le merite qui luy prouient, non de son estoc, mais de la communication de la grace? Qui voudra pratiquer les difficultez de la vertu, si elle est inutile? qui voudra embrasser ses espines, si vous en ostez les roses? Or parce que la plus grosse piece de batterie qui faict assez de bruiet aux oreilles, mais nul effect, nul effort, nulle breche au mur d'airain de la verité, est de dire que c'est offenser la *copieuse redemption* du Fils de Dieu, que d'y ioindre nos opérations, ie desire vous faire voir en ce discours la verité de cette proposition, que le Sauueur ayant operé nostre redemption suffisamment, pour la rendre efficace en nous, nous y deuons cooperer par des actions viues faictes en la foy, & en la grace; proposition dont les deux pieces, l'operation du Sauueur, & nostre cooperation, feront les deux parties de cette Homelie.

Premierement donc que d'entrer en matiere, nous proresterons avec le grand Apostre, que l'on ne peut mettre d'autre fonde-

des fruicts de la Penitence. 147

ment, que celuy qui est posé, sçauoir Iesus-Christ. Anatheme à quiconque mettra quelque autre base de nostre salut que son sang, aucun autre principe de merite & de satisfaction, à quiconque reconnoistra vn autre Redempteur que luy, autre redemption que la sienne. Mais de dire que le Sauueur ayant tout fait, ne nous a rien laissé à faire, ce seroit d'vne Passion qui nous doit seruir d'esguillon à bien operer, en faire vn engourdissement lethargique. Philippe laissa encorres assez de conquestes à faire à Alexandre. Le Sauueur gousta le fiel en Croix, nous laissant à prendre le reste: il permit que le Cyreneen portast vne partie de sa Croix, pour nous enseigner à prendre la Croix, & le suiure. C'est ce Calice dont parle David, qui est en la main du Seigneur de vin pur, & dont la lie doit abreuuer tous les pecheurs de la terre. Il est vray que le Sauueur a operé nostre salut, & pour ceh est-il appellé Iesus, parce qu'il deuoit sauuer son peuple; mais il ne s'ensuit pas que nous ne deuions plus rien faire; il a non seulement merité & satisfait suffisamment, mais encorres il a merité que nous meritassions, & peuf-

sions satisfaire, le merite & la satisfaction de nos œuures tirant son origine du merite & satisfaction des siennes: Car sans le merite de Christ, quād nous ferions toutes les bonnes œuures qui se peuuent, nō pas dire, mais imaginer, elles ne valent rien par l'eternité: rien n'a valeur que ce qui est vny au sang du Mediateur. Et quand tous les hommes depuis Adam iusques à Moysē, eussent obserué toutes les oblations & sacrifices de la loy de nature, & depuis Moysē iusques au Messie obserué ponctuellement toute la Loy escrite, sans le merite du Fils de Dieu, ils n'eussent riē aduācé pour le Paradis. Il a donc merité que nous meritassions, & tant s'en faut que nostre merite qui naist du sien y deroge, qu'il le decore ne plus ne moins que c'est vne plus grande merueille de voir vn fer frotté d'aymant, attirer vn aurre ayment, que de voir le fer attiré par l'ayment mesme, n'estant pas tant en nous vn merite nouveau, qu'vne extension, ou plustost participation du merite de *Iesus Christ*.

Vous deuez donc sçauoir, mes freres, que nostre Seigneur nous a merité vn

fondement sur lequel il nous faut-
battir & leuer l'edifice de nostre salutatiō:
& comme ce que dit le Sauueur à Saint
Pierre, que sur luy il edificera son Eglise
(ce qui a faict dire à Sainct Paul, *que nous
sommes amoncelz sur le fondement des Apo-
stres*) ne deroge point à la qualité d'estre
pierre angulaire & fondamentale de l'Eglise:
ainsi le merite de nos œures n'estant
qu'vn accessoire, & comme vn rejetton
de celui du Fils de Dieu, n'efface au-
cunement la splendeur de son lustre,
ains le nostre est englouty dans le sien,
comme la clarté des estoiles dans celle
du Soleil. Nos branches sauuages, com-
me dit Saint Paul, *entees en la bonne oliue,*
produisent vn fruit conforme à leur
tronc, & tout ce que nos œures ont de
meritoire ou de satisfactoire est tiré du
merite & de la satisfaction du Sauueur,
lequel par sa mort a merité doublement
& pour soy & pour nous, pour soy, car
elle luy a acquis vn nom par dessus tout nom, au-
quel tout flechit, vne exaltation par dessus les
Principautez & les Dominatiōs, c'est pourquoy
il a esté necessaire qu'il pâtist pour entrer en sa
gloire pour nous: car par son sans respādu
nos œures qui en sont teintes sont ren-

duës meritoires de l'eternelle felicité. Mais comme son sang espanché pour tous, & dont vne seule goutte estoit digne du rachept de mille mondes, ne sert neanmòins qu'à ceux à qui il est appliqué par le Baptesme; ainsi n'y a-il que les œuures de ceux qui sont lauez dans ce sang qui soient meritoires de l'eternité. Certes le Soleil esclaire tout le monde, mais non pas les auengles, ny ceux qui fermēt les yeux à sa splendeur: la fontaine coule, mais elle ne decoule ses eaux que dans la bouche de celuy qui les veut recevoir. C'est vne maxime Theologique, que le sang du Sauueur est respandu pour tout le monde suffisamment; mais non efficacement, si non à ceux auxquels il est appliqué. Il faut puiser les eaux de la grace aux fontaines du Sauueur, qui decoulent en nous par les tuyaux des Sacremens, comme la pourpre royale qui s'iuē par des canaux, au Cantique. C'est de cette application qui doit estre entendue cette hardie parole de l'Apostre, *L'accomplyce qui manque à la passion de Iesus-Christ.* Certes le Sauueur a fait tout ce qu'il pouuoit faire, mais de nostre part nous deuõs faire ce que nous pourrons,

autrement ce reproche diuin nous sera
faict, *Qu'ay-ie peu faire à ma vigne que ie
n'aye faict, cependant lors que j'en attendois de
bons raisins elle m'a produict des brassailles.*
Voyez vous comme nostre Seigneur
nous a donné exemple de bien faire en
faisant bien le premier, comme dit
Saint Pierre: *escoutez son collateral,
soyez mes imitateurs comme ie le suis de Christ.*
La passion du Sauueur nous doit seruir
pour imprimer les vertus sur nos cœurs
comme les verges de peuplier à Iacob
pour colorer les agneaux. Voulez-vous
vn plus parfait modele de mortifica-
tion? sçaurions-nous mieux edifier le
tabernacle non faict à la main de no-
stre intérieur, que sur cet exemplaire
qui nous est monstré en la montagne
du Caluaire.

Et qui ne voit que c'est abuser manife-
stemēt du sang du testamēt & de la Pas-
sion du Redempteur, de dire qu'apres ces
souffrances nous n'auōs plus rien à fai-
re n'y a compatir de nostre costé, puis-
que cette doctrine remplit le monde de
nonchalance à bien operer, noncha-
lance mere de tous les vices. Ces bonnes
gens qui tiennent de telles maximes ne

font-ils pas à vostre aduis comme ces enfans desbauchez, qui non seulement ne veulent rien faire, mais despenles largement ou prodigalement, se fians sur les richesses que leurs parens ont amassées avec beaucoup de sueurs & de peines. *Vous estes racheptez par un grand prix*, dit Sainct Paul: mais oyez comme il poursuit: *Glorifiez & portez Iesus-Christ en vos corps. Qu'est-ce à dire portez Iesus-Christ en vos corps*, sinon cela mesme qu'il dit ailleurs, *Portez la mortification de Christ en vos membres*. Et quand à soy il dict, *Qu'il a en son corps les stigmates de son Sauueur crucifié*. Chacun a en la bouche l'exemple du bon larron, pour dire que le sang du Redempteur le l'aua de ses souillures, & luy leua toute iniquité. Mais regardez ie vous prie de l'autre part le mauuais brigant a qui ce sang ne seruit de rien: d'ou vient cette difference sinon que le bon s'en appliqua l'efficace par la contrition & la repentance, & l'autre la reietta.

Ouy mais on aduâce que c'est vouloir faire prendre le Paradis par escalade & à force de bras, que de n'y donner entree qu'aux bônes œuures: Certes ces oppo-

des fruits de la Penitence. 153

sans ne regardent pas qu'indirectement ils se moquent des Escritures : car ie vous prie que disent-elles sinon que le *Royaume du Ciel est forcé & ravy par les violens, que la manne cachée est pour le vainqueur, la couronne pour le combattant, que la porte du Ciel est estroite & difficile: qu'il faut entrer en la gloire par beaucoup de tribulations, qu'il faut traverser le feu & l'eau pour paruenir au rafraischissement.* Que si vous voulez passer dās les allegories, vous trouuerez que le pain de gloire ne se mange au Royaume celeste qu'apres auoir trempé sa face en sueur icy bas : que Moÿse ne voit Dieu que sur vne haute & aspre montagne & en des espines poignantes : que la terre de promesse ne s'acquiert qu'apres plusieurs combats : que l'on n'espouse Rachel qu'aspres beaucoup de seruiées, ny Michol qu'en éstestant vn geant, & rapportant cent prepuces de Philistins: que pour auoir la benediction de l'Ange celeste, il faut luitter comme Iacob : que les Manchots spirituels, qui sont les fainéants, n'ont point d'accez au Temple de la Hierusalem celeste: que pour arriuer à Dieu il faut auoir des pieds & des ailles, comme ceux qui

montoient en l'eschelle de Iacob ; que pour vaincre les Philistins , il faut cōme Ionathas ramper de pieds & de mains , & casser les cruches comme fit Gedeon , c'est à dire se mortifier pour vaincre l'ost de Madian . Et puis dites que pour se sauuer il ne faudra rien faire .

L'on recharge que c'est offencer la satisfaction du Fils de Dieu , comme si elle n'estoit pas suffisante , que d'y ioindre la nostre : Certes elle est plus que suffisante , mais non pas efficace , comme nous auons dit , sinon par l'application ; & c'est cette application qui donne à nostre oeuvre laqualité Satisfactoire : car autrement l'operation destituee de l'energie de ce sang est aussi vile & abiecte pour le Prodiges reuenant d'emmy les hardes des pourceaux , aussi honteuse qu'Adam en sa nudité , aussi triste qu'vn arbre destitue de fueillage , qu'vn oyseau dont le pennage est arraché . Les fruictz de nostre Penitence sont pareils à ces fruictz tendres qui ne se peuuent conseruer que dans le sucre & le miel en confiture , c'est à dire , trempez au sang de Iesus-Christ , vnis , & pour dire ainsi incorporez à son merite .

N'est-ce pas doncques renvoyer les ruisseaux à la mer, rapporter les branches à leur tronc, que de dire que nos operations n'ont vie & valeur que par le sang du Sauueur qui les anime, tout ainsi que l'ame anime le corps. Et ie vous prie de ne vous donner point en proye à cette fausse ialousie, dont les errans se feignant estre possédez, qui semblent reietter nos Satisfactions, cōme ternissantes la gloire de celles du Fils de Dieu, car outre que les nostres ne sont que des dependances des siennes, toute la gloire luy en est reseruee, comme à la cause premiere & principale: *Celuy qui se glorifie, qu'il se glorifie en Dieu: Que mon ame soit louée en Dieu*, dit David, *les debonnaïres l'entendront, & s'en eiouïront.* Tout ce qui se rapporte à Dieu, ne luy peut donner de ialousie; il commande que l'on honore pere & mere sans preiudice de l'honneur souuerain qui luy est deub: nostre cooperation presuppose son operation precedente, sans laquelle ce que nous faisons seroit nul: *Celuy qui plante, & qui arrose n'est rien, mais Dieu seul donne l'accroissement.* Quant sainct Iean dit que nous serons faiets semblables au Sauueur

quand nous le verrons comme il est, y a il de quoy s'enialoufer, & quand le Fils de Dieu mesme appelle ses Apostres, *Dieux, & enfans du Tres-haut*, & qu'il leur promet de les prendre pour Assesseurs quand il iugera le monde, y a il de quoy tomber en ialousie ? il y en a aussi peu quand nous disons que les merites & satisfactions du Redempteur rendent nos œuures meritoires & satisfactoires.

II.

Et tout ainsi que la grace appelle le concours de nostre franc arbitre, ainsi l'operatiō de nostre salut appelle nostre cooperation & correspondance en l'application des moyēs de salut. Voyla vn fondement, ouy mais, si vous ne fabriquez dessus, de quoy vous seruira-il que si vous estes negligens, ô Chrestiens, à bastir sur celuy que le Sauueur vous presente, viendront de l'Oriēt & de l'Occident plusieurs nations estrangeres, lesquelles conuerties & ba isees, opererōt si bien qu'elles reposeront avec Abraham, Isaac, & Iacob : au Royaume Eternel, tandis que les enfans de lumiere pour leur negligence seront lancez aux

tenebres exterieures, Cōbien de Publicains & infinis pecheurs conuertis & ardents à bien œurer precederont-ils de iustes languissans ? les humbles pecheresses seront preferees aux vierges superbes, & le larron repentant à l'Apôstre creuant desespéré. S'il ne faut point cooperer avec nostre Seigneur pour nostre salut, pourquoy auroit-ildit à ceux qui estoient en la place les bras croisez: *Allez aussi vous autres en ma vigne, & ie vous donneray un iuste salaire,* pourquoy nous auroit-il ordonné *de negotier* Negotia-
insques à sa venue, pourquoy auroit-il par- mini dū
tagé les talents, pourquoy rebutté les venio.
vierges folles qui furent trouuees sans l'huile de la charité, pourquoy auroit-il remply toute l'Escriture de promesses pour ceux qui feront bien, pourquoy Sainct Pierre exhorteroit-il les Pasteurs à leur deuoir, & au trauail de leur charges, *sinon pour l'ac-quest de cette couronne inflestrissable qui les attend à la venue du Prince des Pasteurs,* pourquoy Dauid diroit-il *que sur les promesses de Dieu il a cheminé en des sentiers difficiles,* & qu'il Psal. 118.
a incliné son cœur en ses iustifications sous l'esper de la retribution, pourquoy le

Fils de Dieu promettoit-il de donner aux aumosniers *une mesure pleine & comblee en leur sein*, pourquoy auroit-il appellé bien-heureux les pauvres d'esprit, les debonnaires, les paisibles, sinon pour nous enseigner que la beatitude s'acquiert par la pratique des vertus assistee de la grace, pourquoy en fin s'appelle-il vigne, & nous les pampres, sinon pour nous apprendre l'estioitte alliance de nostre cooperation, & de son operation pour l'oeuvre de nostre salu?

Mais pour donner encores plus de jour à cette verité, notez qu'auant que le Sauueur mourust en Croix, la paix estoit rompuë entre Dieu & l'homme par le peché de nos protoplastes, peché lequel estant infiny, à raison de l'object offencé, ne pouuoit estre reparé que par la satisfaction d'une personne infinie: Dieu ne pouuoit souffrir, l'homme n'auoit rien d'infiny, c'est pourquoy le fils de Dieu s'est faiët homme pour patir en la chair, chair dont la souffrance a esté infinie, à cause de l'union du Verbe. D'où viët qu'à la naissance de ce diuin Enfant, les Anges chanterent vn

Canti-

Cantique de paix, en signe qu'il pacifieroit Dieu avec l'homme : Or ce Messie souffrant la mort, & la mort de la Croix, il n'y a point de doute que l'eternel Pere n'aye trouué cette satisfaction plus que suffisante, cette redemptiõ copieuse & abondante: il ne s'ensuit pas pourtant de là que nostre cooperation soit inutile, car c'est de cette cooperation que naist le droict usage de cette redemption, & du manquement que prouient la damnation, selon le Prophete, par la bouche duquel Dieu declare *que nostre perte vient de nous, & nostre ayde de luy.* C'est à quoy vise ce mot de Sainct Iean: *Celuy qui est saint, c'est à sçauoir par la mort du Sauueur, laquelle seule nous sanctifie, Qu'il le sanctifie encores, s'entend par cooperation, celuy qui est iuste, qu'il se iustifie tousiours plus: & encores celuy-cy du mesme Apostre, que tous ceux qui esperent en Dieu se sanctifient eux-mesmes.*

Nous croyons & criõs hautement, que le Sauueur est nay pour nous, a vecu pour nous, est mort pour nous: car pourquoy le Pere celeste a-il enuoyé son fils au monde, sinon à fin que le möde soit sauüé par luy? Nous tenõs pour ferme & indubitable

qu'une goutte de son sang vaut en toute rigueur de Justice le rachapt de mille mondes: De plus nous ſçauons qu'il la reſpandu non ſeulement pour nous liberer de coulpe, mais encores de peine, & nous obtenir vne remiſſion totale de coulpe, & vne entiere ſatisfaction de peine; d'où vient que toutes les coulpes & peines qui ſe remettent ſont remiſes par le merite de ce ſang precieux. Mais auſſi comme la coulpe originelle n'eſt leuee aux enfans que par le Bapteſme, comme par vn moyen qui applique ce ſang: ainſi le peché actuel aux adultes ne s'eſtace que par ce meſme ſans appliqué par la Penitence.

Sus donc mettons les mains à l'œuvre, & trauaillons ſerieuſement en cooperant avec la grace à rendre noſtre *vocatio aſſeuree par bonnes œuvres*. Ionas s'endormât ſoubs la verdeur d'un lierre, ſe trouua priué d'ombre quand le Soleil fut tourné: ainſi ſont ceux qui ſe ſians autrement qu'il ne faut *aux richesses de la bonté & miſericorde de Dieu* reſpandues en la Paſſion du Redempteur, s'endorment dans la fainéantiſe: l'Epouſe plus accorte & & a iuiſee que cela s'aſſeoir ſoubs l'ombre de

celuy qu'elle desire, mais elle gouste de ses fruicts, montant en la palme & estendant la main sur ses dattes, cooperant par sa diligence à l'operation de son salut faite par son Espoux. Laissons ces Tobies que le sommeil de l'erreur aueugle, & qui comme les Cocodrilles en baillant aualent le rat qui rôge leurs entrailles & leur cause la mort: Faisons bien tandis que nous auons le temps. Et puis que Dieu par la trop grande charité qu'il nous a porté a daigné operer nostre salut avec tant de douleurs & de peines, essayons d'y cooperer avec toute sorte de fidelité & de diligence. Nostre Seigneur soit avec vous.

Des fruicts de Penitence.

HOMELIE X.

Facite fructus dignos Pœnitentiæ.

LE rapport des espiôs qu'Israël enuoya dans la terre promise fut bié diuers, car les vns maquas de courage pour vne si genereuse conquete, racôtoient des difficultez qui se-

bloient infurmontables, la force des villes, la grandeur enorme des habitans, la puissance des Roys qui y dominoient: au contraire, Iolué & Caleb, deux vail-lans Capitaines, representoient cette acquisition aysee, principalement par l'assistance de Dieu, assistance qui ne pou-uoit manquer a ses promesses faictes à eux, & à leurs deuanciers; disoient des merueilles de la beauté & bonté de cette contree, & pour tesmoignage oculaire en rapporteroient des fructs excessifs en grandeur, & excellens en douceur, qui monstroient à l'œil & au goust, que vrayement cette terre estoit le seiour coulant le lait & le miel dont Dieu par la bouche de ses Prophetes, leur auoit fait tant de feste. Ce qui fit resoudre le peuple au party le plus glorieux & honorable, qui estoit d'entrer à main armee dedans ce territoire, & l'ennahir en l'arrachant aux infideles qui en estoient iniustes possesseurs. Quand il est question d'aller à l'eternelle gloire, *terre des viuans* & qui coule le lait & le miel des diuines faueurs, il n'y a celuy des mortels qui ne quitte volontiers l'Egypte de ce monde, ou nous viuons sous les griffes d'un

tyran qui ne nous donne aucun repos: Mais quand on parle de surmonter les difficultez de la Penitence, de combattre tant de combats, d'embrasser tant de peines, comme la lâcheté en fait imaginer au saint exercice de la Mortification; certes aucuns en sont tellement effrayez, qu'ils quittent tout-là, & n'ont pas le cœur de pousser plus avant en vne si genereuse entreprise. Mais si vne fois ie vous peux faire asseoir à l'ombre des palmiers victorieuses d'Helim arroufées des fontaines de la grace, & goster les fruits delicieux de nostre Metanee, i'espere que cela vous donnera le courage de trauerfer le Iourdain avec allegresse sous l'escorte de Iosué, qui veut dire Sauueur, figure de IESVS, & de Caleb qui s'interprete tout cœur & tout courage. *Et ie vous prie si vous repensez à celuy qui pour vous a souffert en tant soy de contradictions, à fin que vous ne defaillissiez point en vne si belle entreprise, quel sera si lâche & degeneré que de ne suiure point la pointe d'vn si genereux dessein qui regarde l'eternité?* Mais auant que passer outre allons puiser des eaux dans le nouveau territoire d'Axa fille de Caleb arrosé de

toutes parts : ayons recours à celle qui
est la fontaine des iardins au puits des eaux vi-
ues qui decoule avec rapidité du Liban.

Aue Maria.

IL m'est aduis, mes chers Auditeurs,
que iusques à present ie vous ay assez
promenez sur les plains courans de la
Theorie des bonnes œuures, & que sur
ces fondemens necessaires pour œu-
rer bien le bien il nous sera aisé d'esle-
uer le cõble d'vne iuste & proportion-
nee Pratique. Si est-ce que i'ay encores
besoing auant que i'entre dans la parti-
cularité des fruiçts de nostre Metanee,
de vous en faire encore vn discours vni-
uersel, qui sera celuy-cy, auquel nous
verrons premierement quels sont ces
fruiçts en general, secondement quels
en particulier. Soyez attentifs.

I.

Les Grecs appellent l'homme d'vn
nom fort conuenable à nostre propos,
car ils le nomment *Anthropos*, qui signi-
fie vne plante retournée : ce qui a faict
dire autrefois au sage Platõ que l'hom-
me estoit vn arbre renuersé, qui auoit

ses racines dans le Ciel, & ses branches vers la terre. L'Apostre semble viser à cette pensée quand il nous conseille d'auoir nostre *conuersation dans les Cieux*: & encor d'auoir *esgard aux choses d'enhaut, non à celle de la terre*. C'est à faire aux autres animaux d'estre appanchez & recourbez vers la terre, mais l'homme a vne stature droicte, pour apprendre de la constitution de son corps, à n'auoir autre obiect, autre but que le Ciel.

Cet arbre raisonnable estant donc planté en la vigne du Seigneur, comme parle Sainct Augustin, & *sur le courant des eaux de la grace, selon le Psalmiste, ne doit-il pas florir dans les paruis, ou parterres, du Seigneur. O ma vigne, dit Dieu au pecheur, ie t'ay planté de ma main, comment te changes tu en amertume pour moy, i' attendois de toy des raisins de miel, & tu me produits de s raisins de fiel.*

L'arbre a de coustume de produire des fueilles, des fleurs, & des fruirs: ainsi faiet l'homme les opperations duquel se partagent en trois. Il y en a qui ne poufent que les fueillages de mille desseins, promesses & propos de bien faire,

Vua eorum vua fellis.

fans iamais venir à l'exécution, s'endormant souz cette ombre verdoyante qui les nourrit d'une fausse & vaine esperance iusques à la mort. De ceux-la Dieu se plaint soubs vne belle Metaphore: *Israël*, dit-il, *m'est faict comme vne vigne qui ne pousse que des pampres, vigne fueilluë: mais infructueuse.* O pecheur ! cela te regarde, prends garde a toy, & sçache que l'ëfer est plein de bons desirs, qui seruent de paille à ce feu deuorant: mais le Ciel n'est plein que de bonnes œures: grain seul entre au grenier, la paille demeure dans le fumier & la pourriture. Tu as le cœur plein de desseins de t'amender, mais tu ressembles à ces femmes, dont le fruit mort dans les entrailles n'a pas la vigueur pour sortir tu as bien conceu, mais *tu ne peux enfanter l'esprit de salut.* Nauires peinte à voiles enfilees, mais qui ne démarre iamais du port.

Il y en a d'autres qui poussent des fleurs, mais fleurs tendres qui se ternissent à la premiere gelee; ce sont ceux qui commencēt à prier, ieusner, aumosner, mais cela ne dure gueres, à my chemin ils s'arrestent, regardent en arriere,

ayans mis la main au soc, gens ineptes pour le Royaume de Dieu: le souuenir des delices, des vanitez, des richesses du siecles fert de plomb à l'aile foible & lasche de leur debile effort. Ces fleurs battuës du moindre vent tombent à terre sans produire aucun fruit.

Ceux-la seuls produisent des fruicts lesquels transplantés totalement, c'est à dire de cœur & de corps, du solage du monde, dans le terroir de la Penitence, & entez sur leur cœur sauuage de greffe de la grace, ne cessent de bien œurer, *allant tousiours en auant de vertu en vertu, de bien en mieux, pour voir le Dieu des Dieux en la sainte montagne de Syon.* Ce sont ces beaux arbres dont les feuilles ne s'escolent point, qui profitent tousiours, & qui rendent le fruit en leur temps. Ceux qui ne iettent que des feuilles inutiles, & des fleurs passageres & de monstre sont menacez de la coignee & du feu en l'Euangile: mais les bons arbres sont soigneusement reseruez & cultiuez dans le verger du grand Maistre.

Je vous ay choisi, dit le Sauueur à ses Disciples, *afin que vous alliez, que vous portiez du fruit, & que ce fruit demeure. Voyez*

vous, mes freres, comme Dieu veut qu'à l'imitation de ces propagateurs du Christianisme les saints Apostres, nous soyons *fructifians en toute bonne oeuvre*. Or comme les œconomes champestres partagent les fructs en deux sortes, ceux de pepin & ceux de noyau; il me semble que les spirituels peuuent aussi estre diuisez en fructs de Vertu, & fructs de Penitence: ceux de Vertu sont les œuures meritoires, de Penitence les satisfactoirs: ceux-là nous acquierent le Ciel à l'ayde de la grace qui leur donne le prix, ceux-cy recōpensent la peine deuë à nos pechez. Et cette distinction est de S. Iean Chrysostome. Aux premiers fructs est promis le centuple & la vie eternelle: des seconds il est dict, *Rachepte tes pechez par aumosne*: & encores par S. Iean Baptiste, *Faiçte Penitence*: & en nostre texte, *Faiçtes des fructs dignes de Penitence*. Les fructs de cette derniere classe sont comme les antidotes de nos maux, car par le Ieufne nous guerissons les rebellions de la sensualité, par l'Aumosne nous chastions l'auarice, & par l'Oraison nous picquons l'enfleure de nostre vanité.

C'est la mesme distinction que le Martyr S. Iustin faiçt de nos œuures sous le nom de fruits de Iustice & de Penitence. Celles-la sont les operations faiçtes par la personne iustifiée, qui est en grace & en estat de pouuoir meriter: celles-cy viennent à satisfaire à la diuine Maieité leuee par nos offences: celles-la sont appellees par Sainct Paul *armes de Iustice*. De celles-cy parle le Sauueur quand il exhorte si souuēt en preschant à faire Penitence. Et Sainct Pierre exhortant le Magicien & excommunié Simon à faire Penitence le veut induire à faire des œuures qui cōtrepointent ses pechez, car il dit, *Fay penitence de ta meschanceté*, & l'Ange à cet Euesque dans l'Apocalypse, *Regarde d'où tu es cheu, & fay penitence*. Sainct Paul, *Ne sçay tu pas que la benignité de Dieu t'attend à penitence?* Ionas preschant la Penitence à Niniue, *Per arma* voila tout le peuple qui en faiçt les *iustitiae* fruits ieusnant, se mortifiant, priant: *virtutis Dei*, où vous remarquerez en passant que la Penitence ayant trois partie integrâtes, la Contrition la Cōfession, la Satisfaction le nom de Penitence est indifferemmēt attribué tantost à l'vne, tantost

à l'autre, selon la liberté de cette figure qui nomme la partie comme le tour: Et de plus, que les œuures Satisfaitoires par l'ordre naturel precedent les Meritoires, comme l'esguille deuanço la foye, & comme le fer est employe par le Chirurgien auant l'onguent & le cataplasme.

Et afin que le nom de fruit estant equiuoque ne vous tienne en suspens quand vous le rencontrerez diuersemēt pris aux sacrees Pages (car l'Euangile nous enseigne clairement que les mauuais arbres produisēt de mauuais fruits,) il y a des plantes mortelles & veneneuses il y en a de medecinales & salutaires, il y en a d'odorantes, il y en a qui ne sentent rien, il y en a qui ont la beauté sans la bonté, d'autres la bonté sans la beauté, il y en a de fructueuses, d'autre infructueuses: Ainsi y a-il des oeuvres bones, il y en a de mauuaises, il y en a d'indifferentes. Sainct Paul parlant des mauuaises, *Quel fruit*, dit-il, *avez vous maintenant de ces actions qui vous font honte?*

Or ce n'est pas assez de faire des fruits de Penitence, car s'ils ne sont digne de Pe-

nitence, à quoy seruirons-ils, sinon comme le sel gasté a estre ietté la & foulé par les pieds des passans? Les fruits de Penitence sont pratiquez par les Turcs, les Mores, les Iuifs, & par plusieurs nations infideles, sans qu'il leur en reuienne aucune vtilité. Le Ieufne: l'Oraison, l'Aumosne faicte en disgrâce, si elle ne merite rien, satisfait encores moins. Rien n'est acceptable deuant Dieu que ce qui est accompagné de sa grace. Il faut oeurer avec vne toy viue, vne charité non feinte, & vne grande pureté de coeur. *Malheur à vous autres,* dit l'Escripture, *qui nettoyez ce qui est de dehors, & qui au dedans estes pleins de rapine & d'immondice, & encores, Il y a vne certaine generation qui pense estre bien nette & qui n'est pourtampas lancee de ses saletéz, sepulchres en croustéz de marbre, & au dedans remplis de puanteurs & d'infections. Ceux-là peuent faire des fruits de Penitence, mais non pas dignes de Penitence. Vous auez du fruit en vostre sanctification, & la fin sera la vie eternelle.*

II.

Mais en fin quels sôt ces fruits de Penitence, c'est ce qui me reste à vo' deduire, non pas en ce discours, mais en tout le

reste de cet Aduēt, & que ie veux expedier maintenant par vn auant goust de trois paroles. Côme les mauuais fruiçts de l'arbre de mort & du peché sont de trois sortes, de Vanité, de Volupté, & d'Auarice: Cethegories infortunees où se rapportent tous les maux du monde: aussi en l'arbre de vie, qui est celuy de la Penitence, comme nous auons enseigné cy deuāt, y a il trois sortes de fruiçts pour reparer le deschet qui nous arriue de ces trois maux quand nous sommes si miserables que de les practiquer. Ces trois fruiçts sont l'Oraison, le Ieufne & l'Aumosne. L'Oraison embrasse tous les exercices spirituels qui se pratiquent pour la reparation des abus commis autour des biens de l'esprit: le Ieufne comprenant les mortifications corporelles repare les fautes commises par la sésualité: & l'Aumosne paye l'amende des maluerfations commises au maniemment des facultez temporelles. Vn mot de chacun de ces fruiçts par forme, d'eschantillon, ou si vous voulez vne bouchee par maniere d'essay.

Ceux qui portez sur les aisles de la vanité se sont laissé transporter a la recherche des honneurs par vne ambition au-

tât aueugle qu'immoderee, doiuet pour
desenfier cette tumeur spirituelle s'adō-
ner fort à l'exercice de l'Oraison, car
rien n'humilie & abbaïsse tant l'ame que
cela, d'autant que la Maïesté & gran-
deur de Dieu lequel nous prions nous
faict voir clairement nostre bassesse &
deneantise. Dauid, Ezechias, & Nabu-
chodonozor furent gueris par ce re-
mede des vents qui leur auoient bouffi
le coeur outre mesure. Que si nous vo-
yons par vne experiēce iournaliere que
le vēt est abbattu par la pluye, qui ne re-
cognoist aussi que les douces larmes
que la ferueur de l'Oraison tire des yeux
appaissent les vents des presomptions
qui boursofflent le coeur?

Ceux qui laschans la bride aux boüil-
lons de leur concupisence & uenee, se
sôt portez au precipice des voluptez, &
rendus compagnons des Prodiges des
Dauids, des Magdeleines. Que desor-
mais ils s'addonnent aux ieunes & aux
mortifications de la chair. Les Niniui-
tes auparauant noyez dans les delices,
& les desbordemens, par le ieune, le
sac & la cendre r'entrent aux bonnes
graces de Dieu, qu'ils auoient perduës

par leur incontinence, & font redou-
quer l'arrest de la ruyne que Dieu auoit iuré
en son ire. Par le ieufne de quarante iours
Moÿse appaisa Dieu courroucé con-
tre Israël, non seulement pour l'ido-
latrie du veau, mais pour leurs gour-
mandises & saletez. David ayant adul-
teré chastie son corps par le ieufne. Et
Saint Paul pour conseruer sô integrité
chastie son corps, & le reduit en seruage.

Ceux qui par vne immoderee conuoit-
tise des yeux ont ou rayé le bien d'au-
truy, ou gardé trop euidement le leur,
laissant perir impitoyablement le pau-
vre deuant leurs yeux, plustost que de le
secourir, le tuants en luy déniant la cha-
rité, *necando, negando*, comme dit quelque
Ancien, que ceux-là s'addonnent sé-
rieusement à donner, se faisans des amis
l'inique *Misimome*, qu'ils rachètent leurs pe-
chez par aumosnes, comme Daniel conseil-
loit à ce Roy de Babyloniens: Car au-
trement le cœur dur sera mal payé à la fin, &
iugement sans misericorde sera faict à l'immi-
sericordieux. Au contraire grande gloire
est preparee à celuy qui aura esgard au pau-
vre, & necessiteux, car outre que Dieu le de-
liuërà au mauvais iour, c'est à dire au jour
de cour

de courroux & de vengeance : *sa iustice demeurera au siecle des siecles, & sa corne, c'est à dire, son nom sera exalté en gloire.* O que bien heureuse est l'ame laquelle comme vne belle oliue fructifiante en la maison de Dieu produict ces beaux fruicts de Penitence en estat de grace: ouy ce Iuste germera comme le lys, & il florira eternellement deuant le Seigneur. A tant des bonnes œuures, qui sont les fruicts de Penitence en general. Demain nous commencerons avec l'ayde de nostre Seigneur, à les descrire en particulier. Dieu vous donne sa sainte benediction:

De l'excellence de l'Oraison.

HOMELIE XI.

Facite fructus dignos Pœnitentiæ.



Vx extremitez du rochet
du grand Prestre de l'an-
cienne Loy pèdoient des
petits clarins ou campa-
nelles emmy des grena-
des de fin or: grenades pleines de grains

M

qui se faisoient voir par vne entr'ouuerture, & dont la couronne tesmoigne vne singuliere preéminence sur les autres fruitts. Mais que veulent dire ces clochettes parmy ces fruits, sinon m'aduertir que le Predicateur Euangelique ne doit resonner aucun sujet plus hautement que celuy des fruitts de la Penitence ? Et entre ces fruitts la Grenade symbole d'Oraison, dont la bonté consiste en l'interieur, bonté qui se manifeste quelquefois exterieurement par l'ouuerture de la bouche, me semble auoir de notables auantages, que ie deduiray plus au large tantost. Nous commençons donc auiourd'huy à monter en cette palme de Penitence, & à moissonner ses fruitts. Mais de grace oyez comme poursuit l'Espoux, *Tes mammelles*, dit-il, *ô mon Espouse*, sont comme les grappes de la vigne, & l'odeur de ta bouche comme la douce senteur des plus odorantes pommes; ta gorge est comme le meilleur, vin agreable à boire, & digne d'estre ruminé saouuré, masché par les dents du Bien-aimé. Ces mammelles fecondes denotent l'Oraison mentale, où l'entendement & la volonté agissent: cette bouche marque la vocale, cette gorge l'vne

& l'autre, estant comparee au vin beau, action coulante & douce, marque de la priere de l'esprit, & masché action plus forte qui represente la priere de la voix. Et à fin que vous n'ignoriez pas que cette vigne est raisonnable, il est dict au mesme Chant nuptial, *Vinea fui, pacifico in ea qua habet populos, tradidit eam custodibus, vir affert pro fructu eius mille argenteos.* O Vierge sainte, Palme de Cades, Rose de Hiericho, Vigne effleuë, rendez nous participans de vos fruicts florissans, de vos fleurs fructifiantes. *Aue Maria.*

TOut ainsi que rien ne retarde tant de faire vn bouquet, que de se trouver au milieu de l'abondance d'un parterre garny de toutes sortes de fleurs, chacune riante tellement à l'œil par quelque grace particuliere: que l'on ne sçait bonnement laquelle prendre, ny laquelle laisser: Ainsi en cette agreable multiplicité de fruits que propose à nos yeux l'arbre de Metanee, ie me trouue perplex comme cet ancien Tantale qui demeuroit alteré & affamé au milieu

des pommes & des ondes.

Mais principalement ce qui me tient en suspens, est le rang que ie dois donner à ces trois fruiçts de Penitence que ie vous ay proposez, & autour desquels doiuet estre employez tous les discours que i'ay à faire à vostre charité iusques au iour de la Naissance du Sauueur: car ie voy tant de perfections en l'Oraison, au Ieufne, en l'Aumosne, qu'il me semble que ie voy les trois graces si estroitement liees qu'elles sont inseparables, vn triple Geryon dont la soudure est indiuisible. Mais tout ainsi que cet ancien Pasteur de Phrygie donna sa pome d'or, & en suite la preéminéce, non à la plus riche, & à la plus vaillante, mais à la plus specieuse & agreable: ainsi ay-ie pensé de traiter premierement de l'Oraison que du Ieufne, ny de l'Aumosne, bien que l'Aumosne emporte la preéminence quant à l'vtile, & le Ieufne quant à la force, la Priere, neantmoins à l'ascendant quand à la suauité.

Et certes, tout ainsi que la charité se conserue dans l'ordre, aussi l'ordre se maintient en la charité. Et comme l'amour de Dieu, celuy de nous-mes-

mes, & celuy du prochain s'entresuiuent, aussi m'a-il semblé que l'Oraison ayant Dieu pour object deuoit aller la premiere, & les autres fruits suivre selon leur rang. Examinons donc en ce premier discours de l'Oraison, 1. les raisons de sa préeminence sur le Ieufne & l'Aumosne, 2. nous verrons combien elle est inutile, si elle n'est accompagnée de cette escorte fidele l'abstinence & la liberalité.

I.

La premiere raison de sa suréminence est tirée de la commune distinction des trois sortes de biens, de l'esprit, du corps; & de fortune: la Priere donc estant vn pur bien spirituel, & à raison de son subject qui est l'ame, & à raison de son object qui est Dieu, elle l'emporte sur le Ieufne qui regarde le corps, & sur l'Aumosne qui concerne les biens temporels: *Dieu est esprit, & ses vrayz adorateurs l'adorent en esprit, & verité.* Ce qui se fait par l'Oraison. Joint que l'homme estant quant à l'ame frere des Anges, & quant au corps semblable aux animaux: qui doutera que l'exercice qu'il a commun avec les Anges ne soit

preferable au Ieufne qu'il partage avec
 les animaux, lesquels ieufnerent aussi
 bien que les hommes? En ce Ieufne ge-
 neral que publia le Roy de Ninieue en
 fuite de la predication de Ionas: adiou-
 stez à cela que l'Oraison dure au Ciel, &
 se perpetue en l'eternité, où tout esprit
 loue le Seigneur, où les esprits Angeliques chan-
 tent le Trisagion admirable, où les parfums des
 vingt & quatre vieillards sont les oraisons des
 Saints, où Dieu est honoré d'un continuel
 sacrifice de louange: & tout cela en ce lieu
 où le Ieufne n'aura point d'entree, mais
 plustost où nous serons enyurez de l'abon-
 dance de la maison de Dieu, où se fera le festin
 solennel des nopces de l'Agneau, où la gloi-
 re & les richesses seront en un tel comble,
 que nul y fera disetteux, où il n'y aura
 plus de pleurs, ny de douleurs, ny de trauaux,
 mais vne ioye, vne exaltation, & vne lieffe
 sempiternelle.

Que si nous regardons l'effect de l'O-
 raison, qui est d'humilier nostre esprit:
*Oratio humiliantis se nubes penetrabit, non
 despexit Deus orationem humilium*; nous
 trouuerons que cette vertu vaut bien
 celle de la mortification du corps qui
 s'acquiert par le Ieufne, & celle de la

misericorde ui se pratique en l'Aumosne.

L'vniuersalité est vne autre raison de sa préeminence, car plus de gens peuvent prier, qu'il n'y en a qui puissent aumosner & ieusner: si que nous pouuons dire de la priere, ce que cet Ancien disoit de la science, qu'elle se promene, & pelerine quant & nous, & n'abandonne non plus nostre ame que l'ombre nostre corps: *Beny soit Dieu*, disoit Dauid, *qui ne m'a point osté, ny sa misericorde, ny mon oraison.* Il mettoit tout son bien en sa priere, comme ce Philosophe tout le sien en sa Philosophie: si que nous pouuons dire de l'Oraison ce que Salomon de la Sagesse: *Venerunt mihi omnia bona pariter cum ea, præposui illam sedibus & regnis, & diuitias præ ea nihil esse duxi.* Aussi est-elle, & la thresoriere des diuines graces, & la clef de la celeste misericorde: *Petite & accipietis, quodcumque peteritis Patrem in nomine meo dabit vobis.*

Ily a vne autre raison qui aduantage de beaucoup la Priere sur le Ieusne, & l'aumosne, c'est le voisinage de Dieu: car vous remarquerez qu'elle va immediatement à Dieu, mais le Ieusne ne

s'adresse à la diuine Maiefté, que par la mortification du corps, & l'Aumosne que par l'entremise du pauure : *Effunde eleemosynam tuam in sinu pauperis, & ipsa orabit Deum pro te* : car bien que d'ailleurs le Ieufne & l'Aumosne valide fort l'Oraison, suyuant ce traitt de Dauid, *Humiliabam in ieiunio animam meam, & oratio mea in sinu meo conuertetur* : Si est-ce que le Ieufne & l'Aumosne reçoient vn grand surcroist de valeur, quand par la Priere l'intention du ieufnant, ou de l'aumosnant est bien dressée. Que si de la proximité du Prince les Courtisans tirēt leur estime, celuy-là estant le plus honoré qui est le plus fauory, & le plus fauorisé, celuy qui approche d'auantage la personne du Roy, & a le plus de part en ses bonnes grace : qui ne voit que c'est l'Oraison qui nous fait plus voisins de Dieu, puis qu'elle n'est autre chose qu'un pour parler, vne conuersation, vn entretien avec la diuine Maiefté, & vne vnion de nostre cœur avec son souuerain bien, vnion d'autant plus pure & parfaite qu'elle est plus immediare.

L'ancien Courtisan Timothee disoit que de la frequentation avec les Princes

toutes sortes de prosperitez temporelles arriuoient aux hommes, maxime qui rend si peuplees les Cours des Souuerains & si nombreuses la suite des Grâds: & pēsons nous que de la familiarité avec Dieu qui se pratique en la Priere, il nous arriue moins de felicitēz spirituelles & eternelles? Cōme le feu eschauffe plus puisāmēt les corps qui luy sōt plus proches, & tout ainsi que les regions qui sont plus voisines du Soleil sont les plus chaudes, & consequemment les plus aromatiques; ainsi l'ame est d'autant plus excellente qui *leue ses mains plus pures à Dieu par vne sainte priere*, parce qu'elle est plus proche de la source d'amour & de charité qui est Dieu. Voulez vous vne mortification plus sensible que de *donner son corps aux flammes*, vne aumosne plus signalee que de *distribuer toutes ses facultez aux pauvres*. Sainct Paul neantmoins confesse que tout cela n'est rien sans la charité: & certes on ne peut contredire que l'Oraison n'approche de plus près le centre de la charité, que le Ieusne & l'Aumosne. Faites la consequence.

Qui est-ce qui rendit la face de Moyse

si radieuse, sinon le Colloque qu'il eut avec Dieu en la montagne ? O quelle gloire, quelle felicité de commencer & conuerfer ainsi priuément avec Dieu: *Beatus homo quem tu elegeris Domine, & de lege tuadocueris eum.*

Quel aduantage estoit-ce à Aman de mager seul entre tous les Assyriens à la table de son Monarque ? que ne se promettoit il de la faueur qu'il possedoit, puisqu'il eut bien le credit de faire emaner ce mauuais decret de la puissance de son Prince contre toute la race des Iuifs pour externer vn seul Mardochee, & descharger sur tout vn peuple le malalent qu'il auoit conceu contre vn seul: mais Dieu vit que ses cogitations estoient veines, il les dissipa & les reprouua, & le fit tomber en la fosse qu'il auoit preparee, au lac qu'il auoit tendu à l'innocent.

Il y a bien de la difference entre vne faueur mediate & immediate, vn credit mandié & relatif & vn pouuoir sans entremise : La Priere nous donne par nous mesme accez a Dieu, mais l'Aumosne par le pauvre, *Facite vobis amicos de mammona iniquo qui recipiant vos in eterna tabernacula.* Mardochee n'auoit abord

à Assuere que par Esther, mais Esther l'abbordoit par elle; qui oseroit comparer le credit de celuy-là au pouuoir de celle cy ? L'Oraison va droict à Dieu, comme la Thecuite a Dauid, ce que Ioab n'oseroit faire, & Abigail avec humiliation paroist deuant Dauid courroucé tandis que Nabal est en craincte; Rachel deuant Esaü tandis que Iacob tremble: Ioseph emprisonné a besoing de la recommandation de l'Eschanfon pour représenter son innocence, mais deliuré, par ses propheties il arriue à vn tel poinct de credit, qu'il deuiet Vice-Roy en toute l'Egypte, & acquiert ce glorieux tiltre de Sauueur du monde: Certes quand l'Oraison est affoiblie & comme garrottee par les liens d'iniquité qui attachent celuy qui prie, il a besoin de l'entremise de l'Ausmosne ou du Ieusne pour supplier à son defaut: mais quand elle part d'vne ame nette, & quand elle sort des leures purifiees avec le charbon du S. Amour, elle surmonte l'Inuincible, & lie le Tout puissant, comme dir S. Ambroise de la Priere larmoyâte.

Daniel forty de la fosse des lyôs est esleué sur tous les Satrapes de Babylone,

& obtient du Roy Nabuchodonozor tout ce qu'il veut : la Priere d'une ame sortie de la tyrannie du peché peut en quelque sens tout ce qu'elle veut, pourueu qu'elle demande des choses iustes & raisonnables.

Vne autre raison qui donne vne insigne préeminence à la Priere, est l'estat que Dieu mesme en faiçt : car demandant nostre cœur avec tant d'instance, & l'Oraison estant non seulement vn sacrifice de loüange, mais vn sacrifice cordiel, pensez combien luy doit estre agreable l'exercice qui luy immole nostre vniue Isaac, qui est nostre coeur. Dauid appelle l'elevation de ses mains periphraze de la Priere (comme ailleurs, *In nosribus extollite manus vestras in sancta*, (vn sacrifice du vespre: & quelle est la victime de ce sacrifice, sinon nostre coeur immolé avec le glaive de la crainte, & bruslé en holocauste au feu du diuin, Amour.

Ce Thimiamme de composition singuliere que Dieu vouloit voir fumer pour le sentir en odeur de suauité le soir & le matin, n'estoit-ce pas le vray symbole de l'Oraison, comme ie pourrois dedui-

re bien au long par l'examen des ingrediens qui se composoient, lesquels nous representent les qualitez requises à vne bonne Priere. Or comme ce parfum estoit preferé & aux victimes & aux oblations, aussi me semble-il que la Priere à préeminence sur les mortifications & sur les aumosnes.

Que si vous voulez ietter les yeux sur les presens que les trois Mages d'Orient firent au Sauueur nouveau nay, & sur leur signification mystique, vous trouuerez que par l'Encens est signifiée l'Oraison, comme l'Aumosne par l'Or, & le Ieufne par la Myrrhe. Que si materiellement vous pensez que l'Or & la Myrrhe soyent plus precieuses que l'Encens, ne croyez pas qu'il en soit ainsi parlant mystiquement: car ces presens ayans esté faits de ces trois choses pour recognoistre par l'Encens la Diuinité du Fils de Dieu, par l'Or sa Royauté, & par la Myrrhe son Humanité, qui ne voit que l'Encens est preferable aux deux autres, à raison de la Diuinité qu'il a pour obiet? Dites le mesme de l'Oraison, puis qu'elle s'adresse à la Diuinité, comme le Ieufne

à la Pureté , & l'Aumosne a la Pau-
 ureté.

Tob. iij.

Que si vous voulez emprunter le sen-
 timent des Anges sur cette préeminen-
 ce, oyez comme Raphael parle au vieux
 Tobie reietté de son aueuglement,
Quand tu priois avec larmes , i'ay offert ton
Oraison au Seigneur.

II.

Aussi vous remarquerez (& cecy ne
 prestera le passage à ma secondepartie)
 que ce biē-heureux Esprit adiouste , *Que*
l'Oraison est bonne avec le Ieusne & l'Aumos-
ne; parce que l'Aumosne deliure de la mort, pur-
ge les pechez , & fait trouver la misericorde
& la vie eternelle , louant charité & le ze-
 le de ce bō viellard à enseuelir les morts
 D'où vous apprendrez, mon cher Audi-
 toire, que pour estre l'Oraison eminente
 en dignité sur le Ieusne & l'aumosne, ce
 n'est pas a dire qu'il se faille arrester à el-
 le seule, sans pēser a ces autres fruiçts de
 Penitence , qui ne sont pas si elleuez &
 specieux, mais qui sont a l'aduanture pl^o
 vtiles. Ce qui est le plus excellent n'est
 pas tousiours le meilleur: l'or est en quel-
 que sens plus excellent que le bled , car
 on a beaucoup de grain pour peu d'or: si

si est-ce qu' Alexandre monstra bien que les viures estoient plus vtiles , reprenāt son Intendant qui n'auoit songé qu'à faire amas de finances , estimant que les autres munitions ne manqueroient point tant que l'on auroit de l'argent.

Holocausta medullata offeram tibi cum incenso arietum , offeram tibi boues cum hircis ; Voyez-vous comme Dauid sous ces holocaustes moëlleux , sous cet encens accompagné de moutons , de bœufs & de boucs, entend des Prieres assistees de mortifications & d'aumosnes.

Il est dict que Marie auoit choisie la meilleure part , mais ce n'est pas à dire que Marthe en eust vne ny mauuaise , ny mesprisable , la contemplation est plus releuee que l'action : mais il me semble, me soumettant neātmoins à tout meilleur aduis , que l'action est plus vtile & profitable en certe vie , en cette vie dyie , qui nous est donnee pour operer : *Dum tempus habemus operemur bonum , quodcumque potest manus tua instanter operare.* Car en l'autre nous ferons en l'eternité le mestier des Anges, qui est de contempler & loüer Dieu à iamais. *Beati qui habitant in domo tua Domine in secula sæ-*

Psal. 83.

colorum laudabunt te. icy bas il faut aller de
vertu en vertu : Vertu qui consiste à agir
pour voir le Dieu des Dieux en Syon.

*Sacerdotes Dei incensum, & panes offerunt
Deo, & ideo sancti erunt.* Or tout Chrestien
est Oingt & Prestre mystique, pour pre-
senter à Dieu l'encens de l'Oraison, &
luy sacrifier vn sacrifice de Justice: mais pre-
nez garde que l'encens est ioinct avec
les pains, c'est à dire, avec les operations
du Ieufne & de l'Aumosne : que l'Au-
mosne soit vn pain, il est clair, puisque
c'est elle qui met le pain en la main du
necessiteux : *Si manducavi buccellam meam
solus,* dit Job, *Frangite esurienti panem tuum,* dit
Isaye : Le Ieufne en vn autre, oyez
Dauid ieufnant : *Panam tanquam cinerem
manducabam.* L'Oraison est vn bouquet
spirituel, où l'ame se plaist aux beautez
de Dieu, & se repaist de ses bontez, où
elle est enyuree des torrens des voluptez ce-
lestes: Mais comme celuy-là fut reiecté
du festin solemnel qui n'auoit point
sa robe nuptiale, ainsi celuy-là est-il
priué des consolations de la Priere qui
est depourueu de charité. L'Oraison qui
n'est accompagnée d'abstinéce & d'Au-
mosne, est vn Adonibezech tronqué de
pieds

pieds & de mains , le Ieufne donne la legereté & agilité des pieds : *Qui posuit pedes meos quasi cervorum super excelsa statuet me: quam pulchri sunt gressus tui in calceamentis filia principis.* Et l'Aumosne rend les mains promptes à donner , dont il est dit de la femme forte que *manum suam appetuit inopi.* Et les mains de l'Espoux sont dittes au Cantique , *faites au tour & pleines de pierreries.*

L'Oraison sans cette compagnie est vne Royne sans suite , mais avec cette escorte elle paroist comme cette Princesse que décrit le Psalmiste : *In vestitu deaurato circumdata varietate : adducuntur regi virgines post eam , proxima eius afferentur illi.* Elle paroist cōme vne Esther deuant Assuere , appuyee sur ses deux seruantes , elle est florissante comme Iacob entre Lia & Rachel, entre Ioseph & Benjamin , comme le Sauueur entre Ioseph & Marie , entre Marthe & Magdeleine, elle est esleuee comme vn Moysse entre Hur & Aaron.

Misericordiam & iudicium cantabo tibi Domine. Voyez vous comme D id faict accompagner le Cantique de u priere par la misericordieuse Aumosne , & la

Psal. liij.

indicieuse abstinence. Car ie vous prie, comment voulez-vous que Dieu exauce la priere de celuy qui n'exauce pas celle de Dieu, qui le prie par le pauvre dont-il s'est faict caution, protestant que l'assistance que l'on faict au necessiteux luy est faicte. Et comment est-il possible que l'esprit soit esleué dans vn corps chargé de viande? *O qui me donnera des aïles de Colombe*, dict le Psalmiste: voulez-vous sçauoir quelles sont les aïles de l'Oraison, les voyla, la Charité & la Mortification, ce sont les deux bras, les deux yeux, les deux pieds, ce sont les deux Poles sur lesquels elle roule, ce sont les deux montans de son eschelle mystique.

Voyez moy ces belles Isles qui sont si plantureuses, d'où leur vient à vostre aduis cette fertilité, sinon de ce qu'elles sont arrosées de part & d'autre des eaux du fleuve qui se diuise en deux parts pour les enuironner la Priere enuironnée de Ieufne & d'Aumosne produit des fruiets spirituels en vne extreme abondance. Aussi les dents de l'Espouse au Cantique sont-elles comparées à des ouailles blanches d'inno-

cence qui sortent du lavoir de la Penitence, mais oüailles si fertiles qu'elles sont *omnes gemellis factebus*, & *sterilis non est inter eas*. Et cette femme forte que le Sage décrit si puissante à obtenir ce qu'elle demande à Dieu, n'est-elle point pour cela ditte vestuë de lin, symbole de mortification, & de pourpre hyeroglyphe de charité? *Et omnes domestici eius vestiti duplicibus: & purpura vestimentū eius.*

Certes pour estre l'Oraison plus esleue, ce n'est pas pourtant à dire que ceux qui y sont eminents doiuent laisser là la mortification & la liberalité: car cōme le feu s'amortit bien tost sans la cendre, & cōme la cendre, bien que moins noble que le feu, cōserue neātmoins le feu: ainsi la Priere sās ses deux cōpagnes est vne lāpe sās huile, & ce qui la maintiēt en vigueur est l'austerité & la misericorde. Ce qui rehausse la statuë c'est la base: ce qui soustient & releue l'edifice c'est le fōdemēt, moindre en apparence, mais en effect plus solide que la pointe du toict. Que feroiēt les grands sās les petits? où feroiēt les maîtres s'il n'y auoit point de seruiteurs? qu'est-ce qu'un Roy sās subiects sinō vn phantome? Dittes tout ce-

la de l'Oraison qui est sans Ieufne & sans Aumosne. Saül estoit Roy, David estoit subiect; est-ce à dire pourtant que celui-là pour estre plus grand en dignité, fust plus eminent en merite? Croyez-moy, ces espics qui leuent tant la creste ne sont pas les plus chargez de grain. Que sert d'estre esleué en Oraison comme le Prestre & le Leuite en l'Euangile, & auoit moins de charité que le Samaritain? Que sert d'estre enleué au troisieme Ciel par l'Oraison, & estre attaché d'affection aux choses de la terre? N'est-ce pas faire comme le Milan, qui se pouffe bien haut dans les airs, mais a sans cesse les yeux tourneés en bas vers la proye? C'est pour cela que Dieu dit par vn Prophete au peuple d'Israël, qu'il n'exaucera point ses prieres, parce que *ses mains sont pleines de sang & de rapine.*

O qu'il fait bon voir vne Priere accompagnée de Ieufne & de Charité: c'est ce *lien triple* dont le Sage faiçt tant d'estat: c'est ce parfaict triangle qui offre les trois facultez de nostre ame à la tres-saincte Trinité par vne correspondance aux trois vertus Theologales: c'est cette

trine asperſion qui purge nos ames de la lepre du peché. De ces trois parties eſt composé, le baſtiment de noſtre ſpirituelle edification, le Ieuſne reſpondant au fondement, la Charité au murailles, & l'Oraiſon au toict eſſeué & dont la poincte regarde le Ciel.

C'eſt avec cette triple armeure que nous venons à bout de ce Cerbere à trois goſiers, j'entends ces trois conuoitiſes, de Vanité, de Volupté, & de Profit: car avec le Ieuſne on terraffe les ſenſualitez, avec l'Aumosne l'auarice, avec la Priere l'orgueil.

Mais tout ainſi que l'arc pour enfoncer bien-avant vne fleche doit eſtre tendu aux deux extremitez ainſi pour porter bien-avant dedans le cœur de Dieu le trait de noſtre Oraiſon, elle doit partir d'entre le Ieuſne & l'Aumosne. Et comme vne fleche eſmouſſee & non trempee en l'huile perce difficilement, ainſi la Priere penetre malaiſément le Ciel, ſi elle n'eſt eſguiſſee par la mortification, & huillée par la miſericorde.

En fin tout ainſi que les poiſſons ſans aiſſerettes & eſcailles nagent difficilement à fleur d'eau, & ſont reiettez en

l'ancienne Loy, cōme viuans tousiours dans le fonds & la bourbe: ainsi la Priere s'esleue peu qui n'est souleue par ces deux aydes, mais demeure languide & croupissante contrebas.

Tout ainsi donc que les animaux receus aux Sacrifices anciens comme mondes deuoient ruminer & auoir le pied fourchu; ainsi ceux qui sont ruminans en l'Oraison doiuent auoir les pieds, c'est à dire les affectiōs partagees entre le Ieufne & l'Aumone.

Donne moy des enfans, disoit la sterile Rachel à son Iacob, *autrement ie mourray*: la Priere viue & vraye presse ainsi le cœur de celuy qui la pouffe vers le celeste Iacob, de bien operer, soit par la charité, soit par la mortification, autrement elle cour risque de perir & de demeurer brehaigne & sans aucun entherinement.

Apprenez donc, mes tres-chers, de l'excellence de l'Oraison à aymer ce S. exercice, qui nous rend ou des Anges terrestre, ou des hommes celestes: Mais n'oubliez pas de l'accōpagner de l'Aumone & du Ieufne, à fin que vous faciez avec perfection *des fruiets dignes de Penitence*. Ainsi soit-il.

De l'Oraison Mentale.

HOMELIE XII.

Facite fructus dignos Pœnitentiæ.



LE Symbole ordinaire de l'Oraison dans les Escritures saintes, c'est l'encens, & c'est ce qui fait dire à David, *Dirigatur Domine oratio mea sicut incensum in conspectu tuo.* Or tout ainsi que l'encens entier & sec n'a aucune odeur, ne respendant sa suavité que par la fumee qu'il exhale estant mis sur les charbons ardants : de mesmes l'Oraison ne s'esleue jamais deuant le throsne de la grace de Dieu, pour nous obtenir sa misericorde, si elle n'est accompagnee d'une sainte ferueur, & d'un zele enflammé. Car si en aucun autre exercice, c'est principalement en celuy de la Priere, que les tièdes desplaisent à Dieu. Et tout de mesme que l'encens mis sur le brasier se diuise en deux portions, ennoyant sa partie plus subtile & délice

Quia tepidus es euomam te.

dedans les airs , la plus grossiere estant reduitte en cendre; aussil'Oraison a-t'elle deux branches, l'une pure spirituelle, que l'on appelle Mentale, l'autre moins excellente, que l'on appelle Vocale, laquelle ne laisse pas d'auoir son prix à part, mais non pas conserable avec l'autre, d'ot la pratique est toute Angelique: de laquelle ayant premierement à vous discourir, à cause de sa prerogatiue, ie vous prie esleuons nos esprits en haut, & mettans dans l'écensoir de nos cœurs trois grains d'encens, qui sont les trois pieces qui composent l'oraison, qui s'adresse à la Mere de Dieu, parfumons en ce throsne d'uyoire du vray Salomon, ce *sancta sanctorum*, cette Arche d'alliance, à fin de gouster les douceurs de cette Manne cachee. *Aue Maria.*

Introdu-
xit me
Rex in
cellaria
sua.

Entre les faueurs innombrables dont il a pleu au Roy de mon cœur me rendre bien-heureule, dict l'Amante du Cantique, celle cy n'est pas des moindres: C'est qu'il m'a donné entree dans son cellier sacré, & là il a ordonné en moy sa dilection desfrable. Que l'Oraison ne soit cette abondante

caue de l'Espoux, où les ames sont enyurees de l'abondance de la maison de Dieu, & abbreuuees du torrent des voluptez diuines; il ne se peut nier que par ceux qui en ignorent tout à fait la pratiquer: Car ie vous prie, que sont toutes ces extases, escoulements, & pasmoisons, liquefacti-
ons, langueurs, & defaillances, dont nous voyons les personnes saintes affectionnees à l'Oraison, estre saisies, sinon des yuresses spirituelles, & des transports d'esprit: & comme les celliers sont en des lieux recelez & cachez sous la terre, ainsi les causes de ces rauissements spirituels sont ordinairement occultes & peu cognoissables. Mais que veut dire cecy, *Il a mis en moy l'ordre de la charité*, comme si le desordre & le desreiglement d'un transport estoit capable d'ordre & de reigle: certes il y a cette difference entre le vin fumeux du mau-
uais amour, & le vin doux & suau de saint Amour, vin figure par le must des
pommes de grenade, fruit dont les grains sont rangez si proprement, que celuy là esbloüyt les yeux, & offusque tel-
lement le sens qu'il oste le discernement des choses, mais celuy-cy esguise l'es-

Inebria-
buntur
ab vber-
tate do-
mus tuae.

Mustum
malorum
granate-
rum.

prit, affine le iugement, & comme le miel
 & le beurre du Prophete, il donne l'eslection
 du bien & le rebut du mal : & qui plus est il
 establit vn si bel ordre en la dilection,
 qu'il faict aymer ce qu'il faut comme
 il faut, & selon le rang qui luy est con-
 uenable. Et c'est cet ordre mis en la
 Charité, qui faict que l'on ayme l'Orai-
 son Mentale plus que la Vocale d'vn a-
 mour de preference, sans toutesfois
 desdaigner celle laquelle pour n'estre
 pas si belle & agreable, ne laisse pas
 d'estre aymable en foy. Il est vray que
 cette Marie contemplatiue à choisi la
 meilleure part, mais celle de l'actiue
 Marthe n'est pas pourtant a reietter. Ce
 sont les deux costez de l'eschelle de Ia-
 cob, vray modèle de l'Oraison, par où
 l'on monte dedans le sein de Dieu. Or
 entre tant de belles considerations qui
 se pourroient rapporter pour vous met-
 tre en appetit de cet exercice Mental,
 & que i'ay assez amplement deduittes
 en quelque petit Opuscule, qui roule
 par les mains des personnes deuotes: ie
 ne veux insister, que sur deux, la dignité
 de cette façon de prier, & sa necessité.

*En la Di-
 lection à
 l'Oraison
 Mentale.*

Et cette dignité paroist principalemēt en cette prééminence, que personne ne luy conteste sur la Priere de bouche, qu'elle surpasse d'autant que le corps est surmonté de l'esprit, d'autāt que les Anges sont éminēs sur les hommes. Et certes le sēs nous fait recognoistre que les choses sont d'autant plus excellentes, qu'elles sont plus subtiles, & destachees de la matiere. Et qui ne sçait que ces eaux alambiquees sont d'autāt plus exquises que plus de fois elles ont passé par le feu, & que de plus près elles approchèt de l'esprit. Les Elemens mesmes tirent leur dignité & leur aduantage l'vn sur l'autre de cette subtilité: c'est ce qui fait que sans contredit cette Priere est estimée la plus noble, qui a moins de participation avec le corps. Le grand Prestre n'entroit au Sanctuaire qu'en priant du cœur, & en silence. Le Temple de Salomon est celebré pour auoir esté basti sans bruiet de marteau, ny de scie. Ceux-là crient le plus haut deuant Dieu, qui parlent le plus bas deuant les hommes. *Quid clamas ad me.* Moyse ne disoit morde ses leures, quand Dieu luy dict: *Que me demandes-tu?*

Que fait à vostre aduis le Contem-
platif sinon le mesme exercice qui occu-
pe Dieu de toute eternité ? & en quoy
s'occupe Dieu sinon à se considerer? &
quel est l'employ de celuy qui contem-
ple, sinon de s'attacher à la considera-
tion des perfections diuines : Telle est
la fonction des Anges & des ames bien
heureuses, qui n'ont point d'autres ob-
iect de leur beatitude que celuy-là mes-
me qui rend Dieu bien-heureux: Car ce
mesme Dieu qui se bien-heure de sa
propre beatitude, contente ses esleus de
sa mesme felicité. *O Domine, beatus quem
elegisti & assumpsisti, inhabitabit in atriuis,
tuis.* Dieu en se contemplant se cognoist
infiniement, & de cette cognoissance
infinie qu'il a de soy de toute eterni-
té prouient la generation du Verbe,
qui est la parole substantielle, par la-
quelle le Pere s'exprime. & comme par
cette cognoissance intellectuelle le Fils
est engendré, ainsi par le Pere & le Fils
qui n'ôt qu'une mesme tres vniue-
rselle est produit l'Amour increé, qui est
le Sainct Esprit. Les biē-heureux habi-
tās de la celeste Hierusalem vont par un
progrez aucunement semblable en leur

contemplation, car la veuë de la diuine Beauté est vne cause si puissante, qu'elle fait naistre en eux vn effect necessaire, qui est l'Amour, car comme l'esclair & le tonnerre ne sont qu'vnë mesme chose, ainsi la veuë de Dieu est suiuië d'vn dilection in faillible. *O glorieuse Cité de Dieu*, que ceux qui sont en ton pourpris sont remplis d'allegresse de voir vn object si beau & si bon, qu'il est la mesme Beauté pour leurs entendemens, la mesme Bonté pour leurs volonte.

A mesme que le Paon se mire dans les diuerses couleurs de sa rouë, les autres oyseaux le regardent avec admiration: ainsi au Ciel en mesme temps que le grand Paon, c'est à dire le grãd Tout, se delicie en la cognoissãce & en l'Amour de soy mesme, les esprits qui par la lumiere de la gloire sont rendus capables de voir la lumiere de la Diuinité, sont ravis en l'admiration de tant de merueilles qui reluisent en cette perfection infinie & incomprehensible. Et que ces ames sont bien aduisees, lesquelles desireuses de iouyr dès ce mortel seiour de quelque auant goust de cette souveraine felicité, s'exerce en cette occu-

patiō Angelique de l'Oraison Mentale,
 où par les yeux de la foy elles contem-
 plent ce qu'elle esperent de voir vn iour
sās miroir, & sans enigme, ô si les Dames e-
 stoient aussi soigneuses de se mirer en
 cette glace spirituelle, qu'elles sont cu-
 rieuses de cōsulter dās la verité de leurs
 glaces la vanité de leurs graces corpo-
 relles, que nous verriōs de grādes meta-
 morphoses en leurs habits, & en leurs
 mœurs, vne grande estime du Ciel en
 leurs cœurs, avec vn grād mespris de la
 terre. Et n'est-ce pas vn moyē de deue-
 nir S. auant terme, que de pratiquer vn
 exercice que les SS. ont en cōtinuel vsa-
 ge dedans les Cieux, & qui nous rend
 courtisans du Cabinet de Dieu: Car biē
 que la Priere Vocale soit fauorisée de
 Dieu, si est-ce que la Mentale, cōme luy
 estant plus conforme, parce qu'il est es-
 prit, luy est plus agreable. *C'est cette mōree*
du cœur, cette preparation, ce desir, cet espanche-
ment d'ame, qu'il ne reiette iamais. Si la
 Vocale est cette harmonie qui lie les
 demons, comme monstra Dauid, qui
 par ses Cantiques temperoit les agita-
 tiōs de Saül, la Mantale est ce parfum du
 ieune Tobie qui les chasse tout à fait, &

ce remede qui redõne la venë interieure. Si la Vocale est la môtagne de la Myrthe, la Mentale est la colline de l'Encens, & l'ame qui s'y addonne a des exhalaisons de Paradis, de Cypre de Nard, & des plus doux aromates. Ses māmelles sont meilleures que le vin, ouÿ, car comme le vin d'vn tonneau tarit à la fin par vne lōgue traite, mais la māmelle est intarissable, & se remplit, pl^o elle est succee : ainsi l'Oraison Vocale finit quād & le formulaire, la voix deuiet foible & casse, Mais la Mētale peut estre continuëe doucement, & sans cõtention à perpetuité: & c'est ainsi que le grand Apostre nous axhorte de prier sans intermission. Je sçay bien que les organes se peuuent debilater, mais quand à l'Esprit qui est vn agent perpetuel, il est infatigable en les pensees: ioinct que si l'Escriture nous enseigne, l'œil ne se lasse iamais de voir, ny l'oreille d'entendre; comment se pourroit-on ennuyer en cet exercice Mental, où l'on ne fait autre chose que regarder Dieu attentiuement, & se conter ce qu'il dict en nos ames.

Il est bien vray, que comme il y a trois sortes d'oyseaux de vol bien differēt, les

Nō satiat
tur ocu-
lus visu.

Audiant
qui lo-
quatur in
me Do-
minus.

vns qui ont des aïles, & ne s'esleuēt iamais de terre, les autres qui volent à remises, & d'autres qui volēt à tire d'aïlle, & sont quasi tousiours de dans les airs: ainsi parmy les personnes pieuses il y en a qui se contentent avec simplicité de l'Oraison Vocale, d'autres volent à secouffes par les aspirations & Oraisons iaculatoires: mais il y en a d'autres, qui par la Meditatiō prennēt des aïles d'Aïgle & de Colombe, & par la Contēplation parfaicte deuiennent en fin des oyseaux de Paradis. Les premiers ressemblent à cet enfant de l'Embleme, ou à ces oyseaux engluez, ils ont bien l'aïlle du desir, mais leurs esprits sont arrestez, ou par le poids de leur grossiereté, ou par l'embarassément des affaires temporelles: les seconds a ces foibles exhalaisons qui s'esleuent vn peu, retombēt soudain en rosee: les troisiemes à ces vapeurs subtiles & graces qui se souleuent si haut qu'elles s'embrasent par le voisinage de la Sphere du feu, ce qui faisoit dire a Dauid: *Il meditacione med exardescet ignis.*

Et de vray ne plus ne moins que les rayons du Soleil ramessez dans le creux
d'vn

d'un miroir excitent de la flamme; & comme le Phoenix s'embrase dans son buscher d'aromates en battant des aisles: ainsi se forme l'ardeur interieure par les esclans de la Meditation. Et se faut-il estonner si le monde n'est que froideur & glace d'indeuotion, cet exercice estant si peu pratiqué; c'est dequoy Dieu se plaint par vn Prophete, disant que *non est qui recogitet corde.* L'ame deuote par l'Oraison metale cōme vne abeille mesnagere va tirant le suc des fleurs spirituelles, qui sont les mysteres diuins, pour en cōposer le miel de la pieté dont elle se paist en son interieur, *se remplissant de cette graisse & de cette moelle.*

Certes on ne peut nier que toutes les fleurs n'ayent vne puissante arriance vers le Soleil, mais que l'herbe qui se contourne vers cet astre n'en aye vne particuliere, on n'en peut douter sans renuerser l'experience. Aussi ne faut-il pas reuoyer en doute que toutes les Prieres ne soiēt agreables à Dieu, mais celle qui part immediatement du cœur, & qui cesse d'estre quand elle cesse de le regarder, est la bien aymee entre toutes les autres: *Soixante Roynes, quatre Vingt*

Sicut adipe & pinguedine repleamur anima.

Sexaginta sunt reginae, octoginta concubinae.

Cōcubines, des ieunes filles sās nōbre: mais la Cō-
 tōbe la toute belle est vniue & vniuemēt che-
 rie par dessus tout cela. E fau eut vne benedi-
 ction desirables, mais qui n'estoit pas
 pourtāt à cōparer à celle de Iacob. L'Es-
 poux cōfesse qu'il ayme les yeux de son
 Amante: yeux de Colombe, lauez dedās le lait
 de l'innocence & de la simplicité: mais
 si ne peut-il dissimuler qu'il n'y en aye
 vn qui le touche plus viuement, *valne-
 rasti cor meum in vno oculorum tuorum.* Les
 Prières soit vocales soit mentales luy
 sont fort agreables, pourueu qu'elles
 partent du cœur: mais que celle qui est
 toute du cœur ne luy soit encores en
 vne plus speciale consideration, il n'est
 que trop apparent. Certes il la regarde
 avec vne attētion si forte, que l'ame qui
 la pratique en deuient toute noire & ha-
 ssee, battue à plomb des rays de cet
 Orient d'enhaut: si qu'elle peut dire,
*Te suis brune, mais pourtāt ie n'en suis pas moins
 belle.* Que veut dire que Moÿse venient
 avec la lāgue begayante de la conuer-
 sation diuine, sinon que celuy qui a vne
 fois fauoré la douceur de la Contem-
 plation a de la peine à se remettre au
 train de l'Oraison vocale. Aussi à la ve-

rité la chair d'Egypte n'est-elle pas con-
ferable avec la Manne du désert.

II.

Que sera ce donc, cher Auditoire, si ie
vous fay paroistre la necessité de cet e-
xercice aussi grande que sa preéminen-
ce se fait voir releuee? Et peut estre que
ce mot de Necessité fera froncer le sour-
cil à ceux lesquels blasphemans ce qu'ils igno-
rent ne pratiquent ce qu'ils scauent qu'avec cor-
ruption & imperfection. Mais pour em-
pescher leur zele seuere d'armer leur in-
dignation contre moy, ie declare que
par cette Necessité ie n'entends pas par-
ler de l'absoluë, sçachant combien il y a
de milliers de personnes ignorantes de
la Theologie mystique, qui n'est autre
chose que l'Oraison mentale, qui ne
laissent de faire leur salut sans la prati-
quer: mais bien d'une necessité de con-
uenance, afin de distinguer le precepte
du cõseil, & la vie ordinaire de celle qui
tend à la Perfection. Perfection à la-
quelle doiuent tẽdre tous ces genereux
courageux qui entendent cette semonce
comme il faut, *Soyez parfaicts comme vo-
stre Pere celeste est parfaict.* Ie dy donc har-

In his
quæ ig-
norant
blasphē-
mant.

diment que pour tendre à cette perfection qui nous est tant recommandee, l'outil de l'Oraison mentale me semble vne piece necessaire, c'est la lampe ardante des Vierges sages qui nous introduit aux nopces de l'Agneau.

Et pour vous faire cognoistre clairement cette verité, ie vous prie de considerer que comme la lumiere du Soleil se respendant sur l'horison rend les choses colorees, ou bien fait paroistre les diuerses couleurs qui sont attachees aux creatures : ainsi la clarté de l'Oraison mentale anime les œuures pieuses d'vne agreable splendeur : & pour monstrier cecy en detail, ne voyez-vous pas que le chant d'vn chœur a beau estre harmonieux & musical, si ne plaira-il pas à Dieu si le sentiment du cœur ne l'anime de sa correspondance.

Si le cœur n'est esmeu, en vain la langue prie.
Aussi David ce diuin chantre pretere de beaucoup les montees de son cœur aux fredons de sa harpe. & aux accens de sa voix. Certes comme sans la rosee les fleurs sont languissantes, ainsi sans la reflexion de la Meditation les ceutres de pieté ont bien peu de vigueur, &

j'oserois dire de valeur. Si vous dittes
 les Heures Canoniales sans elevation
 d'esprit, que faites-vous sinon l'office
d'un airain brulant, d'une cloche sonnante? Et
 si vous avez l'esprit esleué, n'est-ce pas
 vne forte d'Oraison mentale? L'atten-
 tion mesme qui est comme l'ame des
 bonnes operations, n'est-ce pas l'effect
 de la Meditation? Vous dictes vostre
 Chapelet, voila qui va bien; ouy mais
 si vous ne pensez pas à ce que vous dit-
 tes, ny aux mysteres prescripts en la
 forme de reciter le Rosaire, que faites-
 vous *sinon honorer Dieu des leures, & non du*
cœur? Et si vous pensez à ces mysteres,
 ne faites-vous pas vne espee d'Orai-
 son Mentale? Assistez à l'Office ditin
 sans y pèser, c'est à dire present de corps,
 mais absent d'esprit, vous ne faites rien:
 si vous y pensez n'est-ce pas cela prier
 mentalement? Au demeurant ie vou-
 drois biē sçauoir comme l'on peut bien
 examiner la conscience, & se preparer à
 la Confession, sans faire quelque reflexion
 sur son interieur, sans reuisciter les
 replis de son ame, sans repenser à ses iours
 passez, en l'amertume de son esprit: & cette
 visite de la mystique Hierusalem avec des

ueritas
 dicitur
 non est
 vultus
 Hierusa-
 lem
 al me-
 lucerna
 in
 tunc
 non est
 iudicium
 corpus
 Dominus
 t. cor. 11.
 hestis
 que est
 caris
 monem
 rem ipse
 morte
 est
 Mon
 Dei me
 quibus
 Adipe
 transe
 letat
 oup sup
 curan-
 Recogit
 tabo tibi
 omnes
 annos
 meos in

amaritu-
dine ani-
me mea.
Visitabo
Hierusa-
lem in
lucernis.
Psal. 118.
Psal. 1.
Non di-
judicans
corpus
Domini.
1. Cor. 11.
Bestia
quæ teti-
gerit
montem
tem ipsa
moric-
tur.
Mons
Dei, mōs
pinguis.
Adipe
frumenti
setiar te.

Sub quo
curuan-
tur qui
portant
orbem.

2
INCO 10

lampes, qu'est-ce sinon vne espece de Me-
ditation? *Meditabor in mandatis tuis quæ di-
lexi: lex tua meditatio mea est: in lege Domini
meditabor die ac nocte.* Car quant à la pre-
paration pour la saincte Communion, il
est tout assureé que sans cette reflexion,
que le grand Apostre appelle le discernement
du corps du Seigneur, on ne
peut receuoir dignement cette viande
de vie. Aduisez donc bien à ce que vous
faites, ô vous qui approchez de cette Ta-
ble Sacree, avec si peu, ie ne diray pas
d'attention, mais de reuerence: *La beste
qui eust touché la montagne de Sina eust esté
frappee de mort.* Estimez-vous que l'hom-
me animal doïue profaner par son auoi-
nement, cette montagne de Dieu, monta-
gne grasse & romplie de la graisse du froment,
qui rassasie les bonnes ames. Pourquoi pen-
sez-vous, que le Sacrificateur auant
que commencer les redoutables my-
steres de la saincte Consecration, crie
solemnellement, & hautement *Sursum
corda*, sinon pour retirer nos esprits de
la terre, & les esleuer au Ciel: & n'est-ce
pas offencer celuy deuant lequel se plo-
yent ceux qui portent le monde, que de respon-
dre, *Habemus ad Dominum*, rampās cepen-

dant contre bas où nos pensée sont attachees?

En fin parcourez toutes les actions de deuotion, & les operations vertueuses, vous trouuerez que si elles ne sont illustrees de ce flambeau de l'Oraison Mentale, elles perdent beaucoup de leur grace, leur beauté estant comme morte & sombre, si elle n'est auuee de cette lampe spirituelle qui communique à nos ames la lumiere & la chaleur: de sorte que nous la pouuôs à bon droict appeller le sel de la vie spirituelle, & le leuain de la paste de nostre interieur: car tout ainsi que le sel & le leuain assaisonnent les corps où ils sont meslez par la communication de leurs esprits qui se respendent par tout, ainsi l'Oraison Mentale estend son agreable lumiere, & sa douce chaleur si amiablement en nos cœurs, que toutes nos operations en tirent leurs esprits vitaux, leur gentillesse, & leur merite.

Vous diriez qu'elle face les mesmes effects en nostre interieur, que faisoit cette viue source que Dieu fit bouillonner au milieu de l'Eden, laquelle se partageant en diuers ruisseaux arrosoit

toutes les plantes de ce Paradis de delices, & les rendoit fertiles par son descoulement: Car il faut aduoüer que nostre ame est aride comme vne terre sans eau, & infertile, sans cette agreable pluye qui descend d'en haut du Pere des Lumieres. Que ne deuons nous donc faire pour demander avec instance à nostre Eternel Pere, comme Axa fit à Caleb *irriguū superius & irriguum inferius*, qui sont les fontaines de l'Oraison Passiue & Actiue, qui font descouler Dieu en nous, & nous font escouler en luy. Helas! nous sommes si curieux d'apprendre les exercices du corps, que l'on n'espargne ny peine, ny despence, ny voyages pour deuenir bien adroict, soit à manier vn cheual, soit à dresser ses pas en cadence, soit à pincer vn luth, & semblables amusemens friuoles, que le vulgaire abusé baptise des noms de perfectiō & de vertu, & tellemēt incurieux & negligens des exercices spirituels, que c'est vne espece de merueille de voir quelque personne qui pratique la Meditatiō: cōme si cette occupation Angeli- que ne meritoit pas autant d'attentiō, & vn aussi serieux apprentissage que ces

des fruits de la Penitence. 215

gentilleſſes ſolaſtres, apres lesquelles le monde faiçt ſi fort l'emprefſé. Ouy, mais l'ô ſe plaint de la rareté des precepteurs en cette ſorte deſcholage : ceux qu'un ſainçt deſir de ſe perfectionner eſpoinçonne & retire de la preſſe, ſouſpirent apres vn homme, & diſent à peu près comme le Paralytique, qu'ils n'en trouuent point. Mais que ces bonnes ames ne ſe deſcouragent pas, ains qu'elles perſeuerent, car comme la pauvre Agar eſtant toute deſolee dans le deſert, & abandonnee aux ennuyſ, Dieu la conſola par vn Ange qui luy monſtra vne fontaine: & comme Iſraël apres auoir ſouſpiré eut la Mâne, Elie le pain cuit ſous la cendre, & le bocal d'eau, & Daniel le diſner d'Abacu en la foſſe aux Lions: ainſi Dieu par vne prouidence ſpeciale ſçaura bien pouruoir aux deſirs de leurs cœurs, pourueu que de leur part ils ne deſaillent point: *Beatus quem tu erudieris Domine, & de lege tua docueris eum.* Dieu eſt le Dieu de la ſcience, auquel toutes les penſées ſont ouuertes; lequel par l'Onçtion de ſon Eſprit, *docet hominem ſcientiam*, mais vne ſcience de bonté & de diſcipline, la ſcience des Sainçts, qui n'eſt autre que çette oc-

Deus
ſciētia-
rum
Domi-
nus eſt,
& ipſi
apēriun-
tur cogi-
tationes.

culte & secrette Theologie Contem-
platiue, pour cela appellee mystique, en
laquelle l'amour a beaucoup plus de
part que la cognoissance, la volonté y
estât plus necessaire que l'entendemēt,
la suffisance ne s'y acquerans pas par la
capacité des esprits, mais par la bonté
des cœurs: la ferueur des Amants y ad-
uançant plus que la doctrine des sça-
uans. Car sur cette mer qui n'a ny fonds,
ny riue, l'on auance plus par vn coup de
vent, vn traict du saint Esprit, que par
cent coups de rame, c'est à dire, par les
foibles efforts de l'humaine speculation.

Beatus
qui im-
pleuit
de fide-
rium
suum, ex
ipsis, non
confun-
detur cū
loquetur
inimicis
suis in-
porta.

*O que bien-heureux est celuy qui a remply ses des-
sirs de cette sorte de pasture, car il acquerra tant
de lumiere qu'il ne sera point confondu quand il
sera confronté avec ses aduersaires aux portes
de la mort: lors il se trouuera au nombre
des Vierges sages la lampe à la main,
introduict aux nopces de l'Espoux, pour
y chanter à iamais le Cantique nouueau
de la sacree dilection en l'Eglise des
Saints, la bien-heureuse Eternité.*

De l'Oraison Vocale.

HOMELIE XIII.

Facite fructus dignos Pœnitentiæ.

L'Espouse sacree recog-
noist pour vne signalee
faueur de son Bien-aymé
de ce qu'il a daigné l'intro-
duire dans ses celliers, &
mettre en elle l'ordre de la vraye charité:
luy faisant recognoistre que ses mammel-
les estoient meilleures que le vin & plus odorâtes
que les parfums aromatiques. C'est vne belle
chose que d'aymer le bien comme il
faut, & selon l'ordre qui luy est con-
uenable. Le discours precedant vous a
faict voir la preminence de la Priere
Mentale sur la Vocale, à fin que vous
estimez l'vn & l'autre selon son rang,
de sorte neantmoins que vous cheris-
siez Rachel sans mespriser Lia, puisque
toutes ces deux façons sont filles d'vn
mesme Laban, qui est nostre cœur, &
aggreables à vn mesme Iacob, qui est le

Dieu de misericorde. Si est-ce que l'A-
mante ne se peut tenir de dōner l'auan-
tage à l'Oraison Cordiale, denotée par
le lait des mammelles, lait qui luy est
plus doux & delicieux que le vin de la
Vocale, selon l'interpretation que nous
vous proposames hier. O Vierge sain-
cte qui auez excellé en l'vne & en l'au-
tre, en la Mentale, estant escrit de vous
que vous *conseruiez dans vostre cœur tout ce
qui se disoit de vostre Fils, & qui repensiez in-
terieurement au salut de l'Anges; en la Voca-
le, comme il paroist en ce beau Canti-
que, où vous Magnifiez le Seigneur qui a
fait en vous choses grâdes: Faiçtes que nous
puissios enseigner a ce peuple la Theo-
rie de ce que vous auez si parfaitement
pratiqué. Aue Maria.*

CE siecle est fort diuers, & ie me
doute que sa bizarrerie m'ayât entē-
du si fort exalter l'Oraison Métale, com-
me ie fis hier deuant vostre Charité, n'e
aille plustost receuillant vne occasion
de murmure que d'edification, comme
si le los de cette Priere interieure tour-
noit au blasme de l'exterieure & Voca-

le. Pour estimer le plus s'ensuit-il que le moins soit mesprisable ? Et Sainct Paul relevant si haut la gloire de la Contenance, n'a-il pas iudicieusement conserué, l'honneur deu au saint mariage ? Les roses sont belles, mais l'humilité des violettes ne laisse pas d'auoir sa valeur & son prix. L'Espoux se sent blessé d'un seul cheueu de la tresse de sa Bien-aymee, aussi bien que des rays de ses yeux, encóres que la cheuelure & la veuë soyent d'incomparable disproportion comme d'extreme difference. Pour priser l'espee on ne doit pas mes- priser le bouchier, l'un & l'autre arment bien vn homme. Dauid n'estoit pas blasnable de combattre desarmé, ne l'estoit non plus Saül de combattre armé. Qui ne peu prier mentalement, si prie vocalement; qui faict l'une & l'autre Oraison a atteint le comble de la Priere. C'est vn Aod ambidextre qui se sert egalemét de l'un cõme de l'autre main: en cõte façon il peut dire de l'Espoux, *Iena eius sub capite meo, & dextera illius amplexabitur me.* Que ces esprits là sont co- quilleux & desraisonnables, qui pensent que louer vne chose est en blasmer vne

que les enfans des hommes sont iniustes & inegaux en leurs balances. Moyse frappe l'eau de la verge, & voila que *propiscibit delit multitudinem ranarum*. Si on louë l'Oraison mentale, en voila qui diront que la Vocale ne vaut donc rien: & de là les murmures, & de là la contradiction en la cité, & de là les caioleries, que ce sont des propositions nouvelles, que nos deuanciers se sont bien passez de tant de Meditations, que cet employ n'est propre qu'aux personnes cloistrees. Quoy donc ? ne sçauroit on faire son salut sans cela ? Et quoy non, l'on dira tout, excepté ce que l'on doit & ce qu'il faut dire:

*Maiores nasquam ronchi iuuenesque senesque,
Et pueri nasum Rhinoceronis habent.*

Pour obuier à tout cela, j'ay pensé, mes chers Auditeurs, de vous estaler, les merites de l'Oraison Vocale, & de vous faire voir sa necessité.

Ceux qui comme des vermissaux rongent les fruiets de la Penitence, leur ostant le germe & le prix du merite, ont ils pas bonne grâce de dire que si Dieu nous faisoit grace en consideration de

nos Prieres, la grace ne seroit plus grace, mais salaire, n'est-ce pas cela chercher des nœuds en vn ionc, & leuer de foibles vapeurs contre la puissante lumiere du Soleil? Venez-ça, si vn Roy vous promettoit quelque grande dignité, ou si vous voulez la moitié de son Royaume pour quelque leger seruice, comme Salomon offrit la moitié du sien à Bersabee, pour l'hommage & la reuerence qu'elle luy faisoit, comme fit Assuere à Esther pour son adoratiō profonde: comme Saül sa fille à Dauid pour quelques prepuces de Philistins, comme Pharaō & Nabuehodonozor à Ioseph & Daniel, pour l'explication de leurs songes: direz-vous qu'vn leger seruice merite de foy vne si grande recompense? non certes de foy, mais en consideration d'vne promesse & parole Royale. Ainsi certes la Priere de foy est trop peu de chose pour meriter l'Eternité, parce que, *Non sunt cōdigna passiones huius seculi ad futuram gloriam quæ reuelabitur in nobis*: mais accompagnée de la grace, elle la merite, à cause que la grace & la gloire s'embrassent l'vne l'autre. C'est peu de chose qu'vn verre d'eau froide,

mais donné avec charité il vaut le Paradis, car rien ne peut recompenser la grace de Dieu que la gloire de Dieu.

Ils sont beaucoup moins considérables, quand ils disent que si Dieu par nos Prières se disposoit à nous faire grace il se montreroit muable contre ce qui est escrit: *Ego sum Deus, & non mutor mutabis eos & mutabuntur, at tu utem idem ipse es.* Car ie vous prie, qui ne sçait que Dieu est comme la glace d'un grand miroir qui reçoit sans changement toutes les diuerses formes qui luy sont représentées? si ceux qui sont en vne nacelle sur vn fleuve si agité, q̄ pour le mouuement des flots ils ne peuuent gagner le riuage à coups de rame, s'aduissent de ietter vne corde à vne homme qui est sur la rade, lequel les attire doucement à bord, qui dira que le changement de lieu se face en celuy qui ne bouge d'vne place estant en terre ferme, & non en ceux qui sont dans le bateau bralant & attiré. Laissons d'oc là ces friuoles oppositions, puisque confonduës par la raison elles le sont encores d'auantage par les actions de ceux-là mesme qui les objectent, lesquels eux-mesmes prient
Dieu

Des fruits de la Penitence. 223

Dieu tous les iours, tât il est vray que l'iniquité ment à elle mesme, & se clot la bouche.

O combien aduantageuse est l'Oraison feruante, puisque nous voyons que par son moyen Dieu se flechit à misericorde, & se plie à l'entherinement de nos requisitions. Voyez comme la Cananee en criant & priant avec perseuerance, obrient l'expulsion du demon qui tourmentoit sa fille, comme aussi le pere du pauvre Lunatique. Le Publicain priant hautement & neantmoins humblement au Temple descend iustificié en sa maison. Les lepreux en priant par vne forte, mais opportune importunité reçoient la guerison. Le larron suppliant le Sauueur en la Croix d'auoir souuenance de luy, entend cette douce & rauissante promesse, *Tu seras auiourd'huy avec moy en Paradis.*

Hé quoy! si l'Oraison, ie dis la Vocale n'auoit vne grande energie, le Sauueur nous exhorteroit-il en mille endroicts des Escritures à la pratiquer, nous en auroit-il de sa propre bouche dicté vn Formulaire si accompli que celuy que nous auons en l'Oraison Dominicale, auroit-il luy-mesme tant de fois prié

vocalement aux Nopces, au Temple, au Desert, aux Montagnes, au Cenacle, en la resurrection du Lazarre, en la guerison du muet, au Jardin des Oliuiers, & en fin en la Croix, d'où dict S. Paul, *il fut exaucé pour sa uerence.*

Et qui ne sçait que mesme soutientes-fois l'Oraison Mentale appelle la Vocale à son secours? tout au rebours de Marthe qui appelloit Magdeleine à son ayde, lors que la ferueur interieure est si grande que comme vn vin nouveau qui iette ses fonds, elle s'esclatte en des exclamations, souspirs, & paroles entie couppees. *Ne sçauons-nous pas que de l'abondance du cœur la bouche parle* que la chaleur du feu esclatte la founaise qui n'a point de soupirail? C'est ce qui faisoit dire à

Psal. 44. ce grand Contemplatif, Eructauit cor meū
verbum bonum, parce que le feu ardoit en sa Meditation. Pour cela l'Espoux compare la ferueur de son Espouse au moult des pommes de grenade, qui faict cracqueter le vaisseau où il est trop resserré. Souuent il arriue que l'on a besoing d'exciter son cœur en la Meditation par des traiçts enflammez qui partent de la langue. Qui ne sçait que le B. Frere

Gilles proferant le nom de I E S U S se portoit au rauiffemēt ? Ce sont les soufflets qui enflammēt les charbons amortis: *Ignis à facie eius exarsit, carbones succensī sunt ab eo.* Et bien que les aspirations vocales semblent contraires à cette paix qui est requise à la recollection interieure, paix figuree par ce doux sommeil, duquel l'Amant sacré ne veut pas que l'on retire son Amante : si est ce que par antiperistase elles seruent comme l'eau aux forgerons pour eschauffer d'auantage la braise de la deuotion cordiale.

Ces deux manières de prier comme deux sœurs de bon accord : & comme la Justice, & la Paix qui s'entr'embrassent ; se prestent la main l'vne à l'autre. Car cōme l'Oraison Vocale sans l'attention que luy preste la Mentale est vn son sans farine, vn froment sans moëlle, vn son creux & vuide qui n'a non plus de corps & de subsistence que les Echos ou les rebattemens des rochers : ainsi la Mentale a quelques-fois besoing de l'assistance de la Vocale pour se picquer, se ramasser, se reuigorer, se délasser.

— alterius sic

Alterera poscit opem res, & coniurat amice.

Beatus qui impleuit desiderium suum ex ipsis,
 & qui sçait labourer le terrain de son
 cœur avec le ioug de si vniforme accou-
 plage.

La racine de l'Oraison est au cœur, sa
 fleur en l'entendement, son fruit en la
 volonté, mais sa feuille est en la langue
 feuille qui sert à orner l'arbre & à con-
 seruer le fruit, *Turpis sine floribus arbor, &
 sine frondenemus.*

Or pour descendre à la pratique, il
 me semble à propos de vous donner
 quelques aduis sur les Formulaires de la
 Vocale en cet endroit. Car l'homme
 ennemy ne cesse de semer de la zizanie
 emmy le bon grain, & de contrefaire les
 vrayz metaux avec le faux billon de ses
 marcassites, subrogent des pietteries &
 hapelourdes au lieu des fines pierreries.

Quand vous vous meublerez de quel-
 ques liures de Prieres vocales, regard-
 ez tousiours si vous y trouuerez l'Ap-
 probation des Docteurs; apres cela fai-
 etes les voir à vos Pasteurs ou à vos Cō-
 fesseurs, à vos Directeurs, à vos Peres
 spirituels, ou pour le moins à des per-
 sonnes entendues & sçauantes. Car l'E-
 glise, vraye mere, ne baille iamais du ve-

des fruicts de la Penitence. 227

*nim pour du pain, ny pour du poisson ou du poison
vn serpent à ses enfans : si faiçt bien l'heresie:
car toute malicieuse elle tafche de met-
tre des buschettes dans le pain des fidelos, & les
circonuenir en sorte qu'ils trespuchent
dans son erreur.*

*Narrarem Danaum insidias, sed crimine ab vno
Disce omnes. ———*

Nous auons trouué entre les mains de
plusieurs personnes simples des Formu-
laires d'Oraisons toutes heretiques, qui
portoient en leur front le nom de Pre-
stres, de Curez, de Religieux Catholi-
ques, Calendrier au commencement
avec les festes des Saints, la Salutation
Angelique entremeslee çà & là, & sous
cette amorce estoit caché l'ameçon
pour surprendre les ames peu aduisees:
si que i'en ay veu qui disoient des Orai-
sons auant que d'aller à la saincte Com-
munion, où ils proferoient mille blas-
phemes execrables contre la creance de
l'Eglise Catholique, descendans en en-
fertous vinans avec vne eschelle par la-
quelle ils estimoient se guinder en Para-
dis. Pour Dieu, mes freres, en l'achapt
de semblables liures seruez-vous de
bonnes cautions, de iustes precau-

Mitta-
mus li-
gnum in
panem.

tions : faictes faire l'essay comme l'on faict deuant les Princes , à quelque personne iudicieuse auant que de vous paistre inconsiderement de ces viandes veneneuses , vous souuenant que pour auoir acquiescé aux siffades du serpent nos protoplastes trouuerent le boucon de mort où ils pensoient rencontrer la science du bien & du mal , & par cette cognoissance deuenir des Dieux.

Hé Dieu! quand vous acheptez vne bague, vous consultez si soigneusement le Lapidair, vous ne prenez des medecines que par l'ordonnance du Medecin ; en vos affaires temporelles vous vous cõduisez en tout & par tout selon l'aduis des Aduocats: aurez vous moins de soing de requerir pour ce qui cõcerne le salut de vostre ame, le conseil des voyãs & des experts aux choses de l'esprit?

Ne sçauz vous pas que nous habitons *in medio populi polluta labia habentis* , & qu'en ce meslange informe qui difforme nostre France , les Loups sont pestemeslez avec les Agneaux. Gardõs-nous donc *que ces renardeaux*. qui n'ont autre visée *que de desmolir* par leurs ruses & astuces *la vigne de l'Eglise*. Certes en vn estat

Vulpes
patuulæ
que de-
moliun-
tur vi-
ueam.

bien policé ces supercheries deuroient estre seueremēt punies par le Magistrat: car ne suffit-il pas aux errans de viure sous la faueur des Edicts en la liberté de leurs vaines opinions, sans encores glisser le venin de leurs erreurs dans les esprits des Catholiques par des fourbes malicieuses & dignes de chastiment? N'est-ce pas à l'imitation de cette pailarde de l'Apocalypse, donner à boire le vin d'aspic, & le ius d'un raisin de fiel dās vne couppe doree, que de faire aualer l'heresie sous le nom d'un Docteur Catholique faussement appliqué au frōrispice d'un liure? *Malheur à ceux qui mettent la lumiere tenebres, & l'obscurité pour la clarté. Filii hominum vsquequo graui corde vt quid diligitis vanitatem, & queritis mendacium?* C'est pourquoy ie vous crie, mes freres: le plus hautement que ie peux, que vous mangiez le beurre & le miel d'un conseil salutaire, à fin que vous sçachiez discerner le bien du mal, eslisant celuy-là, & reiettant celuy cy. Ne vous arrestez pas à ces menus Formulaires d'Oraison & de Confession, qui ne sont approuuez par l'authorité des Superieurs, parce que souuent, *impia sub dulci melle.*

venenat atent. Ce sont des fueilles Alphal-
 tites qui cachent l'aspic sous vne spe-
 cieuse apparence, des pommes de Go-
 morrhe qui ont vne puante poussiere
 sous vne escorce vermeille: *Fugite hinc
 pueri, latet angulis in herba.* Que si selon le
 Poëte cité par l'Apostre, *les mauvais pour-
 parlers corrompent les bonnes mœurs;* estimez-
 vous que la pernicieuse lecture aye
 moins d'impression sur le cœur par la
 veuë que le discours par l'ouye? Mes
 bien-aymez, *celuy qui chemine simplement
 marche assurement.* Vous auez vos Heu-
 res de la sainte Vierge, du S. Esprit, de
 la Croix, les Pseaumes de la Peniten-
 ce, l'Office des Trespassez, les Litaties,
 tout cela dressé par l'Eglise, approuvé
 par l'Eglise, en vos Heures communes
 & ordinaires, tant de beaux Hymnes &
 Cantiques Ecclesiastiques: dittes bié de-
 uotieufemēt tout cela, allez par le vieux
 train, suiuez ce grand chemin battu de
 tout le monde; ne cherchez pas tant de
 destours, si vous ne voulez au lieu d'ad-
 dresse trouuer le fouruoement.

O Dieu, entre les formes de prier Vo-
 calement, que le Rosaire, le Chapelet,
 ou la Couronne de la sainte Vierge

(car tout reuiēt presque à vn) cache vne puissante energie dans vne tres-aymable simplicité : combien de fruit, aussi bien que de fleurs se cueillent en Rosier: ie vous assure que ie cognoy de grandes ames, & bien eminentes aux choses spirituelles, qui quitteroient volontiers toute autre Priere, si d'ailleurs l'obligatiō ne les y attachoit, pour gouter les suauitez qui se rencontrent au recit de ce Psalterion agreable dressé par le glorieux Sainct Dominique en l'ordre des quinze Mysteres, selon la forme qui se pratique maintenant : Le sçay bien que cette forme de prier n'est pas simplement Vocale, ny Métale, mais mixte, si que l'on y boit le *vin avec le laiēt, le rayon avec le miel*: mais tousiours d'un sens est-elle Vocale, comme de l'autre biais Mentale, pareille au double front de Ianus : Comme les traicts affilez & trempéz dās l'huile sont plus penetrās, aussi semble-il que les Oraisons Dominicales, & les Salutations Angeliques trempées dans la consideration des Mysteres Ioyeux, Dououreux, Glorieux, ont vne pointe acérée pour s'introduire dans le cœur amiable du Sauueur.

Que ie veux de mal à ces suffisans, qui pour faire trop les suffisans se trouuent insuffisans. Celuy qui pense sçauoir quelque chose, ne sçachant, ne sçait pas bien encores comment il faut sçauoir la science sans humilité, aussi bien que sans charité, est plustost vne tumeur qu'vne graisse solide. Picquons cette vaine enflure, & en faisons sortir le vent de la presumption. O hommes ! qui pour paroistre hommes vous môstrez moins qu'hommes, c'est à dire, d'vn esprit si foiblet qu'il me donne plus de pitié que de cholere. Hé ! qui vous a dict que cette façon de prier n'est que pour les femmes & encores les simples femmes, & le plus bas vulgaire ? dites-moy, ie vous prie, estimez vous le plus sçauants Pontifes, Prelats, & Docteurs de l'Eglise, qui non seulement approuuent, mais se seruent de cette forme de prier, des esprits plats & minces ? est-ce la la matiere qui vous desplait, ce n'est autre chose que l'Oraison du Seigneur, le Salut de l'Ange, & le Symbole, est-ce la forme ? ce sont les quinze Mysteres principaux de nostre sainte Foy, que l'on contemple de cœur, tandis que

la langue parle. Venez-ca sçauante-
aux, mais que dittes-vous, que reci-
tez-vous de plus excellent, estes-vous
point à l'aduanture ravis au troisieme
Ciel, y parlant le langage des Anges,
& escoutans ces secrettes paroles, qu'il n'est
pas loisible à l'homme de reciter? O Seigneur!
*Posuerunt in cœlum os suum, & lingua eorum
transiit in terra.* Mais comme leurs
Oraisons sont vaines & creuses, *medi-
tantes inania*, aussi *peribit memoria eorum
cum sonitu.*

Prions, mes freres, prions avec simpli-
cité. O *Domine in simplicitate cordie mei letus
obtuli vniuersa.* Oraisons Vocale, Orai-
son Mentales, Oraison Mixtes, *omnia,*
mais, *omnia poma noua, & vetera dilecte mi
seruauit tibi.* Je sçay bien que Dieu entend
la voix du cœur, comme la clameur du
sang, mais aussi entéd il la clameur de la
bouche: De la rât de traictés chez le Psal-
miste: *Domine exaudi vocem meam. Intende
voci orationis mee cum clamauero ad te. Ad
Dominum cum tribularer clamauit. Clama-
uerunt iusti, & Dominus exaudivit eos, Clama-
uid ad me, & ego exaudiam eum. Laborauit cla-
mans, rauca facta sunt fauces mee.* Pour cela
le sainct Espoux conuie son Espouse de

luy faire entendre sa voix: *Sonet vox tua in auribus meis; quia vox tua dulcis. Que habitas hirtis, amici auscultant, fac me audire vocem tuam.*

Et pourquoy pensez-vous que les poissons fussent reiettez des Sacrifices anciens, sinon parce qu'ils sont le Sybole de l'obmutescence & incapables d'offrir *vn Sacrifice de loüange*? Et par le muet guery par le Sauueur, les Allegoriques n'entendent-ils pas les pecheurs auparavant muets, ou pour la Confession de leurs fautes, ou pour la loüange de Dieu: *Exultabunt labiame cum cantauero tibi, & anima mea quam uedemisti.* O quelle naissance de Iean, c'est à dire, quelle infusion de grace de Dieu est requise pour la guerison de ces Zacharies: Que bienheureux est celuy dont la voix se fait entendre comme celle de la Tourterelle: *Vos exultationis, & salutis in tabernaculis in florum.*

Sicut pullus hyrundinis sic clamabo, dit Ezechias en son Cantique, *meditabor vt Columba:* c'est à dire, ie prieray Dieu Vocalement & Mentalement, Vocalement comme le pouffin de l'Hyronde, qui ouvre grandement son bec, voire sa gorge

en piaillant; Métalement comme la Colombe, qui ferre le bec lors quelle roule son gemissement dans sa poictrine.

Cuius blanditias verbaque murmur habet.

II.

Certes l'Oraison Vocale seule sans le secours de la Mentale, c'est à dire, sans penser à ce que l'on dict (& qu'est ce ce penser attentif, sinon vn certain degré de Priere Mentale) c'est plustost vn langage de Perroquet, & vn parler de Pie & impie qu'une Priere, c'est honorer Dieu des lèvres, & non du cœur: façon abhorree de Dieu, Oraison qui se tourne en peché, comme dit David: C'est pourquoy pour valider l'Oraisō Vocale elle a besoin du secours de l'attention, attention qui se respandant sur elle la rend odorante, tout de mesme que l'espine Aspalathus par la rosee de l'arc en Ciel. Aduisez donc bien à cela, mes freres, quand vous priez Vocalement, car faute d'y aduiser, non seulement vos Prieres ne serōt pas exaucees, mais se rendront odieuses à Dieu. Je ne suis pas icy pour vo^r traiter des distractiōs volontaires, ou inuolontaires, ny del'attrēion requise, car ie manie ce subiect amplement ailleurs: mais

Oratioe-
ius fiat in
peccatū.

En nostre
Direction
à l'Oraisō
Mentale.
l. 5.

seulement ie vous aduertis d'aller posément, grauelement & iudicieusement en cet exercice de la Priere Vocale, car il vaut beaucoup mieux dire peu, & bien, que d'en dire beaucoup couramment, & avec précipitation.

Ie sçay bien que ceux qui sont dressez à l'Oraison interieure, ont vn grand auantage en cecy sur ceux qui ne sçatent simplement que l'exterieure: mais i'aduise les vns & les autres de se maintenir en humilité: car comme *melius est modicum iusto super diuitias peccatorum multas*, & mieux vaut vne bouchee de pain en paix, qu'vne maison remplie de bien & de querelle; ainsi Dieu ne regarde pas tant si l'Oraison est interieure ou exterieure, comme si elle est humble, *Respexit ad orationem humilium, & nõ despexit preces eorum*. Il est bien vray que ceux qui prient Métalement, sont vn exercice plus parfait; mais ils ne sont pas pourtant les plus parfaicts: qu'ils le facent donc sans mespriser ceux qui l'ignorent: Car celuy qui edifie sans le fondement de l'humilité, bastir sur le sable, le vent croulera bien tost s'õ ammôcelage, & en fera vne ruine. Le Pharisien pour auoir voulu s'este-

uer en sa priere, retourne reprouue en
samaison, *Elevat se homo ad cor altum, &
elevabitur Deus, quia humilia respicit, & alta
à longe cognoscit, humilia, comme glose S.
Augustin, vt extollat alta, vt deprimat.* A-
gar pour s'estre insolemment esleuée
contre Sara, encor qu'elle fust plus bel-
le, se voit contrainte de vuider la mai-
son d'Abrahâ. Aman pour avoir voulu
supplanter le pàuvre Mardochée, se voit
plus esleuée que luy, mais en vn gibet:
Mieux vaut vn *Pater* prononcé avec hu-
milité, qu'une ascension de cœur Mentale a-
vec presumption, & autant d'inanité
que de vanité.

Cette venteuse circonstance peut
rendre l'Oraison Mentale, qui est plus
excellente en soy, inferieure neant-
moins à la Vocale, tant nous auons
le toucher infect, que nous pouons
rendre les vertus vicieuses, si nous
les manions mal. Pour Dieu ne pre-
nous jamais à gauche ce qu'on nous
baille à droict, tenons la balance iuste
& esgale, *Que celuy qui ne mange pas ne blas-*
me pas celuy qui mange, & que oeluy qui man-
ge ne blasme pas le Ieusneur: l'un & l'autre
par diuers respect seruent vn mesme

Qui non
mandu-
cat mādu-
cantem
non spar-
nat.

Maistre, celuy-là l'honneur en s'absténant, cettuy-cy ne s'abstient pas peut estre pour luy rendre quelque plus grand seruice. Le rebats volontiers ce fer, parce que ie remarque vn enclouure ordinaire parmy les personnes de pieté: celles qui ont quelque progrès aux exercices spirituels, quittent ordinairement les prieres Vocales, cōme laissant le glād apres auoir rencontré la graisse du ferment. Et de là par vne enfleure secretaire, l'on vient au mespris de ceux qui n'y estant pas stilez, disent simplement leur office Vocal: & au rebours ceux qui ne sçauent prier que Vocalement en viennent à tel poinct, que de croire, voire iusques à telle manie, de dire que la Meditation est vn amusoir d'impertinence: les vns & les autres sont iniustes & ont grand tort. Parlez a ces derniers d'esleuer leurs esprit en la contemplation des mysteres de nostre Foy, de recueillement, de quietude, de rauissement ils diront avec les Capharnaïres, *durus est hic sermo*. Et certes il est biē vray, que *non omnes capiunt verbum istud, sed qui potest capere capiat*: ils fronceront le sourcil & s'attristeront, comme le ieune

ne adolescent de l'Euangile, si vous leur proposez quelque train de perfection plus estroit que celuy où ils cheminent. Hé ! bien qui ne veut boire du vin si se contente de l'eau, qui ne voudra la fleur de la farine se repaiffe de son ; au moins *manete in dilectione*, sans heurter la Charité en blasmant ou *blasphemant ce que vous ignorez*. Priez Dieu en simplicité, sans s'indiquer ceux qui l'honorent avec plus de sublimité. Ce n'est pas vn grand peché de ne pas faire Oraison Mentale, mais la blasmer ou blasonner ceux qui la pratiquent, certes c'est vn tres-grand peché. Car tout ainsi que nul est obligé soubz peine de peché d'embrasser les conseils Euangeliques, tous neâtmoins sont tenus de les estimer pour le respect du Conseiller, qui est Nostre Seigneur, appellé *Conseiller de Dieu, prince de Paix, Dieu puissant admirable*. C'est vne irreuerence horrible de reietter les semonces que Dieu nous fait de rendre à la perfection, vne impieté insupportable de luy dire qu'il se retire de nous, & que nous ne voulons pas la science de ses voyes. C'est vn blaspheme, de dire, qu'il ne nous aye pas bien conseillez; mais c'est vne heresie de dire

que ses Conseils ne se peuuent pratiquer. L'on peut bien sans peché garder son bien, ne le vendre pas pour le distribuer aux pauvres, comme disoit S. Pierre à Ananie & Saphire : mais dire qu'embrasser la pauvrete Euangelique soit vne folie, c'est vne manie detestable. L'on peut bien ne prendre pas vne medecine pour estre à contre-cœur : mais de la mespriser & dire qu'elle est mauuaise, cela ne se peut sans offenser le Medecin, par l'ordonnance duquel elle a esté composee. Ce qui soit dict contre ceux qui pour leur imbecillité, ne pouuans pratiquer l'exercice de l'Oraison Mentale, se vangent à en mesdire & en dégoustent les inexperts.

D'autre part ceux-là ne sont pas à l'adventure moins reprehensibles, qui pour y auoir quelque simple lumiere, dédaignent comme grossiers ceux qui ne la pratiquent pas, ce qui est vn sublime d'orgueil aussi dāgereux que veneneux : Pour Dieu, mes freres, estimōs tellemēt l'vne façon de prier, que nous ne rejetions pas l'autre, puisque toutes deux sōt agreables à Dieu : mais Rachel est plus belle, mais Lia est plus fertile, mais Ma-

rie est plus en paix, mais Marthe n'est pas mal employee: si l'Oraison de l'esprit à la droite, faut il mespriser celle des leures pour estre à la gauche? seruons-nous de ces deux bras, marchons esgalement sur ces deux pieds: qui m'a amené ces boitteux qui ne vont que d'une hanche? ne scauroit-on louer un Ordre austere, sans blasmer ceux qui sont moins rigides? tous ne s'ont pas appellez à mesme degré, la variété des membres n'empesche pas l'uniformité du corps. Ne faisons point de la rose poison, n'infectons point comme des harpies les bons mets d'un sale esmeut, ne mettons point *du fiel* Pofuc-
rūt inef-
cam fel. dedans les viandes salutaires, ne faisons point comme ces malicieux Palestins, qui remplissoient de terre & d'ordure les puits d'Isaac: comment que ce soit prions Dieu Spirituellement, ou Vocalement, tousiours cordialement.

Ce mot vous diray-ie par detioir, c'est que l'Oraison Mentale n'est que de deuocation: mais la Vocale d'obligation: celle-là de pieté, celle-cy de iustice; celle-là de conseil, celle-cy de comãdemer, sinõ au cas que le parler nuisist à la santé, ou que la maladie empeschast la parole.

car lors le cœur supplée à ce defaut. Le
 traict du grand Apostre est vn Oracle en
 cette maniere, *Pfallam spiritu, pfallam &
 mente, orabo spiritu, orabo & mente.* Il y en a
 de si affectionnez à l'exercice des œu-
 res satisfactaires, qu'ils font moins
 d'estat qu'ils ne deuroiēt du thresor des
 Indulgences, comme si la *Manne* leur es-
 toit à dégoſt, & s'ils reſpouoient comme rien la
 terre deſirable. D'autres ſont ſi fort affrian-
 dez des Indulgences qu'ils deuiennent
 nonchalans aux œures de Charité. Il
 faut auoir l'eſprit plus eſgal, & *iſtud face-
 re, & illud non omittete*, embrasſant avec
 ferueur l'vn & l'autre exercice. Disons
 le meſme de l'vne & l'autre Oraïſon:
 nous ne doutons pas de l'eminent degré
 de contemplation où eſtoit eſleuée cer-
 te grande ame de S. Charles Borromée:
 mais voyez avec combien d'attention il
 diſoit l'Office Eccleſiaſtique tousiours
 à genoux.

Si nous ne cherchons que Dieu en l'O-
 raïſon, nous ne rechercherons point ſi
 elle eſt Vocale ou Mentale, puisſque l'v-
 ne & l'autre ſont agreables à ſa bonté.
 Si Iacob n'eust aymé Rachel que com-
 me fille de Laban, il ne ſe fuſt pas contri-

ffé de la subrogation de Lia, puis qu'elle estoit fille du mesme Laban: mais parce qu'il la cherissoit pour quelqu'autre consideration, il fut desolé de cet eschange. C'est signe que nous n'aymons pas tant le Dieu de l'Oraison, que l'Oraison de Dieu, quand nous regardons cette Oraison en elle mesme plustost qu'en Dieu, considerans sa forme plustost que sa substance. Si Assuere n'ayme qu'Esther, pourquoy la voudra-il parée plustost que simplement vestuë, que fait cet accessoire au Principal: l'on peut aymer le Sauueur en la splendeur du Thabor, sans se soucier cōme S. Pierre, ny de la splendeur du Thabor. On le peut cherir au banquet du Pharisien, sans considerer le festin, comme fit la sainte Penitence. On le peut aymer emmy les voiries & les blasphemés du Caluaire, sans prendre garde ny à ces puanteurs, ny à ces traits detestables. On le peut cherir emmy les onguents de Magdeleine, sans faire contre des parfums: la perle dans la bouë & dans la soye est toujours vne perle: c'est vn vray signe que nous n'aymons que Dieu en l'Oraison quand nous n'aymons l'Oraison qu'en

luy poinctās nos pensées dans le sein du Bien-aymé, sans les replier sur la forme de nostre Priere. Dieu estant tousiours esgal à soy-mesme, dit vn grand Personnage de nostre temps, l'inesgalité de nostre amour enuers luy ne peut prouenir que de quelque chose qui n'est pas luy.

Allons donc rondement & simplement, mes bien-aymez, en cet exercice de la Priere, & vnissons nos cœurs, soit d'esprit soit debouche, avec celuy qui est *Spiritus oris nostri*. Et disons de cœur & d'ame, *Vine I E S V S*, auquel avec le Pere & le Saint Esprit, soit honneur & gloire és siecles des siecles. Amen.

Du temps de l'Oraison.

HOMELIE XIV.

Facite fructus dignos Pœnitentiæ.



Es fruiçts cueillis en tēps opportun se conseruent bien mieux que ceux qui sont recueillis mal à propos, ouauant la saison.

Certes emmy les circonstances qui importent d'aduantage à la substance d'une chose, celles du Temps & du Lieu y conferent extremement: c'est pourquoy il est d'importance cōsiderable pour valider ce premier fruiçt de Penitence, que nous appellons Oraison, de bien reconnoistre le temps qui luy est plus conuenable, veu qu'il est dict, *Ad te orabit omnis sanctus in tempore opportuno.* La saincte Penitente sçeut bien prendre son temps pour faire parler la prunelle de ses yeux, & obtenir misericorde, *Vt cognouit quia Iesus erat in domo Simonis.* Soudain qu'elle sçeut que le Sauueur estoit allé au festin de Simon le Lepreux, voila qu'elle y entre, *Importuna conuiuio*, dit Sainct Augustin, *portuna beneficio.* Elle auoit ouy dire qu'autresfois aux festins on donnoit la liberté aux esclaués. Ha! disoit-elle, ie suis esclaué de Sathan: *Funes peccatorum circumplexit sunt me.* Il faut que i'aille dire à mon Libérateur, qu'il brise ces malheureux liens, & ie luy sacrifieray une hostie de loüange. Ce qui aduint, car elle y entendit cette gracieuse parole qui rompit ses chaines: *Remittuntur tibi peccata tua.* Elle auoit appris

que les Egyptiëns presentoient des sque-
letes en leurs bouquets, & voila qu'elle
porte en celuy-cy la mort de ses pechez
noyez comme des Egyptiens dans la
mer de ses larmes. O penitente Marie,
impetrez-nous la faueur de l'innocente
Marie, & cette innocente Vierge les
graces du Saint Esprit necessaires à ce
discours. *Aue Maria.*

LE temps apporte la sagesse, & puis la
sagesse nous porte à prédre le temps
à propos. Le Mimiambique parlant de la
Prudence, dict que l'vsage est son pere,
& la Memoire sa mere, vsage qui ne
s'acquiert que par le temps, Memoire
gardienne des temps: Toute la Sagesse
de l'humaine conduite gist à bien pren-
dre son temps en routes sortes d'opera-
tions: *Toutes choses ont leur temps, il y a temps
de parler, & temps de se taire,* dict l'Apostre,
temps de rire, & temps de plorer. Si vous ne
prenez le temps de planter, de semer, de
moissonner bien à point, vous per-
dez tout en l'agriculture: il y a certaines
oportunitéz au trafic, esquelles con-
siste tout le secret de la marchandise: en

la nauigation le temps, confere tout: les medecines ne profitent de rien, ains quelquefois sont nuisibles, si elles ne sont prises quand il faut. Dieu mesme Createur du temps, & qui n'est point subiect à ses loix, à causes de son Eternité, ne laisse pas d'observer les temps au gouuernement du monde: *Quando venit plenitudo temporis misit filium suum unigenitum, natum ex muliere, factum sub lege ut eos qui sub lege erant redimeret: c'est luy, qui dat escam omnibus in tempore opportuno. C'est luy lequel, cum acceperit tempus iustitias iudicabit.* De la vient que le Sauueur dit si souvent dans l'Euangile, *Nondum venit hora mea, tempus meum nondum aduenit.* Le temps de cette vie est appellé par l'Apostre, *Temps acceptable, & de salut*: parce que cest le temps destiné pour operer nostre salut: parce que cette vie, *celuy qui vit au siecle des siecles à iuré qu'il n'y aura plus de temps.* C'est pour cela que l'Apostre nous aduertit si soigneusement de racherpter le temps. Temps duquel seul dit vn graue Ancien, la chiceré & l'auarice est loüable. Saül pour auoir sacrifié à contretemps, & precipitamment sans attendre Samuel se voit precipité,

luy & toute sa race d'as vne horrible malediction. Au contraire, Esther pour auoir bien pris son temps pour aborder Assuere, voir sa requeste accordee, & tous les Iuifs retirez du tranchant de la mort. La Thecuite accorte à choisir son temps obtient de Dauid le retour d'Absalon, Abigail le pardon de Nabal, & Ruth pour auoir creu le conseil de la prudente Noemi, prend son heure si à propos, que de seruante elle deuiet espouse de Boos. Iacob suiuant l'aduis de sa sage mere Rebecca, prit si à point le temps de la chaste d'Esau, qu'il obtient la benediction paternelle. La principale conduirte de la Musique consiste aux mesure du temps, & ses contrepoinctes se font par contretemps. Certes la priere est vne Musique si harmonieuse aux oreilles de Dieu, que l'Espoux dict à son Amante, *Que sa voix est tres-douce à ses oreilles.* C'est pourquoy en cette Musique il est bien à propos d'observer les temps & les mesures: Ioint que puisque l'Oraison est vn des fruiçts de l'arbres de la Penitence, ce fruiçt doit estre cueilly & presenté *en sa saison.* Et comme en la vie commune il y a temps de dor-

Vox tua
dulcis.

mir, de veiller, de manger, de se promener, de negotier : en la vie spirituelle, il fera bon de reigler le temps de prier. C'est ce que ie desire vous enseigner aujourd'huy, mes chers Auditeurs, vous faisant recognoistre, 1. le temps de prier en general, & 2. celui des heures du iour les plus propres à cet exercice.

I.

Et certes à proprement parler, non seulement tout temps est propre à prier Dieu, mais mesmes l'Eternité: car ie voye que font les bien-heureux au Ciel? quel est leurs exercice, sinon de benir & louer Dieu au siecle des siecles. C'est *Psal. 83.* pourquoy le Chantre Roy disoit, *Benedicam Dominum in omni tempore, semper laus eius in ore.* Et l'Apostre qui nous conseille de prier sans intermission, nous faict assez cognoistre que nous auons autant de besoin de prier que de respirer: aussi est-ce de la Priere que se doit entendre ceste respiration Metaphorique du Psalmiste, *Os meum aperui & attraxi spiritum.* Comment donc me dira quelqu'un ne, faut-il point auoir d'autre employ? Certes quand nous ne ferions autre chose, nous serions bien as-

Psal. 83.

Sine intermissione orate.

sez, & le monde n'en vaudroit pas pis pour cela, tout l'Vniuers n'en iroit pas pourtant à la renuerse, *Oportet semper orare*, dit S. Paul, & *numquam desicere*. Mais nous ne meritons pas d'auoyner de si près Dieu, les Anges & les Saincts. Car à vostre aduis, que fait Dieu de toute eternité, si non se contempler soy-mesme? quoy Iesus-Christ depuis qu'il est monté au Ciel, & assis à la dextre de son Pere, sinon aduocasser pour nous, & parler par autant de bouches qu'il a de playes? quoy le S. Esprit, sinon prier pour nous avec des gemissemens inenarrables? que font les Anges sinon chanter par vn concert perpetuel, comme de lacrées Philomeles le los du Createur? quoy ces ames bien-heureuses qui remplissent les ruynes, & les sieges vuides des Anges Apostats, sinon sous-chanter à ces esprits qui ont gardé leur principauté en ceste sainte loüange de Dieu, duquel ils dégoisent les eternelles misericordes, par vn Cantique tousiours nouueau? Comment! vn Anaxagore se dira n'estre nay que pour contempler le Ciel, & le Soleil, tant la terre luy sembloit vile: & le Chrestien embourbé aux affections terrestres,

s'ēnuyra de l'employ de la saincte Oraison, qui le fait *conuerser dans le Ciel.* Les Mamuques oyseaux de Paradis se maintiennent tousiours en l'air sans iamais se lasser: telles sont certaines ames fortes & vigoureuſes, qui ne plient iamais vers la terre les ailles de leurs desirs, mais qui *Volent en Dieu sans deffailir*, tousiours vnies de cœur, de volonté, ou de pensée à leur souuerain bien.

Volabūt
& nō de-
ficient.

He! qui ne plorera avec des larmes de sang, & qui ne deplorera avec des sanglots de feu l'auuglement de la plupart des mondains, bandez cotinuellement & sans aucun relâche au seruiſe de leurs Idoles: Ouy, car si lauarice est vne *seruitude d'Idoles*, selon Sainct Paul, pourquoy ne le seront aussi ces deux autres conuoitises *de la chair & de l'honneur*, autour desquelles Sainct Iean diēt, que roule tout ce qui est au monde, L'Auare, l'Ambitieux, le Voluptueux n'aura autre pensement iour & nuict qu'apres son profit, sa vanité, son plaisir, roué comme Ixion d'vn supplice interminable, *il seruira des Dieux estrangers qui ne luy donneront aucun repos:* & l'on trouuera estrange que des ames bien sai-

etes reposent en Dieu doucement & en paix,
par le saint employ d'une Oraison con-
tinuelle.

Mais afin que ie m'explique, & que les
simples qui s'imagineroient que ie les
voulusse attacher, cōme avec vne chaî-
ne à prier sans relaxation, ne se forgent
des pensées de scandale, au lieu d'estre
edifiez de mes propositions; vous de-
nez sçavoir que l'Oraison estant vne
vnion de nostre cœur avec Dieu, c'est
prier sās cesse que de ne riē faire qui de-
stache ou descouse cette sainte liaison,
cette sacree couture: si que tousiours
bien faire & bien viure, c'est tousiours
prier, si celuy-là faict Oraison qui s'em-
ploye à l'estude, à fin que selon le con-
seil de Saint Hierosme, *Orationi succe-
dat lectio, & lectiois Oratio*: Combien
celuy-la prie-il plus vtilement, qui sert
Dieu, le prochain, ou sa propre famil-
le, faisant saintement sa Vocation? Ce-
luy qui va à la guerre pour le seruice de
son Prince, bien qu'à tous les com-
bats qu'il donne, il ne pense pas actu-
ellement à son Prince; si eist-ce que
tous ses seruices sont pour son Prin-
ce: Prince qui n'est pas tousiours en son

imaginatiō, mais biē sans cesse au fonds de son cœur. L'oyseau en l'air ne bat pas tousiours des aisles, quand il est bien esleué, il ne faiet quelquefois qu'espagnolüyr ses plumes au vêt qui le supporte sans qu'il remüe: le nageur en grande eau ne se demeine quasi point; si l'õ n'est en l'acte continuel d'Oraison, c'est estre en son habitude, que d'estre par amour tousiours vny à Dieu.

Le Soldat qui est à la guerre, ne se sert pas tousiours de son espee ou de son bouclier, tousiours neantmoins il l'a sur soy: si que ce Lacedemonien se disoit si habituë a auoir ses armes sur le dos, qu'elles luy sembloient aussi legeres que les plumes a l'oyseau. Le vray Chrestien qui *scait que sa vie est vne continue milice*, ne se deslaisir iamais de l'espee de la Priere, pour s'en seruir en toutes occasions.

Les Spartins faisoient les statuës de leurs Dieux tousiours armees, pour monstrer qu'ils estoiet sans cesse prests a les secourir: C'est ainsi que doit estre le vray Chrestien tousiours armé de priere & de foy, pour esteindre & reboucher *les traits enflammez de ses aduersaires invisibles.*

Aureuers des medaille d'Antonin l'on voit vne Cybelle à genoux deuant Olympe, pour enseigner que la terre ayant tousiours besoing du Ciel elle le doit reclamer sans ceste, Voila quant à l'habitude de prier.

Mais quant à l'acte, deux temps principaux le requitent, celuy d'obligation, & celuy de necessité. Celuy d'obligation est pour les Ecclesiastiques, obligez sous peine de peché capital à la recitation de l'Office diuin, s'ils n'en son distraits par quelque empeschement important & necessaire. Tous aussi sont obligez par la saincte Eglise d'assister au sainct Sacrifice de la Messe les Dimanches & Festes, & y prier Dieu avec deuotion. Il y a encores à mon aduis obligation de prier Dieu le matin & le soir, comme aussi auant & apres le repas, si on ne veut encourir le blasme d'estre plustost brute qu'animal raisonnable. Il y en a plusieurs neantmoïs qui manquent à ces deuoirs Chrestiens, desquels ont peut dire avec Dauid, *Homo cum in honore esset, non intellexit, comparatus est inmanibus insipientibus, & similis factus est illis.*

Quant au temps de necessité, l'on entend

tend celuy des dangers & perils, dont ceste mortelle vie est plus remplie, que la mer n'a de bancs & d'escueils. A cela nous sommes portez par inclination naturelle: Car tout ainli que l'enfant à qui on faiet peur court au bras de sa mere, *Ita oculi nostri ad Dominum Deum nostrum, donec misereatur nostri.* Es orages & tempestes voyez comme les Matelots aupa-
rauant si insolens, sont humiliez; escoutez comment ils reclament le Dieu du Ciel: aduisez comme ils se resiouy-
sent, quand ils voyent paroistre quel-
que signal de bonace, ou le feu saint
Elme, ou l'esclat des Astres iumeaux.
He! Dieu, quand les tentations ou
les tribulations nous attaquent en for-
te, que nous perdons la tramontane de
la raison, qu'elle ioye a vn cœur pressé
d'angoisse, de voir le retour de la grace
du Sainct Esprit, comme vn sacré bran-
don, ou la consolation du Sauueur, ou le
secours de Marie.

Que si nous voulons des exemples de
ceux qui ont eu recours à la Priere en
leurs necessitez, en voicy vn monde.
Israël outragé en Ægypte prie & est de-
liuré, se trouuant sur le bord de la mer

rouge, entre deux grands ennemis de la vie, la mer & le fer, il prie, & les flots se fendent pour luy faire passage, & se reioignent pour engloutir ses ennemis. Ioué est-il pressé, il prie, & le Soleil s'arreste pour donner vn plus grád iour à sa victoire. Iudith prie pour Bethulie assiegee, & elle deuient victorieuse de l'assiegeant. Esther pressée de la necessité des siens, prie, & obtient ce qu'elle desire. Dauid en mille endroiets reclame & declame le secours de Dieu en ses extremes necessitez, principalement es persecutions de Saül & d'Absalon. Daniel par la Priere est exaucé dans vne fosse de Lyons, prest d'estre deuoré. Les trois enfans sont preserué dans la fournaise. Iacob pressé des choleres de son frere Esaü est exaucé à l'extremité. Le Larron en sa necessité, reçoit l'entherinement de sa demande avec amplicariõ. Le Publicain oppressé de la grádeur de ses fautes qui aggrauoient son cœur, se trouue soulagé. Le Paralytique l'Aueugle, les Lepreux en leur necessitez reclament nostre Seigneur, & ils sont gueris. L'Hemorroïle obtient guerison du Sauueur en sa necessité. La Cananee

pour sa fille, le Roytelet pour la sienne, ont ce qu'ils requierent, & le Centurion pour son Page. Ionas au ventre d'une Baleine. Ezechias dans vn liect, Achab & Manassez en leurs miseres s'ont exaucez: Si que nous pouuons bien chanter avec le Psalmiste: *Deus noster refugium, & virtus, adiutor in tribulationibus quæ inuenerunt nos nimis.* Pourueu qu'il nous cache sous ses aïstes, nous ne deuons iamais mesesperer de nostre salut: Car il nous ayme plus que la poule qui y reçoit ses pouffins, pour les garder des ferres du Milan carnacier. Ainsi ne font pas les Dietux des Gentils, desquels il est dict: *vbi sunt dii eorum in quibus habebant fiduciam, venient & epitulentur eis, & in necessitate eos protegant.* Ainsi n'est pas le monde, qui laisse & abandonne les siens au besoin: c'est pourquoy, *celuy-là est maudit qui se confie en l'homme, & qui appuye son bras sur la chair.*

II.

Voyons maintenant quelles sont les heures du iour les plus cōuenables à l'exercice de la sainte Oraison: y'en remarque aux Escritures, ou aux Escrits des saincts Peres plusieurs, selon les nōbres septenaire, quaternaire, ternaire, &

Omnis
sapien-
tia eorū
deuorata
est.

binnaire. Du septenaire Dauid disoit: *Septies in die laudem dixi tibi.* Dauid, dis-ie, ce grand empesché en de si grandes & importantes affaires, se retiroit neâtmoins à part sept fois le iour pour prier Dieu. Quelle rougeur cela doit-il porter sur le front de ceux dont *la sagesse est tellement engloutie* dans les negoces du siecle, qu'à peine se disent-ils auoir le loisir d'entendre la Messe les iours commandez? Ô gens de tenebres, & qui courez la risque de n'auoir gueres de part au sort des Saints en l'Éternelle lumiere du Ciel. Sainct Louys nostre bon Roy emmy tant de combats & de batailles donnees outre mer à la double conqueste de la terre Saincte, ne manquoit iamais tous les iours d'entendre deux Messes le matin, & de dire l'aprèsdinee Vespres & Complies avec son Chappelain: Il ne se plaignoit pas de l'accablement des affaires que traîne apres soy le Sceptre & le Diademe, ny ne pensoit pas que ces occupations terrestres d'eussent preiudicier aux celestes. De cette retraicte septenaire de Dauid est à l'aduanture prouuenue cette distribution de mesme nombre des Heures Canoniales en l'Office Eccle-

frastique, cōme il est aysé à coniecturer. Et ne seroit-ce point pour ce temps si bien compassé en nombre & mesure, que les Prieres publiques s'appellent Heures, si que dire ses Heures, ou reciter son Office, c'est vne mesme chose, selon nostre façon de parler.

Quant au nombre quaternaire, il embrasse le temps de minuit, de midy, du matin, & du soir: & comme le premier qui est septenaire est pratiqué par tous les Ecclesiastiques, qui sont obligez par leur caractere à la recitation de l'Office diuin; aussi semble-il que ce quaternaire soit le propre des Religieux, qui se releuent la nuit pour aller au chœur, & qui font Oraison Mentale le matin & le soir, avec vne recollection sur le midy, auant ou apres le repas. Dauid ce grand Contemplatif, pratiquoit tous ces temps: car il dit de la nuit: *Media nocte surgebam ad confitendum tibi: in noctibus extollite manus vestras in sancta. Tota nocte exercitabar, & scopebam spiritum meum.* Du matin, *In matutinis meditabor in te.* Du Vespere, *Eleuatio manuum mearum sacrificium vespertinum.* Du midy, *Annuntiavi veritatem tuam per meridiem.* Et cer-

tes, comme le Soleil en sa rōde iournaliere esclaire les quatre parties du grand monde l'Orient, l'Occident, le Midy, & le Septentrion : aussi me semble il que l'Oraison qui est le flambeau de l'ame, doit en ces quatre parties du iour illustrer le Microcosme. Que si ceux qui viennent dās le siecle & meinent vne vie ciuile, & cōmune, s'exemptēt pour beaucoup de considerations du temps de la nuit, il me semble dōc qu'ils ne se peuvent bonnement excuser de pratiquer cet exercice au nombre ternaire, duquel parle Dauid disant, *vespre, mane, & meridie pronunciabo mirabilia tua Domine.*

Le matin en se leuant, il est bon d'ouvrir son cœur à Dieu, & luy dire, *Paratum cor meum Deus, paratum cor meum*, ou avec Sainct Paul, *Domine quid me vis facere?* De ce temps Dauid disoit, *Præuenerunt oculi mei ad te diluculo, vt meditarer eloquia tua.* Hé! Dieu nous laisserions nous bien vaincre en cela aux fleurs insensibles, qui s'ouurent au leuer du Soleil, ou animaux irraisonnables, comme les oyseaux qui degoisent mille ramages au paroistre de ce bel astre, comme les Elephans qui esleuent leur trompe par forme d'ado-

ration, ou de Priere vers le Soleil d'Orient. Je sçay bien que les ames qui ont receu cette misericorde, & cette lumiere de Dieu, que de pratiquer l'Oraison Mentale, ne manquent pas le matin à cet exercice, ce que nous auons bien au large deduit en la Direction d'Angelique: car comme dit le Sage, *il faut preuenir le Soleil en benediction.* Et ne sçauéz vous pas que l'Israélite paresseux a recueilli la Manne deuant le Soleil leué, ieusnoit ce iour-là en punition de sa setardise & ce qui faisoit dire à Iob, *Si vous vous leuez de bonne heure pour louer Dieu, vous le trouuerez veillant & prest de vous exaucer.* Mais que ceux qui ne sçauent pas cet exercice Mental, ne se dispensent pas du Vocal en ce temps: car se leuer sans louer Dieu, est pour courir vne dangereuse iournée.

Si au Midy les personnes seculieres ne trouuent pas assez de tranquillité en leurs mesnages, pour faire quelque retraite ou recollection auant le repas, au moins qu'à l'entrée & à la sortie de la table. l'õ n'oublie pas, cõme fõt plusieurs avec autant d'inciuité que d'indeuotion, que ie ne die ingratitude, voire im-

Indica
mihi vbi
pascas,
vbi cur-
bes i i me
ridie.

pieté, de louer & remercier Dieu, nous
louenant que les yeux de ceux qui esperent en
luy, trouuerent leur nourriture en temps oppor-
tun. O que c'est vne chose trop plus deli-
cieuse de repaistre au Midy avec le bien-ay-
mé, que de paistre avec les animaux sans senti-
ment, sans ressentiment ! Que dis-je, que les
animaux n'ont point de ressentiment
des biensfaicts diuins, il faut n'auoir ia-
mais veu repaistre les Colombes, car ces
doux oyseaux ne mangent vn seul grain
en terre, sans regarder soudain le Ciel
par forme de recognoissance.

Sacrifi-
cium vel
pertinū.

Quant au temps du soir, c'est le sacrifi-
ce du Vespre, tant chanté par Dauid: C'est
en cet exercice qu'il se compare au Peli-
can de la solitude, au Hybon, au Passereau soli-
taire. O que bien-heureuse est l'ame qui
rappelle toutes ses pensées en ce temps,
pour faire rendre compte à son ame de
ses cogitations, omissions, paroles, &
œuvres. Car il est escrit, *Si nosmetipsos
diudicauerimus, non vtrique indicauerimur.* Ces
trois temps bien obseruez nous deliure-
roient à *sapientia volante in die, à negotio per am-
bulante in tenebris, ab incursu, & demanio me-
ritiano.*

En fin le nombre binaire est celuy de

quel nul Chrestien, tant soit peu curieux de son salut, ne se peut aucunement ny excuser, ny dispenser, qui est le temps de soir & du matin. Ces deux exercice meriteroient bien deux bonnes Homelies, & nous voicy sur la fin de celle-cy: deux mots seulement de ces deux temps de si grande importance, & i'ay fait. Sur tout, dict David: *Exitus matutini, & vesperae delectabis*. Dieu vouloit que l'on fust fort soigneux d'attiser soir & matin ce feu perpetuel qu'il vouloit voir flamber sur son Autel: Nous sommes ses temples viuans, ce feu c'est la Charité, flamme de nostre ame, & ame de nostre cœur. O avec quel soin le matin & le soir deüons-nous prendre garde que ce feu de la grace ne s'esteigne en nous. Les lampe aromatiques du Temple deuoient estre souuent mouchees avec des pñacettes d'or, figure de la fréquence des examens & récollation, avec lesquelles ne nous maintenons nos ames nettes. Voyez avec quel soing ceux qui gouvernent les montres, ou les horloges, les remontent soir & matin: aurons nous moins de soing de nos cœurs qui s'effaissent toujours vers la terre par

le poids de ce talent de plomb, qui est le peché.

Sus donc, tous les matins, si tost que l'œil du monde sera ouuert, c'est à dire le Soleil leué, & nos yeux ouuerts au Soleil, remercions Dieu de la nuit passée, demandons-luy pardon, si en icelle nous l'auons offensé; offrons-luy les actions de nostre iournee, & nous préparons à la bien employer à son seruice: faisons vn ferme propos de mourir plustost mille fois que del'offenser. Certes si la disposition du Ciel au temps du matin, est vn presage ordinaire de la iournee, estimons-nous que la iournee spirituelle n'aille pas semblable train. La force de l'influence des astres est quand ils se leuent sur l'horifon: ô que les resolutions faicts à poincte du reueil ont d'ascendât sur nostre cœur le reste du iour, il garde long-temps cette premiere teinture & liqueur.

Quand à l'exercice du soir, ie le diray franchement, comme ie le pense, ie ne croy pas que l'homme puisse viure, ie ne diray pas Chrestienmêt, mais raisonnablement, sans le pratiquer: certes, quand nous lisons chez Seneque, ou

chez Epictete le soin que ces Philosophes Payens auoient des'examiner chaque soir, cela nous porte la vergongne au visage. Voyez avec quel empressement ces bons mesnagers veulent voir tous les soirs le compte de leur despense. Et ce bastisseur est-il pas mocqué en l'Euangile pour auoir mal dressé l'estat de son edifice, qu'il fut contraint de laisser imparfait? Pour Dieu, mes freres, n'obmettons iamais auant que de nous mettre au lict, de nous mettre à genoux en quelque coing, & là apres auoir prié Dieu, d'examiner serieusement nostre interieur. 1. Remerciôs Dieu de la iournee passee, & des biē-faiets qu'ils nous à departis en icelle. 2. Examinons nos pēsees, paroles, œuures, & omissiôs. 3. Demandôs pardon de nos offences. 4. Protestons de n'y retourner plus. 5. Recommandons nous à la Diuine Prouidēce, & à l'intercessiō des Anges & des Saints. Cela fait, recueillons nos pensees en Dieu, comme l'Heliotrope, & toutes les fleurs iaunes ramassent leurs fueilles en l'abscece du Soleil, & no^r reposôs doucement sur le sein de nostre celeste Biē-aymé. Gardons nous bien d'ouuir nos

cogitations au prince des tenebres, à l'instar de l'arbre triste qui n'espanouyt ses fleurs que la nuit. C'est à faire aux hyboux de rouler dans les obscuritez, & aux Cimmeriens mondains de ne se plaire que dans les ombres.

O si vous pratiquez soigneusement ces temps que ie vous ay marquez, cōbien ie voy de celestes benedictions qui vous sont preparees, benedictions qui vous seront departies par la dextre du Pere, du Fils, & du sainct Esprit. Ainsi soit-il.

Du lieu conuenable à l'Oraison.

HOMELIE XXV.

Facite fructus dignos Penitentie.

TOUT ainsi que les aspects & les influences des Astres ont plus de force en vn lieu qu'en vn autre, d'où viennent les diuerses temperatures des regions, chacune abondant en quelque chose particuliere: ainsi ne

des fruicts de la Penitence. 8267

peut-on reuoker en doute sans contredire, non seulement la raiſon, mais encores l'experience, que le Dieu du Ciel ne regarde d'une veüe plus favorable les lieux de la terre, destinez au ſervice ſpecial de ſa Maieſté. Autre-fois il eſtoit cogueu en Iudee. *Notus in Iudea Deus, & in Iſraël magnum nomen eius*, & en ceſte Iudee il affectionnoit le Temple de Syon. Il n'y a qu'un Soleil au Ciel, & neant moins de combien de diuers aspects regarde-il les plages du monde, produiſant icy vne choſe, là vne autre diuerſement? Il remplit l'Arabie de tant de parfums, qu'elle en eſt appellée heureuſe. Les Iſles ſurnommées Fortunees tirent ceſte appellation, de ce que le Ciel void d'un oeil plus riât ceſte contree qu'aucune autre de la terre habitable. Et qui peut nier, que le Soleil entrant au ſignes du Lyon n'excite des chaleurs extremes. Certes Dieu eſt preſent par tout: mais il'eſt aux Eglises d'une façon plus ſpeciale & plus amiable. Et qui peut douter que l'Oraiſon faiçte à l'Eglise ne reçoient quelque efficace plus grande par la ſaincteté du lieu? ſans doute *ex audiet nos de templo ſancto ſuo.* Et

comme le Soleil tempere ses rays entrant dans le signe de la Vierge : Prions la celeste Vierge Mere du Soleil de Justice, quelle tempere de charité les claires veritez que i'ay à proposer en ce discours. *Aue Maria.*

LE diuin Amant desireux d'entendre la voix de son amie, voix douce & agreable à son gré, aduifez comme il l'appelle en des lieux resonans, comme sont les trous & les cauernes des mazures, ou se font ces Echos gracieux, qui diuersifient les passages avec la malignardise de leurs tremblemens. Et l'Amante reciproquement, qui sçait combien le lieu luy preste d'aduantage pour la possession de son Espoux, l'ayant en fin attrapé toute heletante, proteste de ne le lascher point *qu'elle ne l'aye introduict dans la maison, voire dans la chambre de sa mere.* Et qu'elle est la mere de l'Amme fidele, sinon l'Eglise, puisque ce luy peut auoir Dieu pour Pere, qui n'est enfant de ceste Mere? Or parce que la fusée que i'ay en main est d'aysee fileure, & les matieres de claire enfileure, ie viens de droit fil à la preuue de quel-

ques veritez que ie deduiray l'vne apres l'autre.

I.

La premiere est que tout lieu, comme tout temps, est propre à la Priere. Car Dieu estant vne Sphere dont le centre est par tout, & la circonference nulle part: quel lieu ne remplit-il s'il est par de là tout lieu, *Cœli caelorum eum capere non possunt.* C'est cet esprit infiny diffus par toute la masse de l'Vniuers, & l'ame de ce grand corps que l'on appelle Monde. *Domini est terra & plenitudo eius:* & non seulement la plenitude de la terre est à luy, mais en luy, mais en luy: Car comme dict l'Apostre, *In ipso viuimus, mouemur & sumus.* Ce qui faisoit dire à David, *Quo ibo à spiritu tuo, aut quo à facie tua fugiam,* & ce qui suit. C'est pourquoy l'Apostre dict tout court, *Volo viros orare in omni loco.*

Ce n'est pas à dire pourtât, que cōme l'ame qui est diffuse par tout le corps, agit plus particulièrement autour des cinq sens naturels, aussi qu'il n'y aye des lieux speciaux, qui conferent grandement à l'aduantage de l'Oraison: entre lesquels le plus cōmode est le lieu secret

& retiré. Car comme les auettes ne font point leur miel aux lieux subiects au tintamarre des Echos: ainsi la Priere est amie du silence, & de la tranquillité, sur tout si elle est Mentale. L'Oraison aussi bien que le vin, l'amour, & le secret, se plaist à l'ombre, & *tenebra eius ita ut lumen eius.* De la vient qu'au Cantique l'Espoux & l'Espouse ne cherchent que les lieux escartez & solitaires, pour s'entretenir plus à laise en leurs saintes affections. Le Dieu que nous seruons en le priant est vn *Dieu caché*, & qui aime les cachettes à merueille: mais parce que ie parle de ceste retraite pour prier assez amplement ailleurs, tenons seulement pour seconde verité, que le lieu retiré est fort commode à l'Oraison.

Voyez la
Dirección
à l'Oraison
Mentale.
l. 1. ch. 15.

Mais le lieu plus utile à mon gré, (& que ce soit icy la verité troisieme) c'est le cœur. Car c'est ce Temple où Dieu se plaist, *Corda vestra templa sunt spiritus sancti, templum Dei sanctum est, quod estis.* C'est ce *serculum Salomonis* du Cantique: C'est ce lieu perissant de l'Espoux, Quelque Auteur exposant ce traict du Psalmiste, *Qui ambulat super pennas ventorum* entend

mea

mes les facultez de nos ames. Certes ce Dieu qui est esprit, se plaist fort d'estre adoré en esprit par nos esprits: C'est pourquoy és sacrez Cahiers, il demande nostre cœur avec tant d'instance. Dauid sçauant en l'art de prier, ne faiet estat que du cœur pour cet exercice: *Deprecatus sum faciem tuam in toto corde meo. In toto corde meo exquisiui te. Tibi dixit cor meum, exquisiuit te facies mea. Deus meus volui, & legem tuam in medio cordis mei. Meditatus sum nocte cum corde meo.* O que ceste ame est heureuse, qui sçait se retirer dans son propre cœur, car elle a trouué vn abray contre les tempestes, & la tranquillité au milieu des orages: tout ainsi que l'Alcyon qui se maintient sec dedās son nid flottant sur les ondes liquides. Quelques spirituels comparent ceste retraitte cordiale, & se recueillement interieur, au retirement de la Tortuë souz sa coquille, & au ramassement du Herison soubs ses espines. Similitudes agreables, & qui denotent assez expressément ce ramas des facultez & puissances de l'ame qui se faiet dans le cœur pour prier avec plus de fureur & d'attention.

Voyez la
Direction
au lieu
preallé-
gué.

Mais apres tout cela (quatriesme verité) le lieu plus auguste, & venerable pour prier, c'est l'Eglise, appelée par le Sauueur mesme, *Maison d'Oraison*. Anne mere de Samuel voulant obtenir vne grace de Dieu s'en alla au Temple pour y espancher son ame, & voila qu'elle fut exaucée. Et n'est-il pas dict d'Anne la Prophetesse que, *Quotidie non discedebat de Templo in orationibus Deo seruiens*. Ne fut-ce pas dans le Temple que Zacharie priant receut la nouvelle de la fertilité de sa femme Elizabeth? Simeon receut-il pas au Temple le Sauueur en ses bras? où fut iustificié le Publicain, sinó au Temple? où fut esleuë pour mere de Dieu la saincte Vierge, sinon lors qu'elle habitoit au Temple, s'y conseruant en integrité & pureté, comme vne belle perle dedans sa nacque?

Le grand saint Thomas: Ange de l'Escole, nous apprend vne belle distinction, qui nous fera voir le grand advantage qui reuiet à l'Oraison estant faicte a l'Eglise. Deux choses, dict cet insigne Docteur, deux choses sont considerables, Dieu, & celuy qui prie, Si

nous auons esgard à Dieu qui est par tout, certes on le peut prier par tout ; ne pouuant son infinie Diuinité estre resserree, comme dit S. Paul, *en des Temples* *Act. 17.* *faiçts de main d'homme.* Mais quant à nous qui le priôs, sans doute l'Eglise nous est plus propre & conuenable, & parce que le lieu est destiné pour cela par vne consecration solempnelle, religieuse, & publique: & parce que ce lieu est frequenté des Anges, assistans comme les soixante braues du Cantique autour de la couchette du mystique Salomon, la tres-sainte Eucharistie: si qu'il leur est aysé de presenter nos Oraisons au Roy de Gloire, qui leur est present comme à nous mais à eux visiblement, à nous inuisiblement, lequel Ministère Angeli- *Tob. 17.* que est clairement declaré par Raphaël à Thobie, en figure de quoy les Cherubins estoient iadis sur l'Arche au Propitiatoire, comme pour presenter à Dieu les Sacrifices & les Oraisons. Ioinct que le corps du Sauueur y estant, il est bien raisonnable que les *Aigles*, qui sôt les fideles, *Vbi corpus ibi aquilæ.* dont la conuersation est esleuee & celeste, s'y ramassent, tout ainsi que les autres autour du rayon de miel. O que c'est en nos

Verè Do-
minus est
in loco
isto.

Eglises bien mieux qu'en ceste priere de Jacob, *que Dieu est vrayment*, Eglises consacrees par l'Onction, & les Prieres des Euesques, & mille fois plus venerables que ce Temple de Salomon, duquel Israël disoit avec tant de gloire, *Templum Domini, Templum Domini, Templum Domini est.*

Or il y a plusieurs causes qui nous doiuent rendre ces lieux sacrez recommandables, & qui nous doiuent faire desirer d'y espandre nos Oraisons plustost qu'en d'autres endroiets: car tout ainsi que c'est vn plaisir de ietter la semence en vn bon terrein, aussi est-ce du contentement de prier en vn lieu aduantageux à l'entherinement de nos requestes: & certes, bien que l'ame soit toute en tout le corps, & toute en chaque partie, si ne peut-on nier qu'elle ne soit plus noblement en la teste, ou du moins, qu'elle n'y face de plus nobles fonctions: Aussi sommes-nous faictz scauants par l'experience que la presence de Dieu nous est plus sensible, & ses graces sont plus abondantes es lieux qui luy sont specialement consacrez, qu'en ceux que l'on appelle prophanes: soit par l'ener-

nergie de la Consecration, soit par vne
secrete influence de la diuine Bonté.

La premiere raison qui nous doit rendre les Eglises venerables & recommandables, est parce que ce sont comme de riches boutiques remplies de medicaments salutaires, pour la guarison de nos maladies spirituelles, les diuerses boëtes sont les Sacremens que chacun reçoit selon son besoing. Venez donc à cette Piscine probatique, vous tous qui estes rendus languides par le peché: C'est là que les Anges, qui sont les Prestres, remuent l'eau des consciences, pour vous redonner la santé. Le sang du Sauueur est la source de ce Paradis de delices. *Il est cette fontaine ouuerte en la maison de Iacob, pour le lauement du pecheur, & de la personne souillee.* Escoutez le Sauueur qui vous crie de là dedans, *Venite ad me omnes qui laboratis, & onerati estis, & ego reficiam vos.* Mais comme c'est par les canaux des Sacremens, que coule la pourpre du Roy de gloire; par où est-ce qu'elle entre & decoule en nos cœurs, sinon par le canal de la Priere; ce qui est aysé à voir, en ce que nul Sacrement s'administre, sans que l'on y mesle quelque sorte de Priere.

Erit fons patés domui la-cbb in ablutionem peccatoris & mēstruatē.

La seconde raison est, parce que l'Eglise est comme le coffre où est ensermé ce precieux ioyau de la grace, & où se manient plus fréquemment les clefs des Cieux, par l'administration du Sacrement de Reconciliation: c'est ce champ Euangelique où est caché le thresor, pour lequel auoir il faut tout quitter. C'est principalement en ces lieux consacrez que se gaignent les Indulgences & Iubilez par concession Apostolique, à condition de quelques Prieres; auquel cas il n'y a aucun doute, que l'Oraison ne soit beaucoup plus aduantageuse en ses lieux qu'aux autres.

La troisiésme raison est, parce que les Eglises sont des Escholes spirituelles, où tant de fait comme de parole l'on apprend des documents de vertu: là se voyent les bons exemples, là s'entendent les diuins Offices & Sacrifices, la Psalmodie melodieuse, les exhortations & predications, là le concours des Oraisons, par lesquelles s'appaise l'ire de Dieu, & s'obtient sa misericorde, concours si agreable à la diuine Majesté, qu'il a promis que soudain que deux ou trois seroient

assemblez en son nom, il se trouvera au milieu d'eux. Et combien plustost fera-il au milieu des centaines & des milliers? Car si le concours des astres redouble les influences des Cieux, que fera-ce des Prières vnies? Nous lisons en Ezechiel, que Dieu voulant manifester l'estat qu'il faisoit du Temple de Syon, le remplit d'une nuée pleine de pluye, figure de la doctrine Chrestienne, de laquelle les ames sont abreuees & arrousees de la grace du ciel: car comme la pluye mellifie le terrain sec & aride, & le rend fertile à produire des fleurs & des fruits; ainsi la science de salut adoucit les cœurs, les attendrit, & de steriles les rend capables de produire des fruits dignes de Penitence. Pour cela le Sauueur voulant faire germer au monde la semence de son Euangile, commença dès l'age de douze ans à l'espandre dans le Temple, & depuis il batrousa mainte fois de l'eau de ses celestes Predications. Or comme nous entendons à l'Eglise la parole de Dieu aussi Dieu entend volontiers nos Prieres en ce mesme lieu.

La quatriemesme raison est, parce que les

Eglises sont comme ces Citez de refuge qui estoient en Israël, où les esclaves en debtez ou criminels estoient en sauueté sans y pouuoir estre ny pris ny repris. Le laisse à dire que les franchises & immunitiez Ecclesiastiques donnent mesme priuilege aux lieux sacrez : Mais ie dy que les pecheurs en debtez par leurs offences, engagez à l'Enfer, & à l'eternelle mort, esclaves de Sathan, & criminels de leze Diuine Maiesté, ont recours aux Eglises, & se iettent aux pieds des Prestres, confessans leurs fautes, & en demandās pardon à Dieu, avec vn cœur contrit & humilié ; qu'il n'est pas en la puissance de tout les damnez des Enfers de les reuindiquer, puisque par l'absolution & la Priere ils sont manumis, c'est à dire remis en liberté, & reestablis comme des prodigues repentans en leur dignité premiere: Oyez soel, *Inter vestibulum & altare plorabunt Sacerdotes Ministri Domini dicentes, parce Domini, parce populo tuo.* David pecheur, mais Penitent, n'a autre recours qu'aux Autels de Dieu: *Altaria tua Domine virtutem Rex meus, & Deus meus: nã petii à Domino, hanc requiram vt inhabitem in domo Domini omnibus diebus*

vitamea. Il appelle en mille lieux le Temple de son Dieu son azyle. & son refuge Iugez combien Daniel estimoit la Priere faicte au Temple, puis qu'estant captif en Babylone, voulant prier, il se tournoit du costé du Temple de Hierusalem: tout ainsi que l'Heliotrope se retourne tousiours deuers le Soleil.

La cinquieme raison est tiree de l'assistance des Anges, qui ont en ces lieux vn notable aduantage sur les demôs: c'est ce qui faisoit dire à Dauid: *In conspectu Ange lorum psallam tibi, adorabo ad Templum sanctum tuum, & confitebor nomini tuo.* Ce sont des Chœurs de Chantres qui se voyent en la Salumite aux Cantiques. C'est pourquoy l'Eglise en l'Oraison de Complies prie Dieu que les Anges qui habitent aux Eglises nous conseruent en paix, en reiectant bien loing les embusches de nos ennemis inuisibles.

En fin la sixieme raison est la presence de Iesus-Christ en l'Eucharistie, raison qui donne vne préeminence aux Eglises, telle que luy doit conferer celuy qui est *electus ex millibus.* Telle qu'un grand Roy donne à son Palais sur les maisons des autres subiects de son

Quid videbitis
in Sulamite nisi
choros castrorum.

Empire. C'est ce qui attire cette grande multitude d'Anges en ces lieux, puis-que, *millia millium ministrant ei*, & *decies centena millia assistunt ei*. C'est là que nous pouuons prier ce Roy de Gloire, que nos Prieres montent comme l'Encens en sa presence. Que si en son Nom tout genouil flechit, quelle reuerence deuous-nous auoir deuant ce redoutable Mystere? Puis-que Israël auoit tant de respect deuant l'Arche, & le Sainct des Sainctes qui n'en estoient que la figure, pour accomplir cete Ordonnâce: *Pauete ad Sanctuarium meum*. O Dieu! comme les demons tremblent deuant le throsne de ce redoutable Salomô: certes ils n'oseroient en sa presence pratiquer toutes les supercheries, & les malicieux stratagemes dont ils se seruent ailleurs pour nous destourne de ce saint Exercice de l'Oraison, par lequel nous receuons des lumieres pour descouurer leurs ruses. Voyez-vous comme ces dragons & ces Dagon: sont escartez & esclafez deuant cette Arche. *Exurgat Deus*, & *dissipentur inimici eius*, & *fugiant qui oderunt eum à facie eius*. Et de tait, Sainct Gregoire rapporte que de son temps vne

Eglise polluee par les assemblees des Ariens estant de nouveau consacree, le diable la desempara visiblement sous la figure d'un pourceau. Ce qui reuiet aucunement à ce qui se lit en l'Euangile de ces demons qui quitterent des corps humains, Temples viuans de la Diuinité, pour se ietter en des pourceaux, qui se precipitent dans la mer.

Or cet usage de prier Dieu en des lieux specialement consacrez à sa gloire, est si ancien, que l'on peut quasi dire qu'il est contemporain de la Creation du Monde, car ie vous prie, qu'est le monde mesme, sinon comme vn grand Temple, où toutes les creatures, selon le langage qui leur est naturel, louent la magnificence de leur Facteur. Ioinct que toutes les Nations qui ont eu quelque cognoissance de la diuinité, ont tousiours eu des lieux destinez à s'assembler pour la recognoistre: ces lieux du temps des Patriaches sous la loy de Nature s'appelloient Autels, par les Hebreux, Synagogues: par les Gentils, Temples: par les Mahometans, Mosques: par les Chrestiens, Eglises. Bien que selon diuers siecles appellations

aye esté différentes, car quelquefois les Eglises ont esté appellees Basiliques, comme qui diroit Palais Royaux, à cause de la presence du Roy des Roys: d'autrefois Temples, cōme qui diroit Toits amples, pour la grandeur de leur estendue, pour receuoir à l'abry vne grande assemblee: ou bien Temples, à cause de la contemplation de la Diuinité qui y doit estre pratiquee: ou bien elles sont appellees Tabernacles, qui sont des tentes & pauillōs militaires, parce que l'Eglise est militāte icy bas, & en vne guerre continuelle. Ce qui faisoit dire a Dauid, *Transibo vsque in locum tabernaculi admirabilis vsque ad domum Dei, donec inueniam locum Domino tabernaculum Deo Iacob.* Quelquefois l'Eglise est appellee Maison de Dieu, & Maison d'Oraison: Maison de Dieu, à cause de la ressemblance qui est entre la Hierarchie terrestre, & la celeste: *Dominus in Templo sancto suo, Dominus in Cælo sedes eius.* Maison d'Oraison, parce que c'est principalement pour inuoker la grace Diuine, que ce lieu est destiné, *Adorabo ad Templum sanctum tuum, & confitebor nomini tuo.* De là vient que les Eglises estoient appellees. O-

raïtoires, & Sainct Benoist en sa Reigle appelle ainsi l'Eglise Conuentielle. Car quant à ce mot d'Eglise, il ne veut dire autre chose que Congregation, ou Conuocation, parce que c'est là que *Deus inhabitare facit vnius moris in domo.*

Du temps de la Loy de nature, comme les habitans du monde n'auoient point d'autre toict que le Ciel, aussi n'auoient-ils autres Temples que des Autels à l'erte, sur lesquels ils presentoient leurs sacrifices à la diuine Majesté: ainsi fit Abel à la naissance du monde, ainsi Noë en sa renaissance au sortir de l'Arche, ainsi Abreham, ainsi Iacob, quand apres sa vision mysterieuse, il espancha l'huile sur la pierre consacrant le lieu au Seigneur. Depuis Moyse fabrica vn Tabernacle portatif, selon l'ordonnance Diuine: Mais le peuple estant anesté en la terre promise, Dauid projecta le dessein de ce Temple admirable, dont il fit les attraiets & les preparatifs: mais qui ne fut acheué que par son fils Salomon: Temple qui ruyné par les Babyloniens fut remis en pieds du temps de Zorobabel. Depuis en la Loy de grace les temples se sont rendus d'autant plus

Sub quo
curuan-
tur qui
portant
orbem.

augustes, qu'ils ont esté consacrez avec plus d'apparat & de ceremonie, & rendus grandement venerables par la presence de celuy deuant qui *se courbent les intelligences qui portent l'Vniuers*. C'est là que l'odeur suaue des louanges de ce nom diuin, qui est vn baulme espanché, s'exhalle de toutes parts. C'est de ces lieux, comme des boutiques des Parfumeurs que s'esleuent vers le Ciel ces verges de fumée composees de toutes les poudres aromatiques, qui sont les Oraisons des iustes, selon que dict S. Iean, *Odoramenta sunt orationes sanctorum*. Et quelles sont ces poudres à vostre aduis & ces ingrediens, qui composent ce Thimiame douotieux, sinon les souspirs, les larmes, les sanglots, les desirs, les aspirations, les affections, les resolutions, les ferueurs, & tout cet attirail de perfections, qui rendent la Priere accomplie?

Le n'aurois iamais faict, si ie voulois ramener deuant vos yeux les chastimés notables que Dieu a exercez contre ceux qui ont osé violer & prophaner ces lieux sacrez, consacrez au seruice de sa gloire, comme sur le Ieroboam, Baltazar, les enfans d'Heli, Heliodore, & sur

les vendeurs & acheptheurs que le Sau-
ueur renuersa de sa propre main. Il nous
suffira de ces punitions exemplaires, de
recueillir combien Dieu est ialoux de
voir respecter ces endroiets, speciale-
ment dediez au culte qui luy est deu, &
par consequent que le seruice & l'hon-
neur qui luy est deferé en ces lieux là,
luy est d'autant plus agreable, qu'il
a desagreable dy estre moins reuerem-
ment honoré, moins religieusement
adoré.

Atant, mes chers Auditeurs, recuei-
lerez vous de ce discours quatre veritez.
La 1. Que l'on peut prier en tout lieu. La
2. Que le lieu solitaire & retiré est le
plus commode. La 3. Que le plus utile
est le cœur. La 4. Que le plus venerable
& recommandable, c'est l'Eglise. Allez
en paix.

Des empeschemens de l'Oraison.

HOMELIE XVI.

Facite fructus dignos Penitentiae.



ESPOUX sacré appelle dans le Cantique ton Amante à la montagne de la Myrre, & à la colline de l'encens : Or nous vous auons fait voir quelqu'autrefois que ce mont & ce coustau representent l'Oraison: mais vous remarquerez icy de plus, que l'un est de Myrre symbole de pureté, puisque ceste visqueuse & odorante liqueur preserue les corps morts de corruption : & l'autre de patience, puisque l'encens estant brullé exhalle son parfum : tout de mesme que le patient tesmoigne sa constance par le feu des tribulations. Et comme ce sont deux qualitez necessaires pour bien prier, que la pureté de cœur & la longanimité, aussi l'iniquité ou iniustice avec l'impatience, sont les plus notables empeschemens

chemens qu'aye la Priere, & qui retardent le plus son enterinement. Mais auant que passer outre à monter en ceste montagne de la Myrrhe, en ceste colline de l'Encens: saluons celle de laquelle nous chantons ordinairement, *Myrrha & gutta & casia à vestimenti eius*. Et encores, *Fundamenta eius in montibus sanctis, & qui est mons coagulatus, mons pinguis, mons in quo beneplacitum est Deo habitare in eo.*
Aue Maria.

CE n'est pas le tout que de semer, car si parmy le bon grain.

Infelix lolium, & steriles nascuntur auenæ.

Si emmy les belles fleurs d'un parterre croissent des herbes inutiles, il faut forcler, nettoyer & separer le precieux du vil. La terre dit l'Apostre, souvent arrousee du Ciel, & qui ne produict rien, est proche de la malediction. Quand nous prions sans estre exaucez, c'est signe qu'il y a quelque manquement de nostre part, qui met vne muraille entre Dieu & nous. Ce n'est pas assez de planter de la vigne & des arbres, il les faut cultiuer, tailler, enun-der: Celuy qui seme des benedictions les recueit

lera, la voix de la Tourterelle s'est fait entendre en nostre terre; dict l'Espoux, le temps de retrancher est arrivé. Voyez vous comme il ne suffit pas de prier, si nous ne retranchons ce qui empesche que nostre Priere ne soit bien accueillie. Les Agens ne font leurs effects que dans des patiens disposez à leur reception: Comment voulez-vous que Dieu exauce les pecheurs, puisque Dieu ne veut pas l'iniquité, & puisque sa sagesse ny sa grace, ne peut heberger en vne ame plongee dans la malice. Ne scauons nous pas que Dieu, *Mittit terram fructifera in salsuginem, à malitia inhabitantium in ea.* Comme il paroist au riuage du lac Alphaltite, appelé vulgairement Mer morte, où rien ne profite, où tous les fructs sont inutiles ou veneneux, à cause de la malediction qui tomba quant & le feu du Ciel, sur ces cinq villes abominables, où se pratiquoit le plus horrible desordre que la chair humaine puisse commettre, puis qu'elle auoit entiere-

In male-
uolam
animam
non in-
troibit
fapien-
tia.

Omnis
faro cor-
ruperat
viam
suam.

ment corrompu sa voye. Plusieurs choses empeschent l'attraction du fer par l'aymant entre lesquelles on dict que la presence du diamant est contraire, ou si le fer est frotté d'ail,

ou trempé dans la graisse. L'injustice & l'iniquité figurees par l'ail & la graisse, font vne opposition notable à l'influence de la grâce : qui se void en l'exemple de ces Israélites, qui pour auoir regretté les aulx & les graisses des marmites d'Egypte, furent priuez de l'entrée de la terre de promesse. Mais sur tout l'impatience denotée par le diamant, comment par le diamant, mais n'est-ce pas le symbole de la constance ? ouy certes, quand il est entier : mais si vous prenez garde que quand vne fois ceste pierre se brise, elle se reduit toute en poudre, vous verrez en ceste puluerization l'image de l'impatient leger comme la poussiere. Et tout ainsi que les enfans d'Israël, pour auoir impatientimēt murmuré aux eaux de contradiction, *pronoquerent Dieu à courroux* : ainsi la Priere de l'impatient attire plustost les traits picquans de la Iustice, que les rays fauorables de la misericorde de Dieu. De ces deux empeschemens de la Priere l'iniquité & l'impatience seront les deux parties de nostre discours.

Plusieurs se trouuent qui prient par

tout, ou en la sollicitude, ou d'as le cœur,
 ou dans les Eglises, qui prient matin &
 soir, & souuent par iour, aux necessitez,
 aux opportunitéz, en temps d'obligacion,
 & pour tout cela ne sont point exaucéz,
 & cependant le Sauueur a dict,
Demandez, & vous receurez, requirez, &
il vous sera octroyé, tout ce que vous de-
manderez à mon Pere en mon Nom vous l'au-
rez. Ne recevoir donc pas la grace a-
 pres la Priere ne procede pas de Dieu,
 qui declare assez sa volonté par ses pro-
 messes: moins de sa Toute puissancé qui
 marche d'un pied egal avec son vuloir:
 mais prouient de nos manquemens qui
 rendent nos demandes inualide, *Opposui-*
sti nubem ne transiret oratio. Souuent vous
 voyez des enfans maigres & defaictz
 qui ont de saines nourrices, & abondan-
 tes en lait: d'où prouient ce pen d'em-
 bonpoint, sinon de l'indisposition inter-
 rieure des enfans? S'il ne vient point
 d'eau en Bethulie, ce n'est pas pour le tar-
 rissement des sources, mais pour la
 rupture des canaux faicte par les As-
 syriens. Isaac ne peut-il auoir d'eau de
 ses puits, c'est parce que les enuieux
 Palestins les ont remplis de bois & de

terre. Saül & Iosué ne peuvent-ils vaincre, c'est à cause de l'interdict violé par Ionathas, & de l'anatheme d'Achan. Si vous n'estes pas exaucé en vos Prieres, ô mon frere, examinez bien le fonds de vostre ame, faictes comme celuy qui disoit *Tota nocte exercitabar, & scopebam spiritum meum. Ab oculis meis munda me Domine.* Et sans doute vous rencontrerez le remore qui empesche la nef de vostre Priere de cingler sur la mer de la grace.

Si vous estes iniuste à vostre demande iniuste, comment voulez-vous estre exaucé, par celuy qui est iuste, & dont le iugement n'est que droicteure. Qu'est-ce qui nous rend iniustes ? c'est le peché lequel rend l'ame qu'il possede ennemie de Dieu, fille du Diable, & tison d'enfer. Voila pas de belles qualitez pour obtenir de Dieu quelque faueur ? Celuy qui est en la disgrâce d'un Prince n'oseroit se presenter deuant sa face, comme vous voyez en Dauid, qui ne vouloit pas qu'Abialon parust deuant luy, bien loing d'impetier quelque bien-faict. O Seigneur, dit Ieremie, nous auons operé l'iniquité, & par nos mauuaises œures nous vous auons prouoqué à

Iustus es
Domine
& rectum
iudicium
tuum.

courroux, pour cela vous vous estes rendu inexorable. David, *Iniquitatem si aspexi in corde meo non exaudiet Dominus.* Sainct Chrysostome dit que celuy qui prie estant resolu de presueuerer dans son iniquité, se mocque de Dieu plustost que de l'honorer, pareil à ces Iuifs qui s'agenouïlloïēt deuant nostre Seigneur en la souffletāt, ou comme ces Scribes, qui pleins de maltalent contre le Sauueur, luy disoient: *Magister scimus quia verax es, & viam Dei in veritate doces,* dementāt leurs cœurs par leurs paroles, comme quand ils le prioient de leur donner vn signe, encores qu'ils le redoutassent plus qu'Achab ceux qui luy estoient offerts par Isaye. C'est donc le peché qui rend l'homme iniuste, & indigne d'estre exaucé de Dieu, parce qu'il est esloigné de luy, non de distance locale, dict vn ancien Pere, mais d'affection, selon qu'il est escrit, *longè à peccatoribus salus.* Comme au contraire, la grace rend l'homme iuste, & sa Priere agreable, selon qu'il est dict, *Prope est Dominus omnibus inuocantibus eum, omnibus inuocantibus eum in veritate,* c'est à dire, in equitate, selon Sainct Augustin.

Sainct Thomas & Alexandre de Ales apportent icy vne distinction considerable, disans , Que les hommes qui prient sont de trois sortes , ou iustes, c'est à dire en grace , ou Pecheurs, mais repentans, ou Pecheurs endurcis & obstinez. Les premiers, quoy que rares & de petit nombre sont tousiours exaucez, pourueu qu'ils demandent des choses equitables , comme il paroist en Abraham, Moyse, Elie, Iosué, Judith, Ezechias , & tant d'autres. Dont disoit le Psalmiste , *Damnauerunt iusti, & Dominus exaudivit eos.* Et Sainct Iacques, *Multum valet deprecatio iusti assidua.* Et Dieu dict de ceux là par Isaye, *qu'il les exaucera, mesmes devant qu'ils prient : parce qu'il entend la preparation de leur cœur.* C'est d'eux que se plaint Ezechiel , disant , *Que voyans les necessitez de leur prochains estans iustes , ils ont quelque tort de ne prier pour l'autruy: Dieu ne cherchant qu'une de ces personnes pour s'opposer à son courroux , à fin qu'il ne disipe la terre.* C'est d'eux que Dauid recharge, *Oculi Domini super iustos, & aures eius in precibus eorum.*

Les seconds, qui sont les Pecheurs repentans , doiuent esperer l'entherine-

ment de leurs Prieres, selon que dict vn pecheur de cœur contrit & humilié, *clamavi in toto corde meo, exaudi me Domine, in iustificationes tuas requitam.* Car Dieu est si bon, que *linum fumigans non extinguit, & calammum quassatum non confringit.* Achab, Manasses, & Nabuchodonozor les Niniuites, & Ionas sont de riches Tableaux de cette verité.

Les troisiemes sont, non seulement indignes d'estre exaucez : mais d'estre entendus, voire dignes de punition: Car de quel front se peuent-ils promettre des faueurs de celuy qu'ils crucifient, en tant qu'il est en leur pouuoir, & duquel ils s'amoncellent l'ire au iour de la vengeance par leur dureté & impenitence. Saül & Pharaon prient & ne sont pas exaucez, parce qu'ils estoient abandonnez à un sens reprouué: c'est à ceux-là que s'adresse cette rude menace de Dieu par la bouche du Sage, *i'ay appellé & vous avez resisté, i'ay estendu ma main, & vous n'avez pas regardé mon secours, vous avez mesprisé mes conseils, & vous estes rendus incorrigibles, & moy ie me riray vn iour de vostre perte, & me mocqueray de vostre ruyne. Quand les tribulations & angoisses vous suruiendront, vous*

me reclaimerez, & ie ne vous escouteray point. Que si quelquefois ils sont exaucez, c'est à leur confussion & dommage; ne plus ne moins que ces demons qui demanderent d'entrer en des pourceaux qui se lancerent soudain dans la mer. Ainsy le fut Cain, qui au lieu de demander, pardon de sa griefue faute, ne desira sinon d'estre guaranty de la main d'autruy: ce quiluy fut octroyé, mais pourtāt la petit luy demeura; & le tremblement des membres filant vne vie plus langoureuse que mille morts.

Quant à l'iniustice qui naist de la part de la chose requise rendant inualide la petition, c'est quand on demande, dit S. Bonauenture, des choses indignes & disconuenables. C'est ce qui faisoit dire à S. Iacques, *Petitis & non accepitis, quia male petitis.* Telle fut la requeste inciuile de la Mere des enfans de Zebedee, qui fut payee de cette responce, *Vous ne sçavez ce que vous demandez.* C'est pourquoy Sainct Iean Damascene appelle l'Oraison vne demande de choses conuenables. Souuentefois c'est nostre grand bien que de n'estre pas exaucez de Dieu, qui vous deueroit donner irrité ce qu'il nous denie

propre, dit saint Augustin, tout ainsi que le Medecin refuse le vin au febricitant qui le demande avec ardeur, & la mere le sucre à l'enfant qui luy causeroit des vers, & comme l'on oste le glaiue au furieux, de peur qu'il ne s'en destruisse: Quelquefois les malades demandent la sâte de leurs corps, qui seroit peut-estre la mort de leurs ames. Demandons à Dieu sa volonté, elle est meilleure que la nostre, il est plus sage que nous pour sçauoir ce qui nous est plus expedient. Saint Paul prie par trois fois, pour le stimuler Dieu l'y veut laisser, à fin qu'il s'humiliast: le mesme Apostre aduoie,

Tunc cū
 infirmor
 fertiot
 sum.

qu'il est d'autant plus ferme d'esprit, qu'il est infirme de corps. Saint Pierre, dont la seule ombre guarissoit toutes les maladies, ne vout pas oster la fieure à sainte Petronille sa chere fille spirituelle, parce qu'il iugea qu'elle luy estoit vtile pour la conseruer en sa perfection. Que s'il est loisible de faire seruir les choses prophanes aux discours sacrez, comme l'or d'Egypte a la fabrique du tabernacle: ne voyez-vous pas que ce Roy fabuleux dont le toucher comme vne poudre d'iniection changeoit tout en or,

prie avec autant d'ardeur qu'on luy oste cette grace disgratiee, comme il l'auoit requise avec auenglement & empressement.

— *diuesque miserque*
Effugere optat opes, & quæ modo vouerat odit.

Ce larron, chez vn Satyrique, n'auoit-il pas bonne grace de prier Lauerne de luy donner l'adresse de bien desrober, & de cacher ses friponneries d'vn voyle sombre? Vous en verrez de si furieusement animez à la vengeance, qu'ils inuoquent le Ciel pour les ayder en l'exécution de leurs mal-heureux desseins, comme si Dieu pouuoit estre consort de leur meschanceté: c'est dequoy il se plaint par vn Prophete, disant, *Seruire me fecisti peccatis tuis.*

Mais entre toutes les iniquitez & iniustices, qui non seulement font obstacle à l'exaucement de la Priere mais qui l'annulent du tout, voire quelquefois la *changent en peché*: l'en ay remarqué quelques vnes que ie vous vay succinctement deduire. La premiere est la hayne, & ne vouloir pardonner les iniures receuës, car de quel front peut vn cœur rem-

ply de matalent, & de rancune proferer
 cette petition de l'Oraison du Seigneur:
Et dimitte nobis debita nostra sicut & nos di-
mitrimus debitoribus nostris, sans estre con-
 fondu en soy-mesme, & sans craindre
 que Dieu ne le perde comme il va mi-
 nutant la perte de son ennemy: *N'est-ce*
pas là produire sa sentence de condemnation par
sa propre bouche? Dieu ne luy pourroit-il
 pas dire le prenant, comme l'on dit, au
 pied leué, *Ex ore tuo te iudico serue nequam:*
 n'est-ce pas mettre du fiel dans la viande
 de Dieu, qui est nostre Oraison, que de
 la faire en cet estat miserable? C'est
 pourquoy ie vous dy tant que ie peux,
 si vous apportez à l'Autel l'oblation du veau
 de vos leures, vostre Priere, & si vous
 vous souuenez d'auoir quelque contraste avec
 vostre frere, allez premierement vous reconci-
 lier avec luy, & puis Dieu aura vostre present
 pour agreable.

La seconde iniustice est le larcin, ou la
 calomnie, car comme celuy-là est vne
 iniuste detention des facultez d'aury, y,
 celle cy est vn vol de sa renommee, qui
 tient le premier rang entre ses biens.
 Vous voulez que ie vous exauce, dict Dieu à
 Israël, & vos mains sôt plaines de sâg, c'est à

à dire de rapine. Restituez, restituez, & puis Dieu vous exaucera, reparez l'injure, & Dieu vous escoutera: car de quel air peut cette langue, peut-elle resonner la loüange de Dieu qui est toute trempée de detraction & de mesdisance? Tous ne sont pas comme des abeilles qui portent lesquillon & le miel.

La troiesime iniquité est la fuite de la parole de Dieu, car comme voulez-vous que Dieu vous escoute, si vous ne le voulez pas entendre. *Si vous me prestez l'aureille, dit le Seigneur, vous mangerez les biens de la terre, & ie vous exauceray: mais si vous la fermez à mes remonstrances, le glaive vous perdra.* Celuy, dict Salomon, qui ferme l'aureille à la Loy de Dieu, qu'il sçache que sa Priere est execrable. Car ie vous prie, quelle iniustice seroit-ce, que le Createur fust plus obligé à escouter la voix de sa miserable creature, que la creature celle de son Createur? Adam faict semblant de n'entendre pas la voix de Dieu qui l'appelle, ô combien cela agraué son iniquité. C'est pourquoy, mes freres, aymez la parole de Dieu si vous voulez donner de l'energie à vos prieres: *Et hodie si vocem eius audieritis nolite ob-*

La quatriesme iniustice est l'immi-
 sericorde enuers les necessiteux: car Iu-
 gement sera faict sans misericorde à celuy qui
 n'aura point faict misericorde. La misericor-
 de du Samaritain est-elle pas preferee
 à l'Oraison du Leuité ? Celuy, dit Salo-
 mon, qui clost son auaille pour n'entendre la
 clameur du pauvre ne sera point exaucé quand
 il reclamera l'assistance du Ciel. Car ie vous
 prie ne porte-il pas comme Vrie le
 paquet de sa mort eternelle dans son
 sein, puis que l'arrest de la con-
 demnation des reprouez doit estre
 fondé sur l'immisericorde ? Si tu romps
 ton pain à l'affamé, dit Dieu par Isaye,
 prie & ie t'exauceray, inuoque & ie t'escou-
 teray.

La cinquiemesme iniustice est la distra-
 ction volontaire & determinée, car c'est
 vn ver qui ronge tout à faict le fruit de
 l'Oraison, c'est le renardeau qui des-
 truiet la vigne, ce sont les sauterelles
 d'Egypte & de l'Apocalypse, qui brou-
 tent tout sans reserue. O que celuy, dict
 Sainct Ilidore, est esloigné, qui en priant s'en-
 tretient de propos de liberé de pensee seculieres.
 C'est estre de la bande de ce peuple dôt
 se plaint Dieu, qui en l'honorât de leurs l'ab-

horroit de cœur: Son sans farine fruit sans fruit, ou sans mouelle, arbre sans fleur, corps sans ame. Hé! comment peux-tu dire que tu m'aymes, disoit Dalila à Sâson, puis que ton cœur est esloigné de moy? Celuy là ne peut estre dict prier, dont la pensée est separée de Dieu, puisque la Priere n'est autre chose qu'un deuis, vne conuersation, vne vnion de cœur avec Dieu. Or quant ie dy distratiō iadiouste soigneusement volontaire & delibéré: car l'inuolontaire & qui arriue contre nostre gré, comme ces oyseaux qui importunoient Abraham en son sacrifice, bien qu'elle exerce fort nostre patience, ne gaste pourtant pas la valeur de nostre Oraison, ains plustost en redouble le merite.

Voyons maintenant l'autre obstacle de l'entherinemēt de nos requestes, qui est l'impatience. Il y en a qui se rebutēt soudain, si apres auoir demandé deux ou trois fois à Dieu vne chose ils ne l'obtiennent incontinent: en quoy ils sont semblables au Leopard, lequel est de telle nature, que si en deux ou trois bonds ou faultz, il ne prend la proye

qu'il pourchasse, il la laisse là, & ne se trouue repeu que de vent: & à ces chiés peu rusez à la chasse, qui prennent le change à tout vent, & par ce change n'attrapent iamais rien: & Dieu qui est la mesme fermeté & constance dédaigne ces courages mols & legers. *Postula in fide, nil hesitans: Car celuy qui est ferme en son cœur, & ne vacille point obtient infailiblement.* Hé! nous voyons comme Dieu est *prestabilis super malitia, longanimis & multum misericors, expectans peccatores ad poenitentiam.* Est-il pas bien raisonnable que nous patientions pour receuoir ses bien-faicts, puis qu'il est si patient sur nos mal-faicts? Doncques toy qui fais Oraison, *Expecta Dominum, viriliter age, confortetur cor tuum, & susine Dominum* Escoutez le Chantre Roy, *Expectans expectaui Dominum & intendit mihi, & exaudivit preces meas, & eduxit me de lacu miserie, & de luto facis, & stans supra petram pedes meos.* Ce dernier mot de pieds fondez sur la pierre, me fait souuenir de cet homme Sage, *Qui edificauit domum suam supra petram, & quelle est ceste pierre sinon la Patience.*

Vous souuient-il de ceste parabole écrite

écrite en S. Luc, où ce pauvre homme
obtint de son amy trois pains d'emprunt LUC. 17.
par sa perseuerance: & de celle de ce Lu- THC. 18.
ge inique: duquel en fin vne bonne
veufue obtint Iustice à force de le prier:
c'est pour nous insinuer ceste patience
requisse à la priere que le Sauueur va di-
sant: *Quærite & inuenietis, pulsate & aperie-*
tur Vobis, apres auoir dict, Petite & accipie-
tis. Que si pour obtenir quelque grace
d'un Prince terrien, il n'y a refus qui
nous rebutte, amy que l'on n'emplo-
ye, temps que l'on ne mesprise à la pour-
suite, voye que l'on ne tente, pierre que
l'on ne remüe, d'où nous vient ceste las-
cheté de cœur à prier le Roy des Roys,
qu'ils nous donne sa grace auant-cour-
riere de ceste gloire qui est d'un prix
inestimable.

Vous diriez que S. Paul ait resserré tou-
te l'efficace de Priere en ceste parole,
Orationi instantes, c'est ce que nous disons
instante Priere. De forte que pour rendre
nostre Oraison valide, il est bon qu'elle
soit feruente au commencement, plus
feruente au milieu, tres-feruente à la
fin, à fin que son ardeur croissant tou-
siours, nous puissions dire avec le Psal-

miste. *Concaluit cor meum intra me, & in meditatione mea exardescet ignis, & faire ce que dict le Sage, que sa fin soit meilleure que le commencement: au lieu que pour l'ordinaire l'on faict tout le rebours, parce que le coeur est au commencement ardent comme le fer, tesmoins ceux qui disoient, *Nonna cor nostrum ardens erat: mais peu à peu se va, non seulement r'afroidissant, mais glaçan, au lieu qu'il deuroit ressembler à la pierre Asbestos, qui ne perd iamais la chaleur quand elle en est vne fois imbuë: Chaleur qui se deuroit augmenter en nous comme le feu des forgerons par l'eau des refus & des delais. Et de faict, voyez comme ceste Esponse Amante s'eschauffe en courant, comme le feu s'augmente par le vent, rien ne la peut r'alentir au dessein qu'elle a de rencontrer celuy qu'elle cherche: Non l'aspreté des montagnes, non la profondeur des vales, non la largeur des campagnes, non les rifees de ses compagnies, non les battures des gardes, non l'insolence des soldats, non le hasle du Soleil, non l'intemperie de l'air, difficulté quelconque: aussi à la fin le diuin Amant ayant pi-**

tié de ses peines, se laissa retrouver à sa perseuerance, & serendit captif de sapience.

La penitente pechereffe demande son pardon avec tant de larmes, qui sont autant de prieres, qu'elle l'obtient, elle cherche, & recherche tant le corps de son Sauueur releué du sepulchre, qu'en fin elle le trouue dans le iardin. La Cananée refusée, rebutée, voire appelée chienne, patiente, & obtient ce qu'elle desire. La sainte Vierge aux nopces de Cana par sa patience, à la grace du changement de l'eau en vin, premier miracle operé par le Sauueur. Le Lepreux, l'Aueugle, & tant d'autres ont essayé leur patience auant que d'estre exaucez. La vraie pierre de touche de la bonne Oraison, c'est la longanimité, si elle est despourueüe de ceste qualité, dictes qu'elle est de bas alloy. Saül pour auoir manqué de patience, & sacrifié avec le temps marqué par Samüel, voit son sacrifice changé en abomination, & la benediction qu'il en esperoit tournée en malediction. Si le Roy Iosias eust eu la patiëce de décocher beaucoup de fleches vers la Syrie, il eust obtenu

tant de victoires, qu'en fin il eust subjugué les Syriens. Si nous auions celle qu'il faut pour continuellement décocher vers le Ciel les traicts de nos Prieres, sans nous laisser si tost de ce sainct exercice, nos combats seroient autant de victoires, & nos requestes autant d'entherinemens.

Le grand S. Thomas Ange de l'Escole tombant sur les causes qui font differer à Dieu la distribution des graces que nous luy demandons, en apporte trois principales. La premiere est à fin d'esguiser & affiner nostre desir. C'est selon la sentence de S. Augustin qui dit, *Que Dieu suspend ses dons pour nous apprendre à les desirer*, comme la mere qui montre la pomme ou la dragée à l'enfant à fin de luy apprendre auant que de la luy bailler mille agreables gentilleses. Et pourquoy pentez-vous qu'en l'Oraison Dominale nostre Seigneur a voulu que nous luy demandassions tous les iours *l'aduenement de son Royaume*, sinon à fin d'entretenir sur l'Autel de nos cœurs la viue flamme de ce beau desir duquel disoit Dauid : *Vnam petij à Domino, hanc requiram vt videam voluptatem Domini, & vi-*

Item templum. Voyez comme le desir de la Cananee, s'accroist par la dilation; & l'industrie sacree dont se fert le Sauteur pour faire souhaitter à la Samaritaine l'eau de la grace celeste.

La seconde raison est à fin que ce retardement face paroistre la grace plus gracieuse, comme l'aurore paroist agreable apres vne obscure nuit, & le vin plus doux apres auoir mangé des amandes ameres, & comme les couleurs vives ont vn plus haut esclat aupres des sombres. O que la grace que Laban fit à Iacob de luy bailler sa bien aymee Rachel, luy parut agreable apres quatorze ans d'attente; que Michol fut desirée de Dauid, puis qu'il hazarda tant de fois sa vie pour l'obtenir du barbare Saül.

La troisieme raison est parce que bie souuent Dieu differe la grace qu'il nous veut faire en vn temps plus opportun, & qui nous la rende plus aduanageuse: Si Saül eust donné sa fille à Dauid soudain apres la defaicté de Goliath, il n'eust pas tué cent Philistins comme il fist apres, en acquerant vne victoire plus

signalée. La grace de Dieu vient en son point
 cōme vne nuée chargée d'eau en vntemps de sei-
 chereffe. Voyez comme il attend l'extre-
 mité du passage de la mer rouge pour
 sauuer son peuple, & submerger ses en-
 nemis. A diuisez comme il deliure Su-
 sâne au dernier periode de sa vie. Il pou-
 uoit empescher que Daniel n'entraist
 point en la fosse aux Lyons: mais il esti-
 ma plus glorieux de l'y preseruer sans
 dommage. Voila Dauid qui pense e-
 stre perdu, & vne toile d'araignée le
 couure deuant Saül, & le sauue de ses
 mains. Agar reduitte au poinct de la
 mort trouue son secours, n'ayant plus
 aucun humain recours. S. Pierre dans la
 prison attendant vne mort asseurée est
 reueillé & liberé par l'Ange. Qui n'aura
 de la patience en priant, sçachant qu'en
 fin Dieu ne l'oubliera pas, mais qu'apres
 quelque temps: *Veniens veniet & non tar-
 dabit*, remunerant sa longueur par l'a-
 bondance de sa grace.

Concluons donc, que si nous voulons
 que nos requestes soient entherinées,
 nous ostions de nos cœurs ces deux em-
 peschemens, l'iniquité & l'impatience.
 Allez en paix.

De l'Aumosne, & de sa necessité.

HOMELIE XVII.

Facite fructus dignos Penitentia.



O vs voicy arriuez , mes
tres-chers freres , au secod
fruit de nostre arbre de Pe-
nitence , qui est l'Aumos-
ne , fruit qui remplit de
tant de gloire , & en ce monde & en
l'autre ceux qui le pratiquent , que vra-
yement entre les autres pour son insi-
gne esclat nous luy pouuons donner le
surnom d'Illustre ; escoutez comme
Dieu par Isaye parle aux ausmosniers.
*Si tu donne de bon cœur à manger à celuy qui
à faim , & que tu rassasies l'ame affli-
gee, ta lumiere naistra dans les tenebres, & tes
obscuritez reluyront comme le Soleil en son Mi-
dy , & ie te donneray le vray repos , & ie
rempliray ton ame de clairté , & tu seras
comme le iardin bien arrousé, & comme la fon-
taine des eaux , dont la source ne tarit iamais.*
Belles metaphores ; car comme la

Isa. 58.

fontaine se rend d'autant plus abondante & claire, que plus elle est puissee, & comme la flamme s'augmente au lieu de se diminuer par la communication; ainsi l'aumosne amplifie les facultez au lieu de les diminuer: Elle est donc semblable à cette source de Mardochee, petite en son principe, qui s'agrandit par son progrès, & en fin qui aboutit dans une lumiere Solaire. Le Soleil ne perd rien de sa splendeur pour la communiquer aux astres, au contraire c'est sa gloire que les estoiles tirent leur clairté de la participation de sa plenitude. Et les astres pour participer icy bas leurs influences ne diminuent en rien leur vigueur. La bourse de l'Aumosnier est comme la bouche de Gedeon, qui a dedans foy des lampes, ou plustost des Soleils qui terrassent l'ost de Madian, c'est à dire les pechez, & qui triomphent des cœurs de ceux qui sont soulagez de sa liberalité.

— nam cum vincamur in omni

Munere, sola deos æquat clementia nobis.

Et ce que celuy là dict de la Clemence, pourquoy ne le dirôs nous pas de la manificence, puis que Dieu est bonorum detor

des fruits de la Penitence. 311

Et munerum largus infusor, comme dict l'Eglise, imité en cela par celuy qui donne au necessiteux abondamment, selon l'estenduë de ses facultez. O Vierge sainte, fontaine des iardins, puits intarrissables des eaux viues de la grace, mais source scellée, de laquelle est sorty le Soleil de iustice; impetrez à ce discours l'abondante lumiere du Saint Esprit. *Aue Maria.*

CE que les anciens ont peint & feint l'Amour tout nud, c'estoit pour enseigner que celuy qui ayme est si liberal qu'il n'a rien à soy? car s'estant donné de cœur & de corps, comment ne doneroit-il librement ses facultez, qui ne sôt que comme les habitsqui l'environnent? C'est ce qui faiët dire à l'Espouse, que *Si l'homme donne tout son bien pour l'Amour, il pensera n'auoir rien baillé.* Sichẽ pense n'auoir rien faiët pour Dina la rendât conforte de sa Royauté, s'il ne luy dõne sa propre vie: & Sanson decelant sa force à Dalila ne luy bailla-il pas la sienne: Ionathas voyât son cher Dauid mal en couche se despoüille de ses habits & de ses armes, & les luy baille. N'admi-

rez-vous point la ferueur amoureuse des premiers Chrestiens qui apportoit tous leurs biens aux pieds des Apostres, & celle des Apostres mesmes, qui possedans tout n'auoient rien : car soudain ce que l'on leur confignoit estoit departy aux pauures, tesmoin celui à qui disoit Sainct Pierre, *Argentum & aurum non est mihi*. Si tost que la voix de la Tourterelle, c'est à dire de la Charité, se laisse entendre dans la terre d'un cœur plein de dilection, le temps de retrancher arriue, c'est à dire le temps d'aumosner les choses surabondantes, *quod superest date eleemosynam*. Plaise à Dieu qu'au son de la parole de Dieu & à la voix de la Tourterelle, la sainte Eglise, qui entonnera dans vos oreilles, mes chers Auditeurs, par le ministere de ma langue, vous preniez cette sainte resolution d'émonder vos superfluités & les employer en de saintes aumosnes. Mais à fin que ie vous instruisse methodiquement vous voulez bien que premierement ie vous montre ce que c'est que l'Aumosne & secondement que ie vous remontre sa necessité.

I.

L'ethimologie & la definition sont à mon gré les deux pieces qui font plus à plein cognoistre vne chose. Les noms sôt les images des choses, mais images au crayon, dont les definitions sont les viues couleurs. L'on dict que les noms qu'Adam donna aux creature que Dieu fit passer deuant ses yeux, contenoient tres-parfaitement la declaration de leur nature, la langue saincte ayant cette energie, ce protoplaste estant esclairee d'une cognoissance & lumiere surnaturelle pour les imposer. Et de vray côme le pepin contient en soy virtuellement, qu'ils disent, les racines, le tronc, les branches, les fueilles, les fleurs & les fruicts de l'arbre qu'il produict, ainsi semble-il que le nom contient en son petit espace toutes les qualitez de la chose qu'il signifie: c'est ce clauin du bouclier de Phidias duquel depend toute la composition de l'ouurage: & côme cette pierre que l'on appelle clef de voûte, à laquelle aboutit toute la cambreure de l'arc. Quelques-vne donc ont dit que ce nom d'aumosne deriue de certains mots Grecs & Hebrieux qui si-

gnifient *Eau de misericorde*, ou *eau de Dieu*, ou *commandement de Dieu*. Et certes quant à la premiere signification, la misericorde & compassion estant symbolisee par l'eau és Escriture, *Jeremie, Quis dabit capiti meo aquam* : & l'Aumosne estant vne compassion misericordieuse qui nous faict auoir pitié de la calamité & necessité d'autrui, il me sèble qu'elle est tresproprement nommee. Et aussi bien en la seconde maniere si vous regardez l'effect de l'aumosne, qui est de nettoyer l'ame de la souilleure de peché comme avec *l'eau d'hysope* du Roy Prophete, ou comme disoit le Sauueur, *Donnez l'aumosnes, & vous voylans de toute impureté* : ou bien parce que selon Salomon *cōme l'eau esteint le feu*, ainsi *l'aumosne estouffe le peché*. Que si vous regardez l'extreme necessité du prochain, qui ne void que selon la troisieme mode c'est vn acte de commandement qui oblige sous peine de peché? car lors, comme dit vn ancien Peres, *si negasti uecasti*.

Quant à la definition de l'Aumosne selon les Theologiens, on la peut faire ainsi: Vn soulagement faict au pauvre en sa necessité pour l'amour de Dieu &

pour la compassion que sa misere faict
naistre en nostre cœur. Or par ce mot
de soulagement ne s'entend pas seule-
ment la distribution de deniers ou de
viures, mais encores la consolatiō, l'ay-
de, le support, & la pitié; si que l'affectiō
supplée quelquefois au défaut de l'es-
fect quand la puissance manque. La cō-
doleance & la commiseration, filles de
la Charité, tirent la misere d'autrui dās
nostre cœur, & nous rendent partici-
pans de son infortune: de sorte qu'elles
ont leur grandeur proportionnee à cel-
le de l'Amour: si nous auōs peu d'amour
pour quelqu'un, nous somme moullés
au ressentiment de son incommodité,
mais tres-sensibles au mesaise d'une per-
sonne que nous cherissons. Beaucoup
grandes sont les douleurs d'une mere
sur la perte d'un enfant unique: ce que
l'Escriture declare souuēt: *Planctum uni-*
geniti fac tibi: Faciam planctū quasi super uni-
genitum. Grâce fut la compassion d'Agar
sur Ismaël, de Dauid sur Absalō, de Ia-
cob sur la fausse nouvelle de la mort de
son fils Ioseph, des amis de Iob sur son
extreme detolation, de la tres-saincte
Vierge voyant du pied de la Croix son

fils qui y mouroit : grande condoleance
 de Dauid sur la perte de son cher Iona-
 thas : grande celle de ces Israëlités , qui
 voyans Noëmi descheuë d'vne bonne
 fortune disoient , *Haccine est illa Noemi* :
 grande celle du Sauueur sur la future
 ruyne de sa chere Hierusalë , puis qu'elle
 eut le pouuoir de tirer des larmes de
 ses yeux , cõme aussi celle qu'il eut quãd
 il vid mort son amy Lazare : grande cel-
 le des fils de Hierusalem qui ploroient
 sur nostre Seigneur que l'on conduisoit
 au Caluaire : grãde celle du pere du Pro-
 dige voyant son fils en vn si fãcheux
 equipage. Et quand nous voyons nostre
 prochain, qui est comme vn autre nous-
 mesmes , reduit en indigëce, quelle doit
 estre nostre compassion ? Ayons pitié
 de nostre frere , disoit Ruben pour sau-
 uer la vie à Ioseph, *car il est nostre chair &
 nostre sang. Ne mesprisez pas vostre chair*, dit
 Isaye inuitant à reuestir les nuds.

*Carnem
 tuam ne
 despexeris.*

Et certes comme la cire se fond au So-
 leil & au feu : ainsi nostre cœur deuient com-
 me de la cire liquefïee au milieu de nostre poi-
 etrine. Quand nous regardons la misere
 du pauvre avec attention , la souffrance
 d'autruy nous est vne image de cire , de

laquelle sans enchantement autre que naturel, les poinctures nous picquent, & les afflictions nous trauersent. Oyez vn cœur Apostolique tout plein de charité qui dit, *Quis infirmatur cum quo non infirmor? quis scandalizatur, & ego non viro?* Que si nous tirons en nos yeux le mal que nous voyons en d'autres que nous regardons fixement, & si deux instrumens vnissent resonnent en mesme tēps que l'vn est touché: cōment pourrons-nous estre insensibles sur les miseres de nos prochains? S. Paulin se fit esclauue pour retirer le fils d'vne veufue qui se desesperoit de la priuation de son enfant, estimant plus tollerable de porter en son corps la passion de la seruitude, que dās son cœur la compassion de cette mere.

N'auiez vous iamais pris garde cōme à la belle primeuere les doux rayons du Soleil battās sur la glace & les neiges de l'hyuer, les fondent peu à peu & font distiller ces duretez en ruisseaux? Tel est l'effect de la Misericorde, qui tire le miel de la pierre, & l'huile du caillon. Mel de petra oleum que de saxo Certes ce qu'est l'huile à la lampe, le Soleil au iour, le printemps en la reuolution de l'annee, l'est la compassion en l'ame:

car comme la lampe s'esteint sans huile, le iour se perd sans le Soleil, & l'on n'a point de grace sans la primeuere; ainsi sans la Charité l'esprit demeure froid, tenebreux & desaggreable.

Les Theologiens ont raison de reduire l'Aumosne souz la vertu de Iustice: car est-il rien de plus iuste que de voir les membres d'un mesme corps s'entreprester du secours l'un à l'autre. Et comme la Iustice, seló Aristote, est vne vertu vniuerselle, aussi est l'aumosne. Elle a la prudence, car quelle prudence plus expresse que de faire icy *bas des amis de l'unique Mammone, qui nous reçoient aux tabernacles eternels.* Elle a la force, car la liberalité ne part que d'un courage genereux: elle a la temperance, car elle gourmande cette infatiable conuoitise des yeux qui dit tousiours, *affer, affer.*

La Charité dont l'aumosne est l'effect, est la Roynne des vertus, laquelle comme vn Roy d'abeilles ne va iamais qu'accópné de l'essaim de autres: elle est comme la robe de Ioseph bigaree des couleurs de toutes les perfections, ou comme celle du grand Prestre, qui sur vn fonds celeste faisoit voir mille riches

varietez

Mat. 6.

ches varietez, elle est comme la Manne qui auoit le goust de toutes les viandes. Cherchez par l'aumosne le Royaume du Ciel, & voila que tout vous sera baillé. Le cœur de l'aumosnier est le Palais Royal du Dieu des Vertus. *Dispersit, dedit pauperibus, insti-
tia eius permanet in seculum seculi, cornu eius
exaltabitur in gloria.* Psal. 110.

Mais parce que la Charité qui nous ordonne d'aymer nostre prochain cōme nous mesmes presuppōse que nous n'aymions, à fin que sur le moule de cet amour de nous mesmes nous iertions celui du prochain: Que chacun de nous face donc premierement l'aumosne à soy-mesme auant que la distribuer à l'autrui. C'est ce que diēt Salomon, *Miserere anime tue placens Deo.* Helas si le bœuf, si l'asne du prochain est tombé dans la fosse, chacun accourt pour le secourir & le retirer, & il y a si peu de gens soucieux de releuer leurs ames de la fosse de l'iniquité, & des pieges du peché. *Exhortamur pro Christo, diēt l'Apōstre, reconciliamini Deo.* Et repensez, ô pecheurs, combien il est amer d'auoir irrité ce Dieu qui est si bon à ceux qui sont droicts de cœur. Car ie vous prie de quoy sert à l'homme de gaigner

vn monde, & de perdre son ame? & de quoy sert de donner tous ses biens aux pauvres, si on n'a la charité? Charité incompatible avec le peché.

Certes la Iustice & la Misericorde, dict Aristote, ont vne telle relation à l'autruy, qu'il semble que ce soient des vertus que nous ne puissions bonnement exercer sur nous-mesmes aussi à la verité quand nous les pratiquons sur nous, c'est en nous regardans comme chose tierce; de sorte que quand nous chastions nostre corps & le reduisons en seruage, quand nous l'affligeons & le mortifions par ieufnes & disciplines, nous le considérons comme rebelle à l'esprit, comme refractaire à la loy de Dieu; tout ainsi qu'un pere corrige son enfât, un Iuge le malfaicteur, & nous le decoupons par vne iuste seuerité comme le Chirurgien le corps de son malade. De mesmes en faisant reflexiõ sur nos propres miseres, comme nous iettions les yeux sur celles d'autruy, cela peut exciter en nous la misericorde de nous-mesmes. Ce fut ceste pitié que le Prodigue eut de soy, qui le fit resoudre à venir retrouver son bon pere, & qui luy donna les premiers estâs

des fruits de la Penitence. 321

de sa conuersion. Les mains de l'Espoux distillent la premiere myrrhe, & ceste premiere liqueur est pour nous, la seconde pour l'autruy.

La premiere Aumosne que l'hôme se doit faire est de se dōner la vie de la grace par la Confession & Penitence, s'il se trouue engagé dās la mort du peché. La seconde est de procurer la guarisō de ses infirmittez, qui sont ses inclinatiōs mauvaises. La 3. est de ne desnier à son cœur le pain quotidiē de la priere, ou le *super-substantiel* de l'Eucharistie. Accueillāt en sa maison interieure cet Espoux pelerin qui demande avec instance d'y faire sa demeure, *ayant sa teste pleine de rousée, & ses cheueux distillans les gōnstes de la grace.*

Hé ! Dieu, s'il estoit autant en nostre puissance de resusciter les morts, cōme il est en nostre pouuoir de nous releuer *de l'ombre de la mort*, qui est le peché, avec l'assistance de la grace, qui seroit le barbare qui voulust laisser mourir son prochain ? & cependant il y en a tant de si cruels à eux-mesmes qu'ils se plaisent à croupir dās leur ordure, qui les traine à vne eternelle cōfusiō. De tous les homicides celuy, de soy-mesme est le pl^e hor-

Luc. 11.

rible, comme le plus contraire à la nature, & tuer volontairemēt son ame n'est-il pas dauantage contrariant à la raison? Or si la bouche qui ment tue l'ame, combien plus l'enuie, *parulos occidit inuidia*, la hayne, le courroux : & ne faut pas simplement dire que *celuy qui commet fornication peche contre son corps*, mais beaucoup plus contre son ame, *en violant le temple de Dieu*. *Toute ame qui pechera mourra*, diēt le Seigneur : c'est se tuer, mais eternellement de gayeté de cœur, que de pecher volontairement ; c'est comme Saül tomber son glaiue, comme Sanson s'escrafer avec les Philistins, & comme ceste Egyptienne cacher sous la douceur d'une figure l'aspic qui donne la mort.

Pour Dieu, pecheur, aye pitié de ton ame, tire l'a de l'Egypte du peché, & des patés du Pharao internal : oste l'obstination & l'endurcissement de ton cœur, oste le lien de ton col, ô fille de Syon.

miserere animæ labentis, & isti am
Oro, si quis adhuc precibus locus, eice mortem.
 Iete dis avec le Prophete, *Attende tibi*,
 ou bien avec l'Apostre, *Attendite vobis*
 & *uniuerso gregi*. Voyez-vous comme il

recommande aux Pasteurs le soin de leurs propres ames auant celuy de leurs troupeaux : car *quomodo domus Dei curam habebit, qui domui suæ preesse nequit?*

De ceste misericorde enuers nous mesmes, nous pouuons nous esprendre vers l'autruy, comme la nourrice qui se nourrit, & de l'abondance de sa nourriture allaicte le petit enfant. C'est ce que dict l'Escriture, *Deriuentur fontes tui foras, & in plateis, aquas tuas diuide.* Le Jardin d'Eden s'arrousoit de ses propres eaux auant que de les respandre sur le reste de la terre.

Et ne faut pas craindre que ceste mammelle tarrisse pour estre succée, au contraire elle en fera plus fertile & s'en portera mieux. La Misericorde est l'huile de la veufue de Sarepte qui se multiplie plus il est versé. Et pourquoy pensez-vous que Dieu voulut que tous les vaisseaux & les vtensiles du tabernacle, comme l'Autel des holocaustes fussent oingts d'huile, sinon pour nous apprend^{re} combien il a plus agreable de voir les Chrestiens, c'est à dire les oingts, ses tēples animez, ses vases sacrez huilez de l'onction de la Misericorde. Les

deux portes du Temple estoient de bois d'oliue, pour enseigner que l'on n'entre en la porte de la celeste Hierusalem, que par la double Misericorde, de soy-mesme & du prochain ; & peut estre aussi pour inuiter ceux qui entroient & sortoient par ces portes du Temple d'estre misericordieux aux pauures qui y estoient ordinairement. Et ceste Colombe reuenant à l'Arche avec le rameau d'oliue au bec, ne nous faict-elle pas voir manifestement que pour entrer au Ciel il faut estre de la bande de ceux ausquels il sera dict , *Esuriui & dedistis mihi manducare.*

Isa. 58.

Concluons ce premier poinct avec Isaye , *Frangere esurienti panem tuum , & egenos vagosque induc in donum tuam , cum videris nudum operi eum , & carnem tuam ne despexeris. Tunc erumpet quasi mane lumen tuum , & sanitas præcedet te , & anteibit faciem tuam iustitia tua & gloria Domini præueniet te. Tunc inuocabis & Dominus exaudiet, clamabis & dicet, ecce adsum.* Oû vous remarquerez que pour auoir faict l'Aumosne au prochain , Dieu qui faict tousiours ses retributions sur abondantes rend quatre sortes de biens , les spirituels , denotez par la lumiere,

les corporels par la santé, les temporels par la Justice, & les eternels par la gloire. *Iucundus homo qui miseretur & commodat, disponit sermones suos in iudicio, quia in eternum non commouebitur: paratum cor eius sperare in Domino confirmatum est cor eius, non commouebitur donec despiciat inimicos.* Psal. 3.

I I.

O combien donc l'Aumosne nous est necessaire, puis que c'est vne necessité ineuitable de comparoistre deuant le tribunal du Dieu viuant, entre les mains duquel il faiet si horrible de tomber, & que c'est elle qui nous parera comme vn puissant bouclier des traicts de nos ennemis inuisibles, accusateurs de leurs freres, & calomniateurs. Le corps sans ame, l'ame sans charité, & la charité sans aumosne sont vne mesme chose, Celly, dict Sainct Iean, qui voit son frere en necessité & luy serre les entrailles de la misericorde, comment se peut-il dire auoir la charité de Dieu? Sans doute c'est n'auoir point de sentiment que d'estre priué du ressentiment de la calamité d'autruy, *Qui non diligit manet in morte, an nescitis quod translati sumus de morte ad vitam, quia diligimus fratres.* Et de vray comme

quand l'ame est sortie du rempart des
 dents, le corps demeure comme vn
 tronc, poids inutile de la terre, ayant des
 yeux, & ne voyant point, des oreilles
 & n'entendant rien; ainsi les ceuures de
 celuy qui n'a point de charité avec des
 bonnes operations, sont mortes & pri-
 uées du principe de la vraye vie. Et de
 grace comment est-ce que *Iesus-Christ*
 exaucera celuy qui ne veut pas l'escou-
 ter, demandant l'aumosne en la person-
 ne du pauvre? Comment luy agréer-
 ont les pelerinages de celuy qui refu-
 se de l'heberger renuoiant les pele-
 rins? comment les ieusnes de celuy qui
 laisse mourir de faim le pauvre? A l'ad-
 uenture direz-vous que si le Sauueur
 mesme vous demandoit du pain, vous
 vous tireriez le cœur de la poitrine, &
 le sang des veines pour le rassasier: pau-
 ures! & n'avez-vous pas la Loy & les
 Prophetes? ne sçavez-vous pas que no-
 stre Seigneur a dit, *Que nous ne l'aurions*
pas tousiours, mais bien les pauvres; Que ce que
l'on faict au moindre de vous luy est faict? faut-
il pas estre infidele pour n'acquiescer
à ces veritez? O gens de peu de foy, In
vobis tota credendi est ratio videndi. Ce

cher Iesus qui s'est fait luy-mesme
& pain & viande pour donner à ton a-
me l'aliment l'eternité , n'aura pas de
toy, ô ingrate creature , vn morceau de
pain pour son pauvre ? & tu voudras e-
stre heritiere de ses biens , sans exe-
cuer aucun de ses legs testamentaires ?
Tu luy demâderas *la gloire & les richesses*
de sa maison , & tu luy defnieras les rettes
de la tienne comme vn riche gourmâd ?
Tu voudras estre logée en son Paradis ,
& tu luy refuseras vn coing de ton e-
stable.

Ne vois-tu pas qu'il est caché soubs
le pauvre , comme iadis sa diuinité e-
stoit violee de son humanité , & com-
me certe humanité estoit enuelopee
de drappelets , & couchee sur la paille
en la creche ? humanité & diuinité ca-
chee maintenant soubs les especes sa-
cramentales en la tres sainte Eucharis-
tie. O avec combien d'ardeur nostre
bon Roy Saint Louys seruoit-il les
pauvres aux hospitaux , comme s'il
eust eu Iesus-Christ visible : & appel-
lé vn iour pour voir le Sauueur qui pa-
roissoit en l'Hostie à la sainte Messe:
Ie le croy assez , dict-il , sans qu'il soit

qu'il soit besoing de miracles pour augmenter ma foy. L'or pour estre dans le creux de la terre n'est pas moins prisable, ny moins precieux: le diamant pour croistre en vn rocher escarté, & pour estre rude auant que de receuoir la polifseure. Je sçay bien que *l'image de Dieu* est également en tous les humains : mais comme le Sauueur est plus considerable au Caluaire qu'au Thabor, aussi est-il plus expressément au pauvre qu'au riche, *Tibi derelictus est pauper. Pauper sum ego; & in la boribus à iuuentute mea, propter nos e-
genus factus est.*

Au demeurant, *si les homicides*, comme dict l'Apostre *n'ont point d'entrée au Royaume de Dieu*, quelle part y peuuent pretendre ceux qui par l'immisericorde causent souuent la mort de leur prochain: Et si la seule charité nous introduict en ces tabernacles eternels, comment celuy-là se peut-il dire l'auoir, dict Sainct Iean, qui n'a point de compassion des miseres d'autruy?

L'Aumosne est bie n vne ceuure si excellente, que comme la chasteté pour sa beauté s'appelle honneur, aussi pour sa bonté celle-là se nomme Charité;

ne plus ne moins que les Mathematiques, selon leur nom se disent sciences, à cause de la certitude de leurs demonstrations, qui deuâce de bien loing celle des autres arts. C'est pourquoy elle est appelée, non robbe simplement, mais la plus belle de toutes, qui est la nuptiale estant le propre de la Charité, que de cou-
uir la multitude des defauts, comme l'habit

cache la nudité du corps. Adam par le peché ayant perdu ce riche vestement de grace & d'innocence, auoit honte de se presenter deuant Dieu : ô quelle vergogne à vne ame qui comparoist deuant le tribunal de Dieu, quand elle se void despoüillée de bonnes œuures, *Operac-*
nim illorum sequuntur illos.

Charitas
operit
multitu-
dinem
peccato-
rum.

Rien de souillé n'entre au Ciel, dict le texte sainct : & ne sçauiez-vous pas qu'en bail-
lant l'aumosne nous sommes rendus nets &
blancs comme la neige? Tout ainsi que la fu-
mée attire le feu, ainsi l'Aumosne ame-
ne la grace en vne ame, comme la ma-
tiere plus disposée à la reception de cer-
te diuine forme. L'ame qui est la for-
me du corps, n'y est infusée que quand
il est deuëment préparé ayant tous ses
organes, & la grace ne vient en l'ame

pour l'y donner vne vie celeste & surnaturelle, que quand elle a les dispositions de la misericorde. Tabite & Druisane ressuscitees par S. Pierre & par S. Iean, comme nous lisons aux Actes, receurent cette grace en consideration qu'elles estoient ausmonieres, & le Ceturion l'accomplissement de son desir, parce qu'il auoit faiet cette charité aux Iuifs de leur bastir vne Synagogue. Le Centenier Corneille vint au bon heur de la foy par la porte de la Misericorde; & Naaman guarý de sa lepre, combien se monstra-il liberal enuers Elisee, si le Prophete eust voulu receuoir ses presents?

Qui ne voit que la liberalité de la sainte Penitente en la provision de son parfum au pied du Sauueur luy attira cette abondance de grace qui la nettoya de tant de vices, & la combla de tant de vertus: si quelque Iudas en murmure, voyla que le Sauueur se rend son Aduocat.

Nous auons en l'Euangile les exemples de deux Richards, l'vn le Paralytique guarý en Capharnaum, lequel estant tombé en cette infirmité extreme

pour ses offences, receut neantmoins du Sauueur la grace de sa guarison, en consideration de sa Misericorde: & l'autre de ce Gourmand, qui deniant les mieues de sa table au pauvre Lazare souspire maintenant aux Enfers pour vne goutte d'eau. Et ie vous prie cet auare gloutron ne se peut-il pas dire auoir tué par son impieté ce pauvre mandiant dont ses chiens mesmes auoient pitié en lachant ses playes? si ce mot est vray, *Qui non vetat perire cum possit iuber*: Quelle louange a dans l'Escriture le bon Samaritain pour auoir secouru le pauvre estropié de Hiericho? quelle honte a le Leuite pour n'en auoir faict aucun conte?

Croyez-moy, tres-cheres ames, si vous faictes l'Aumosne, vous pratiquez en vne meisme action les trois fruits de la Penitence: Car outre le secours que vous faictes au prochain, qui est vne qualité toute particuliere a la Misericorde, certe assistance prie pour vous, *Effunde elemosynam in sinu pauperis, & ipsa orabit Deum pro te*. Car si l'Oraison est vne eleuation d'esprit à Dieu, l'Aumosne faicte pour l'amour de Dieu, ne luy vnt:

elle point nostre ame ? D'auantage, si le Ieufne uuide la bouche l'Aumosne uuide la bourse: & en somme, tout ainfi que les Iurifconsultes disent, *pecunia omnia estimari* : aussi est-il assureé que par l'Aumosne toutes les fautes sont effacees: c'est ce que disoit Daniel au Roy de Babylone, *Domine mi Rex consilium meum placeat tibi, peccata tua eleemosynis redime, & misericordiis pauperum.*

Recueillez de ce discours, 1. quelle est l'Aumosne en soy-mesme, quel son ordre legitime, 2. sa necessité. Nostre Seigneur soit avec vous.

Des œuures de Misericorde corporelles.

HOMELIE XVIII.

Facite fructus dignos Penitentia.



L'Homme estant composé de corps & d'ame, & accueilly de miseres de l'une & de l'autre part, la Misericorde doit donc regarder les miseres corporelles & les

spirituelles : c'est pourquoy communément le œuvres de Charité sôt diuisees en sept qui concernent le corps , & sept autres qui conuiennent à l'esprit, ce sont ces deux olives & ces deux chandeliers que vit S. Iean en son Apocalipse, chandeliers à sept lampes remplies d'huile , symbole de compassion. Ce sont là les deux Portes de l'Aumosne, les deux portes d'oluiers par ou l'on entre au temple de l'eternel Salomon. L'Espouse au Cantique appelle les Aquilons qui soufflent du costé de ces sept estoiles , qui sont le nom de Septentrion , pour faire exhaler & fluer les fleurs & les aromates de son iardin : & c'est icy que nous auons besoing des halenees de cet Esprit diuin : qui est appellé par l'Eglise, *Septiformis munere* : Employons le credit de la Vierge Mere pour obtenir cette grace.

Aue Maria.

CE double septenaire d'œuvres de Misericorde nous enseigne que cōme la Charité est double , aussi est-elle vniuerselle : car ce nombre est celuy qui denotte l'vniuersalité ; c'est pour

dre de Saint Matthieu. Le Iuge dira *Math. 25.*
donc aux bons *Venez les benits de mon Pere,*
possedez le Royaume qui vous a esté appresté
dés la fondation du monde, car i'ay eu faim, &
vous m'avez donné à manger. De sorte que
rassasier les affamez est la premiere œu-
re de misericorde. C'est aussi celle que
Dieu recommande la premiere par Isa-
ye, *Frangere esurienti panem tuum.* Iob disoit
pour cela ; *Si manduccavi buccellam meam*
solus. Voyez où en est reduit le riche
Glouton, pour auoir refusé les miettes
de sa table au Lazare affamé. Entre ses
enseignemens que l'ancien Tobie don-
ne à son fils, certuy-cy tient vn rang no-
table ; *Mange ton pain avec le pauvre & le*
famelique. O Dieu, combien se rendent
coupables deuant Dieu, ceux qui à la
ville ont vn si grád soing de leurs petits
chiens, & laissent le pauvre à leur por-
te criant à la faim : & ces Seigneurs aux
champs, qui comme des Acteôs se lais-
sent manger à leurs chiens, par vn atti-
rail de chasse si excessif, qu'ils y consom-
ment toute leur substance, sans auoir
aucune pitié de ces pauvres Villageois,
qui souuent n'ont pas vu morceau de
pain à mettre sous la dent. Qu'ils pren-

nent garde de n'entendre pas vn iour
 ceste dure sentence des reprovez, *Al-
 lez maudits au feu eternel, car i'ay eu faim &
 vous ne m'avez pas donné à manger.* Ainsi ne
 faisoit pas le B. Amedée Duc de Sauoye,
 qui appelloit les pauures ses meutes
 raisonnables, avec lesquelles il esperoit,
 (ce qu'il a faict) attraper la venaison du
 Paradis Sainct. Osuald Roy d'Angleterre,
 enuoyoit souuent les plats de la table
 aux pauures, partageant avec eux son
 disner. Sainct Louys les seruoit de ses
 propres mains à table, & S. Elizabeth
 fille du Roy de Hongrie, leur apprestoit
 elle-mesme à manger.

Il n'y a celuy d'entre nous qui n'estime
 le seruice que rendoit ceste heureuse
 Marthe à nostre Seigneur, preferable
 à vne Royauté. Hé! à quoy tient-il que
 nous ne tendions à son corps mystique
 le deuoir que ceste fille rendoit à
 son corps naturel, apprestans le viure
 des pauures? C'est en vn mot que nous
 auons peu de foy, & moins de charité.
 Qui n'admira la ferueur, d'un Sainct
 Matthieu festoyant le Sauueur, d'un Zachée
 qui le receut tout ioyeux en sa maison?
 Qui ne s'estonnera de la foy de ceste

veufue de Sarepte, qui donna librement ce peu qui luy restoit d'huile & de farine au Prophete, sans considerer que son enfant & elle mouroient apres de faim? aussi voyez comme par vne multiplication miraculeuse elle fut preseruee de la famine.

Ioseph pour auoir par sa prouoyance fait amas de bleds, & conserue l'Egypte, où tout le peuple fut mort de faim pendant les sept années steriles, fut appellé *Sauueur du monde*. Celuy qui secourt l'affamé en sa disette, ne se peut-il pas dire conseruateur de la vie de celuy qu'il a rassasié?

Or comme le Sauueur se trouue en tous les pauures qui sont en ses membres, aussi se trouue-il (estant vn exemplaire accompli de perfection) en la pratique de toutes ces œures misericordieuses, que nous vous representons, ie ne dy point qu'en qualité de Dieu, *aperit manum suam & implet omne animal benedictione, & dat escam omnibus in tempore oportuno*; que c'est luy qui *dat iumentis escam ipsorum, & pullis cornuorum inuocantibus eum*; que c'est luy qui repaist vn Elie dans le desert, vn S. Paul premier Hermite,

vn Sainct Benoit dans la cauerne de Soubiac par des corbeaux: mais voyez-le comme homme multipliant les pains & les poissons au desert, & rassaiant les troupes affamées.

La seconde œuure est d'abreuuer les alterez, action qui auoisine celle de ceste pieuse fille Romaine, qui allaitoit son Pere condamné à mourir de faim dedans vne prison: puisque donner à boire au pauvre est defalterer nostre Seigneur qui est nostre vray Pere. L'Espouse du Cantique desire trouuer son Espoux à l'escart, pour luy donner ses mammelles, telle estoit l'ardeur de son amour. Si le mauuais Riche eust eu ceste compassion, il ne seroit pas à ceste heure tourmenté d'vne soif si cruelle dans les flammes eternelles.

Sera-il possible qu'vne maschoire d'Asne toute seiche coule vne fontaine pour Sanson, que la terre aride donne de l'eau à Agar, la pierre dure des liqueurs cristallines à Israël, voire du miel & de l'huile, & que ton frere, ô Chrestien, trouue moins de ressentiment dans tes entrailles. Regarde ton Sauueur alteré au pauvre, comme il estoit en la Croix, & ne

sois pas si impitoyable que de luy des-
nier à boire, comme les Soldats: car si tu
luy donnes amiablement & cordiale-
ment *un verre d'eau froide*, il te recompensera
du Paradis, & te donnera l'eau de sa grace
comme à la Samaritaine. Considere ce
cher Sauueur changeant en Cana l'eau
en vin, & pratiquant en ce miracle ceste
œeuure de misericorde.

La troisieme est l'Hospitalité, en la-
quelle Abraham, Loth, Iob, & saint Gre-
goire ont esté eminés, le bon Abraham
couroit apres les Pelerins, comme apres
yne chasse desirée, & ne les laschois non
plus que le Gerfault sa proye. Loth pour
auoir receu les Anges en forme de Pe-
lerins, fut preserué de l'embrasement de
l'infame ville où il demeroit. Iob diét
de sa maison, *Foris non mansit peregrinus*. Le
bō S. Paul premier Hermite, pour auoir
receu Sainct Anthoine avec beaucoup
d'hospitalité, voit sa portion redoublée,
si que il dit à son hoïte, *Dominus militibus*
suis duplicauit annonam. Sainct Gregoire
receuoit souuent les Anges en forme de
pauures à sa table, & en fin il y receut le
Roy des Anges & des pauures. Le B.
Ignace fondateur de la Compagnie de

Hiero-
nymus
in vit.
Pauli.

I E S V S , estant vne fois couché emmy
 les ruës à Venise , attendant que quel-
 que vaisseau frettast vers Hierusalem où
 sa deuotion le portoit , vn Sénateur
 Venitien estant aduerry en songe de re-
 tirer ce seruiteur de Dieu en sa maison,
 il le fit , & ceste charité attira beaucoup
 d'honneur de felicité sur sa famille. O
 que bien-heureuse est l'ame qui chari-
 table comme la poule retire sous ses
 aisles les pauures Pelerins espars sur la
 terre comme des poussins abandonnez.
 Si nous auons enuie que nostre Sei-
 gneur nous recoiue vn iour en sa maisõ,
 apres laquelle nous soupirons à l'instar
 de Dauid , qui disoit, *Ego autem peregrinus*
super terram, sicut omnes patres mei, unam pe-
riti à Domino hanc requiram, vt inhabitem in
domo Domini in longitudinem dierum : Pour-
 quoy ne voudrons-nous pas l'heberger
 en les pauures , puisque *quotquot viuimus*
peregrinamur à Domino, non habentes hic ciui-
tatem permanentem, sed futuram inquirentes.
 Sauueur ayant esté toute sa vie Pelerin
 sur la terre , n'ayant pas seulement où reposer
 son chef, il faict tant d'estat de ceux qui
 recoiuent les Pelerins , que vous voyez
 qu'il se trouue au milieu de ceux d'E-

mans, & parce qu'ils se monstrent charitables en son endroict, voulant le retenir & payer son giste, voyez comme il ouure leurs yeux & illumine leurs tenebres. C'est ce mesme Sauueur, qui pour pratiquer ceste operation misericordieuse, va disant, *venite ad me omnes qui laboratis & onerati estis, & ego reficiam vos.* Et encores, *Hierusalem quoties volui congregare, sicut gallina congregat pullos suos sub alas.*

Le quatriesme est le reuestement des nuds, laquelle semble non seulement vn conseil, mais quasi vn precepte sorty de la bouche du Sauueur, disant: *Que celuy qui a deux tuniques ou deux robes en baille vne à celuy qui n'en a point.* O Dieu que diront vn iour à ce iuste Iuge ceux qui ont les garderobbes pleines d'habits pompeux, vains superflus, qui habitent les murailles & la terre de tapisseries, qui couurent le bois de couuertures precieuse, qui harnachent les cheuaux avec tant de broderies; & voyent le pauvre tout nud emmy les rues sans y auoir aucun esgard. En ceste operation se sont rendus insignes. S. Martin, sainte Elyzabet d'Hôgrie, S. François, S. Spiri-

dion, sainte Catherine de Sienne, & le B. Ignace fondateur de la Compagnie de I. H. S. V. S.

Decolorauit me sol.

Tulerunt pallium meum mihi custodes murorū.

L'Espouse du Cantique estoit de ceste humeur, declarant que le Soleil de la charité non seulement la decoloroit, selon vne lecture, mais la despoilloit, selon vne autre. Elle confesse que les gardes de la Cité (qui sont les pauvres, vtils sentinelles autour d'vne maison) luy auoient osté son manteau, l'ayant à l'adventure donné à quelque miserable. Dieu nous donne vn bel exemple de ceste charité, reuestant la nudité de nos premiers parens, voire habillant les oyseaux de si riches penages, les animaux de si agreables forrures, les arbres de tant de feuilles, la terre de tant de fleurs, & entre autres les lys d'vn fatin si beau, que toute la pompeuse magnificence de Salomon n'a rien qui approche de la gloire & beauté de ceste fleur, l'ornement des Jardins, l'œil des carreaux, & l'orgueil des parterres. Quant au Sauueur, qui ne voit qu'autant de fois qu'il a esté despoillé en sa Passion, ç'a esté pour nous reuestir, estant ce vray Agneau, lequel coram tondente se obmutuit, nous habillant

de sa propre toison.

II.

La cinquiesme œuure de Misericorde est de visiter les prisonniers, en quoy nous imitons ceste celebre fille Romaine, la pieté de laquelle ne peut estre assez ramentuë, qui alaictoit son pere dans la prison, ce qu'estant apperceu sa misericorde obrint misericorde pour son cher pere, ceste action esmouuant à pitié ceux qui auoient condanné ce bon homme à mourir de faim entre quatre tre murailles. Si entre tous les biens temporels la liberté est à si haut prix qu'elle est renuë pour inestimable, qu'elle action fera-ce de la redonner à un captif, ou si on ne peut, au moins luy apporter quelque consolatiõ en le visitât? Certes ceux qui sõt pauures en cet estat son doublement deplorables, priuez & des biens de la terre, & outre cela de chercher à l'ayde de la liberté quelque meilleure fortune, si que leur lamentable sort est digne de double compassiõ. Il n'est pas iusques aux oyseaux qui ne perdent & le chant & le goust de la vie priuez de leur liberté, mettez les en des cages dorces & garnies de mengeaille

en abondance , s'ils ont auparauant
gousté la liberté de l'air ils mourront
plustost que de supporter cet esclauage.
Ce qui est le plus a redouter aux prison-
niers, c'est le desespoir , principalement
s'ils sont destituez & d'assistâce & d'ap-
paréce de sortir de ceste misere. O qu'v-
ne visite consolatiue vient bien à propos
à ces pauures desolez. Si S. Paulin n'eust
retiré de seruitude par sa propre capti-
uité l'enfant d'vne veufue, & le prison-
nier & sa mere alloient se perdre dans le
desespoir , au lieu que l'esclauage de ce
S. tourna à son profit & à sa gloire, la di-
uine bonté le permettant ainsi. Le geol-
lier des quarante Martyrs de Sebaſte
pour auoir eu pitié de ses prisonniers,
paruint quant & eux à la couronne du
Martyre. Et cet Ange qui fut retirer S.
Pierre de prisonné nous fait-il pas voir
que cette oeuvre de Misericorde est vn
office Angelique? Le Sauueur pour no-
stre Amour , non seulement s'est fait
prisonnier en sa Passion mais encores en
son Incarnation au ventre virginal, &
en Nazareth en sa longue demeure en
la boutique de Sainct Ioseph. Et pour
exercer cette action de pieté , en mou-

rant son ame alla aux prisons infernales, prescher la redemption aux captifs, retirant les esprits des Peres de cette charre soubsterraine, emmenant en fin en son Ascension la captivité captive.

La sixiesme operation misericordieuse est, la visite & le soulagement des malades, principalement s'ils sont pauures, car la maladie & la pauureté sont plustost vn accablement qu'vn ramas de miseres, Sainct Louys, sainte Elizabeth d'Hongrie, sainte Catherine de Genes, & le B. Ignace, ont esté admirables en cecy: si que ces grandes ames pouuoient dire avec l'Apostre, *Quis infirmatur, & ego non infirmor*: C'est à cette Charité que nous inuite Salomon, disant, *Ne sois point paresseux à visiter l'infirmes*. Et S. Jacques. *Hæc est religio munda & immolata visitare pupillos, & viduas in tribulationibus*, qui sont de grandes infirmitez: comme entre les biens corporels nul est preferable à la santé: aussi semble-il que cette œuure qui a vne particuliere attention à la redonner par toute sorte de secours à ceux qui l'ont perduë par l'affliction de la maladie, arienne vn rang fort signalé emmy ces œuures de mi-

misericorde corporelles, aufquelles se vous
 exhorte. O que l'exemple du Sauueur
 nous y doit rair puiffamment, puisque
 comme bon Paſteur il a plus de ſoing
 d'une brebis malade, que de plusieurs
 ſaines, ſon affection comme le ſang ac-
 courant toujours à la partie plus debile.
 Voyez le guariffant les Paralytiques à
 la Piſcine, & en la maifon les Lepreux,
 les ſourds, les aueugles, les demoniac-
 ques & toutes ſortes de langueur: voyez
 le viſitant la belle mere de Sainct Pierre
 pour luy oſter la fiere.

La 7. oeuvre de misericorde eſt, la ſe-
 pulture des Trespassez: oeuvre qui a ré-
 du le bon Tobie ſi fameux & recom-
 mandé és Eſcritures: d'autât que pour le
 pratiquer il s'expoſoit à mille perils de
 mort. Sainct Potentiane, & ſaincte Pra-
 zede Dames Romaines, ont eſté illuſtres
 & heroïques en cette action de pieté,
 pendant les perſecutions des Chreſtiés.
 Nicodeme, Joſeph d'Arimathie, & les
 trois Maries ſont loüees en l'Euangile.
 pour auoir eu le ſoing de la ſepulture
 du Sauueur. Et certes c'eſt en cette a-
 ction que ſe reſmoigne bien à clair cer-
 te verité, que l'amour eſt fort comme la mort.

Fortiſ eſt
 vt mors
 dilectio.

voire plus fort, puisque s^o feu se conser-
ue sous les cendres du trespas. Que si
l'occasion ne se presente pas si souuent
de rendre ce deuoir aux personnes trespas-
sees; au moins Messieurs, permettez
que ie vous die, que ce peu d'assistance
que vous prestez aux conuois fune-
raires des enterremens, tesmoigne
que vous auez peu d'affection les vns
enuers les autres tandis que vous estes
en vie, puisque vous en rendez si peu de
tesmoignage aux derniers honneurs du
t^obeau: Car c'est lors que le vray amour
se fait voir quand tout interest cesse:
mais c'est icy ou nous rendons vn de-
uoir, duquel nous n'attendons aucune
reciprocation de celuy auquel nous le
rendons, Nostre Seigneur qui nous a
feruy de phare & d'exemplaire en tou-
tes ces operations, se m^ostra-il pas che-
rir celle cy, quand il se trouua au con-
uois funeraire du fils de la ueuue de
Naim qu'il resuscita, & à celuy qui e-
stoit preparé à la fille du Prince de la
Synagogue, faisât retirer les Menestriers
pour luy redonner la vie?

Voyla, mes freres, les sept ceuures de
l'exercice ou omission, desquelles dé-

pend nostre gloire ou nostre perte eternelle : car l'arrest des bons sera prononcé sur la pratique de ces operations, & celui des reprouvez sur le manquement de leur execution. C'est là le Scibolet qui faict discerner les vrayz des faux Ephraimites. *O que bien-heureux seront les misericordieux, car ils obtiendront misericorde: que bien heureux est celuy qui a esgard au necessiteux, car le Seigneur la deliurera au iour de la vengeance.* Mais ie vous prie ne nous est-ce pas vne grande faueur, de sçauoir sur quoy nous auons à estre iugez, à fin que nous puissions nous disposer par bonnes œuures à assurer nostre salut? Quelle diligence faict celuy qui doit prendre ses degrez en Iurisprudence, ou estre receu Sénateur en quelque Compagnie souveraine quand sa loy luy est distribué? il ne pert aucune minute de temps à examiner & rechercher curieusement les oppositions qui luy peuuent estre faites, à fin de sortir de son interrogatoire avec honneur & reputation. Voyla, mes freres, les sept questions ausquelles nous aurons à respondre à la face de l'Vniuers aux dernieres assises, à fin de recevoir soit bien soit mal, selon nos œuures, & d'é-

tendre là dessus cet arrest irreuocable, dont l'exécution regarde l'heureuse ou malheureuse eternité. O mon Iesus, fai-cte que nous parctiquions icy bas si soigneusement la misericorde, que nous puissions chanter à iamais vos eternelles misericordes. Ainsi soit-il.

*Des œuvres de Misericorde
Spirituelles.*

HOMELIE XIX.

Facite fructus dignos Penitentiae.

omme les sept planettes s'ont les plus remarquables lampes du Tēple celeste, ainsi les sept lampes de ce grand chandelier d'or estoient les plus signalees d'entre celles qui flamboient au Temple de Hierusalē: & comme les sept planettes de ce Ciel terrestre, les sept planettes de Misericorde Spirituelles dont i'ay à vous entretenir aujourd'huy, mon cher Auditoire, me semblent tenir yn semblable

rang dans le temple: de nostre ame. Ce sont de belles lampes d'huile aromatique de baume, & de cynamome fôdees sur des branches d'or la saincte Charité, *vn or pur* & affiné au feu du diuin Amour: & c'est au milieu de ces lumieres, ou de ces chandeliers, comme parle Sainct Iean en son Apocalypse, *que paroisst le fils de l'homme*: car comme nous l'auons fait voir au discours precedent, exerçant les œuures de pieté corporelles, vous le verrez pratiquant avec beaucoup plus d'esclat les Spirituelles. O Esprit sainct. *Da tuis fidelibus in teconfitentibus sacrum septenarium.* Nous vous en supplions par l'entremise de la Mere de Misericorde, beau Chandelier d'or, qui a porté aux branches de ses bras celuy qui est la lampe de l'vniuers, *la lumiere du monde.* *Aue Maria.*

L'arriue rarement que la fortune s'accorde avec la sagesse, & comme dict Menandre, qu'vn homme aye des biens avec de l'entendement: ou parce que les richesses auenglent l'esprit, ou parce qu'vn esprit clair-voyant mesprise les

commo:

commoditez terrestres: tant y a que peu
souuent l'on voit vn mesme homme ri-
che de biens temporels & spirituels.
Que si la compassion de ceux qui sont
distituez des facultez temporelles nous
porte à exercer enuers eux selon la qua-
lité de leurs miseres les œuures de Mi-
sericorde corporelles, pourquoy n'au-
rons-nous pas mesme pitié de ceux qui
sont necessiteux spirituellement? C'est
grand cas que ces œuures de l'esprit, te-
nant le rang de l'ame, qui est beaucoup
plus excellente que le corps, sont neât-
moins par ce vulgaire beaucoup moins
estimees: & bien qu'elles facent plus de
fruit pour le salut eternal, elles ont tou-
tesfois moins de bruiet que celles qui
regardent l'assistance temporelle: *At
precium pars hæc corpore mains habet.* Si Lia
a l'aduantage de la fecondité, si ne
péut-on nier que Rachel ne soit plus
belle. Plus vne essence est alambicquee,
plus elle est subtile, & plus elle est ex-
quise: les elemens mesmes tirent-ils pas
leur préeminence de leur subtilité? ainsi
est-il de ces operations misericordieu-
ses, les spirituelles sont plus raisonna-
bles, les corporelles plus sensibles: mais

qui seroit si despourueu de sens & de raison, que de preferer le sens à la raison? Je vous parle neantmoins des spirituelles apres les corporelles; non que celles-cy soyent moindres, mais c'est pour vous conduire par vn progres naturel du moins au plus. Mais voyons les sept lampes de nostre mystiques lam-pier l'une apres l'autre.

I.

La premiere est la correction des pecheurs, & certes comme la chair morte reprend comme vne nouvelle vie par le sel, au moins s'exempte de putrefaction; ainsi les ames mortes par le peché reprennent souuent la vie de la grace; par vne salutaire admonition, *Castigasti me & eruditus sum*, ou au moins, *quiescunt agere peruersa, declinant à malo*, en s'abstenant de se plonger plus auant dans la corruption du vice. Et comme la saleure conserue la mer; le monde de mesme se preserue de retomber en cet estat defastreux qui estoit auant le deluge, lors que *omnis caro corruperat viam suam*, par le sel des continuelles Exhortations de ceux qui ont droict en l'Eglise de distribuer au peuple le sel de la di-

une parole, appelez pour cela le sel de la terre. O le miserable temps lors que *nemo quod bonum est loquitur*, mais quand *loquentes peruersa abdicunt discipulos post se*, ie le diray aussi franchement que veritablemēt, ie croy que le desordre n'est grand dedans le monde qu'à cause du manquement de correction fraternele : Correction si recommandee par le Sauueur, qu'il semble que ce ne soit pas tant vne recommandation qu'vn commandement soubs peine d'estre participant du delict que l'on voit sans le reprendre. Or s'il est aucune action qui requiere de l'industrie & de la prudence, sans doute c'est celle-cy: car elle doit estre meslée de tant de douceur & de fermeté, que tout ainsi que les lames faictes de la trempe du plus fin acier, bien que tres-fortes, sont neantmoins tres-souples & pliables: ainsi lame qui reprend doit auoir du courage pour s'opposer au mal, & neantmoins de la condescendance pour compatir au pecheur: il faut comme le Samaritain employer le vin mordicant, & la suauité de l'huile pour guarir & nettoyer les playes de l'esprit. Il faut

Mat. 18.

comme en la purgatiõ du Lepreux, employer le sang & l'huile, les paroles hardies, & neantmoins amiables ; il faut cacher le stile dans le coton pour percer l'apostume. Les vents doux font auancer sur mer, les turbulens ne font que des tempestes & des orages. *La mansuetude est-elle arrinee*, dict le Psalmiste, *nous voyla corrigez*, *Emitte Agnum dominatorem terræ.* Le Messie, *bien que Lyon de Iuda*, ne domine la terre que comme Agneau, & il enuoye en ceste qualité ses Apostres, *sicut agnos inter lupos*, pour reduire tout le monde sous le ioug suau de sa sainte Loy. Si Dieu constituë Aaron sur son peuple, c'est avec vne verge, non de fer, mais florie, pour luy enseigner avec combien de douceur il le doit regenter. Ce n'est pas que quelque-fois il ne faille employer vn ton plus haut & plus aigre contre ces pecheurs, que l'enuieillissement au mal a rendu sourds aux salutaires admonitions, comme nous lisons de saint Iean, appellant les Iuifs *engeances de viperes*, & reprenant hautement l'incestueux Herode, & le Sauueur appellant les Iuifs d'vn ton poignant & iuste, *gens meschante & adulterine*: si que

les peruers (comme des Abantes qui tirent des traits contre les rays picquans du Soleil) prenoient des pierres pour le lapider, ou minuroient de le precipiter: L'on peut quelque fois imiter ce procedé en reprenant des cœurs endurcis: mais à la charge d'endurer avec patience les contradictions pour l'amour de celuy en la charité duquel l'on entreprend ces reprehensions charitables. O combien cet œuure plaist à nostre Seigneur, puisque nous voyons qu'en toutes ses predications il l'a exercée, & en sa passion mesme, reprenant doucement ce rustre qui luy deslacha cet ignominieux soufflet; ouure par lequel il dict, *Que nous gagnons nos freres, & nous sauons nos ames.*

La seconde est de donner bon conseil à ceux qui en ont besoin. Iob en la pratique de ceste operation, se disoit *l'œil de l'aveugle, & le pied du boiteux.* Daniel l'exerçoit avec vne grande affection, quand il disoit à son Prince, *Domine mi rex consilium meum placeat tibi.* Ruth pour auoir creu le salutaire conseil de sa belle mere Noemi, se voit esleuée en vn haut degré de fortune, & Noemi se voit releuée de misere, pour auoir bien con-

Oculus
fui caeco
& des
claudio.

feillé sa belle fille Esther deuint Royne
 pour auoir fuiuy celuy de Mardochee:
 Iacob eut la benediect ion pour auoir sui-
 uy le prudent conseil de Rebecca. Celuy
 qui acquiesce au bon conseil, ne peut ia-
 mais auoir mauuaise issuë de ses entre-
 prises. Et les Sages disent qu'un estat
 va mieux où le Roy, bien que mauuais,
 a de bons Conseillers, que quand un
 bon Roy le Domine, enuironné de gens
 qui le conseillent mal. Que si c'est vne
 si belle qualité que conseiller du Roy au
 gouuernement de l'Estat: combien est
 plus glorieuse celle qui conseille l'au-
 truy es choses de Dieu & du salut eter-
 nel? Certes le plus grand bien qui puis-
 se arriuer à vne ame desireuse de se fau-
 uer, c'est d'auoir qui bien la conseille,
qui a trouué l'amy fidele à rencontré vn thresor.
 Et quel est cet amy fidele, sinon un bon
 directeur spirituel plein de science, de
 Prudence, de Charité, de douceur: C'est
 le voyant, auquel il faut auoir recours en
 tous nos doutes. Je sçay bien que *l'homme*
est remis en la main de son conseil: mais c'est
 vne mauuaise main que celle de l'amour
 propre, l'œil qui voit tout ne se voit pas
 luy-mesmes. Celuy qui faut par con-

seil ne faut qu'à demy, mais celuy qui le donne mauuais peche doublement : car il peche d'affection , & faiçt pecher vn autre deffect. De-là vient ce mot ancien , *malum consilium consultori possimum*, dont l'exemple en est si beau en Achitofel, lequel ayant conseillé à Absalon de se reuolter contre son pere , se conseilla à soy-mesme de se prendre par desespoir. Il en prit mal à Salomon d'auoir fuiuy le conseil des femmes, qui peruertirent son cœur à Roboam , d'auoir embrasé celuy des ieusnes, & reietté celuy des vieux; à Nabuchodonozor celuy de ses flateurs, qui l'enfloient de l'opinion de ie ne sçay qu'elle imaginaire diuinité ; à Pharao de n'auoir voulu donner congé au peuple de sortir de ses terres. Nostre Seigneur modele de perfection à excellemment pratiqué cet oeuvre de misericorde, conuertissant tant d'ames par ses salutaires conseils, qui est appelée par le Prophete Euangelique , *Admirabilis, consiliarius, Deus, fortis*.

La troiesme est la consolation des affligez ; en quoy Iob s'exerçoit, disant, *Flebam cum eo qui afflictus erat* : Dauid sçachant la mort d'vn Roy de ses voisins,

enuoya aussi tost des Ambassadeurs pour consoler son fils, outré de la mort de son pere, & luy offrir toute sorte d'assistance & d'amitié. Les amis de Iob le vindrent consoler en sa misere: Assuere consola Esther affligée en entherinant sa requeste: Agar fut consolée par l'Ange au desert: le Sauueur au Iardin par vn autre: Rachel par Iacob en sa sterilité: Dina par Sichem qui l'auoit rauie, estant rauy par son amour. Pharaon consola Ioseph affligé de la mort de sō pere, luy renouellant les tesmoignages de son amitié. La desolee Noemi temperoit son infortune par les douces consolations de Ruth, fidele compagne de sa misere. O Dieu qu'elle douceur en la douleur, que de trouuer qui nous soulage de sa compassion, & qui avec les propos de sa langue leiches les playes de nostre cœur. L'eau chaude, dict Pindare, ne reconforte point d'auantage les membres lassez & recreus, que fait vne ame trauersée vne parole suauē, qui charme doucement son ennuy. C'est de quoy se plaint Dauid, de n'auoir en ses detresses trouuē aucun qui le consolast. Le Sauueur a excellé en cecy, disant à la veu-

Qu'isui
conso-
lantem,
& non
inuēni.

fue de Naim, *Mulier noli flere*: voire mesme faisant trouuer vne veine d'eau douce de consolation dans l'amer Ocean de sa Passion à sa chere mere, dont la douleur estoit comme la mer, en la consolant de Padoption de S. Iean. Est-il resuscité, il cōsole la saincte Vierge, l'exploree Madeleine, ses Apostres de sa presence: Monte-il au Ciel, il enuoye bien tost apres l'Esprit paraclét, c'est a dire consolateur, Esprit qui demeure tousiours avec l'Eglise militante, pour la consoler en toutes ses tribulations & persecutions.

Console.
tur nos
in omni
tribula-
tione.

La quatriesme œeuure est la priere pour les viuans & pour les morts. L'ô dira ce que l'on voudra: mais si faut-il aduoüer qu'une bouche d'or vaut bien vne bourse d'or: car si Philippe de Macedoine dict que l'or entre dâs les places impreables, Pyrrhus luy protestera qu'il a plus conquis de victoires par la langue de son Orateur Cyneas, que par la pointe de sa lance. Mais qui a vne bourse d'or pour dōner largemēt aux pauures, & vne bouche d'or pour prier, avec la grace respanuë au cœur & aux leures pour les viuans, & les trespassez: celui-la sans doute a atteint le comble de la

perfection, potens en terra erit semen eius generatio rectorum benedicetur. Le Prophete voulant louer Onias dict, *Hic est qui multum orat pro populo, & pro sancta ciuitate Hierusalem.* Car la priere du iuste vaut beaucoup dit le Sage. Cet oeuvre nous inuite a prepare nos ames pour bien prier, *ante orationem prepara animam tuam, ne fias sicut homo tentans Deum.* Car n'est-ce pas le tenter que de se presenter deuant luy pour receuoir des graces, ayant l'ame coupable & criminelle de leze diuine Maiesté? Or la priere faicte en estat de grace, est vne fleche qui peut porter pour deuise.

Consequitur quocumque petit. —

C'est vn moyen tres assure pour obtenir de dieu misericorde pour soy & pour autruy: *Benedictus Deus qui non amouit orationem meam, & misericordiam suam a me.* Quant à la priere pour nous-mesmes, c'est vne chose que la nature nous recõmande assez, sans que nous employons, la raison pour la persuader. Qui ne voit les nauõnniers agitez de la tempeste reclaimer incontinent le Dieu du Ciel *Veni in altitudinem maris & tempestas demersit me, laboravi clamans rauca facta*

sunt fauces meae Dauid en mil endroicts a recours à Dieu en ses necessitez. *Libera me de inimicis meis, & ab insurgentibus in me libera me, de necessitatibus meis eripe me.* Ezechias, Ionas, Daniel, les trois enfans de Babylone, Susanne, prient aux extremitez de leurs miseres, & sont exaucez: le Sauueur mesme agonizant au iardin, à recours à la priere. L'Oraison Dominicale qu'il nous a apprise est afin que nous eussions vn formulaire pour prier pour nous mesmes: Mais pour autruy, c'est en quoy consiste nostre œuvre de Misericorde. Nous deuous donc soigneusement prier Dieu pour l'estat spirituel de la saincte Eglise, & pour l'estat temporel auquel nous viuons: nous deuous prier pour les bons & fideles, à fin qu'ils perseuerent en leur foy & Iustice: pour les pecheurs & infideles, à fin que les vns se cōuertissent de leur mauuaise vie, & les autres quittent l'erreur: nous deuõs prier Dieu les vns pour les autres selon le conseil de l'Apostre, *Oremus pro inuicem vt saluemur*: nous deuous prier pour nos amis, comme le Sauueur prioit pour ses Apostres, comme l'Eglise prioit pour S. Pierre prisonnier. Car

comme les aspects des Astres renforcent les influéce, ainsi la priere redouble son efficace faicte en communauré. Nous deuons aussi prier pour nos ennemis, comme Dauid qui disoit, *Auerte mala inimicis meis*, cōme le Sauueur en Croix, cōme S. Estienne sous les pierres qui l'accabloient : Oraison si agreable à Dieu, que sainte Elizabeth d Hongrie eut reuelatiō, que nul le estoit si acceptable deuant la diuine Maiesté, & pour estre vn acte de grande Charité, & d'une puissante mortificatiō interieure, Nous deuons aussi prier Dieu pour les morts, puisque l'Escriture nous assure que *c'est vne sainte & salutaire pensee, que de faire Oraison pour eux.* Or que le Sauueur n'aye fort pratiqué cet exercice, c'est chose qui ne se peut reuocquer en doute, puisque nous ne lisons rien si frequēment en l'Escriture, que le Sauueur *passant les nuicts en Oraison.* S. Paul disant qu'ē la Croix il pria hautement & avec larmes, & fut exaucé pour sa reuerence.

II.

La cinquieme ceuvre de misericorde spirituelle est d'enseigner les ignorants, non pas que chacun aye droit d'in-

Cum clamore ualido, & la chrimis exauditus est profua reuerentia.

fruire en l'Eglise, personne ne se devant ar-
roger cet honneur, s'ils n'est appellé comme Aa-
ron, tous ne sont pas Docteurs, tous ne sont pas
Prophetes: mais seulement ceux qui par
l'imposition des mains ont receu le S. Es-
prit, & avec le saint Esprit la science de la
voix. Mais chacun se doit efforcer selon
la parabole des talens de faire profiter
celuy qu'il a. Que les Peres & Meres
ayent donc le soing d'apprendre la do-
ctrine Chrestienne à leurs enfans: Car
si les oyillons ont bien la sollicitude
d'enseigner leur ramage à leurs petits,
comment ce Pere se peut-il dire Chre-
stien, qui n'apas le soing d'enseigner la
science de salut à ses enfans. Mais voy-
la grand cas que l'on cherche plustost
la vanité de la science qui ense en en-
seignant, que non pas le seruice de
Dieu, & la Charité qui edifie, comme si
monstrer le Credo & le Pater aux enfans
n'estoit pas vn seruice rédu a Dieu pre-
ferable a vne Royauté. Ouy, car en cela
nous seruons vn maistre qui ne regarde
la grandeur de nos effects, mais de
nos affections, & qui vn iour dira a ses
fideles, *Serue bone & fidelis, quia super pau-
ca fuisi fidelis, supra multate constituam.* Ce-

Nemo as-
sumat sibi
hono-
rem sed
qui voca-
tus est à
Deo tā-
quam
Aaron.

luy qui est mesnager exact sur peu, de-
 vient riche à la fin par sa patience. Les
 grains de sable chargent en fin vn na-
 uire par la multitude. Les petites actiōs
 faites avec beaucoup d'amour, sont
 meilleures que les grandes faictes avec
 peu de charité. L'Espoux se trouue aussi
 bien vaincu & bledé avec vn cheueu
 qu'avec vn œil, Plusieurs anciens ou-
 riers se sōt plus signalez avec leurs pe-
 tits ouurages, que d'autres avec des
 œuures plus grandes en quantité, mais
 moindres en qualité. Le Sauueur s'est
 rédu remarquable en ces actes d'humili-
 tité releuee, catechisant les petits avec
 vne simplicité toute colombine, & di-
 sant, *Sinite paruulos venire ad me.* La Sapiē-
 ce dict chez le Sage. *Que son entretien est a-
 uec les simples.* S. Paul prechant, prenoit
 plaisir à appeller ses Auditeurs du nom
 de *petits enfans*, *Filioli quos parturio*, donc
formetur in uobis Christus.

La sixiesme operation est la tolerance
 des iniures, action tout à faict heroïque,
 & qui nous rend *vays enfans de Dieu.*
 Car à quoy pensez-vous que le bon lar-
 ron recognust que le Sauueur estoit
 Fils de Dieu, sinon à luy voir supporter

tant d'iniures avec vne prodigieuse patience. O Chrestiens, *recogitate eum qui talem sustinuit pro peccatoribus aduersus semetipsum contradictionem, vt nō fatigeminis vestre deficientes, nondum enim vsque ad sanguinem resististis.* Je te donneray vn frond de diamant. dict Dieu à vn Prophete, à fin que tu puisses resister à ceux qui te contrelutteront. L'homme patient est vn roc emmy les vagues de la mer, vne pierre viue, qui battuë donne des estincelles d'amour, contre laquelle les abeilles cōtrariantes perdent leur esguillō. Et cerres, puisque cette vie est vne milice continue, subiecte à mille heurs & mauuais rencontres, nous ne deuons iamais estre despourueus de cette armure salutaires la patience, puisque c'est avec elle *que nous possedons nos ames en paix.* C'est elle qui nous fait tolerer les imperfections d'autruy, à fin que reciproquement il supporte les nostres, la mauuaise humeur me possedera auourd'huy demain vous, pour Dieu, *Alter alterius onera portemus, & sic adimplebimus legē Christi.* Le Sauueur reprit ses Apostres, qui demandoient que le feu du Ciel descendit sur ceux qui les offensoient. Mais

luy vray miroüer de perfection. *Cum malediceretur non remaledicebat, cum pateretur, non comminabitur, præbuit percutient se maxillam saturatus est opprobriis tradidit persequentibus se iniuste.* En sa vie il à esté appellé Samaritain, Seducteur, Magicien, blasphemateur: en sa Passion quelles moqueries n'a-il souffertes, & cependant c'estoit ce Dieu auquel *seul est deub honneur & gloire.*

La septiesme operatiõ Misericordieuse est de pardonner à ses ennemis. Dauid en cecy s'est rendu admirable: car que n'a-il souffert de Saül, dont il pleura la mort, de Nabal auquel il pardonna à la premiere requeste d'Abigail, de Seimei, d'Absalon, d'Ammon, dont il regretta la perte? Quelle douceur que celle de Ioseph, qui ayant ses freres en son pouuoir ayma mieux attribuer sa vente à la prouidence du Ciel qu'à leur malice. Les grands courages, ont esté frappez à ce coing, & bartus de cette trépe. Cesar pleura la mort de Pompee sõ aduersaire capital, & oublia l'offence de Cinna qui auoit coniuéré contre sa vie. Sainct Cyprian embrassa le boutreau qui luy trancha la teste, & luy dona vne
 somme

somme d'argent. Les cœurs Colombins n'ont ny fiel ny souuenir des offenses non plus que la Colombe qui respond soudain au mesme nid où l'on a pris ses petits. Cette vertu est tout Royale; car les grands cœurs comme le Roy des Auettes n'ont aucun esguillon de vengeance: mais ne voyez vous que comme en vn miroir cassé l'on voit plusieurs fois vn mesme visage; aussi qu'en toutes ces operations Misericordieuses, soit corporelles, soit spirituelles, le Sauueur se presente tousiours en nos yeux, à fin que nous facions selon l'exemplaire qui nous paroist en la montagne de sa perfection. Aussi en cette derniere action de pieté a. il fait esclatter la grandeur de son cœur autant qu'en toute autre: Sainct Pierre le renie; il le regarde en pitié: Malchus le soufflette, il luy respond amiablement: Iudas le trahit, il l'appelle amy: on le pend en vne Croix; il prie pour ceux qui le crucifioient, les excusant au lieu de les accuser: Est-il resuscité & paroissant aux Disciples d'Emmaus qui parlent de ses souffrances, il demande *quæ?* comme s'il en eust perdu la memoire. O mon Sauueur, il n'y a

que trois iours que le malheureux chirographe de nostre peché, qui nous rendoit redevables à l'Enfer, avec lequel nous auions contracté pour mourir eternellement, fut cloué avec vous en la croix, où vous expirastes d'une mort plus amoureuse que l'amour mesme; où vous passastes d'un amour plus douloureux que la mort mesme, en des souffrances également ignominieuses que cruelles; est-il possible que cet amoncelage de peines que les pecheurs auoient entassé sur vostre dos, soit si tost effacé de vostre souuenir, ô bonté incomprehensible?

Voyla donc les œuures de Misericorde corporelles & spirituelles, autour desquelles se doit occuper nostre vie si nous voulons vn iour receuoir la retribution promise aux misericordieux.

Homo natus ad laborā, sicut auis ad volatū.
 C'est pource labeur que l'homme est nay comme l'oyseau pour voler: Et ces œuures me semblent de precepte, puis que c'est de leur execution ou obmission que doit estre l'arrest de nostre salut ou de nostre perte: *Vnicuique mandauit Deus de proximo:* Si donc nous voyons quelqu'un de nos prochains auoir necessité d'assistance en ces quatorze poinets que nous vous a-

urons monstre , & le pouuans secourir, nous ne faisons , nous ne pouuons dire que la charité de Dieu soit en nous ny nous en la charité de Dieu. Or tout ce qui n'est point amour est mort, tout ce qui n'est point dans l'amour eternel est dans la mort eternelle.

A ces Miserericordieuses operatiōs nous sommes inuitez, & par l'exēple du Createur, & celuy de toutes les creatures du Createur : car est-il moment auquel la misericorde de Dieu dont tout l'vniuers en est remply, ne se face ressentir autour de nous, *Pater meus*, dict nostre Seigneur, *vsque modo operatur, & ego operor.*

Que si nous regardons la nature Angelique, de quelle extreme charité venons nous, qu'elle assiste, conduict & dirige l'humaine au port de salut. Quand aux cieus & aux astres, se lassent-ils iamais de produire icy bas mille biens par leurs influences? Les elements cessent-ils vn moment de nous seruir, le feu de nous chauffer, l'air de nous fournir de respiration, l'eau de nous humecter, la terre de nous soustenir, & de nous nourrir? Quels seruices ne nous rendent les animaux, la plus part nous don-

nant la vie par leur mort ? Voyez d'abord le mutuel secours que les membres de nostre corps s'entreprennent; que doiuent donc faire les Chrestiens puis qu'il sont membres d'un mesme corps mystique dont le chef est IESVS CHRIST, animez tous de son mesme esprit ? Heureux ce siecle d'or où les fideles n'auoient qu'un cœur & une ame, où ils apportoient leur facultez aux pieds des Apôtres pour estre distribuez aux indigens. Hé! Seigneur IESVS, renouuellez cet esprit en vos fideles, à fin que vous recognoissant icy bas en la pauureté des necessiteux, ils vous cognoissent là haut dans la felicité des bien-heureux.

Credendum erat
cor vnu,
& anima
vna.

Des effects de l'Aumosne.

HOMELIE XX.

Facite fructus dignos Penitentiae.



Vx arbres on cognoist la bonté du terrain, aux fruiets & la bonté des arbres, & celle de la terre, ainsi Israël recogneut la fertilité

de la terre promise par les figues & les raisins que les espions en apportèrent; par les effects on remonte à la cognoissance de la cause, comme des branches au tronc, des ruisseaux à la source, par l'ongle', dict le proverbe, on iuge du Lyon, de l'oyseau par le chant, de la panthere par son odeur. I'espere vous faire cognoistre aujourdhuy la valeur de l'Ausmone par ses effects, à fin que conceuiez de ce fruit de Penitence, l'estime que vous en deuez faire: il y a des fruits horaires & passagers, il y en a d'autres plus solides qui sont de garde, & qui se conseruent pour l'arriere. Ie ne nie pas que tous les fruits de la Penitence ne soient de ceste derniere sorte, puis que leur salaire est en l'eternité: mais en les comparant l'un à l'autre, il semble que l'on peut comparer l'Oraison & le Ieufne aux premiers, & l'Ausmone aux derniers; puis qu'il est dict d'elle, *Thesaurizate vobis thesauros in caelo qui non veterascunt. Facite vobis amicos de iniquo mammona qui recipiant vos in eterna tabernacula*: Ioinct quel'Oraison ayant quelque rapport avec la foy: le Ieufne qui nous esleue avec l'esperance, comme

l'aumosne avec la charité, il est dict, que la foy & l'esperance se termineront au ciel: mais que la Charité demeurera eternellement. O Vierge sainte, vray arbre de vie où préd le fruit de l'immortalité, faites que nous sauariôs le doux fruit de ce Verbe, duquel il est dit, *quam dulcia faucibus meis eloquia tua super mel ori meo. Ave Maria.*

L'Antiquité a admiré avec raison l'excellence de ce simple, auquel, parce qu'il guarilsoit de plusieurs maux, ils donnerent le nom de Pomacee. Comme aussi celuy que le naturaliste appelle Doderatheos: c'est à dire l'herbe des douze Dieux: Mais il me semble que jamais les effects de ces medicamens ne furent si nombreux pour la santé des corps, que sont ceux de l'Aumosne pour le salut des ames. Ces mesmes Gentils attribuoient au lait de Ieunon les semences de toutes choses: & si nous disons que c'est de la mammelle de l'Aumosne que nous descoulent toutes sortes de biens temporels & eternels, ie croy que nous n'aduancerons rien qui contrarie à la verité. De ceste semence

que vulgairement on appelle sainfoin; les prez se tapissent de mille & mille bigarures; & de celle de l'Aumosne, l'ame se pare d'egrasses d'or, & d'un monde de riches varietez. C'est ce grain de froment Euangelique qui produict au centuple. Somme, la Charité en vn Soleil qui parcourant les signes du zodiaque des vertus donne la vie à tout le bien qui est dans le Microcosme. Neantmoins comme entre les diuers effects du Soleil, l'on en remarque deux principaux, la lumiere & la chaleur, ainsi les effects de l'Aumosne sont de deux sortes, ou corporels, ou spirituels, si qu'elle communique à l'ame qui la pratique les mesmes benedictions que Iacob receut d'Isaac de la graisse de la terre, & de la rousée des cieux: Ce sont là les fleurs & les fruicts dont l'Espouse desire estre appuyée & soustenuë en son amoureuse passion, & dont ie vay vous entretenir, vous parlant premierement des effects corporels, & puis des spirituels.

I.

La multiplicité de ces effects est si grande que l'abondance me pert, & me rend ditteux. De sorte que pour les effleurer

seulement, l'imiteray l'abeille qui n'employe que l'esprit des fleurs pour la composition de son miel. Le premier est que l'Aumosne nous comble de benedictions : Et de fait Dieu ordonnant la decime, qui est vne espece d'Aumosne pour les Leuites; tu la payeras, dict il, à Israël exactement, si tu veux que ie te benisse. Secourez le pauvre, dict-il, par vn Prophete, & vos greniers seront remplis d'abondance, & tous biens arrivent avec l'Aumosne aussi bien qu'avec la Sapience. C'est doner à vsure à Dieu, à dit vn Pere ancien, que de faire l'Aumosne: mais vsure estrange, & qui passe de biē loing le *nauticum foenus* des Iuriconsultes: car Dieu est vn Ocean de si grande bonté, qu'il rend non seulement cent pour cent, mais cent pour vn: mais l'eternité pour la temporalite. Les exemples des prosperitez de ces Aumosniers Abraham, Loth, Thobie, Job, Ioseph, la veufue de Sarepte, les disciples d'Emaus me semblent si signalez, qu'il suffit de les proposer pour recognoistre les benedictions temporelles que l'Aumosne porte avec soy. Ceste femme forte, chez Salomon, pour auoir ouueri la main au pau-

Deut. 27.
vers. 28.

Venerūt
omnia
bona pa-
riter
cum ea.

Manum
suam
aperuit
inopi.

we: veid la maison regorgeante de biés.
Que Dieu benisse, dit saint Paul, la maison
d'Onesiphore qui m'a a asité en mes liens: Que
si l'arche causa beaucoup de benediçtiôs
en la maison d'Obededon, & la presen-
ce de Iacob, en celle de Laban: n'esti-
mez pas que l'Aumosne en opere
moins en vne famille.

Le second effect est de deffendre &
proteger, ce que Tobie experimenta
beaucoup de fois, se trouuant tousiours
à l'abry des recherches que l'on faisoit
contre sa vie, à cause de sa misericorde
euers les pauures, & les trespassez. Le
misericordieux Dauid ne vit-il pas sa
vie à couuert sous la toile d'vne arai-
gnee avec autât de seureté, que si c'eust
esté vne muraille d'airain? Il n'y a point
de semblable bouclier cōtre les traiçts en-
flammez de l'ennemy de nostre salut. Bien-heu-
reux est celuy duquel les pechez sont cachez,
dict le Psalmiste: & de qui plustost sont
ils cachez, que de celuy qui en est la-
ué? & qui en est laué sinon celuy qui,
se nettoye en donnant l'Aumosne. O qu'il
faict bon couvrir la nudité de son ame, dict
vn ancien Pere, en couvrant la nudité du
corps d'autruy. Tout ainsi que la terre est

Tela ig-
nita ini-
mici ex-
tinguere.

Psal. 34

au milieu des trois elemens qui la cō-
battent sans cesse, l'air la minant, l'eau
la sappant, le feu la rongeanr: ainsi som-
mes nous assaillis continuellement par
les trois conuoitises de l'honneur, des
richesses, & des plaisirs. L'Aumosne
est ceste soupe d'Ænée, qui faict creuer
ce Cerbere à trois gosiers, & qui nous
deliure de ses mortelles attaintes. Ba-
laan estoit transpercé du glaiue de l'An-
ge: mais ie pense que la benediction
qu'il auoit donnée à Israël, au lieu de la
malediction le garantit de ce coup.
Nous lisons que l'Empereur Zenon,
ayant desbauché la fille d'vne sage Ma-
trone, ceste bonne Mere ne faisoit que
reclamer la sainte Vierge Marie de la
venger d'vn tel affront, mais la Vierge
luy respondit, que la misericorde dont
vloit ce Prince enuers les pauures, dif-
feroit l'execution de la Iustice de Dieu
pour la punition de ce rapt.

Mais n'est-ce pas en effect signalé que
nous merions pour la troisieme, de dō-
ner la perfection. Or celuy qui est mi-
sericordieux est appellé parfait en l'E-
uangile: Car le Sauueur apres auoir
dict, *Estote perfecti sicut pater uester celestis*

des fruiets de la Penitence. 377

perfectus est, il adiouste, *Estote misericordes sicut pater uester cælestis misericors est, qui solem suum ortri facit super bonos & super malos.* C'est ce Dieu qui desire que nous soyons conformes à l'image de son fils, lequel est appelé *abondant en misericorde & copieux en redemption, & dont le nom est huille respandu.* comme donc l'or sa perfectione au feu; ainsi la Charité en l'operation, *Probatio dilectionis est exhibitio operis.* C'est ce que dict nostre Seigneur au ieune Adolescent, *Si vis perfectus esse, vade, vende omnia que habes, & da pauperibus & sequere me,* il en est du Chrestien comme du serpent, en se despoüillant il se perfectionne: & tout ainsi que celuy qui se veut esleuer sur les autres, met quelque chose sous ses pieds. Celuy est le plus sublime en perfection qui foule aux pieds les biens de la terre, *Eleuabunt nos si fuerint infra nos.*

Rachepter. est le quatriesme effect temporel de l'Aumosne, selon qu'il est dict, *Elemosyna à morte liberat.* Et encores, *Pecata tua elemosynis redime.* Peau pour peau, est-il escrit au liure de Iob, *dent pour dent, l'homme doit donner librement tous ses biens pour sauuer son ame: Que si pour auoir la*

viue sauue l'on paye de grosses rançons, voire mesme pour la vie de la vie qui est la liberté, que ne deutions, nous donner pour retirer nostre ame de la mort eternelle, & de l'infame geolle du peché: nostre Aumosne pour petite qu'elle soit, est de si grand prix, faicte en grace, & teinte dās le sãg de merite infiny de nostre Redẽpteur, qu'il ny a foite de redevance dont on ne se puisse redimer avec ceste monnoye: laquelle. *Redimit de interitu vitam nostram & coronat nos in misericordia & miserationibus.* Le castor pour suiuy des chasseurs se deffait luy mesme de ce qui le faicte suiure à fin de sauuer la vie: les Nochers iettent en mer leur marchandises plus precieuses pour se garantir du naufrage: Ioseph laissa son manteau plustost que de perdre son honneur l'ame soigneuse de son salut, dira librement aux richesses, les versant dans le sein des pauures: comme ce Philo-
 sophe en iettant les siennes dans le seing de la mer, l'ayme mieux vous perdre que d'estre perdu par vous & pour vous.

Le cinquieme effect est de releuer des cheutes tant spirituelles que temporel-

les. Nabuchodonozor menace d'une grande decadence, reçoit ce conseil de Daniel, *Peccata tua eleemosynis redime.* Iob rauale iufques au dernier degré d'infortune se voit à cause de ses misericordieufe operations releué au plus haut periode du bon-heur. Et commét l'Aumosne ne releueroit-elle en ceste vie, puis que fount elle a retiré de la mort, comme les exéples en sō clairs en Thabite, en Drufiane, au Lazare? *Les impies, diét Dauid, c'est à dire les misericordieux, ne refusciteront point au iugement, contraire celuy qui miseretur & commodat difponit sermones suos in iuditio.* Elie & Elifée refusciterét-ils pas les enfans de ces veufues officieufes qui les auoiét receüs & repeüs avec beaucoup de charité: L'aumosne est comme le grain de froment qui tire fa vie de fa mort, & qui fructifie en pourrisât: c'est vne saignée falutaire qui nous redōne la fanté: c'est vne pluye & vne ioufee qui reuigore nostre interieur.

II.

Mais passōs aux effects plus spirituels qui ne fçait que l'Aumosne purifie: *Ecce omnia munda sunt vobis, quand nos pechez se-*

seroient comme l'escarlate, & rouge comme la pourpre, si nous aumosnons, nous voyla blancs comme la neige. C'est là ce Iourdain qui mondifie les lepreux Naamans. C'est là le deluge qui purge le Microcosme c'est vn alun qui leue toutes les taches, vn baume qui nettoye le pus de tous les vlcères. Magdeleine n'a pas plustost respandu ses onguents aux pieds du Sauueur, onguents figure de l'Aumosne, cōme les pieds nous marquent les pauures, que voyla toute la maison du lepreux Simon remplie de bonne odeur, & la puanteur des fautes de cette pecheresse est dissipée. L'Aumosne est semblable à ces moulins où les draps souilleez se changent en papier blanc, à ces fournaies où vne terre noire deuiet vn verre clair & transparent, vne piscine probatique où toutes les infirmités spirituelle trouuent leur guari-
son.

Le second effect de l'Aumosne est de prier, *Effunde elemosynam in finem pauperis, & ipsa orabit Deum pro te.* C'est cette fumee d'encensement qui monte deuant le trosne de Dieu en l'Apocalypse. Elle crie par effect, & demande mi-

mericorde, tout de mesme que le sang du iuste Abel requeroit iustice l'Aumosne est vne vraye Oraison, puis que c'est vne raison d'or qui penetre les cieux.

Le troisieme est en suite du precedent: car cette priere est si penetrante qu'elle impetre en mesme temps qu'elle demande, selon qu'il est dict, *Date, & dabitur vobis mensuram plenam & resectam, & supereffluentem effundent in sinum vestrum*, parce que le Centurion a pitié de son page nostre Seigneur a pitié & de son page & deluy. Le Centenier Corneille par sa misericorde enuers les pauvres obtient misericordieusement la lumiere de la foy sans laquelle il est impossible de plaire à Dieu. Abigail portant des presents à Dauid est soudain exaucee: & Iacob enuoyant des presens à Esau, addoucit le courage selon de ce frere qui ne respireroit que courroux & vengeance.

Munera crede mihi placant hominesque deos. Abraham aumosnier obtient de Dieu tout ce qu'il luy demande, c'est pourquoy vn ancien Pere disoit fort à propos, Si tu demande à Dieu l'Aumosne de sa grace, fay la grace de l'Aumosne au pauvre:

veux-tu qu'il te donne le pain eternel, baille au
 necessiteux le pain temporel.

Le quatriesme effect est le bien-faict
 de la iustification. Dauid le dict expres-
 sément, *Dispersit, dedit pauperibus, iustitia*
eius manet in seculum seculi. Et Isaye, *Frangé*
esurienti panem tuum, & anteibit faciem tuam,
iustitia tua. Et l'Euangile, *Beati misericor-*
des, quoniam ipsi misericordiam consequentur.
 Et quelle misericorde sans iustification?
 Le Publicain donne le quadruple, &
 voylà que *descendit iustificatus in domum*
suam: comme aussi cette bonne venfue
 qui mettoit ses deux pittes dans le Ga-
 zophilace: *Que si Deus iustificat, quis est*
qui condemnabit? Et qui ne voit que nostre
 Seigneur, non seulement iustificera les
 misericordieux au Iugement, mais sera
 leur Aduocat & leur Iuge? car quand ils
 luy diront, *Seigneur quand fut ce que nous*
vous donnaimes à manger & à boire? En veri-
té, en verité, leur respondra il, ce que vous auex
faict au moindre des pauvres a esté faict à moy-
mesme.

Après cette iustification, que reste-il
 selon le cinquiesme effect de la saluatiō,
 puis que, *quos iustificauit, hos & glorificauit?*
 Aussi le dicton de la sentence de salut
 aura

aura pour entree, *Venite benedicti patris mei, percipite regnum, esurivi & dedistis mihi manducare, &c.* O ce sera lors que l'on trouuera dedans le Ciel les thresors que l'on aura en terre caché dans le sein des pauvres: ce sera lors que les liberalitez faictes au mespris de l'inique Mammonne nous feront recevoir la haut avec appareil & magnificence: ce sera lors que les Zachees aumosniers entendront que leur salut leur est faict, parce qu'ils ont esté enfans d'Abrahā, ce misericordieux Patriarche, & qu'ils l'ont imité en ses œuvres: en sommes les fideles, dict Dauid, *se multiplient par le fruiet du froment, du vin, & de l'huylle,* tous symbole de misericorde. Il ne faut point esperer la paix eternelle qu'en Psal. 4. suite de cette vertu: car *Iugement sera faict sans misericorde à cely qui aura esté impitoyable.* L'exemple en est notoire & formidable au riche Gourmand, & effroyable en ce mauuais negociateur cruel & inexorable à ses conseruiteurs, lequel fut enuoyé pieds & poings liez aux tenebres exterieures pour auoir plus mal traitté son debiteur qu'il n'auoit esté de son maistre. Tant il est vray que *cor durum male habebit in nouissimo.*

Ce peu d'effect que temporels que spirituels suffiront pour vous faire reconnoistre l'excellence de l'Aumosne, Dieu vueille que ce soient autant de poinctes & d'esguillons pour presser vos cœurs à courir à la pratique de cette belle lice, au bout de laquelle *percipietis immarcescibilem gloria coronam.*
Amen.

Du Ieufne, & de ses effects.

HOMELIE XXI.

Facite fructus dignos Penitentia.

L'Abstinence est tellement mere de la santé, que les Medecins en font vne partie de leur science, qu'ils appellent dietetique. Que si ceux qui sont occupez autour de la conseruation des corps font si grand estat de la diette, ceux qui ont la cure des ames en recommandation ne font pas moins de conte du Ieufne, vraye diette qui se fait pour l'amour de

Dieu: diette qui en mattant la chair oste les malignes mœurs de l'ame, & les mauvaises humeurs du corps conferant ensemble, & la santé & la saincteté. L'ennemy de nostre salut, comme nous enseigne l'Euangile, *Ambulat per loca arida querens requiem, & non inueniens.* Les corps mortifiez luy sont desagreables, parce qu'il ne peut remplir leurs reins d'illusions: Pour cela les demons sortans des corps qu'ils possedoient, demanderent congé a nostre Seigneur d'entrer en des pourceaux animaux sales & gourmâds, qu'ils firent precipiter en la mer. Le diable est à cette occasion comparé par quelque Pere ancien à ce poisson de Tobie, qui le vouloit engloutir estant dans l'eau: mais qu'il euentra facilement, l'ayât attiré sur le sec du riuage. O Vierge, verge seiche par la virginité, & neantmoins florissâte par la maternité, O verge de fumée, cōposée des poudres seiches du Parfumeur, tirez nous apres vous, & nous couvrës en l'odeur de vos parfums desirables. *Aue Maria.*

Lumbi
impleti
sunt illu-
sionibus.

DAuid refusant les armes de Saül, & vestu à la legere, entra en ce memo-

rable duel contre vne môtagne de chair
 encroustée de fer, & en remporta la vi-
 ctoire au nom de Dieu des armées: puis-
 que nostre milice est contre *les malices*
spirituelles, plus nous serons allegez par
 le Ieufne *de ce poids de peché qui nous environ-*
ne, & plus aurons nous d'aduantage
 sur nos ennemis. Et de faict Gedeon
 pour aller contre Madian, ne choisit pas
 des soldats beuuâs tout leur saoul: mais
 bien ceux qui sans pancher le ventre
 contre terre, prenoient de l'eau dans
 le creux de leurs mains pour rafraischir
 leurs bouches plustost que pour se desfal-
 terer. Nostre chair est nostre ennemie
 domestique, n'est-ce pas trahir l'esprit
 qui doit estre le maistre, que de bien
 traiter cette seruante rebelle, qui deuiét
 superbe & insuportable comme vne A-
 gar contre Sara la raison, quand l'esprit
 qui est son Abraham caresse. Anciennement
 les Athletes auant que d'entrer en
 la luitte se frotoient d'huile: nous qui-
buis est colluctatio aduersus carnem & sangui-
nem, deuons faire grand estat de certe re-
 cepte de Dauid, *Genua mea infirmata sunt à*
ieiunio, & caro mea immutata est propter oleum,
 parce que quand la chair est infirme &

debile, l'ame en est plus vigoureuse & gaillarde, selon ce que dict Sainct Paul, *Tunc cum infirmior fortior sum.* Iacob deuenu boiteux vainquit l'Ange à la luitte, où il acquit le nom d'Israël, que l'on interprete voyant Dieu, ou comme veulent quelques-vns, *Preualant contre Dieu.* Voulez-vous entendre comme le Ieusne preuaut cõtre Dieu, escoutez Dauid, *Humiliabam in ieiunio animam meam, & oratio mea in sinu meo conuertetur.* Que si cet exercice nous rend, s'il faut ainsi dire, vainqueurs du Tout-puissant: combien nous rendra-il terrible aux puissances tenebreuses du siecle? Ce sont les effects que ie vous presenteray en ce discours, si premierement ie vous fay voir la nature & la distinction du Ieusne.

Aduer-
sus pote-
states te-
nebra-
rum ha-
rum,

Si pour estre penables ou penibles, les oeuvres de penitence sont appellées satisfactoirs, certes les deux precedentes ne le seront point tant que celle-cy du Ieusne: car il est bien plus aysé & moins sensible de prier & aumosner que de ieusner. Les autres emondent l'arbre du mal, mais celle-cy met la coignée à la racine: Ouy, car si le peché de gour-

mandise que commis nostre Protoplaste a esté la racine de tous les autres, le Ieufne estant l'antidote de l'intemperance de la bouche n'est-ce pas extirper le mal en sa racine que de le pratiquer? L'Oraison vuide le cœur, *Effundo in conspectu eius orationem meam, hæc locutus sum & effudi in me animam meam.* L'Aumosne vuide la bourse, mais le Ieufne vuide la bouche. Or la vacuité si contraire aux choses corporelles, que pour l'esuiter elles renuersent leur ordre, est fort propre aux spirituelles: car il n'y a que les vases vuides capables de recevoir l'huile miraculeux de la grace celeste. Le vuide tiré en haut les choses pesantes, l'homme de soy-mesme est pesant & terrestre: mais le Ieufne, comme nous ferons voir tantost plus amplement l'esleue à la contemplation des mysteres esleuez. La chair est vne de ces sangsues qui crient sans cesse, dict le Sage, *Affer, Affer.* Et le Ieufne matte cet appetit desordonné & desreiglé, à fin d'empescher qu'il ne se reuolte contre la raison.

Or le Ieufne est communement distingué en deux branches, l'vn spirituel & l'autre corporel, celuy-cy sans l'autre

tre est inutile, celuy-là sans celuy-cy est
encores de quelque prix: mais auoir l'vn
& l'autre c'est ieusner en perfection. Le
spirituel est l'abstinence du vice, *Declina
à malo, quiesce agere peruerse.* Et parce que le
peché est en la volonté propre, c'est
pour cela que Dieu dict à Israël qu'il
mesprise ses Ieufnes, parce que, *dit-il,*
In diebus ieiunii vestri inuenitur voluntas ve- *Isa. 58.*
stra ad lites & contentiones ieiunatis. Hoc est
ieiunium quod elegi, solue colligationes iniquita-
ris & fasciculos deprimentes. La racine du
bien est au cœur, & les fueilles au corps,
Omnis gloria filie regis ab intus, & puis de là
elle passe à l'exterieur, *In fimbriis aureis* *Mar. 5.*
circumdاتا varietate. C'est à faire aux hypo-
crites, dict le texte S. d'auoir les visages abba-
tus, à fin de paroistre ieufneurs: il faut cōmen-
cer par le cœur, & le lauer de toute malice, en
le vuidant de meschanceté. Le Roy des
Niniuites ne commanda le Ieufne ge-
neral en ceste grande Cité, qu'apres s'e-
stre avec tout le peuple conuertiy à Dieu
de tout son cœur, par la Predication de
Jonas. Chrestiens, sçachez que vostre
corps est vne mystique Cité, composée
d'autant de diuers membres & organes,
qu'il y a de differés Officiers en vne ville.

Vostre ame est la Royne de ceste Cité
 c'est à elle l'Empire, le corps luy doit
 toute subiection: si vous voulez mainte-
 nir ceste harmonie, faictes que l'Absti-
 nence batte la mesure, autrement la re-
 volte est à craindre, telle que S. Paul l'a
 descrit, *Caro militat aduersus spiritum.*
 Quand les abeilles sont trop grasses elles
 ne font point de miel: mais elles deuie-
 nent paresseuses guibelleuses, & ne font
 que s'entrebattre: ceux qui les gouver-
 nent les aspersent d'eau d'absynthe, &
 de cendres, pour les amigrir & accoi-
 ser leurs seditions, à fin qu'estant d'ac-
 cord elles se mettent à la mesnagerie de
 leur miel. C'en est pas dans la graisse des
 plaisirs que l'on va recueillant le miel
 de la deuotion: mais dans l'absynthe &
 les cendres de la mortification & absti-
 nence: C'est elle qui nous faict mangevostre
 pain comme la cendre, & aualer vostre boi-
 ve avec nos pleurs.

Quand au Ieu ne corporel, il est aussi
 nouveau comme le mode est nouveau,
 puisque le premier comadement que fit
 Dieu à nos Protoplastes estoit de s'ab-
 stenir du fruit defedu, voila pour son anti-
 quité. Sa commune distincio est en hi-

Ambros.
 de Elia
 & Ieu-
 nio.

main & diuin: celuy-là est ou naturel ou civil, naturel, quād vn homme n'a encor rié mangé, l'on dict qu'il est à ieun, & celuy-là n'a ny mérite ny demerite, car c'est vne action purement indifferente: le civil est celuy que la lumiere naturelle dictoit aux Philosophes au Legislateurs anciens, & à ceux qui sont prizez de la lumiere sur naturelle de la foy; telle estoit l'abstinences des Arabes & Sazazins, qui ne mągoient iamais de chair de pourceau, des Syriens & Egyptiens qui s'abstenoient de chair de bœut, d'autres ne mangeoient point de poisson, d'autres ne mangeoient que du poisson, d'autres s'abstenoient des laitages. De plus Zoroastes aux Perles, Trimegiste aux Egyptiens, Minos aux Cretois, Solon aux Atheniens, Platon aux Siciliens, & Mahomet aux Turcs, ont commandé des Ieufnes en certains temps. Les Vestales chez les Romains, faisoient de grandes abstinences.

Le diuin est celuy que Dieu ordonne par la bouche de son Epouse l'Eglise, laquelle a droit de son Espoux de faire des loix à ses enfans, pour ce regard, loix dont l'infraction oblige à la

peine du peché, demain nous en parlerons particulièrement.

La recômandetion du Ieufne se tire encores de son vniuersalité: car on le voit pratiqué & en tous lieux, & par les personnes plus famuses: parmy les Prophetes vous auéz Moyse, Elie, Daniel, S. Iean Baptiste eminens en cet exercice, entre les Roys Saul, Dauid, Salomô, Achab, Ezechias. Entre les Princes Ioseph, Iosué, Naaman. Entre les Dames illustres, Iudith, Esther, Anne la Prophetesse. Parmy les Hebrieux tout Israël, parmy les Niniuites, emmy les Chrestiens le Sauueur, ses Apostres, & ses Disciples. Qu'elles merueilles d'abstinence plus digne d'admiration que d'imitations, lisons-nous des Anacorettes d'Orient, tesmoing celuy dans les genciues duquel s'engendrerent des vers par la longueur de sô inédie, en nos iours les B.B. Catherines de Genes & de Siéne, la B. Marie d'Ognies, S. Charles Borromée: sont remarquez pour auoir fort pratiqué ceste vertu: & le B. Ignace fôdateur de la Compagnie de Iesus, passoit quelquesfois les sepmaines entieres sans manger: en quoy le voulut

imiter ce grand & douot personnage
Pierre Faber son premier compagnon,
mais il desista par obedience. *lus 4. 2. 3*

II. Mais descendons vn peu aux effect du
Ieusne, certes ils sont en grand nombre:
car on le peut appeller vn seminaire, vne
pepiniere de vertus : mais ie ne m'arre-
steray qu'a ces trois principaux que
nous enseigne l'Eglise ; *Ieiunium vitia*
comprimit, mentem eleuat, virtutem largitur
& premia.

Il terrasse les vices, parce qu'il les sap-
pe en leur fondement, qui est la chair,
c'est le frain qui range à son deuoir ce
cheual farouche nostre corps, que dis-
ie, le frein, mais c'est le Ieusne qui luy
soustraiet ceste graisse qui luy prouient
de l'abondance, graisse qui le rend in-
solent & rebours, selon qu'il est dict, *im-*
pinguatus est dilectus, & recalcitranit : La
mere d'Absalon trop bien nourrie se
rendit indomptable, & fut cause de sa
mort. Si vous ostez le bois au feu il s'a-
mortira, si les alimens superflus au
corps vous sentirez, s'esteindre la con-
cupiscence desreglée : c'est reduire
cette Bethulie a l'extremité que

de luy retrancher les viures, & les sources de la nourriture. Dauid en l'ancien & S. Paul au nouueau Testament nous font pitié quand ils declarent la vehemence de leurs tentations sensuelles, l'un diét que ses reins sont remplis d'illusions, l'autre que le stimule l'importun. aussi et courez celuy là, *humiliaui in ieiunio animam meam ecce in flagella paratus sum*: & celuy cy, *castigo corpus meum atque in seruitorem redigo*. Sainct Hierosme dans son desert n'auoit recours qu'à l'abstinence pour se deliurer de tant de mouuemens de sensualité qui luy liuroient de si furieuses batailles, disant ordinairement ce mot d'un Ancien, *Que sans Ceres & Bacchus Venus estoit assee à vaincre*. C'est le sentiment du grand Apostre disant: *Non in comessationibus, & ebrietatibus, non in cubilibus & impudiciis, sed in ieiunio & castitate*. Les Ninuites n'eurent pas plustost faict ce leusne solennel, *ab homine vsque ad pecus*, qu'ils se voyent libres de beaucoup de perueuses inclinations qui les tyrannisoient. C'est le fer & le feu qui extermine ceeste Hydre renaissante de nostre sensualité: car comme Pon diét que les

rats quittent vne maison qui est proche de sa ruine; ainsi ceste vermine de titillations abandonne les corps bien mortifiez. Ce fut le Ieufne & la faim qui fit reuenir le Prodigue vers son Pere, Agar en la maison d'Abraham, & qui fit aller les enfans de Iacob vers leur frere Ioseph. C'est la faim qui faict retourner l'oyseau sur le poing du Fauconnier; & c'est le Ieufne qui faict reuenir les preuaricateurs à leur cœur, & les Sunamites esgarees à leur espoux. La Colombe affamée reuint à l'Arche, ce que ne fit pas le Corbeau qui se gorgeoit des charoignes qui flottoient sur les eaux du deluge.

Quant au second effect qui est d'estreuer l'esprit, on le peu aussi bien apprendre de l'esperience que de la science: car ie vous prie, quel esprit n'est plus alaire vigoureux estant à ieun qu'accablé de viande, c'est pourquoy l'Apostre aduise prudemment, *Ne garuentur corda nostra trapula*, parce que *corpus quod corrumpitur aggrauat animam*, & *deprimit sensum multa cogitantem*. C'est l'aisle de l'enfant de l'emblème qui le soufleueroit bien haut, si elle n'estoit affaïcée par la lourde pierre de la sensualité. L'Eglise pre-

Redité
Prauari-
catores
ad cor.
Reuerte-
re Suua-
mitis re-
uertere.

suppose que l'on apporte de la sobriété
 aux sacrez mysteres qui s'extendent à
 ieun, quand elle dict aux assistans, *Sursum*
corda, & qu'ils respondent, *Habamus ad*
Dominum: Disposition requise & exqui-
 se pour tirer du profit de cet adorable
 sacrifice à le contempler clairemēt avec
 les yeux de la foy. Autrement il est à
 craindre que le corps chargé de nourri-
 ture n'empesche les libres speculations
 de l'esprit, si que l'on puisse dire, *anima sa-*
turata calcabit faenum. Et certes tout ainsi
 que vne villageoise mariée à quelque
 grād Seigneur s'amusoit encor aux me-
 nus exercices des païsans elle seroit des
 choses indignes de la qualité ou elle est
 esleuee. Ainsi l'ame Chrestienne de-
 uenuē par le Batefme, de roturiere &
 fille d'ire, espouse de Iesus Christ, en
 s'arrestant aux choses de la terre derog-
 ge à la dignité de son celeste Espoux;
 au lieu qu'elle deuroit auoir *vne conuer-*
sation toute celeste, & ne goustier que les choses
 d'enhaut, non celles de la terre. Que si vn
 Democrite pour seculer avec vne
 plus forte & tendue attention les scien-
 ces mondaines perdit volontairement
 les yeux, si les scauans entre les Eleu-

ainsi les Mages entre les Perles, les Prestres parmy les Egyptiens s'abstenoient non seulement de chair, mais faisoient des Ieufnes extremes pour auoir l'esprit plus subtil; que ne deuront faire ceux qui ourent l'amour de Dieu ont en leurs Ieufnes l'eternité pour vifée? Qui rendit à vostre aduis Daniel si grand Prophete, sinon sa grande abstinence? S. Iean le Prophete de la nouvelle Loy, ne viuant que de racine en Patmos, eut ces admirables reuelations de son Apocalypse. Les Apostres assemblez apres beaucoup de Ieufnes & de prieres receurent le Saint Esprit: car comme le feu se prend aysement aux matieres seiches: ainsi le diuin Amour ayme les cœurs & les corps mortifiez par l'abstinence. Voyez-vous ce ieufneur Elie entêté sur vn char tout flamboyant, & l'abstinant Abacuc souleué par vn cheueu, car Adam qui en l'estat de son innocence n'ayant encóres rompu par sa transgression le ieune du fruit de defendu; cet heureux homme, confort des Anges en ses speculations, est rendu compaignon des animaux, & chassé du Paradis terrestre par sa gourmandise,

apparaissant attentif aux choses diuines,
par apres tout engouffré en des pensees
terrestres. Que si nous desirons nous re-
leuer de cette cheute, & retourner d'où
il nous a faiet deschoir, qui ne voit que
c'est par l'abstinence qu'il nous faut re-
monter à cet estat d'honneur & de gra-
ce? Ceux, diét l'Apôstre, qui combattent avec
ieus publics s'abstiennent de tout, seulement pour
emporter le prix d'une couronne perissable, que
deuons nous donc faire pour une récompense qui
ne peut defaillir.

Ce traict de S. Paul nous vorte dans
le troisieme effect du Ie. Ie. qui est;
Virtutē largiri, & premia. Effect iumicau
& inseparable, car le loyer suit la vertu
comme l'ombre son corps. Il donne la
vertu, puisque, *Virtus est vitium fugere.*
C'est estre desia bié auant dans le terri-
toire de la vertu, que d'estre sorty des
confins du vice, par exemple, si le leuf-
ne abbat & oste les titillations sensuel-
les, qui ne voit qu'il donne la vertu de
chasteté? aussi S. Paul met-il cet exerci-
ce comme auant courrier de cette ver-
tu, quand il diét, *In ieiunio & castitate.* Les
Spartains dont la sobriété, voire auste-
rité nous estonne en l'histoire, faisoient
de l'ab-

de l'abstinence le seminaire de tant de vertus qui les rendoient recommandables. Et semble que l'Apostre aye ce sentiment quand il diçt, *Sobrii estote & vigilate*: & encores escriuant à Timothée, *Iuvenes admone vt sobrii sint*: & parlât des femmes, il les desire *sobrias & castas*, attachant ces deux vertus par vne cõnexion cõme necessaire, Certes cõme les terres les plus seiches sont celle qui produisent plus de parfums: ainsi l'abstinence qui est espece d'ariditè corporelle porte en soy l'odeur de plusieurs perfections. La terre de promesse estoit seiche de sa nature, & *de caelo expectās pluuias*: la terre neantmoins qui vouloit le lait & le miel: elle est l'abstinence abondante en biens spirituels, & mere des corporels compris sous le mot de santé. Et n'est-ce pas des-ia vne fort sensible recompense du Ieufne que le bien de la santé, bien sans lequel il n'est point de bien icy bas, les richesses, les honneurs, & les plaisirs estans à contre-cœur sans elle. O quel aduantage c'est d'auoir l'esprit & le corps sainçt & sain, *Mentem sanam in corpore sano*. Quelle gloire que de vaincre avec cette armure spirituelle de

l'abstinence ces puissances ennemies de nostre salut, qui nous veulent empêcher le passage en la terre promise de la bien-heureuse eternité. Car tout ainsi que les enfans d'Israël furent vaincus plusieurs fois par ceux de la Tribu de Benjamin, iusques à ce qu'ils eussent humilié leurs ames par le Ieufne, apres quoy ils deuindrent victorieux, & comme ils perdirent l'Arche contre les Philistins par leurs dissolutions, & la recourerent avec leurs armes accōpagnées d'abstinence; ainsi ceux qui se domptēt eux-mesmes par la mortification viennent aysēmēt à bout de leurs ennemis. Et en fin comme apres le Ieufne du desert, le Ciel communiqua la manne à Israël, & le Sauueur fit ce grand miracle de la multiplication des pains, apres que la multitude qui le suiuoit eut enduré la faim trois iours; ainsi apres l'abstinence des viandes terrestres l'ame est-elle repeuë des delices spirituelles, *Esuuientes replentur bonis*: mais de biens si solides & suauës, que l'on reconnoist à ce change la verité de ce mot de Sainct Gregoire, *Gustato spiritu despir omnis caro.*

Ce discours vous a fait voir l'excellence & quelques effects du Ieufne, mais si vous pratiquez ce saint exercice, vous y en trouuerez beaucoup d'autres que l'onction vous enseignera. Soyez benis au nom du Pere, du Fils, & du Saint Esprit. Ainsi soit-il.

*Du temps, & des conditions
du Ieufne.*

HOMELIE XXII.

Facite fructus dignos Penitentia.



Ovs voicy à la veille de ce beau iour natal du grand Sauueur, l'arriuée duquel comblera les hommes de consolation, côme les Anges de ioye. Nous l'entendrons publier par ce Câtique celeste, *La gloire soit à Dieu aux lieux tres-hauts, & la paix en terre aux hommes de bonne volonté.* Que ferons-nous d'oc, mais que ne ferons-nous pas, pour no^s preparer à la receptiô d'vn tel hoste,

qui ne daignera point de prendre logis dans nostre interieur, puisque pour nostre amour il ne mesprisa pas le vil lejour d'une estable. O mes freres, la digne preparation que l'Oraison, puisque c'est luy qui *entend la preparation des cœurs*, l'excellente avant-courriere que l'Aumosne, puisque par elle les Mages eurent vn tel accez à ce Roy nouveau nay: mais l'admirable fourrier que le Ieusne, puisque par son moyen *nos cœurs & nos corps se resioysset en Dieu leur salutaire*. Aussi aduisez comme il voulut naistre dans vne estable abandonnee, vuide de fourrage, & au milieu de deux animaux, qui font le hierogliphe de la mesme abstinence. Si les filles que l'on deuoit preparer à Assuere, deuoient vn an deuant estre preparées par la nourriture des viandes Royales, & les Onctions des huilles parfumées: le Ieusne pasture des Anges, & l'huile son symbole, viendront bien à propos pour nous seruir de preparation auant que de paroistre deuant le Roy des cœurs. Ce fut par le Ieusne qu'Esther, Daniel, Judith, Jacob, se preparerent auant que se monstrent en la presence, celle-la du Prince d'Assyrie, cet

des fruicts de la Penitence. 403

autre du Roy des Babylonniens, celle-cy d'Holopherne, cettuy-cy d'Esau, & tous trouuerent grace. O Esprit Saint, mon ame sans nous est comme une terre sans eau, faites que le fleuve impetueux qui resiouyt la Cité de Dieu, découle en moy par le canal de la grace empourprée de la pourpre gracieuse du Roy de gloire, qui n'est autre que Marie, que nous verrons demain & Mere & Vierge tout ensemble, *Aue Maria.* *Psal. 58.*

OVy, mes tres-chers freres, la meilleure preparation que nous puissions apporter à la receptiō de l'enfant Ies vs, c'est le Ieufne; Car comme l'huile du Prophete ne se multiplia que dans les vases voides; ainsi celle de la grace que le Sauueur fera couler de la pierre de son humanité, ne se multipliera que dans ceux qui seront disposez à recevoir le fruict du froment du vin & des oluiers. L'Euangile qui court maintenant par l'ordonnance de l'Eglise, ne trompette autre chose que certe preparation, *Parate uias Domini, rectas facite seruitas eius.* Et par qui est-ce qu'elle nous donne cet aduertissement, si auon par vn des plus grands *Psal. 4.*

Ieusneurs qui fut iamais , le Precurſeur
 du Meſſie. Et tout ainſi que le Sauueur
 vint à ſainct Iean Baptiſte , & auant ſa
 naiſſance & depuis dans le deſert ; ne
 plus ne moins que le feu accourt à vne
 matiere ſeiche: Ainſi les corps qui ſont
 deüement préparez par la mortification
 du ieufne ſont tres-propres à eſtre viſi-
 fitez de Dieu. Qui remplit à voſtre ad-
 uis la bonne ame qui accourut avec Si-
 meon à la preſentation du Sauueur , de
 l'eſprit de Prophetie, ſinon la diſpoſition
 qu'elle auoit de longue main cōtractee
 par ſes Ieuſnes continuels? Certes com-
 me pour la reception d'une perſonne de
 marque, on a de couſtume de nettoyer,
 parer, tapiffer , & remplir de fleurs & de
 parfums vne maiſon , & de rincer bien
 exactement vn vaſe où l'on veut ferrer
 quelque precieufe liqueur: ainſi deuons
 nous eſtre fort ſoigneux de preparer nos
 cœurs à Dieu ; puis, que demain cet Orient
 d'en haut nous vient viſiter pour illuminer nos
 tenebres , & dresser nos pas aux ſentiers de la
 paix. Dieu vueille que nous ſoyons com-
 me des toiſons ſeiches, à fin que la roſee
 celeſte y tombe comme en celle de Ge-
 dedon : ne nous y trompons pas , & ne

Luc. 1.

cherchons pas nostre bien-aymé avec l'Espouse, où il prend son repos, & somme-
pos au midy de la gloire : car il n'est pas encores temps de se planter sur ce Thabor, Dieu ne se trouue pas en la terre de ceux qui viuent delicieusement : mais parmy ceux qui ont faim & soif de Iustice. Mais pour donner quelque entresuite à ce discours qui doit terminer nostre Metaneacarpie, & clorre les fruiets de nostre Penitence : Permettez qu'en la premiere poincte ie vous enseigne le temps ou destiné ou propre à ce saint Exercice du Ieufne: & en la seconde que ie vous marque les conditions qui le rendent valide.

Non in-
nenitur
in terra
suauiter
viuentiū.

I.

Le temps est de deux sortes, ou commandé ou recommandé, necessaire ou volontaire, obligatoire ou libre, c'est à dire de commandement ou de conseil, celuy qui est de precepte condamne de peché celuy qui le transgresse sans necessité, celuy qui est conseillé ne faict que priuer de merite celuy qui ne l'execute pas. Du precepte il est escrit, *Tu mandasti mandata tua custodiri nimis,*

si vis ad vitam ingredi serua mandata, nisi poenitentiam egeritis omnes simul peribitis. Du conseil, Præceptum non habeo, consilium autem do, qui vult venire post me abneget semetipsum, tollat crucem suam, & sequatur me.

L'Eglise dont les commandemens passent pour les enfans en titre de Loy, ratifiez pour son Espoux qui est Dieu, ordonne à ceux qui ont atteint l'aage de vingt-deux ans, & qui d'ailleurs ne sont empeschez d'aucun obstacle legitime de ie usner le Carefme, les Quatre temps, & les veilles des festes solemnelles. Quant aux veilles elles retiennent encores le nom d'vn vsage de long tēps aboly: car c'estoit vne ancienne coustume des Chrestiens de passer les nuicts qui procedoient les festes notables dans les Eglises en prieres continuëles, outre l'abstinence & le Ieufne: mais à cau se des œutres de tenebres qui se pratiquoient par quelques insolens à la faueur de l'ombre de la nuict, ces assemblees ont cessé, en memoire desquelles est restée la seule veille de Noel que nous deuons celebrer ceste nuict, & Dieu vueille encor que les delicats s'euertuent de l'honorer en se releuant, &

rougissant de honte de croupir dans la plume à l'heure mesme que le Sauueur est venu pour leur salut trébler de froid dans vne estable percée de toutes parts. Le Ieufne aydera fort à la veille ; c'est pourquoy l'Apostre met la sobriete deuant la vigilance, *Sobrii estote & vigilate* : car comme la lampe s'esteint par l'abondance de l'huile ; ainsi le corps aggraué de viande abbaisse volontiers les paupieres des yeux, le vin & le sommeil enseuelissent les sens, dict vn Poëte, *Fratres, dict Sainct Paul, caute ne grauentur corda vestra crapula & ebrietate*, parce que *corpus quod corrumpitur aggrauat animam, beati serui illi quos cum venerit Dominus inuenerit vigilantes*. Pour vne marque de ces anciennes veilles des Chrestiens, nous voyons que l'office Ecclesiastique est encores diuisé, en diurne & nocturne, & ceste piece qui a le nom de Matines, parce que maintenant elle se recite le matin est encores partagée en diuerses pauses que l'on nôme Nocturnes, comme qui diroit la premiere, seconde & troisiésme veille, selon qu'il est escrit en la Parabole, *Si in prima secūda, aut tertia vigilia venerit Dominus*. Heureux les

Religieux dont la vie toute consacrée au seruice de Dieu, ne cesse la nuit aussi bien que le iour d'entonner les diuines louanges : sacrées Philomeles, qui perchées sur les epines des austeritez, chantent toutes les nuits tandis que les Seculiers enseuelis dans la plume, oublient & noyent dans vn profond sommeil tant de soucis cuifans, dont il font trauersez dans le siecle. Vuez heuruses ames contentes, compagnes des Anges des, ceste vie, *que vos nuits soient claires comme les iours, & que vos tenebres soient pleines de lumiere* : Vous meritez iustement d'estre fauorisées, comme ces Pasteurs d'autour de Betheleem, qui eurent les premieres nouvelles de la naissance du Sauueur, parce qu'ils furent trouuez veillans : Au moins, mes freres, si de tant de veilles que nos deuanciers obseruoient si religieusement, celle de ce iour nous reste toutes seule, tafchons de la garder auect toute sorte de deuotion : & quant aux autres pratiquons-y le Ieufne commandé, si quelque excuse legitime ne nous en dispense. Voyla pour les veilles.

Psal. 26.

Quant au Ieufne, que l'on appelle des

quatre temps, outre l'âtiqité de sa tradition qui l'a tousiours rendu recommandable parmy les Chrestiens : Il semble aucunement auoir succedé à celuy de l'ancienne Loy, dont faiët mention Zacarie quand il dit, *Ieiunium quarty, ieiunium quinti, ieiunium septimi, & ieiunium decimi erit domui Iuda in gaudium & lætitiã, & in solemnitates præclaras.* Et la caule pourquoy, diët S. Hierosme, l'on ne pratique pas le Ieufne ces melmes moys, est parce que ceste abstinence Mosaique, n'estant que ceremonieuse, & les ceremonies de l'ancienne Loy ayant cessé, l'Eglise Chrestienne retenant ce qu'il y auoit de bon en ceste coustume, l'a transferée en d'autres moys par vne variété extremement agreable : car ce Ieufne est appellé des quatre temps, parce qu'il se pratique en quatre ternaires aux quatre saisons de l'année, trois iours en May, autant en Iuin autant en Septembre, & autant en Decembre, qui fut le Ieufne de la sepmaine prochainement escoulée. Ceste coustume est si belle, si saincte, si douce, passée depuis en force de Loy par le precepte Ecclesiastique, qu'il n'y a que les ames

submergées dans la chair & le sang qui la puissent improuuer : & que ceux qui aualent l'iniquité, comme l'eau qui ne la veulent pratiquer.

Quant au Carefme, nous ne sommes pas icy pour disputer de la validité de son Institution, cõtre les Nouateurs de nostre aage, *Qui ex voluntate carnis & ex voluntate viri, non ex Deo nati sunt.* Je me contenteray parlant en vn Auditoire tout Catholique, de vous représenter trois causes qui le rendent recommandable. La premiere est l'imitation du Sauueur, qui pour nous a bien voulu ieufner au desert par l'espace de quarante iours & autant de nuits, sans prendre aucune nourriture. O que ceux là sont heureux qui à son exemple, *Carnam suam crucifigunt cum concupiscentiis suis.* Le ieune de pareil temps auoit precedé, & cõme figure celuy du Sauueur en Moyse & Elie. Comme donc ils ont fait ce que le Messie deuoit faire, pourquoy en suyuant ses traces ne falscherons-nous pas de faire ce qu'il a fait, au moins selon nostre portee ? car ie sçay bien que le petit Iulus ne suit son pere *Enée* qu'à pas inefgaux, ou pour parler plus

sainctement que le petit Isaac, allant avec Abraham sur la montagne, ne faict que trotiner quand l'autre marche. Car ie vous prie qu'elle copie pourroit arriuer à la perfection de ce diuin exemplaire? Et quelle iniustice est-ce à ceux qui nous disent, que ne le pouuans imiter en tout, nous ne le deuons imiter en rien? Qu'ils biffent donc ces passages: *Estote perfecti sicut Pater uester celestis perfectus est. Imitatores mei estote sicut & ego Christi. Exemplum dedit nobis ut sicut fecit ita & nos faciamus. Qui Christi est debet sicut ille ambulauit & ipse ambulare.* He! cheres ames, quoy qu'esgarées, iusques à quand pesantes de cœur aymerex vous la vanité cherirez vous le mensonge iusques à quand serez vous de la bande de ceux que Sainct Paul appelle en pleurant *ennemis de la Croix, idolatres de leur ventre?* Quittez, quittez le train malencontreux de ces miserables, qui gémissent avec angoisse dans les cachots eternels, apres auoir dict en la terre, *Venite coronemus nos rosas, nullum sit pratum: quod pertranseat luxurea nostra, fruamur bonis que sunt.* Ouy, mais tout ce que Dieu a créé est-il pas bon pour quoy la distinction des viandes que le

Ieufne soit au temps de l'abstinence, ou en la quantité, non en la qualité. Hé! pour quoy par vos raisons particulieres & fantastiques, controllez vous la disposition de l'Eglise, laquelle est depositrice de l'Esprit de Dieu, qui est vn Esprit vniuersel? Dieu est-il pas assez sage pour inspirer la forme du Ieufne, & les circonstances du temps, de la quantité, & de la qualité des viandes. Certes vous ne blasmez pas tout à fait le Ieufne, car vous auriez l'Escriture, & la raison pour parties; mais vous le desfigurez en sorte qu'il est mesconnoissable: pareils à ces assassins, qui ne tuent pas, mais estropient tellement qu'ils font trainer vn reste de vie pire qu'vne prompte mort. C'est en cela que consiste l'astuce du mauuais esprit, pour donner le change. Vous ieufnez quand il vous plaist, iustemét pour faire reprocher vostre Ieufne, selon qu'il est dict, *An est hoc ieiunium quod elegi, in diebus ieiunii vestri inuenitur voluntas vestra.* Vous ieufnez cōme il vous plaist: & parce que vous retardez vostre disner de deux ou trois heures, vous pensez que le Ciel vous en doit de reste, vo^{us} ruās par apres

sur la chair à corps perdu, auant d'vne
faim canine & desesperée tout ce que
vous rencontrez, sans distinctiō: pareils
en cela aux Sâgliers, qui esguisent leurs
defences pour mieux brouter.

— Inde lupi cen

*Raptores atra in nebula, quos improba ventris,
Exegit cecos rabies.* —

Rachael's friandes, vous quittez Jacob
pour des Mandragores, Esaus affamez
vous vendez vostre primogeniture,
pour vne soupe auidement prise: pareils
à ces Israélites murmurateurs, sur les-
quels Dieu fit pleuvoir la chair: mais, *Adhuc
escæ eorum erant in ore ipsorum & ira, Dei
ascendit super eos.* Nos Reformateurs sôt-
ils excellens & vrais Disciples de celuy
qui vouloit que le Sauueur changeast
les pierres en pain, puis qu'ils deman-
dent qu'en Careme les poissons deuiē-
nent chair, ou pour les moins qu'on les
change à de la chair: Ils nous veulēt fai-
re retrograder d'un bout du Zodiacque
à l'autre, & des maisons d'*Aquarius &
Pisces*, nous faire rebrousser en celles
d'*Aries & Taurus*. Bien esloignez de la
Penitence de cet ancien Ieuineur, qui
mangēoit son pain comme de la cendre, & qui

Caro
mea immu-
tata
est pro-
pter
oleum.

disoit que *sa chair estoit deuenüe mattée par l'usage de l'huile.*

Venons à la seconde raison de l'institution du Carefme, en la saison du printemps : mais qui ne voit que c'est pour appliquer le remede au temps, qui semble par son temperament disposer d'auantage les corps aux sensualitez? Que si les Medecins corporels conseillent lors les saignées, pour preuenir les maux que l'abondâce du sang pourroit causer, pourquoy les Spirituels ne conseilleront-ils d'anticiper par l'euacuation du Ieusne, les titillations importunes de la chair & du sang.

Mais la troisieme raison qui regarde l'institution du Carefme auant Pasques, tesmoigne assez clairement que l'Eglise a desiré nous preparer par ceste voye à vne deuë purgation de l'ame: preparation necessaire pour la reception du Corps du Seigneur, que tout Chrestié est obligé de receuoir, au moins en ceste solemnité. C'est ce qui faisoit dire à sainct Hierosme, que *le Ieusne estoit vne sanctification de l'ame.* Et le Sage, *Ceux qui craignent Dieu sanctifieront leurs ames, & prepareront leurs coeurs deuant la face de Dieu.*

Quand

Quant au temps volontaire pour ieulner, il est indeterminé, chacun se peut adonner à cet exercice selon ses necessitez particulieres, ou suiuant la commune prudence, ou selon l'aduis de son Directeur: mais tousiours avec la reigle de discretiõ, qui doit estre par tout la belle estoille qui nous esclaire, nous souuenãs en ce suiet de ce beau mot de Sainct Hierosme, *Les Ieufnes indiscrets & immoderẽz me desplaisent*, sur tout en ceux qui sont en vn aage encores tendre: adioustez & en vn aage trop aduancé. Les Mercredy, Vendredy & Samedy ont tousiours esté en quelque recommandation parmy les Chrestieãs, pour le regard du Ieufne. Et l'Eglise mesme a retenu les deux derniers iours, pour l'vsage de l'abstinẽce qu'elle ordonne à tous ses enfans. Les Ieufnes Volontaires ont leur grace particuliere enuers Dieu, qui ayme les frãcs courages de ceux qui donnent ioyeusement, & des sacrifices volontaire. Bien que la Loy n'appellast en Hierusalem aux principales festes que les Peres de famille, le Sauueur neantmoins & sainte Mere ne laissoient pas d'y accompagner Sainct Ioseph, encor que l'o-

bligation ne les touchast aucunement.

La grande ieunesse n'est pas certes obligee aux Ieusnes : si est-ce que ceux qui le peuuent porter feront bien de s'y exercer quelque-fois, à fin de n'estre pas surpris tout à coup, quand l'aage qui y oblige sera venu. Et comme au printemps l'on retranche la vigne, selon que dit l'Espouse, *Flores apparuerunt in terra nostra, tempus putationis aduenit* : aussi est-il à propos de retrancher de bonne heure les superfluitez des viandes, de peur, comme parle vn Ancien, *Que la ieunesse intemperee ne laisse vn corps douloureux à vne vieillesse miserable*. O que celuy est heureux, qui peut dire avec Dauid en vn aage aduancé, *Deus docuisti me à inuentute mea, & usque nunc pronuntiabo mirabilia tua*. Et de vray, qu'elle iustice y a-il de donner le bon vin de la ieunesse au monde, & la lie de la vieillesse à Dieu? est-il temps d'estre bon, lors qu'on ne peut plus estre mauuais? Les remedes sont comme les fruiets, qui ne sont bons qu'en leur saison. Il n'est plus temps de mattrer par le Ieusne vn corps à qui les ans font tous les iours leçon de froideur

Intemperans
iuuentus
efficitum
corpus
tradit se-
nectuti.
Cic.

& de temperance. Il faut ieufner.

*Dum melior vires sanguis dat, lucida necdum
Temporibus geminis canescit tarda senectus.*

Il faut ietter de l'eau sur le feu quand il est trop ardent ; & battre le fer tandis qu'il est chaud, de peur que preoccupez de la mort, nous ne cherchions le temps de faire penitence, & ne le trouuions pas. Quand le printemps est trop pluuieux, il s'engendre vne grande quantité de chenilles, qui perdent tous les fruicts en brouttant les fleurs : si que l'Esté est sterile, l'Automne infructueux, & l'Hyuer miserable : Quand la ieunesse est dissoluë, l'adolescence, la virilité, & la vieillesse, se coulent avec douleur & anxieté.

II.

Voyons maintenât quelques vnes des qualitez, qui rendent le Ieufne aduantageux & profitable pour la vie eternelle. La premiere est la bõne & droicte intention : car c'est elle qui donne l'ame & l'estre à nos actiõs ; & comme la mer varie ses couleurs selon les vents qui l'agirent, & la Colombe celles de son col selon les rays du Soleil, & les Astres leurs influences, selon leurs aspects :

ainsi les respects diuins ou humains varient & changent nos actions en sorte, que selon leur obiet, elles deuiennent ou celestes ou terrestres Ieufner pour auoir trop mäger le iour precedent, qui ne voit que c'est plustost vne diette medicinale, qu'une satisfaction spirituelle? Ieufner parce que l'on n'a pas dequoy manger en ayant d'ailleurs la volonte, qui ne voit que c'est vne misere exprese, fort esloignee de tout merite. Ieufner pour espargner, est-ce pas tomber dans l'auarice en euitant la gourmandise? Ieufner pour auoir plus d'appetit le iour suuant, est-ce pas vne gourmandise anticipée? tout cela ne vaut rien. Quelques mauuais Ieufneurs disent à Dieu chez Isaye, *Seigneur nous auons ieufné, & pourquoy ne l'auex vous pas veu, mais auons humilié nos ames & vo^s n'y auex pas regardé.* Aufquels il respond par le mesme Prophete, *C'est parce que dans vostre Ieufne ie trouue vostre volonte propre, qui n'est iamais sans quelque respect humain ou interest particulier: comme quand il adiouste, Vous ieufnez & plaidez en mesmes: comme s'il disoit, Vous vous abstenez, à fin d'espargner dequoy vexer vos prochains*

Ad lites
& contē-
tionē sic-
iunatis.

par chicquaneries. En nos œuures Dieu veut voir sa volonté & non la nostre, *Vocaberis voluntas mea in ea.* La volôté propre est comme l'araigne qui chäge tout en poison, l'abnegatiõ interieure est cõme, l'abeille qui tourne tout en miel. Faire bien avec vn intention mauuaise, c'est mettre du fiel en la viande de Dieu & en son alteration l'abreuuer de vinaigre.

Je n'ay pas ouuert mes yeux à vostre Ieufne, dict Dieu par vn Prophete, car ne le faisant pas pour mon amour, pourquoy l'eusse-ie regardé: vous avez ieuné à fin que le monde vous vist, qu'il vous cõsidere, & receuez de luy vostre recompense. L'Amante faincte qui scait que son Espoux est tout sien, se declare aussi toute sienne: voulant que ses pensees, paroles, & actions n'ayent point d'autre but que luy; bien esloignee du procedẽ de ce Pharisien, qui ne ieufnoit que pour la vanité de l'applaudissement du monde, & pour estre estimé saint. Sepulchre reblanchy, tout marbre au dehors, toute voirie au dedans.

Certes, comme la vigne entee ou atachee à l'oliuier, tire quelque chose de son suc; & comme les agneaux de la-

Dilectus
meus
mihi &
ego illi,

cob auoient la couleur de ses gaules de peuplier : ainsi nostre action tire à soy la nature de nostre intention : & nostre intention s'imprime si fort en nostre œuure que cette impression luy donne finō la matiere, au moins la forme, L'escruiain qui tient la main de son disciple, escrit certes avec les doigts d'autruy, mais l'honneur du traict ne laisse pas de luy demeurer, parce qu'il a contribué la principale industrie. Tout ce qu'il y a de louuable en la bonne œuure, c'est l'intention: car c'est elle qui conduit nostre operation. Le vin est appellé Theriacal qui prouient d'un iet de vigne, lequel auant qu'estre planté, a esté trempé dans la Theriaque. Et qui ne sçait que le sauage en produit des fruiçts, non selon son naturel, mais selon la greffe qui luy est enté? L'œuure produit le fruiçt selon l'intention qui luy est entee, ou elle est détrempee. C'est pourquoy l'Escriture nous enseigne de faire l'Aumosne tellemēt pour l'amour de dieu, que la gauche ne sçache pas ce qui part de la droite, à ne sonner point de la trôpette comme font les hypocrites, à fin de paroistre au-mosniers deuant les hommes: non que

l'on ne puisse donner l'Aumosne & estre veu, mais il ne la faut pas faire pour cette seule fin d'estre apperceu. Il faut encor obseruer en l'intention vne grande simplicité pour euitter toute duplicité: car comme l'on ne peut voir le Ciel & la terre d'un mesme regard, aussi ne peut-on plaire à Dieu & au monde tout ensemble: *va duplici corde.* Ce sont des perdrix de Paphlegonie qui ont deux cœurs, des cheureuls de Candie qui voyent deux choses en mesme temps, ou comme cet insésé chez le Poëte qui pësoit *Et geminum solem & geminas se ostendere Thebas.* Il estoit autrefois defendu de labourer avec deux animaux differens, d'ensemencer la terre de deux grains a la fois, & de composer vne estoffe de deux matieres: Je croy que l'œuure qui a deux intentions, l'vne celeste, l'autre terrestre, sent celle-la deuoree par celle-cy, comme la plume de l'aigle ronge les autres plumes. C'est pourquoy nous deuons aduiser soigneusement à la pureté & simplicité d'intention en nostre operation.

Et cette intention rectifiée presuppose vne seconde condition pour valider no-

estre ieufne, ſçauoir l'abſtinēce du peché,
 & l'eſtat de grace, ſans quoy noſtre œu-
 ure eſt comme la pierre Diaſcoride qui
 perd ſon luſtre en labouched'vn hōme
 mort. Ieuſner & eſtre en l'ombre de la
 mort, qui eſt le peché, n'eſt ce pas imi-
 ter Vrie qui portoit dans ſon ſein le pac-
 quet de la condamnation, *Mauuais ſerui-
 teur qui ſçais la volonté du maiſtre, volonté
 qui n'eſt autre que ta ſanctification, & ne la
 fais pas, comment ſeras-tu chaſtié?* Pourquoy
 voles-tu haut comme l'aigle par ta bon-
 ne œuvre, pour auoir la veüe cōtre bas,
 & l'affection toute attachée à la terre?
 Certes, comme les medicamens don-
 nent la ſanté, pourueu qu'ils ſoient pris
 par vn corps viuant, ainſi les bonnes
 œuvres conferent la ſaincteté, pourueu
 que l'ame qui les pratique aye la vie de
 la grace. Ce n'eſt pas que pour cela ie
 diſſuade le Ieuſne à celuy qui eſt en pe-
 ché, l'œuvre de ſoy eſtant touſiours bō-
 ne: mais non tendante à l'eternité, pour
 n'auoir la racine qui y conduict, racine
 qui n'eſt autre que la grace. Mais ie vous
 exhorte tant qu'il m'eſt poſſible, que
 vous faciez bien le bien, c'eſt à dire cō-
 me il faut pour le rendre meritoire. Il y a

deux sortes de Ieufne, l'un corporel, l'autre spirituel : cettuy-cy regarde l'abstinence du peché, celuy-la des viandes; l'un regarde le corps, & l'autre l'ame; de celuy-la Saint Paul dict, *Je chastie mon corps & le reduis en seruage*; de celuy-cy Dauid, *l'humilie par le ieufne mon ame*: mais ils ont cette notable difference, que le premier est inutile pour le Ciel, sans le dernier: mais le dernier peut estre vtile sans le premier. C'est pourquoy Dieu disoit par le Prophete, *Quel pensez vous que soit le ieufne que s'ayme le mieux, sinon de rompre les liens d'impieré, & diffondre les attaches qui deprimant. Quand tu ieufnes, dit le Sauueur, oings ton chef, laue ton visage.* Qu'est-ce à dire, oings ton chef, sinon, dresse tes intentions vers vne bonne fin, & tafche de faire tes operations avec l'onction, qui denotte la grace. Laue ta face, c'est à dire, *leue & laue la malice de ton cœur, nettoye ta conscience avec l'apersion de l'hyfoppe, & rend ton interieur blanc comme la neige qui n'a point encor esté foulee.*

La troisieme condition requise pour valider le Ieufne, est qu'il soit fait de bon cœur, & purement pour Dieu. Car

Quodnam est
ieiunium
quod cle-
gi.
Mat. 6.

*l'homme, dit le Sage, ne voit que la face, mais Dieu voit l'interieur: pour cela est il appelle Cardiognoſte, ſondeur des reins & des cœurs. Le monde eſt comme le Peintre, qui ne prend garde qu'au dehors, & à la ſurface des choſes: mais Dieu Autheur de l'Vniuers imite la nature, laquelle commence touſiours par l'interieur, & finit ſes ouurages par l'exterieur. Ainſi regarda-il le cœur d'Abel, & puis ſes preſens: & ceux d'Ananias & Saphira luy furent deſagreables, parce qu'ils n'auoient pas le cœur droit. La femme de Ieroboam remporta la malediction au lieu de la Benediction, pour auoir voulu tromper le prophete. De la bonté du cœur prouiennent les bonnes penſées, & de ſa mauuaiſtié deriuent, comme dit l'Apoſtre, toutes les meſchancetez *larcins homicides, adulteres. De la bonne conſcience ſourd la charité non fainte, la parole de verité: de la mauuaiſe les menſonges, fraudes, & tromperies. Cet homme ieufne, mais a le cœur plein d'ambition, de rancune, d'impureté, d'vſure d'iniuſtice: comme voulez vous qu'il Ieuſne de bon cœur, & pour Dieu, puis que ſon cœur eſt peruers & nullement à Dieu, mais tout cõ-**

des fruiets de la Penitence. 425

facré au monde? N'est-ce pas cela sortir de l'Egypte de corps, & y demeurer de cœur, en regrettant ses marmites & ses oignons? n'est-ce pas sortir de Pentapolis, & regarder en arriere? Non, non, Dieu veut bien vn cœur sans hostie, mais il ne veut point d'hostie sans cœur, *Psal. 50.*
Holocaustis non delectatur: sacrificiū Deo spiritus contribulatus, cor contritum, & humiliatū Deus nō despiciēs. O Dieu soyez à iamais le Dieu de mon cœur, & ma part éternelle. *Deus cordis mei, & pars mea Deus in aeternū.*

A tant, mes freres bien ayez, sommes nous arriuez par la misericorde de Dieu, non pas certes à la fin de nostre Aduent, puiſque son terme nous roule iusques à l'Epiphanie: mais bien de nostre Metaneacarpie, ou des fruiets de nostre Penitence. Voyla que nos trois petits grains de moustarde ont estendu leur rameaux iusques icy, sous l'ombre desquels vous auez esté abriez pendant tout cet Aduent; le leuain de la grace a fait leuer nos trois boisseaux de farine Euāgelique, iusques à la satieté de vostre reſectiō Spirituelle. Vous auez entēdu la voix de la Tourterelle par les discours de l'Oraisō: vo^z auez veu les fruits des figuiers en ceux de l'Aumosne, & entēdu le retrā-

chement de la vigne en ceux du Ieufne. Il ne tiendra qu'à vous, que comme de vaillans Israëlites vous ne tarrassiez l'ost de Madián, le siecle, le sang, & l'enfer, puis que ie vous ay mis en main, comme Gedeon à ses soldats, la trompette de l'Oraison, la lampe de l'Aumosne, & la cruche froissée du Ieufne.

Sus donc ame pecheresse, que ie puis appeller apres Isayé, *Une Courtisane mise en oubly*, puisque tu as commis autant de fornications que de pechez, ie t'exhorte maintenant avec ce Prophete, à prendre la harpe en main, par la mortification du Ieufne, de bien chanter par l'Oraison, & faire le tour de la Cité, en donnant l'Aumosne aux pauvres, cachant tes liberalitez dans leur sein, comme la semence se respand dans les sillons de la terre, à fin de te rappeler en la souuenance de ton Espoux.

Fulcite
me flori-
bus stipa-
te me
malis.

Ce n'est pas assez de dire, *Enuironnez moy de fleurs* de bons desirs, il faut aussi l'estre *des fruiets* des bonnes ceuures, lesquelles toutes se rapportent comme vous sçauetz à ces trois branches principales que ie vous ay preschées. Faisons donc vn amas de ces fleurs & de ces fruiets, pour les porter autour de la cte-

che de **LESVS** naisseant, de ce cher enfant de Marie, *qui pascitur inter lilia. Qui habitat in horris ut lilia colligat.* Allons-y, accourons-y avec les Pastoureaux, qui n'y vont pas les mains vuidee: ceux-cy nous inuitent à l'Aumosne, comme, les Anges à l'Oraison, & Marie & Ioseph au Ieusne: car qu'eussent-ils mangé, rebuttez des hosteliers, & logez en ceste estable abandonnée?


Et pour tesmoigner que vous n'avez point receu mes Exhortations en vain, que la terre de vos cœurs n'est pas sterile & ingrate, *que la parole de Dieu n'est point vuide en vous,* c'est à dire destituée d'energie par le defect de l'execution; ie vous connie à vous addonner avec ferueur en ces sainctes festes à la pratique de ces trois fruits; l'Oraison, le Ieusne, & l'Aumosne, seruans Dieu de cœur par l'Oraison, de la bouche par l'Astinance, de la main par l'Aumoine, ainsi que vous l'avez offencé, en pensées, paroles, & œuures: faisant resonner melodieusement aux aureilles de Dieu, des Anges & des hommes ce Triot admirable de la Priere, de la Mortification,

& de la Charité , auquel se chanteit
parfaitement icy bas en terre les loian-
ges du Pere, du Fils, & du Sainct Esprit.
Ainsi soit-il.

Fin de ces Homelies des fruicts de
la Penitence.



TA



De
De
De
Su
D
2
D
E



TABLE DE CES HOMELIES des fruiets de la Penitence.



E l' Arbre de la Penitence.	
I.	Ho. I.
Des œuures Satisfactoires.	
36.	II.
Distinction des œuures.	
52.	III.
Des Oeuures viues & mortes.	65.IV.
Des Oeuures mortifiees & viuifiees.	
79.	V.
Des qualitez des bonnes Oeuures.	94.VI.
Suite des qualitez requises aux bonnes Oeuures.	
	113.VII.
De la necessité des bonnes Oeuures.	
130.	VIII.
Que le Sauueur ayant operé nostre Redemption, nous y deuons cooperer.	143.IX.
Des fruiets de Penitence.	161.X.
De l'excellence de l'Oraison.	175.XI.

T A B L E.

De l'Oraison Mentale.	197. XII.
De l'Oraison Vocale.	217. XIII.
Du temps de l'Oraison.	244. XIV.
Du lieu conuenable à l'Oraison.	266. XV.
Des empeschemens de l'Oraison.	296. XVI.
De l'Aumosne, & de sa necessité.	309. XVII.
Des Oeuvres de Misericorde corporelles.	
332. XVIII.	
Des Oeuvres de Misericorde spirituelles.	
349. XIX.	
Des effets de l'aumosne.	370. XX.
Du Ieufne, & de ses effets.	384. XXI.
Du temps & des conditions du Ieufne.	
II 401. XXII.	

III

VI

V

IV

III

VIII

XI

X


XI

F I N.

XII.
XIII.
XIV.
XV.
XVI.
XVII

XX.
XXI.


D. C.
D. C.



Biblioteka Jagiellońska



stdr0025102



Adjuant
du
Batey